

十住毗婆沙論卷第一

龍 樹 菩 薩 造 規一

姚秦三藏法師鳩摩羅什譯

序品第一

敬禮一切佛 無上之大道 及諸菩薩衆

堅心住十地 聲聞辟支佛 無我我所者

今解十地義 隨順佛所說

問曰汝欲解菩薩十地義以何因緣故說答  
曰地獄畜生餓鬼人天阿修羅六趣險難恐  
怖大畏是衆生生死大海旋流洄復隨業往

來是其濤波涕淚乳汁流汗膿血是惡水聚  
瘡癩乾枯嘔血淋瀝上氣熱病癩疽癰漏吐  
逆脹滿如是等種種惡病為惡羅刹憂悲苦  
惱為水燒動啼哭悲號為波浪聲苦惱諸受  
以為沃焦死為崖岸無能越者諸結煩惱有  
漏業風鼓扇不定諸四顛倒以為欺誑愚癡  
無明為大黑闇隨愛凡夫無始已來常行其  
中如是往來生死大海未曾有得到於彼岸  
或有到者兼能濟渡無量衆生以是因緣說  
菩薩十住義問曰若人不能修行菩薩十地

不得度生死大海耶答曰有若人行聲聞辟支佛乘者是人得度生死大海若人欲以無上大乘度生死大海者是人必當具足修行十地問曰行聲聞辟支佛乘者幾時得度生死大海答曰行聲聞乘者或以一世得度或以二世或過是數隨根利鈍又以先世宿行因緣行辟支佛乘者或以七世得度或以八世若行大乘者或一恒河沙大劫或二三四五十百千萬世或過是數然後乃得具足修行菩薩十地而成佛道亦隨根之利鈍又以

先世宿行因緣問曰聲聞辟支佛俱到彼岸於解脫中有差別不答曰是事應當分別於諸煩惱得解脫是中無差別因是解脫入無餘涅槃是中亦無差別無有相故但諸佛甚深禪定障解脫一切法障解脫於諸聲聞辟支佛有差別非說所盡亦不可以譬喻為比問曰三乘所學皆為無餘涅槃若無餘涅槃中無差別者我等何用於恒河沙等大劫往來生死具足十地不如以聲聞辟支佛乘速滅諸苦答曰是語弱劣非是大悲有益之

言若諸菩薩効汝小心無慈愍意不能精勤  
 修十地者諸聲聞辟支佛何由得度亦復無  
 有二乘差別所以者何一切聲聞辟支佛皆  
 由佛出若無諸佛何由而出若不修十地何  
 有諸佛若無諸佛亦無法僧是故汝所說者  
 則斷三寶種非是大人有智之言不可聽察  
 所以者何世間有四種人一者自利二者利  
 彼三者共利四者不共利是中共利者能行  
 慈悲饒益於他名爲上人如說  
 世間可愍傷 常背於自利 一心求富樂

墮於邪見網	常懷於死畏	流轉六道中
大悲諸菩薩	能拯爲希有	衆生死至時
無能救護者	沒在深黑闇	煩惱網所縛
若有能發行	大悲之心者	荷負衆生故
爲之作重任	若人決定心	獨受諸勤苦
所獲安隱果	而與一切共	諸佛所稱歎
第一最上人	亦是希有者	功德之大藏
世間有常言	家不生惡子	但能成己利
不能利於人	若生於善子	能利於人者
是則如滿月	照明於其家	有諸福德人

以種種因緣 饒益如大海 又亦如大池  
無求於世間 以慈愍故住 此人生為貴

壽命第一最

如是聲聞辟支佛煩惱解脫雖無差別以  
度無量衆生久住生死多所利益具足菩薩  
十地故有大差別問曰佛有大悲汝為弟子  
種種稱讚慈愍衆生誠如所說汝以種種因  
緣明了分別開悟引導行慈悲者聞則心淨  
我甚欣悅汝先偈說十地之義願為解釋答  
曰敬名恭敬心禮名曲身接足一切諸佛者

三世十方佛無上大道者一切諸法如實知  
見通達無餘更無勝者故曰無上大人所行  
故曰大道菩薩衆者為無上道發心名曰菩  
薩問曰但發心便是菩薩耶答曰何有但發  
心而為菩薩若人發心必能成無上道乃名  
菩薩或有但發心亦名菩薩何以故若離初  
發心則不成無上道如大經說新發意者名  
為菩薩猶如比丘雖未得道亦名道人故名  
字菩薩漸漸修習轉成實法後釋歡喜地中  
當廣說如實菩薩相衆者從初發心至金剛

無礙解脫道於其中間過去未來現在菩薩  
名之爲衆堅心者心如須彌山王不可沮壞  
亦如大地不可傾動住十地者歡喜等十地  
後當廣說問曰若菩薩更有殊勝功德何故  
但稱堅心答曰菩薩有堅心功德能成大業  
不墮二乘現一輒心者怖畏生死自念何爲久在  
生死受諸苦惱不如疾以聲聞辟支佛乘速  
滅諸苦又輒心者於活地獄黑繩地獄衆合  
地獄叫喚地獄大叫喚地獄燒炙地獄大燒  
炙地獄無間大地獄及眷屬炭火地獄涕屎

地獄燒林地獄劒樹地獄刀道地獄銅椽地  
獄刺棘地獄鹹河地獄其中斧鉞刀稍矛戟  
弓箭鐵剡椎棒鐵槍蒺藜刀劒鐵網鐵杵鐵  
輪以如是等治罪器物斬斫割刺打棒剥裂  
繫縛枷鎖燒煮拷掠磨碎其身擣令爛熟狐  
狗虎狼師子惡獸競來齧掣食噉其身烏鷄  
鷓鴣鐵索所啄惡鬼驅逼令緣劒樹上下火  
山以鐵火車加其頸領以熱鐵杖而隨捶之  
千釘釘身剡刀刮削入黑闇中燉焯臭處熱  
鐵鏝身鬻割其肉剥其身皮還繫手足鑊湯

涌沸炮煮其身鐵棒棒頭腦壞眼出貫著鐵  
 錘舉體火然血流澆地或沒尿河行於刀劍  
 槍刺惡道自然刀劍從空而下猶如駛雨割  
 截支體辛酸苦臭穢惡之河浸漬其身肌肉  
 爛壞舉身墮落唯有骨在獄卒牽拙蹠踰越  
 撲有如是等無量苦毒壽命極長求死不得  
 若見若聞如是之事何得不怖求聲聞辟支  
 佛乘又於寒冰地獄頰浮陀地獄尼羅浮陀  
 地獄阿波波地獄阿羅羅地獄阿睺睺地獄  
 青蓮華地獄白蓮華地獄雜色蓮華地獄紅

蓮華地獄赤蓮華地獄常在幽闇大怖畏處  
 謗毀賢聖生在其中形如屋舍山陵槌阜麤  
 惡冷風聲猛可畏悲激吹身如轉枯草肌肉  
 墮落猶如冬葉凍剝瘡痍膿血流出身體不  
 淨臭處難忍寒風切冽苦毒辛酸唯有憂悲  
 啼哭更無餘心號咷獨無所依恃斯罪皆  
 由誹謗賢聖其輒心者見聞此事何得不怖  
 求聲聞辟支佛乘又於畜生猪狗野干猫狸  
 狢鼠獼猴伽攬虎狼師子兕豹熊羆象馬牛  
 羊蜈蚣蚰蜒蛇蝮蠍龜魚鼈蛟虬螺蚌

鳥鵲鴟梟鷹鷂之類如是鳥獸共相殘害又  
琮網伺捕屠割不一生則羈絆穿鼻絡首負  
重捶杖鉤刺其身皮肉破裂痛不可忍煙熏  
火燒苦毒萬端死則剥皮食噉其肉有如是  
等無量苦痛其輒心者聞見此事何得不怖  
求聲聞辟支佛乘又於鍼頸餓鬼火口餓鬼  
大瘰餓鬼食吐餓鬼食盪滌餓鬼食膿餓鬼  
食屎尿餓鬼浮陀鬼鳩槃荼鬼夜叉鬼羅刹  
鬼毗舍闍鬼富單那鬼迦羅富單那鬼等諸  
鬼鬚髮蓬亂長爪大鼻身中多蟲臭穢可畏

衆惱所切常有慳嫉飢渴苦患未曾得食得  
不能咽常求膿血屎尿洩唾盪滌不淨有力  
者奪而不得食裸形無衣寒熱倍甚惡風吹  
身死轉苦痛蚊蟲毒蟲咬食其體腹中飢熱  
常如火然其輒心者見聞此事何得不怖求  
聲聞辟支佛乘又於人規一中恩愛別苦怨憎會六  
苦老病死苦貧窮求苦有如是等無量衆苦  
及諸天阿脩羅退沒時苦其輒心者見此諸  
苦何得不怖求聲聞辟支佛乘若堅心者見  
地獄畜生餓鬼天人阿脩羅中受諸苦惱生

大悲心無有怖畏作是願言是諸衆生深入  
 衰惱無有救護無所歸依我得滅度當度此  
 等以大悲心勤行精進不久得成所願是故  
 我說菩薩諸功德中堅心第一復次菩薩有  
 八法能集一切功德一者大悲二者堅心三  
 者智慧四者方便五者不放逸六者勤精進  
 七者常攝念八者善知識是故初發心者疾  
 行八法如救頭然然後當修諸餘功德又依  
 此八法故有一切聲聞衆四雙八輩所謂須  
 陀洹向須陀洹等辟支佛無我所者世間

無佛無佛法時有得道者名辟支佛諸賢聖  
 離我所貪著故名爲無我所者今解十  
 住地義隨順佛所說者十地經中次第說今  
 當隨次具解問曰汝所說者不異於經經義  
 已成何須更說爲欲自現所能求名利耶答  
 曰  
 我不爲自現 莊嚴於文辭 亦不貪利養  
 而造於此論  
 問曰若不爾者何以造此論答曰  
 我爲欲慈悲 饒益於衆生 不以饒因緣

而造於此論

見衆生於六道受苦無有救護爲欲度此等故以智慧力而造此論不爲自現智力求於名利亦無嫉妬自高之心求於供養問曰慈愍饒益衆生事經中已說何須復解徒自疲苦答曰

有但見佛經 通達第一義 有得善解釋

而解實義者

有利根深智之人聞佛所說諸深經即能通達第一義所謂深經者即是菩薩十地第一

義者即是十地如實義有諸論師有慈悲心隨佛所說造作論議莊校辭句有人因是而得通達十地義者如說

有人好文飾 莊嚴章句者 有好於偈頌 有好雜句者 有好於譬喻 因緣而得解

所好各不同 我隨而不捨

章句名莊嚴句義不爲偈頌得名義趣言辭在諸句中或四言五言七言等偈有二種一者四句偈名爲波蔗切遮二者六句偈名祇夜雜句者名直說語言譬喻者以人不解深

義故假喻令解喻有或實或假因緣者推尋所由隨其所好而不捨之問曰衆生自所樂不同於汝何事答曰我發無上道心故不捨一切隨力饒益或以財或以法如說

若有大智人 得聞如是經 不復須解釋

則解十地義

規一

若有福德利根者但直聞是十地經即解其義不須解釋不為是人而造此論問曰云何為善人答曰若聞佛語即能自解如丈夫能服苦藥小兒則以蜜和善人者略說有十法

何等為十一者信二者精進三者念四者定五者善身業六者善口業七者善意業八者無貪九者無恚十者無癡如說

若人以經文 難可得讀誦 若作毗婆沙於此人大益

若人鈍根懈慢以經文難故不能讀誦難者文多難誦難說難諳若有好樂莊嚴語言雜飾譬喻諸偈頌等為利益此等故造此論是故汝先說但佛經便足利益衆生何須解釋者是語不然如說

思惟造此論 深發於善心 以然此法故  
無比供養佛

我造此論時思惟分別多念三寶及菩薩衆  
又念布施持戒忍辱精進禪定智慧故深發  
善心則是自利又演說照明此正法故名爲

無比供養諸佛則是利他如說

視一

九

說法然法燈 建立於法幢 此幢是賢聖  
妙法之印相 我今造此論 諦捨及滅慧  
是四功德處 自然而修集  
今造此論是四種功德自然修集是故心無

有倦諦者一切真實名之爲諦一切實中佛  
語爲真實不變壞故我解說此佛法即集諦  
處捨名布施施有二種法施財施二種施中  
法施爲勝如佛告諸比丘一當法施二當財  
施二施之中法施爲勝是故我法施時即集  
捨處我若說十地義時無有身口意惡業又  
亦不起欲恚癡念及諸餘結障此罪故即名  
集滅處爲他解說法得大智報以是說法故  
即集慧處如是造此論集此四功德處復次  
我說十地論 其心得清淨 深貪是心故

精勤而不倦 若人聞受持 心又清淨者

我亦深樂此 一心造此論

此二偈其義已顯不須復說但以自心他心

清淨故造此十地義清淨心至所應至處得

大果報如佛語迦留陀夷勿恨阿難若我不

記阿難於我滅後作阿羅漢者以是清淨心

業因緣故當於他化自在天七返為王如經

中廣說

入初地品第二

明曰汝說此語開悟我心甚以欣悅今解十

地必多所利益何等為十答曰

此中十地法 去來今諸佛 為諸佛子故

已說今當說 初地名歡喜 第二離垢地

三名為明地 第四名燄地 五名難勝地

六名現前地 第七深遠地 第八不動地

九名善慧地現一 十名法雲地十 分別十地相

次後當廣說

此中者大乘義中十者數法地者菩薩善根

階級住處諸佛者十方三世諸如來說者開

示解釋諸佛子者諸佛真實子諸菩薩是是

故菩薩名為佛子過去未來現在諸佛皆說此十地是故言已說今說當說菩薩在初地始得善法味心多歡喜名歡喜地第二地中行十善道離諸垢故名離垢地第三地中廣博多學為眾說法能作照明故名為明地第四地中布施持戒多聞轉增威德熾盛故名為燄地第五地中功德力盛一切諸魔不能壞故名難勝地第六地中障魔事已諸菩薩道法皆現在前故名現前地第七地中去三界遠近法王位故名深遠地第八地中若天

魔梵沙門婆羅門無能動其願故名不動地第九地中其慧轉明調柔增上故名善慧地第十地中菩薩於十方無量世界能一時雨法雨如劫燒已普澍大雨名法雲地問曰已聞十地名今云何入初地得地相貌及修習

地答曰

若厚種善根	善行於諸行	善集諸資用
善供養諸佛	善知識所護	具足於深心
悲心念眾生	信解無上法	具此八法已
當自發願言	我得自度已	當復度眾生

規一

十一

為得十力故 入於必定聚 則生如來家  
無有諸過咎 即轉世間道 入出世上道  
是以得初地 此地名歡喜  
厚種善根者如法修集諸功德名為厚種善  
根善根者不貪不恚不癡一切善法從此三  
生故名為善根如一切惡法皆從貪恚癡生  
是故此三名不善根阿毗曇中種種分別欲  
界繫色界繫無色界繫不繫合為十二有心  
相應有心不相應合二十四此中無漏善根  
得阿耨多羅三藐三菩提時修集餘九菩薩

地中修集又未發心時亦修集或一心中有  
三或一心中有六或一心中有九或一心中  
有十二或但集心相應不集心不相應或集  
心不相應不集心相應或集心相應亦心不  
相應或不集心相應心不相應是諸善根分  
別如阿毗曇中廣說此中善根為衆生求無  
上道故所行諸善法皆名善根能生薩婆若  
智故名為善根行於諸行者善行名清淨諸  
行名持戒清淨持戒次第而行是持戒與七  
法和合故為善行何等為七一慙二愧三多

聞四精進五念六慧七淨命淨身口業行此  
七法具持諸戒是名善行諸行又經說諸禪  
為行處是故得禪者名為善行諸行此論中  
不必以禪乃得發心所以者何佛在世時無  
量衆生皆亦發心不必有禪又白衣在家亦  
名為善行善集資用者上偈中規一所說厚種善  
根善行諸行多供養佛善知識護具足深心  
悲念衆生信解上法是名資用又本行善法  
必應修行善根亦名資用所謂布施忍辱質  
直不論心柔和同止樂無愠恨性殫盡不隱

過不偏執不很戾不諍訟不自恃不放逸捨  
憍慢離矯異不讚身堪忍事決定心能果敢  
受不捨易教授少欲知足樂於獨處如是等  
諸法隨行已漸能具足殊勝功德是法未堅  
牢故名為本行若離是法不能進得勝妙功  
德是故此本行法與八法和合故為初地資  
用善親近諸佛者若菩薩世世如法常多供  
養諸佛供養有二種一者善聽大乘正法若  
廣若略二者四事供養恭敬禮侍等具此二  
法供養諸佛名為善供養諸佛善知識者善

薩雖有四種善知識此中所說能教入大乘  
具諸波羅蜜能令住十地者所謂諸佛菩薩  
及諸聲聞能示教利喜大乘之法令不退轉  
守護者常能慈愍教誨令得增長善根是名  
守護具足深心者深樂佛乘無上大乘一切  
智乘名爲具足深心視一問曰無盡意菩薩於和  
合品中告舍利弗諸菩薩所有發心皆名深  
心從一地至一地故名爲趣心增益功德故  
名爲過心得無上事故故名爲頂心攝取上法  
故名爲上心現前得諸佛法故名爲現前心

集利益法故名爲緣心通達一切法故名爲  
度心所願不倦故名爲決定心滿所願故名  
爲喜心身自成辦故名無侶心離敗壞相故  
名調和心無諸惡故名爲善心遠離惡人故  
名不雜心以頭施故名難捨心救破戒人故  
名持難戒心能受下劣加惡故名難忍心得  
涅槃能捨故名難精進心不貪禪故名難禪  
定心助道善根無厭足故名難慧心能成一  
切事故名度諸行心智慧善思惟故名離慢  
大慢我慢心不望報故是一切衆生福田心

觀諸佛深法故名無畏心不障礙故名增功  
德心常發精進故名無盡心能荷受重擔故  
名不悶心又深心義者等念眾生普慈一切  
供養賢善悲念惡人尊敬師長救無救者無  
歸作歸無洲作洲無究竟者為作究竟無有  
侶者能為作侶於曲人中行質直心敗壞人  
中行真正心諛諂人中行無諂心不知恩中  
行於知恩不知作中而行知作無利益中能  
行利益邪眾生中行於正行憍慢人中行無  
慢行不隨教中而不愠恚罪眾生中常作守

護眾生所有過不見其失供養福田隨順教  
誨受化不難阿練若處一心精進不求利養  
不惜身命復次內心清淨故無有誑惑善口  
業故不自稱歎知止足故不行威迫心無垢  
故行於柔和集善根故能入生死為眾生故  
忍一切苦苦菩薩有如是等深心相不可窮盡  
汝今但說深心相得不少答曰不少也無  
盡意總一切深心相在一處說而此中分布  
諸地此十住經地地別說深心相是故菩薩  
隨諸地中皆得深心深心之義即在其地今

初地中說二深心一者發大願二者在必定地是故當知隨在十地善說深心汝說何得不少是事不然悲心於衆生者成就悲故名爲悲者何謂爲悲悼愍衆生救濟苦難信解諸上法者於諸佛法信力通達發願我得自度已當度衆生者一切諸佛法願爲其本離願則不成是故發願問曰何故不言我當度衆生而言自得度已當度衆生答曰自未得度不能度彼如人自沒於泥何能拯拔餘人又如爲水所漂不能濟溺是故說我度已當

度彼如說一

若人自度畏

能度歸依者

自未度疑悔

何能度所歸

若人自不善

不能令人善

若不自寂滅

安能令人寂

是故先自善寂而後化人又如法句偈說

若能自安身

在於善處者

然後安餘人

自同於所利

凡物皆先自利後能利人何以故如說

若自成己利

乃能利於彼

自捨欲利他

失利後憂悔

是故說自度已當度衆生問曰得何利故能成此事入必定地又以何心能發是願答曰得佛十力能成此事入必定地能發是願問曰何等是佛十力答曰佛悉了達一切法因果名爲初力如實知去來今所起業果報處名爲二力如實知諸禪定三昧分別垢淨入出相名爲三力如實知衆生諸根利鈍名爲四力如實知衆生所樂不同名爲五力如實知世間種種異性名爲六力如實知至一切處道名爲七力如實知宿命事名爲八力如

實知生死事名爲九力如實知漏盡事名爲十力爲得是佛十力故大心發願即入必定聚問曰凡初發心皆有如是相耶答曰或有人說初發心便有如是相而實不爾何以故是事應分別不應定答所以者何一切菩薩初發心時不應悉入於必定或有初發心時即入必定或有漸修功德如釋迦牟尼佛初發心時不入必定後修集功德值然燈佛得入必定是故汝說一切菩薩初發心便入必定是爲邪論問曰若是邪論者何故汝說以

是心入必定答曰有菩薩初發心即入必定  
 以是心能得初地因是人故說初發心入必  
 定中間曰是菩薩初心釋迦牟尼佛初發心  
 是心云何答曰是心不雜一切煩惱是心相  
 續不貪異乘是心堅牢一切外道無能勝者  
 是心一切眾魔不能破壞是心視一為常能集善  
 根是心能知有為無為是心無動能攝佛法  
 是心無覆離諸邪行是心安住不可動故是  
 心無比無相違故是心如金剛通達諸法故  
 是心不盡集無量福德故是心平等一切

眾生故是心無高下無差別故是心清淨性  
 無垢故是心離垢慧照明故是心無垢不捨  
 深心故是心為廣慈如虛空故是心為大受  
 一切眾生故是心無礙至無障智故是心徧  
 到不斷大悲故是心不斷能正迴向故是心  
 眾所趣向智者所讚故是心可觀小乘瞻仰  
 故是心難見一切眾生不能觀故是心難破  
 能善入佛法故是心為住一切樂具所住處  
 故是心莊嚴福德資用故是心選擇智慧資  
 用故是心淳厚以布施為資用故是心大願

持戒資用故是心難沮忍辱資用故是心難  
勝精進資用故是心寂滅禪定資用故是心  
無惱害智慧資用故是心無瞋礙慈心深故  
是心根深悲心厚故是心悅樂喜心厚故是  
心苦樂不動捨心厚故是心護念諸佛神力  
故是心相續三寶不斷故如是等無量功德  
莊嚴初必定心如無盡意品中廣說是心不  
雜一切煩惱者見諦思惟所斷二百九十四  
煩惱不與心和合故名爲不雜是心相續不  
貪異乘者從初心相續來不貪聲聞辟支佛

乘但爲阿耨多羅三藐三菩提故名爲相續  
不貪異乘如是等四十句論應如是知問曰  
汝說是心常一切有爲法皆無常如法印經  
中說行者觀世間空無有常而不變壞是事  
何得不相違耶答曰汝於是義不得正理故  
作此難是中不說心爲常此中雖口說常常  
義名必定初心生必能常集諸善根不休不  
息故名爲常生如來家者如來家則是佛家  
如來者如名爲實來名爲至至真實中故名  
爲如來何等真實所謂涅槃不虛誑故是名

如實如經中說佛告比丘第一聖諦無有虛誑涅槃是也復次如名不壞相所謂諸法實相是來名智慧到實相中通達其義故名爲如來復次空無相無作名爲如諸佛來至三解脫門亦令衆生到此門故名爲如來復次如名四諦以一切種見四諦故名爲如來復次如名六波羅蜜所謂布施持戒忍辱精進禪定智慧以是六法來至佛地故名爲如來復次諦捨滅慧四功德處名爲如以是四法來至佛地故名爲如來復次一切佛法名爲

如以是來至諸佛故名爲如來復次一切菩薩地喜淨明皎難勝現前深遠不動善慧法雲名爲如諸菩薩以是十地來至阿耨多羅三藐三菩提故名爲如來又以如實八聖道分來故名爲如來復次權智二足來至佛故名爲如來如去不還故名爲如來如來者所謂十方三世諸佛是是諸佛家名爲如來家今是菩薩行如來道相續不斷故名爲生如來家來家又是菩薩必成如來故名爲生如來家譬如生轉輪聖王家有轉輪聖王相是人必

作轉輪聖王是菩薩亦如是生如來家發是  
心故必成如來是名生如來家如來家者有  
人言是四功德處所謂諦捨滅慧諸如來從  
此中生故名爲如來家有人言般若波羅蜜  
及方便是如來家如助道經中說

智度無極母 善權方便父 生故名爲父  
養育故名母

一切世間以父母爲家是二似父母故名之  
爲家有人言善慧名諸佛家從是二法出生  
諸佛是二則是一切善法之根本如經中說

是二法俱行能成正法善是父慧是母是二  
和合名爲諸佛家如說

菩薩善法父 智慧以爲母 一切諸如來

皆從是二生

有人言般舟三昧及大悲名諸佛家從此二

法生諸如來此中般舟三昧爲父大悲爲母

復次般舟三昧是父無生法忍是母如助善

提中說

般舟三昧父 大悲無生母 一切諸如來

從是二法生

家無過咎者家清淨故清淨者六波羅蜜四  
功德處方便般若波羅蜜善慧般舟三昧大  
悲諸忍是諸法清淨無有過故名家清淨是  
菩薩以此諸法為家故無有過咎轉於過咎  
轉於世間道入出世上道者世間道名即是  
凡夫所行道轉名休息凡夫道者不能究竟  
至涅槃常往來生死是名凡夫道出世間者  
因是道得出三界故名出世間道上者妙故  
名為上入者正行道故名為入以是心入初  
地名歡喜地問曰初地何故名為歡喜答曰

如得於初果 究竟至涅槃 菩薩得是地  
心常多歡喜 自然得增長 諸佛如來種  
是故如此人 得名賢善者  
如得初果者如人得須陀洹善閉三惡道門  
見法入法得法住堅牢法不可傾動究竟至  
涅槃斷見諦所斷法故心大歡喜設使睡眠  
嬾惰不至二十九有如以一毛為百分以一  
分毛分取大海水若二三滴苦已滅者如大  
海水餘未滅者如二三滴心大歡喜菩薩如  
是得初地已名生如來家一切天龍夜叉乾

闍婆阿脩羅迦樓羅緊那羅摩睺羅伽天王  
 梵王沙門婆羅門一切聲聞辟支佛等所共  
 供養恭敬何以故是家無有過咎故轉世間  
 道入出世間道但樂敬佛得四功德處得六  
 波羅蜜果報滋味不斷諸佛種故心大歡喜  
 是菩薩所有餘苦如二三四水滴雖百千億劫  
 得阿耨多羅三藐三菩提於無始生死苦如  
 二三四水滴所可滅苦如大海水是故此地名  
 為歡喜

十住毗婆沙論卷第一

永樂北藏

十住毗婆沙論

音釋

罽	一	名	榮	踰	炮	焯	錘	千	通	泗
罽居宜切也	角似牛	似牛	渠營切也	踰達合切也	烹炮也	焯燧部紅切起貌	錘同齒切也	千余切	通切	泗胡切
虬	虬	虬	猶	踐	鎗	焯	製	槩	槩	泗
虬角龍也	虬角龍也	渠幽切也	猶余救切也	踐也	鎗楚限切也	焯起貌	製也	槩其月切	槩其月切	泗水切
縛	縛	無	猥	瀆	瀆	沒	鏃	鏃	鏃	瀆
縛博漫切也	縛博漫切也	無	猥獸切也	瀆阿葛切也	瀆阿葛切也	沒列切也	鏃大芥切也	鏃大芥切也	鏃大芥切也	瀆流也
鍼	鍼	鍼	攫	剉	拙	鑿	紫	紫	紫	嘔
鍼與針同切也	鍼與針同切也	鍼與針同切也	攫居縛切也	剉當侯切也	拙羊列切也	鑿力充切也	紫鳥喙切也	紫鳥喙切也	紫鳥喙切也	嘔於口切也
癭	癭	癭	兕	兕	兕	兕	兕	兕	兕	癩
癭頸肉也	癭頸肉也	癭頸肉也	兕兔網切也	兕兔網切也	兕兔網切也	兕兔網切也	兕兔網切也	兕兔網切也	兕兔網切也	癩疽布

第一〇〇册

永樂北藏

十住毗婆沙論

第一〇〇册

唵作答切  
與不  
從庚也  
 同愠紆問切  
 志也  
 殫多寒切  
竭也  
 很戾很戶  
愬切

現

十住毗婆沙論卷第二

二現二

龍 樹 菩 薩

造

姚秦三藏法師鳩摩羅什譯

地相品第三

問曰得初地菩薩有何相貌答曰

菩薩在初地 多所能堪受 不好於諍訟

其心多喜悅 常樂於清淨 悲心愍眾生

無有瞋恚心 多行是七事

菩薩若得初地即有是七相能堪受者能為

難事修集無量福德善根於無量恒河沙劫

往來生死教堅心難化惡眾生心不退沒能堪受如是等事故名為堪忍無諍訟者雖能成大事而不與人諍競共相違返喜者能令身得柔軟心得安隱悅者於轉上法中心得踊悅清淨者離諸煩惱垢濁有人言信解名為清淨有人言堅固信名為清淨是清淨心於佛法僧寶於苦集滅道諦於六波羅蜜於菩薩十地於空無相無作法略而言之一切深經諸菩薩及其所行一切佛法悉皆信心清淨悲者於眾生憐愍救護是悲漸漸增長

而成大悲有人言在菩薩心名為悲悲及衆生名為大悲大悲以十因緣生如第三地中廣說不瞋者菩薩結未斷故多行善心少於瞋恨如是菩薩在於初地心不畏沒故名爲能有堪忍樂寂滅故名爲不好諍訟得順阿耨多羅三藐三菩提大悲故名爲心多喜離諸煩惱垢濁故於佛法僧寶諸菩薩所心常清淨心安隱無患故名爲心悅深愍衆生故名爲悲心常樂慈行故名爲不瞋是菩薩在初地相貌問曰何故不說菩薩於初地中有

此七事而言多答曰是菩薩漏未盡故或時懈怠於此七事中暫有廢退以其多行故說爲多於初地中已得是法後諸地中轉轉增益問曰初歡喜地菩薩在此地中名多歡喜爲得諸功德故歡喜爲地法應歡喜以何而歡喜答曰  
卷二  
常念於諸佛 及諸佛大法 必定希有行是故多歡喜  
如是等歡喜因緣故菩薩在初地中心多歡喜念諸佛者念然燈等過去諸佛阿彌陀等

現在諸佛彌勒等將來諸佛常念如是諸佛  
世尊如現在前三界第一無能勝者是故多  
歡喜念諸佛大法者略說諸佛四十不共法  
一自在飛行隨意二自在變化無邊三自在  
所聞無礙四自在以無量種門知一切衆生  
心如是等法後當廣說念必定諸菩薩者若  
菩薩得阿耨多羅三藐三菩提記入法位得  
無生法忍千萬億數魔之軍衆不能壞亂得  
大悲心成大人法不惜身命為得菩提勤行  
精進是名念必定菩薩念希有行者念必定

菩薩第一希有行令心歡喜一切凡夫所不  
能及一切聲聞辟支佛所不能行開示佛法  
無礙解脫及薩婆若智又念十地諸所行法  
名為心多歡喜是故菩薩得入初地名為歡  
喜問曰有凡夫人未發無上道心或有發心  
者未得歡喜地是人念諸佛及諸佛<sup>三</sup>大法念  
必定菩薩及希有行亦得歡喜得初地菩薩  
歡喜與此人有何差別答曰  
菩薩得初地 其心多歡喜 諸佛無量德  
我亦定當得

得初地必定菩薩念諸佛有無量功德我當  
必得如是之事何以故我已得此初地入必  
定中餘者無有是心是故初地菩薩多生歡  
喜餘者不爾何以故餘者雖念諸佛不能作  
是念我必當作佛譬如轉輪聖子生轉輪王  
家成就轉輪王相念過去轉輪王功德尊貴  
作是念我今亦有是相亦當得是豪富尊貴  
心大歡喜若無轉輪王相者無如是喜必定  
菩薩若念諸佛及諸佛大功德威儀尊貴我  
有是相必當作佛即大歡喜餘者無有是事

定心者深入佛法心不可動復次菩薩在初  
地念諸佛時作是思惟我亦不久當作利益  
諸世間者及念佛法我亦當得相好嚴身成  
就諸佛不共法隨諸衆生所種善根心力大  
小而爲說法又我已得善法滋味不久當如  
必定菩薩遊諸神通又念必定菩薩所行之  
道一切世間所不能信我亦當行如是念已  
心多歡喜餘者不爾何以故是菩薩入初地  
故其心決定願不移動求所應求譬如香象  
所作唯有香象能作餘獸不能是故汝所說

者是事不然復次菩薩得初地無諸怖畏故  
心多歡喜若怖畏者心則不喜問曰菩薩無  
何等怖畏答曰

無有不活畏 死畏惡道畏

大眾威德畏

惡名毀咎畏

繫閉桎梏畏

拷掠刑戮畏

無我我所畏

何有是諸畏

問曰菩薩何故住初地無不活畏答曰有大  
威德故能堪受故大智慧故知足故作是  
念我多修福德有福之人衣服飲食所須之  
物自然即至如昔劫初大人群臣士民請以

為王若薄福德者雖生王家以身力自營衣  
食尚不充足何況國土菩薩作是念我多修  
福德如劫初王自然登位我亦如是亦當復  
得如是事故不應有不活畏復次人雖薄福  
有堪受力勤修方便能生衣食如經說以三  
因緣得有財物一者現世自作方便二者他  
力作與三者福德因緣我能堪受難成之事  
現世亦有方便力故不應有不活畏有智之  
人少設方便能得自活能求佛道佛智慧分  
今已有之是智慧利能得自活也不應有不

活畏復次菩薩作是念我住世間世間有利  
 衰毀譽稱譏苦樂如是八事何得無也不應  
 以不得故有不活畏復次是菩薩以知足故  
 好醜美惡隨得而安不應有不活畏若不知  
 足者設得滿世間財物意猶不足如說

視二

五

若有貧窮者 但求於衣食 既得衣食已  
 復求美好者 既得美好者 復求於尊貴  
 既得尊貴已 求王一切地 設得盡王地  
 復求為天王 世間貪欲者 不可以財滿  
 若知足之人得少財物今世後世能成其利

是菩薩樂布施故具足智慧故多能發起不  
 貪善根若不樂施者多作眾惡以慳貪愚癡  
 因緣故增益慳貪不善根無厭足法屬於慳  
 貪是故菩薩多發不貪善根故知足知足故  
 無不活畏復次無死畏者多作福德故念念  
 死故不得免故無始世界習受死法故多修  
 習空故菩薩作是念若人不修福德則畏於  
 死自恐後世墮惡道故我多集諸福德死便  
 生於勝處是故不應畏死如說  
 待死如愛客 去如至大會 多集福德故

捨命時無畏

復作是念死名隨所受身末後心滅為死若  
心滅為死者心念念滅故皆應是死若畏死  
者心念念滅皆應有畏非但畏末後心滅亦  
應當畏前心盡滅何以故前後心滅無有差  
別故若謂畏墮惡道故畏末後心滅者福德  
之人不應畏墮惡道如先說我當受念念滅  
故於末後心滅不應有死畏復作是念我於  
無始世界往來生死受無量無邊阿僧祇死  
法無有處所能免死者佛說生死無始若人

於一劫中死已積骨高於雪山如是諸死不  
為自利不為利他我今發無上道願為欲自  
利亦為利他故勤心行道有大利故云何驚  
畏如是菩薩即捨死畏復次作是念今此死  
法必當應受無有免者何以故劫初諸大王  
頂生喜見照明王等有<sup>視二</sup>三十二大人相莊嚴<sup>六</sup>  
其身七寶導從天人敬愛王四天下常行十  
善道是諸大王皆歸於死復有蛇提羅諸小  
轉輪王自以威力王閻浮提身色端正猶如  
天人於色聲香味觸自恣無乏所向皆伏無

有退却善通射術是諸王等霸王天下人民  
 眷屬皆不免死又諸仙聖迦葉憍瞿摩等行  
 諸苦行得五神通造作經書皆不免死又諸  
 佛辟支佛阿羅漢心得自在離垢得道皆為  
 死法之所磨滅一切衆生無能過者我發無  
 上道心不應畏死又為破死畏故發心精進  
 自除死畏亦除於他是故發心行道云何於  
 死而生驚畏菩薩如是思惟無常即除死畏  
 復次菩薩常修習空法故不應畏死如說  
 離死者無死 離死無死者 因死有死者

因死者有死	死成成死者	死先未成時
無有決定相	無死無成者	離死有死者
死者應自成	而實離於死	無有死者成
而世間分別	是死是死者	不知死去來
是故終不免	以是等因緣	觀於諸法相
其心無有異	<small>見三</small> 終不畏於死	

無惡道畏者菩薩常修福德故不畏墮惡道  
 作是念罪人墮惡道非是福德者我乃至一  
 念中不令諸惡得入而於身口意常起清淨  
 業是故我得無量無邊功德成就如是大功

德聚云何畏墮惡道復次菩薩一發心為利  
安一切衆生故大慈悲所護故住四功德處  
得無量功德度一切惡道何以故是心勝一  
切聲聞辟支佛如淨毗尼經中迦葉白佛言  
希有世尊善說世尊以是薩婆若心能勝一  
切聲聞辟支佛我成就如是大功德住如是  
大法云何當畏墮惡道復作是念我無始已  
來往來生死墮諸惡道受無量苦不為自利  
亦不利他我今發無上大願為欲自利亦為  
利他先來墮惡道無所利益今為利益衆生

故設墮惡道不應有畏復次實行菩薩發如  
是心假令我於阿鼻地獄一劫受苦然後得  
出能令一人生一善心積集如是無量善心  
堪任受化令發三乘如是教恒河沙等衆生  
聲聞乘恒河沙等衆生辟支佛乘恒河沙等  
衆生發大乘然後我當得阿耨多羅三藐三  
菩提心尚不應退沒何況我今修集無量無  
邊功德遠離惡道菩薩如是思惟何得有惡  
道畏復次如叫喚地獄經中說菩薩答魔言  
我以布施故 墮在叫喚獄 所受我施者

皆生於天上 若爾猶尚應 常行於布施  
衆生在天上 我受叫喚苦

菩薩如是等種種因緣能遮惡道畏無有大  
衆畏者成就聞慧思慧修慧故又離諸論過  
咎故是菩薩建立語端所說無失能以因緣  
譬喻結句不多不少無有疑惑言無非義無  
有論誑質直柔和種種莊嚴易解易持義趣  
次序能顯已事能破他論離四邪因具四大  
因如是等莊嚴言辭大衆中說無有所畏無  
惡名畏訶罵畏者不貪利養故身口意行清

淨故無有繫閉桎梏拷掠畏者無有罪故慈  
愍一切衆生故忍受一切衆苦惱故依止業  
果報故我先自作今還受報是菩薩以如是  
等因緣故無有不活等畏復次樂觀一切法  
無我是故無一切怖畏一切怖畏皆從我見  
生我見皆是諸衰憂苦之根本相是菩薩利  
智慧故如實深入諸法實相故則無有我我  
無故何從有怖畏問曰是菩薩云何無有我  
心答曰樂空法故菩薩觀身離我所故如  
說

我心因我所	我所因我生	是故我我所
二性俱是空	我則是主義	我所是主物
若無有主者	主所物亦無	若無主所物
則亦無有主	我即是我見	我物我所見
實觀故無我	我無無非我	因受生受者
無受無受者	離受者無受	云何因受成
若受者成受	受則為不成	以受不成故
不能成受者	以受者空故	不得言是我
以受是空故	不得言我所	是故我非我
亦我亦非我	非我非無我	是皆為邪論

現二

九

我所非我所 亦我非我所 非我非我所  
 是亦為邪論  
 菩薩如是常樂修空無我故離諸怖畏所以  
 者何空無我法能離諸怖畏是故菩薩在歡  
 喜地有如是等相貌

淨地品第四

問曰菩薩已得初地應云何修治答曰

信力轉增上 深行大悲心 慈愍眾生類  
 修善心無倦 喜樂諸妙法 常近善知識  
 慙愧及恭敬 柔軟和其心 樂觀法無著

一心求多聞	不貪於利養	離奸欺諂誑
不汙諸佛家	不毀戒欺佛	深樂薩婆若
不動如大山	常樂修習行	轉上之妙法
樂出世間法	不樂世間法	即治歡喜地
難治而能治	是故常一心	勤行此諸法
菩薩能成就	如是上妙法	是則為安住
菩薩初地中		
菩薩以是二十七法淨治初地信力轉增上		
者信名有所聞見必受無疑增上名殊勝問		
曰有二種增上一者多二者勝今說何者答		

曰此中二事俱說菩薩入初地得諸功德味故信力轉增以是信力籌量諸佛功德無量深妙能信受是故此心亦多亦勝深行大悲者愍念眾生徹入骨髓故名為深為一切眾生求佛道故名為大慈心者常求利事安隱規二眾生慈有三種後當廣說修善心無倦者善十法名可親近修習能與愛果修如是法時心不懈惰善法因緣名四攝法十善道六波羅蜜菩薩十地等及諸功德喜樂妙法者常思惟修習深得法味久則生樂如人在華林與

愛色相娛樂常近善知識者菩薩有四種善  
知識後當廣說此中善知識者諸佛菩薩是  
常以正心親近能令歡悅慙愧名為喜羞恥  
恭敬名念其功德尊重其人柔軟名其心和  
悅同止安樂樂觀法者法名五陰十二入十  
八界空無相無作等以正憶念常觀此法無  
著者著名心歸趣三有是衆生所歸有人言  
五欲諸邪見是所歸趣何以故衆生心常繫  
著故菩薩利智心無貪著一心名貴重佛法  
心無餘想求多聞者佛說九部經能盡推尋

修學明了若少不盡不貪利養者利名得飲  
食財物等養名恭敬禮拜施設牀座迎來送  
去菩薩應以是事施與衆生不自貪著姦欺  
名斗秤邪偽衣物不真論名心不端直誑名  
五邪命法一名矯異二名自親三名激動四  
名抑揚五名因利求利矯異者有人貪求利  
養故若作阿練若著納衣若常乞食若一坐  
食若常坐若中後不飲漿受如是等頭陀行  
作是念他作是行得供養恭敬我作是行或  
亦得之為利養故改易威儀名為矯異自親

者有人貪利養故詣檀越家語言如我父母兄弟姊妹親戚無異若有所須我能相與欲有所作我能爲作我不計遠近能來問訊我住此者正相爲耳爲求供養貪著檀越能以口辭牽引人心如是等名爲自親激動者有人不計貪罪欲得財物作得物相如是言是鉢好若衣好若戶鉤好若尼師壇好若我得者則能受用又言隨意能施此人難得又至檀越家作是言汝家羹飯餅肉香美衣服復好常供養我以親舊必當見與如是示現貪

相是名激動抑揚者有人貪利養故語檀越言汝極慳惜尚不能與父母兄弟姊妹妻子親戚誰能得汝物者檀越媿恥俛仰施與又至餘家作是言汝有福德受人身不空阿羅漢常入出汝家汝與坐起語言作是念想檀越或生是心更無餘人入出我家必謂我是名爲抑揚因利求利者有人以衣若鉢若僧伽梨若尼師壇等資生之物持示人言若王王等及餘貴人與我是物作是念檀越或能生心彼諸王貴人尚能供養況我不與是人

因以此利更求餘利故名因利求利是故應  
當遠離如此詢偽不汙諸佛家者何等為汙  
諸佛家有人言若人發求無上道心已後迴  
向聲聞辟支佛道不能住世繼三寶種是名  
汙諸佛家是義不然何以故是人能度生死  
又得諸無漏根力覺道亦是佛子云何言汙  
諸佛家如經說佛告比丘汝是我子從我心  
生口生得法分者又聲聞人言諦捨滅慧處  
名諸佛家何以故從是四事出生諸佛故若  
汙此四法名汙諸佛家是故若人虛妄慳貪

狂亂愚癡是汙佛家若正行此四則不汙諸  
佛家有人言六波羅蜜是諸佛家從此生諸  
佛故若違此六事是汙佛家有人言般若波  
羅蜜是諸佛母方便為父是名諸佛家以此  
二法出生諸佛若違此法是汙佛家復次偈  
中自說汙不汙相所謂不毀戒不欺佛若受  
佛戒不能護持則欺諸佛是汙佛家何以故  
受戒時生佛家中破戒則欺諸佛名汙佛家  
問曰必定菩薩有破戒耶答曰不斷煩惱是  
事可畏未入必定菩薩或有破戒如大勝

佛法中謗難陀故破戒我說此事猶以為畏  
但以經有此說信佛語故心則信受若受戒  
不破不欺諸佛名為不汙佛家復次戒名三  
學戒學心學慧學破此學名汙佛家如法受  
戒而後毀破名為欺佛如是二句各有義趣  
欺佛者空自發願不如說行欺誑知二衆生是名  
欺佛復次一切法中不如說行名為欺佛堅  
住薩婆若不動如太山者是菩薩一切發願  
求薩婆若種種因緣乃至大地獄苦心不移  
動如須彌山王吹不可動常修轉上法者從

初發心常求索勝法入初地中更修上法如  
是展轉心無厭足樂出世間法不樂世間法  
者世間法名隨順世事增長生死六趣三有  
五陰十二入十八界十二因緣諸煩惱有漏  
業等出世間法名隨所用法能出三界所謂  
五根五力七覺八道四念處四正勤四如意  
足空無相無作解脫門戒律儀多聞無貪恚  
癡根善厭離心不放逸等是菩薩利根故不  
樂世間虛妄法但樂出世間真實法即治歡  
喜地難治而能治者治名通達無疑如人破

竹初節為難餘者皆易初地難治治已餘皆自易何以故菩薩在初地勢力未足善根未厚修習善法未久故眼等諸根猶隨諸塵心未調伏是故諸煩惱猶能為患如人勢力未足逆水則難又此地中魔及魔民多為障礙故以方便力勤行精進是故此地名為難治如是信力轉增上為首不樂世間法為後修此二十七法治菩薩初歡喜地是故說菩薩應常修行此法修行名一心不放逸常行常觀除諸過惡故名為治如人所行道路治令

清淨是諸法不但修治初地一切諸地皆以此法問曰汝已說初地方便及淨治法菩薩云何安住而不退失答曰常行成就如是信力轉增上等法名為安住初地菩提名上道薩埵名深心深樂菩提故名為菩提薩埵復次眾生名薩埵為眾生修集菩提故名菩提薩埵上法者信等法能令人成佛故名為上法

釋願品第五

已說入初地方便及淨治法菩薩因願故得

入諸地又成就信力增上等功德故安住其地今當分別此願願供養奉給 恭敬一切佛 願皆守護持一切諸佛法

此是諸菩薩初願從初發心乃至得阿耨多羅三藐三菩提於其中間所有諸佛盡當供養奉給恭敬供養名華香瓔珞幡蓋燈明起塔廟等奉給名衣服卧具所須之物恭敬稱名尊重禮拜迎來送去合掌親侍復次以小乘法教化衆生名為供養以辟支佛法教化

衆生名為奉給以大乘法教化衆生名為恭敬是第一願護持一切諸佛法者菩薩作是念一切過去未來現在十方三世諸佛法我應守護問曰過去諸佛已滅法亦隨滅未來諸佛未出法亦未有尚無初轉法輪何況餘法云何當得守護規二正可守護十五現在諸佛法以諸佛現在故答曰過去未來現在諸佛法皆是一體一相是故若守護一佛法則為守護三世諸佛法如經說佛告諸比丘毗婆尸佛法出家受戒著衣持鉢禪定智慧說法教化

亦如我也是故汝難不然是第二願也復次  
諸佛從兜率 退來在世間 乃至教化訖  
永入無餘界 處胎及生時 出家趣道場  
降魔成佛道 初轉妙法輪 奉迎諸如來  
又於餘時中 願我悉當得 盡心而供養  
諸佛始從兜率天上退下世間終至無餘涅  
槃於其中間入胎中時大設供養乃至生時  
出家趣道場降魔王成佛道轉法輪奉迎如  
來餘時者現大神通人天大會廣度衆生爾  
時當以華香幡蓋妓樂歌頌稱讚出家受法

如說修行以第一供養之具供養諸佛是第

三願復次

願教化衆生 令悉入諸道

教名教化他以善法化名遠離惡法我當以  
此二法令無量阿僧祇衆生住聲聞辟支佛

道是第四願復次

願一切衆生 成就佛菩提 有人向聲聞

辟支佛道者

是人修集聲聞辟支佛法未入法位我當教  
化令趣佛道有人不向聲聞辟支佛道我當

教化令向無上佛道有人向無上佛道者我當示教利喜令其功德轉更增益如是教化一切衆生是第五願復次

願使一切法 信解入平等

一切法者凡所有法度法非度法攝覺意法

非攝覺意法助道法非助道法聖道所攝法

非聖道所攝法應修法不應修法應近法不

應近法應生法不應生法生法不生法現在

法非現在法因緣生法非因緣生法因緣法

非因緣法從思惟生法不從思惟生法麤法

細法受法不受法內法外法內入所攝法非內入所攝法外入所攝法非外入所攝法五陰所攝法非五陰所攝法五受陰所攝法非五受陰所攝法四諦所攝法非四諦所攝法助世法非助世法依貪法依出法顛倒法非顛倒法變法非變法悔法非悔法大法小法受處法非受處法可斷法不可斷法知見法非知見法有漏法無漏法有繫法無繫法有淨法無淨法有上法無上法有覺法無覺法有觀法無觀法可喜法非可喜法相應法不

相應法有分別法無分別法行法無行法有緣法無緣法有次第法無次第法可見法不可見法有對法無對法可見有對法不可見無對法有相法無相法可行法不可行法有為法無為法險法非險法有本法無本法有出法無出法衆生法非衆生法苦者法非苦者法惱法非惱法有法非有法逆法非逆法樂報法非樂報法苦報法非苦報法憶生法非憶生法智首行法非智首行法信首行法非信首行法思惟首行法非思惟首行法願

首行法非願首行法色法非色法教法非教法變化法非變化法如意遊行法非如意遊行法欲本法非欲本法因善法非因善法因善根法非因善根法定法非定法身法非身法口法非口法意法非意法有對觸生法非有對觸生法意觸生法非意觸生法惡法非惡法善法非善法能生法非能生法念念滅法非念念滅法攝聚法非攝聚法明分法非明分法因法非因法緣法非緣法因緣法非因緣法因生法非因生法有因法非有因法

一法異法滅法非滅法攝根法非攝根法共  
 心法非共心法心法非心法心數法非心數  
 法共觸五法非共觸五法共得十六法非共  
 得十六法細法麤法迴向法非迴向法善法  
 不善法無記法見諦所斷法思惟所斷法不  
 斷法學法無學法非學非無學現二法等無量千  
 萬種諸法皆令入空無相無作門平等無二  
 以信解力故是第六願

十住毗婆沙論卷第二

音釋

楷

楷

楷

楷

楷

楷

楷

楷

楷

楷

楷

楷

楷

楷

楷

楷

七皆

十住毗婆沙論卷第三

規三

龍 樹 菩 薩 造

姚秦 三藏法師鳩摩羅什譯

釋願品第五之餘

復次

規三

願淨佛土故 滅除諸雜惡

殺生偷盜邪淫妄語兩舌惡口綺語貪恚邪  
命飲酒等有如是惡名為不淨復次國土中  
有地獄畜生餓鬼等諸惡道名為不淨復次  
眾生無信懈怠亂心愚癡諂曲慳嫉忿恨重

邪見慢憍慢大慢我慢邪慢矯異自親激動  
抑揚因利求利貴於世樂放逸自恣多欲惡  
欲邪貪邪淫不識父母沙門婆羅門不忍辱  
破威儀難與語邪覺觀貪欲瞋恚睡眠調戲  
疑悔所覆蔽名為不淨復次惡鳥獸多怨賊  
無水漿飢饉災疫人畏非人畏內反逆外多  
賊寇若多雨若亢旱諸衰惱小劫盡諸苦惱  
等名為不淨復次眾生短命惡色無力多諸  
憂苦少膽幹多疾病少威力少眷屬惡眷屬  
易壞眷屬小居家停劣邪出家名為不淨復

次僧佉榆伽優樓迦王那波羅他毗佉那瓶  
 沙王那吉略仙人象仙人斷姪人上弟子行  
 者放羊者大心者忍辱者喬曇摩鳩蘭陀磨  
 活人者度人者緣水者婆羅沙伽那頗羅墮  
 闍著衣者無衣者韋索衣者皮衣者草衣者  
 著下衣者角鷄毛衣者木皮衣者三洗者隨  
 順者事梵王者事究摩羅者事毗舍闍者事  
 金翅鳥者事乾闥婆者事閻羅王者事毗沙  
 門王者事密迹神者事浮陀神者事龍者裸  
 形沙門白衣沙門染衣沙門末迦梨沙門毗

羅哆子者迦旃延尼犍子者薩者遮子者持  
 牛戒者鹿戒者狗戒者馬戒者象戒者乞戒  
 者究摩羅戒者諸天戒者上戒者姪欲戒者  
 淨潔戒者火戒者說色滅涅槃者說聲滅涅  
 槃者說香滅涅槃者說味滅涅槃者說觸滅  
 涅槃者說覺觀滅涅槃者說苦滅涅槃者說  
 苦樂滅涅槃者水衣為髮者水淨者食淨者  
 生淨者執杵臼者打石者喜洗者浮沒者空  
 地住者卧刺棘者世性者大者我者色等者  
 聲等者香等者味等者觸等者地知者水知

者火知者風知者虛空知者和合知者變知者眼知者耳知者鼻知者舌知者身知者意知者神知者如是等在家出家種種邪見邪行名爲不淨復次其地高下坑坎埳阜榛叢刺棘多所妨礙塵土空穢泥潦白陷惡山巉巖屈曲隈障重嶺隔塞峻峭難上鹹鹵乾燥沙礫瓦石衆果少味色香不具藥草不良勢力薄少有妙色聲香味觸園林樓閣流水浴池小山土嶺登緣遠望娛樂之處皆悉甚少郡縣聚落不接近地多丘荒人民希少多

見無福貧窮下劣諸城宰牧大官貴人諸賈客主巧匠工師學讀之人亦復甚少飲食衣服卧具醫藥便身之具甚爲難得雖得非妙名爲不淨不淨略說有二種一以衆生因緣二以行業因緣衆生因緣者衆生過惡故行業因緣者諸行過惡故此二事上已說轉此二事則有衆生功德行業功德此二功德名爲淨土是淨國土當知隨諸菩薩本願因緣諸菩薩能行種種大精進故所願無量不可說盡是故今但略說開示事端其餘諸事應

如是知略說淨土相所謂善得阿耨多羅三藐三菩提佛功德力法具足聲聞具足菩提樹具足世界莊嚴衆生善利可度者多大衆集會佛力具足善得菩提者以十事莊嚴一離諸苦行二無猷劣心三速疾得四無求外道師五菩薩具足六無有魔怨七無諸留難八諸天大會九希有事具足十時具足離諸苦行者若菩薩爲阿耨多羅三藐三菩提出家不行諸苦行所謂若四日若六日若八日若半月若一月乃至食一麻一米一果或但

飲水或但服氣不以如是苦行求道安坐道場而成佛道無猷劣心者若菩薩少得猷離心即時出家速疾得者若菩薩出家已即得阿耨多羅三藐三菩提不求外道師者若菩薩出家已時有外道大師有名稱者不往諮求汝等說何法論何事以何爲利亦不於四方求索菩薩具足者菩薩欲成佛道時三千大千世界中諸菩薩及他方諸菩薩各持供養具來圍遶已待佛成道放大光明各共供養從佛聞法皆是不退轉一生補處無魔怨

者若菩薩垂成佛時無有魔軍能來破者無  
諸留難者菩薩垂成佛時乃至無有毫釐煩  
惱來入其心於大衆集會者若菩薩垂成佛  
時四天王諸天忉利諸天夜摩天兜率陀天  
化樂天他化自在天梵天乃至阿迦膩吒天  
諸龍神夜叉乾闥婆阿脩羅迦樓羅緊那羅  
摩睺羅伽等一切諸神十方無量世界各持  
第一上妙供養之具來供養菩薩名爲大衆  
集會又聲聞人言十世界諸天盡來名爲諸  
天大會希有行具足者若菩薩得佛時地六

種震動十方無量三千大千世界諸魔王宮  
殿皆變壞無色光不復現無量須彌山皆悉  
動搖無量大海皆悉振蕩一切世界出非時  
華雨栴檀末香及諸天名華等諸希有事時  
具足者時無疾疫飢饉刀兵流離逃迸雨澤  
隨時無諸灾蝗諸國王等如法治化人民安  
樂壽命延長無有怨賊諸惡鳥獸毒蟲鬼神  
惱害衆生佛功德力者一切去來今佛威力  
功德智慧無量深法等無差別但隨諸佛本  
願因緣或有壽命無量或有見者即得必定

聞名者亦得必定女人見者即成男子身若  
聞名者亦轉女身或有聞名者即得往生或  
有無量光明衆生遇者離諸障蓋或以光明  
即入必定或以光明滅一切苦惱無量壽命  
者壽命無量劫過諸筭數一劫百劫千劫萬  
劫億劫百千萬億那由他阿僧祇劫如是久  
住爲利益憐愍衆生故一切諸佛雖力能無  
量壽以本願故有久住世者有不久住者見  
時得入必定者有衆生見佛即住阿耨多羅  
三藐三菩提阿惟越致地何以故是諸衆生

見佛身者心大歡喜清淨悅樂其心即攝得  
如是菩薩三昧以是三昧力通達諸法實相  
能直入阿耨多羅三藐三菩提必定地是諸  
衆生長夜深心種見佛入必定善根以大悲  
心爲首善妙清淨爲通達一切佛法故爲度  
一切衆生故是善根成就時至是故得值此  
佛又以諸佛本願因緣二事和合故此事得  
成聞佛名入必定者佛有本願若聞我名者  
即入必定如見佛聞亦如是女人見佛得轉  
女形者若有一心求轉女形深自厭患有信

解力誓願男身如是女人得見佛者即轉女  
形若女人無有如是業因緣又女身業未盡  
不得值如是佛女人聞佛名轉女形者此事  
因緣如見佛經中說聞佛名得往生者若人  
信解力多諸善根成就業障礙已盡如是之  
人得聞佛名又是諸佛本願因緣便得往生  
無量光明者一切佛光明所照隨意遠近此  
說無量者是其常光常光明不可以由旬里  
數以爲限量徧滿東方若干百千萬億由旬  
不可得量南西北方四維上下亦復如是但

知其無量而莫知邊際遇光明得除諸蓋者  
是諸佛本願力所致貪欲瞋恚睡眠調悔疑  
除此障蓋衆生遇光即能念佛念佛因緣故  
念法念法故諸蓋得除光明觸身苦惱皆滅  
者若衆生墮地獄畜生餓鬼非人趣中多諸  
苦惱以佛本願神通之力光觸其身即得離  
苦法具足者一切諸佛法悉皆具足無有具  
足不具足者諸佛說法同故法俱具足但以  
本願因緣故差別不同或有久住不久住耳  
何謂法具足法有略說有廣說有略廣說有

具足聲聞乘有具足辟支佛乘有具足大乘以諸神通力守護令不為外道所壞不為諸魔所破久住於世略說者以少言辭包含多義利根之人聞則開悟廣說者於一事一義種種因緣為諸鈍根樂分別者敷演解說若略廣說者亦以一言包舉廣義又亦種種演散一義有具足聲聞乘具足辟支佛乘具足大乘者此義後當說神力護法者以佛神力護念是法以諸佛印印之諸佛印者所謂四大因離四黑因不為外道所壞者一切沙門

婆羅門外道論師所有邪見說生滅味患出又覺一切善說破壞因緣不為一切魔所壞者諸佛有無量無邊功德智慧方便神通力故魔雖有力而不能壞又諸菩薩力故魔不能壞法久住者若一劫若減一劫若過是數百劫千劫萬劫十萬劫百萬劫千萬劫萬萬劫無量千萬億那由他阿僧祇劫乃至無量無邊劫聲聞具足者一切諸佛悉皆具足聲聞僧但諸佛本願因緣故有少多差別何謂具足所謂如來聲聞眾具足持戒禪定智慧

解脫解脫知見同等清淨悉是利根利益者  
諸菩薩形色嚴淨具足持戒者遠離殺生偷  
盜邪淫妄語兩舌惡口綺語飲酒邪命等諸  
惡法又毗尼所制皆悉遠離又能成就無漏  
戒故具足禪定者四禪四無量心四無色定  
八解脫八背捨八勝處十一切入等及得無  
漏諸禪定故具足智慧者成就四種智慧從  
多聞生從思惟生從修集生從先世業因緣  
果報生具足解脫者於一切煩惱得解脫又  
於一切障礙得解脫具足解脫知見者知名

識其事見名明了其事於解脫中了了知見  
無疑又知名盡智見名見四諦同等者諸入  
須陀洹果悉皆同等乃至阿羅漢亦如是清  
淨者成就三種清淨身清淨口清淨意清淨  
利智者但聞少語能廣解了通達義趣略能  
作廣廣能作略義理微隱能令易解利益菩  
薩者念諸菩薩乃至初發心者亦不輕慢深  
愛敬故常開示善惡為說佛道方便因緣形  
色嚴淨者身體姝美姿容具足兼有相好見  
者歡悅如辟支佛行來進止坐卧寤寐飲食

澡浴著衣持鉢威儀庠序無所闕少若人見者心則清淨菩提樹具足者所有大樹娑羅樹多羅樹提羅迦樹多摩羅樹婆求羅樹瞻蔔樹阿輸迦樹娑訶迦羅樹分那摩樹那迦樹尸梨沙樹涅槃陀樹阿輸陀樹波勒叉樹優曇鉢羅樹等第三於此諸大樹中隨取一樹在平地者高廣具足根莖枝葉滋潤茂盛華色鮮明無有傷缺其樹舉高五十由旬端直平澤無有盤節皮膚細軟色白鮮淨無有刺礙內不朽腐又不空中不為蟲蠹之所傷齧其

根深固連編相次其華嚴飾如曼瓔珞枝葉鬱茂猶如圓蓋次第分布功殊人造其葉青鮮猶如寶色枝無紋戾萎黃枯葉無有蟲蛾蚊蚋螽蟻其下清淨布諸金沙種種光明周帀照耀栴檀香水以灑其地平坦柔軟清涼快樂牛頭栴檀細末布上諸天常雨曼陀羅華燒黑沉香芬馨流溢五色天繒參羅垂列清風微動猗靡隨順鳥獸遊側寂然無聲其樹左右天常雨華衆妙雜色自然間錯垂以爲纓猶如龍身身上徃徃懸以金色華貫四

面大枝垂寶羅網衆寶莊嚴猶紫金山巍巍  
殊妙如帝釋幢斯由菩薩百千萬億阿僧祇  
劫修集善行功德所致種種妙寶化爲師子  
王四師子頂上有廣大寶牀敷諸天繒四天  
王天忉利諸天夜摩天兜率陀天化樂天他  
化自在天梵天乃至阿迦膩吒天乘瑠璃碑  
磔磔大青寶帝青寶金剛玻瓈衆寶宮殿  
其色無比光明遠照俱集寶樹圍遶供養又  
十方無量世界諸菩薩衆俱隨本所願備諸  
供具兩衆寶物華香幡蓋種種伎樂等是名

具足菩提樹世間莊嚴者菩薩觀察十方清  
淨國土最上妙者而發大願我當修集功德  
所得國土復勝於此第一無比衆生善利者  
衆生端正無諸疾患無有老病壽命無量阿  
僧祇劫悉皆化生身無衆穢具足三十二相  
光明無量煩惱微薄易可化度可度具足者  
一坐說法恒河沙衆生同時得度自有餘佛  
演說法時度一人二人是諸衆生宿種善根  
結使微薄聞說即悟大衆集會者有佛大會  
滿一由旬或十由旬有百千萬億由旬有滿

三千大千世界此中大集會者十方恒河沙  
世界以為大會又其會中但是福德之人及  
諸天八部初地菩薩乃至十住悉共集會唯  
除諸佛佛力具足者諸佛所行四十不共法  
是一一法所行處一切無量無邊是第七願

復次

俱行於一事 願無有怨競

若菩薩所作福德若布施持戒忍辱精進禪  
定智慧若諦捨滅慧四功德處若因諸大願  
求佛道時應作是願若有餘人同我行此六

波羅蜜四功德處求佛道者願我以此福德  
因緣不於餘人而生怨競何以故同行一事  
諸有智者說有怨相世間亦復現有此事除  
此過故發是大願是第八願復次

願行菩薩道 轉不退轉輪 令除諸煩惱

得入信清淨

第三

十

輪者法輪不退轉者無人能壞菩薩應如是  
發願我當如說行道必轉不退法輪轉此法  
輪除諸衆生三毒煩惱轉捨生死入佛法衆  
若集滅道中使得清淨是第九願復次

願一切世界 皆示成菩提

隨諸世界應有佛事處盡於其中示得阿耨  
多羅三藐三菩提安樂一切衆生故滅度一  
切衆生故以阿耨多羅三藐三菩提大故獨  
說其餘入胎出胎生長在家出家受戒苦行  
降伏魔衆梵王勸請及轉法輪大衆集會廣  
度衆生現大神力示大滅度如此諸事悉皆  
如是應作是知有如是無量力能利無量無  
邊衆生不應但於一國示成佛道有人言於  
一佛國所有四天下諸閻浮提是一佛土過

此以外唯佛能知而實不爾是第十願復次  
如是諸菩薩 十大願爲首 廣大如虛空  
盡於未來際 及餘無量願 亦各分別說  
願名心所貪樂求欲必成十者有十種門廣  
大如虛空者願所緣方如所有虛空處願亦  
如是盡未來際者願時所住盡一切衆生未  
來生死際有人言阿耨多羅三藐三菩提是  
未來世生死際若諸佛入無餘涅槃是生死  
後際菩薩志願無盡而實成佛則止一切十  
方世界諸大菩薩皆有是願餘無量願者諸

菩薩成就無量希有功德故諸所有願不可盡說復次

菩薩發如是 十大願究竟

是十大願有十究竟事何等為十答曰

眾生性世性 虛空性法性 涅槃佛生性

諸佛智性竟 一切心所緣 諸佛行處智

世間法智轉 是名十究竟

初眾生性竟二世間性竟三虛空性竟四法

性竟五涅槃性竟六佛生性竟七諸佛智性

竟八一切心所緣竟九諸佛行處智竟十世

間法智轉竟是名十究竟問曰汝言竟何者為竟此義應分別答曰

眾生性若竟 我願亦復竟 如眾生等竟

如是諸願竟 竟義名無竟 我善根無竟

眾生性竟者若眾生都盡滅我願便應息隨

世間性盡虛空性盡諸法性盡涅槃性盡諸

佛生性盡諸佛智性盡一切眾生心所緣性

盡入佛法智性盡世間轉法轉智轉盡我此

十願爾乃盡息但是眾生性等十事實不盡

我是福德善根亦不盡不息不息義者無量

無邊不可思議過諸算數名為不息如此三千大千世界十方無量無邊過諸算數故名爲世間無邊是諸世界中三界六趣衆生無邊故名爲衆生性無邊是一切世界中內外二種虛空性無邊故名爲虛空性無邊是諸世界中欲色無色無漏性所攝有爲法無邊十二故名爲法性無邊若一切衆生滅度涅槃性不增不減是故涅槃性無邊若過去十方諸佛無量無邊今現在十方諸佛亦無量無邊未來十方世界諸佛亦無量無邊是故佛生

性無邊諸佛智無量不可稱不可量無等無等等無對無比故諸佛智性亦無量無邊如佛告阿難是聲聞人諸佛智無量是故諸佛智性無量無邊於過去世一一衆生無量無邊心是諸心皆有緣生未來世亦如是現在世一切衆生心亦無量無邊皆有緣生是故心所緣亦無量無邊諸佛力略說有四十不共法是四十不共法一一法行處無量無邊行處無量無邊故智亦無量無邊是故說佛行處智無量無邊世間轉法轉智轉者轉名

以此法有所轉世間者世間有二種國土世  
 間衆生世間此中說衆生世間諸佛及諸菩  
 薩以無量無邊方便力引導衆生法轉者以  
 無量無邊善根福德攝取諸佛法智轉者無  
 量諸善法六波羅蜜十地等攝取佛智是故  
 智轉無量無邊此三同轉故合為一願是菩  
 薩一一願牢堅故成是十無盡願方如虛空  
 時如未來際如是以略說廣說解是十願究  
 竟  
 發菩提心品第六

問曰初發心是諸願根本云何為初發心答  
 曰  
 初發菩提心 或三四因緣  
 衆生初發菩提心或以三因緣或以四因緣  
 如是和合有七因緣發阿耨多羅三藐二菩  
 提心問曰何等為七答曰  
 一者諸如來 令發菩提心 二見法欲壞  
 守護故發心 三於衆生中 大悲而發心  
 四或有菩薩 教發菩提心 五見菩薩行  
 亦隨而發心 或因布施已 而發菩提心

或見佛身相 歡喜而發心 以是七因緣  
而發菩提心

佛令發心者佛以佛眼觀衆生知其善根淳  
熟堪任能得阿耨多羅三藐三菩提如是人  
者佛教令發心作是言善男子來今可發心  
當度苦惱衆生或復有人生在惡世見法欲  
壞爲守護故發心作是念咄哉從無量無邊  
百千萬億阿僧祇劫來唯有一人二處行出  
三界四聖諦大導師知五種法藏脫於六道  
有七種正法大寶深行八解脫以九部經教

化有十大力說十一種功德善轉十二因緣  
相續說十三助聖道法有十四覺意大寶除  
十五種貪欲并得十六心無礙解脫出十六  
地獄衆生及身十七具足十八不共法善分  
別十九住果人善知分別學人阿羅漢辟支  
佛諸佛二十根是大悲心者是大將主大衆  
主大醫王大導師大船師久乃得是法行難  
行苦行乃得是法而今欲壞我當發阿耨多  
羅三藐三菩提心厚種善根得成佛道令法  
久住無數阿僧祇劫又行菩薩道時護持無

量諸佛法故勤行精進或復有人見衆生苦  
惱可愍無救無歸無所依止流轉生死險難  
惡道有大怨賊諸惡蟲獸生死恐怖諸惡鬼  
等常有憂悲苦惱刺棘恩愛別離怨會深坑  
喜樂之水甚為難得大寒大熱獨行其中曠  
絕無蔭難得度脫衆生於中多諸怖畏無有  
救護將導之者見如是衆生入此生死險惡  
道中受諸苦惱以大悲故發阿耨多羅三藐  
三菩提心作是言我當為無救作救無歸作  
歸無依作依我得度已當度衆生悉得脫已

當脫衆生我得安已當安衆生復有人但從  
人聞以信樂心等發無上道心作是念我常  
修善法不斷絕故或墮必定得無生法忍集  
諸功德善根淳熟故或值諸佛或值大菩薩  
能知衆生諸根利鈍深心本末性欲差別善  
知方便為般若波羅蜜所護十五能作佛事者知  
我發願善根成熟故令住必定若無生忍法  
是諸菩薩在第七第八第九第十地如佛善  
知衆生心力教令發心不以但有信樂力等  
教令發心復有人見餘菩薩行道修諸善根

大悲所護具足方便教化衆生不惜身命多  
所利益廣博多聞世間奇特人中標勝疲苦  
衆生爲作蔭覆安住布施持戒忍辱精進禪  
定智慧慙愧質直柔軟調和其心清淨深樂  
善法見如是人而作是念是人所行我亦應  
行所修願行我亦應修我爲得是法故當發  
是願作是念已發無上道心復有人行大布  
施施佛及僧或但施佛以飲食衣服等是人  
因是布施念過去諸菩薩能行施者韋藍摩  
韋首多羅薩婆檀尸毗王等即發菩提心以

此施福迴向阿耨多羅三藐三菩提復有人  
若見若聞佛三十二相足下平手足輪指網  
縵手足柔軟七處滿纖長指足跟廣身臍直  
足趺高平毛上旋伊泥蹲臂長過膝陰馬藏  
身金色皮軟薄一一孔一毛生眉間白毫上  
身如師子肩圓大腋下滿得知妙味身方如  
尼拘樓陀樹頂有肉髻廣長舌梵音聲師子  
頰四十齒齊白密緻眼睛紺青色睽如牛王  
等相心則歡喜作是念我亦當得如是相如  
是相人所得諸法我亦當得即發阿耨多羅

三藐三菩提心以是七因緣發菩提心問曰  
汝說七因緣發菩提心為皆當成有不成  
成答曰是不必盡成或有成有不成問曰若  
爾者應解說答曰

於七發心中 第三 佛教令發心 十六 護法故發心

憐愍故發心 第三 如是三心者 十六 必定得成就

其餘四心者 不必皆成就

是七心中佛觀其根本教令發心必得成以  
不空言故若為尊重佛法為欲守護若於眾  
生有大悲心如是三心必得成就根本深故

餘菩薩教令發心見菩薩所行發心因大布  
施發心若見若聞佛相發心是四心多不成  
或有成者根本微弱故

調伏心品第七

問曰如上品說三發心必成餘四不必成云  
何為成云何不成答曰若菩薩發菩提心行  
失菩提心法是則不成若行不失菩提心法  
是則必成是故偈說  
菩薩應遠離 失菩提心法 應一心修行  
不失菩提法

遠離名除滅惡法不令入心若入疾滅失名  
若今世若後世忘菩提心不復隨順修行應  
遠離如是法若不失菩提法不忘菩提心應  
常一心勤行問曰何等法失菩提心答曰

一不敬重法 二有憍慢心 三妄語無實

四不敬知識

卷三

十七

有是四法者若於今世死時若次後世則忘  
失菩提心不能自知我是菩薩不復願菩薩  
行法不復在前不恭敬法者法名諸佛所說  
上中下乘取要言之是諸佛如來所用教法

於此法中不恭敬供養尊重讚歎不生希有  
想難得想寶物想滿願想是法能失菩提心  
慢心者自高其心未得謂得未證謂證空無  
相無願若無生忍法若六波羅蜜若菩薩十  
地如是等及諸餘從修生者於此法中未得  
謂得妄語者有屬突吉羅有屬波夜提有屬  
偷蘭遮有屬僧伽婆尸沙有屬波羅夷或有  
人言有第六妄語是妄語心生懺悔上五妄  
語初輕後重第六者最輕屬波羅夷者自無  
過人法若口言若形示趣以方便現有此德

屬僧伽婆尸沙者若口言若形示於彼比丘  
 四事中以一一有根無根事謗屬偷蘭遮者  
 必以有根無根事謗而說不成屬波夜提者  
 以無根僧伽婆尸沙事謗屬突吉羅者除入  
 四種罪餘妄語是自心除滅者若說戒時自  
 知有小罪不得向他說即自心悔問曰是妄  
 語者但在比丘不在白衣而此論通在家出  
 家答曰凡知事實爾而異知說者此論中說  
 是總相妄語以有衆生分別故事分別故時  
 分別故五衆罪分別故住處分別故則有輕

重雖輕妄語習久則重重能失菩提心衆生  
 分別者斷善根邪見者及餘深煩惱者是則  
 為重事分別者若說過人法破僧是時分別  
 者出家人妄語則重五衆罪分別者如波羅  
 夷僧伽婆尸沙罪則重住處分別者僧中妄  
 語若證時則重不恭敬善知識者不生恭敬  
 畏難想多行此四法則失菩提心問曰但是  
 四法能失菩提心更有餘法答曰  
 慳惜最要法 貪樂於小乘 謗毀諸菩薩  
 輕賤坐禪者

恠惜要法者師所知甚深難得之義多所利  
者貪著利養恐與已等故祕惜不說貪樂小  
乘者不得大乘滋味故貪樂二乘謗諸菩薩  
者無罪而言有罪名為謗菩薩義先已說此  
人無過而妄加其罪若實有罪而論說者此  
雖有罪比前為輕何以故經說諸菩薩若實  
有罪若無有罪皆不應說輕賤坐禪者若在  
家出家為斷諸煩惱故勤行精進若遮一切  
煩惱集助佛法此人或不善論議或無才  
辯或無重威德無知之人而輕賤之則得重

非復次

若於善知識 其心懷結恨 亦有諂曲心  
貪諸利養等

善知識義先已說於此教化說法者生嫌恨  
心如嫌父母得重罪諂者心佞媚曲者身口

業現有所作貪利養等者貪著利樂稱譽以

此法壞質直心故不能深起善根如惡色深  
衣更不受好色復次

不覺諸魔事 菩提心劣弱 業障及法障  
亦失菩提心

不覺魔事者若不知諸魔事則不能制伏若不制伏則失菩提心問曰何等是諸魔事答曰說應布施持戒忍辱精進禪定智慧波羅蜜時及說大乘所攝深義時不疾樂說若樂說於其中間餘緣散亂若書讀解說論議聽受等傲慢自大其心散亂緣想餘事妄念戲笑互相譏論兩不和合不能通達實義從座而去作是念我於此中無有受記心不清淨亦不說我城邑聚落居家生處是故不欲聞法不得滋味從座而去捨大乘所說諸波羅

蜜及於聲聞辟支佛自調度經中求薩婆若若書讀解說聽受等時欲樂說餘種種事破散般若波羅蜜所謂說方國聚落城邑園林師事賊事兵甲器仗憎愛苦樂父母兄弟男女妻子衣服飲食卧具醫藥資生之物心則散亂失般若波羅蜜又說貪恚癡怨家親屬好時惡時歌舞妓樂憂愁戲笑經書文頌往世古事國主帝王地水火風五欲富貴及利養等世間諸事令心喜悅若魔化作比丘比丘尼形以聲聞辟支佛經因緣令得而作是

言汝應習學是經捨本所習聽法之人不樂聽受說法者其心懈怠各有餘緣聽者須法而說者欲至餘方說者樂說而聽者欲至餘方說者多欲貪諸利養聽者無有與心聽者信心樂欲聞法而說者不樂為說說者樂說聽者不樂或時有說地獄諸苦不如此身盡苦早取涅槃是最為利說畜生無量苦惱餓鬼阿修羅種種過惡說諸生死多有憂患汝於此身早取涅槃是最為利又稱讚世間尊貴富樂稱讚色無色界功德快善生此中者

是為大利稱讚須陀洹乃至阿羅漢果功德之利汝於此身證此諸果是汝大利或說法者樂於眷屬聽法者不欲隨從說法者欲至飢亂不安隱國土語聽者言汝今何用隨我至此諸國即生厭懈而不隨逐說法者貴敬擅越數行問訊使聽法者不得聽受於深法中令生疑惑此非諸佛所說經法我所說者是佛經法若菩薩能行是法得證實際如是等種種因緣兩不和合當知是等悉是魔事取要言之於一切善法有障礙者皆是魔事

菩提心劣弱者諸煩惱有力故道心劣弱無  
 有勢力於阿耨多羅三藐三菩提志願永絕  
 業障者雖有種種業障此中說能令求大乘  
 人退轉者是法障者樂行不善法惡空無相  
 無願及諸波羅蜜等諸深妙法如是四法能  
 失菩提心復次規三

許施師而誑 其罪甚深重 人無有疑悔  
 強令生疑悔 信樂大乘者 深加重瞋恚  
 訶罵說惡名 處處廣流布 於諸共事中  
 心多行諂曲 如此四黑法 則失菩提心

施師不與者應施師物若許若未許而後不  
 與若與非時與非處與不如法與此是世間  
 外道法佛法中從師得經法若有財物供養  
 法故則以與師若無無咎無有疑悔令生疑  
 悔者此人實不破戒有少罪相而言大罪若  
 破正命威儀若破正見皆令生疑悔瞋大乘  
 人者有人乘大乘無上乘如來乘大人乘一  
 切智人乘乃至初發心者於此人中深生瞋  
 恚訶罵譏謗說其惡名令廣流布共事諂曲  
 心者於和尚阿闍梨諸善知識所不以直心

親近習行曲心故乃至未曾所識亦行諂曲  
四黑法者黑名垢穢不淨能失菩提心如說  
轉此五四法 世世善修行 如是則不失  
無上菩提心

五四合為二十法是失菩提心轉此法修習  
行世世不忘阿耨多羅三藐三菩提心轉者  
轉上五四法所謂恭敬法破慢心遠離妄語  
深尊重善知識餘應如是知問曰以何等法  
世世增長菩提願又後復能更發大願答曰  
乃至失身命 轉輪聖王位 於此尚不應

妄語行諂曲 能令諸世間 一切衆生類  
於諸菩薩衆 而生恭敬心 若有人能行  
如是之善法 世世得增長 無上菩提願  
菩薩以是法世世增長菩提願又後能生清  
淨大願若以實語故死失轉輪王位及失天  
王位規三猶應實說不應妄語廿二况小因緣而不實  
語又於眷屬及諸外人離於諂曲又從初發  
心已來一切菩薩生恭敬心尊重稱讚如佛  
無異又當隨力令作大乘  
十住毗婆沙論卷第三



十住毗婆沙論卷第四

龍樹菩薩造 規四

姚秦三藏法師鳩摩羅什譯

阿惟越致相品第八

問曰是諸菩薩有二種一惟越致二阿惟越

致應說其相是惟越致是阿惟越致答曰

等心於衆生 不嫉他利養 乃至失身命

不說法師過 信樂深妙法 不貪於恭敬

具足此五法 是阿惟越致

等心衆生者衆生六道所攝於上中下心無

差別是名阿惟越致問曰如說於諸佛菩薩

應生第一敬心餘則不爾又言親近諸佛菩

薩恭敬供養餘亦不爾云何言於一切衆生

等心無二答曰說各有義不應疑難於衆生

等心者若有衆生視菩薩如怨賊有視如父

母有視如中人於此三種衆生中等心利益

欲度脫故無有差別是故汝不應致難不嫉

他利養者若他得衣服飲食卧具醫藥房舍

產業金銀珍寶封邑聚落國城男女等於此

施中不生嫉妬又不懷恨而心欣悅不說法

師過失若有人說應大乘空無相無作法若  
 六波羅蜜若四功德處若菩薩十地等諸大  
 乘法乃至失命因緣尚不出其過惡何況加  
 諸惡事信樂深妙法者深法者空無相無願  
 及諸深經如般若波羅蜜菩薩藏等於此法  
 一心信樂無所疑惑於餘事中無如是樂於  
 深經中得滋味故不貪恭敬者通達諸法實  
 相故於名譽毀辱利與不利等無有異具此  
 五法者如上所說於阿耨多羅三藐三菩提  
 不退轉不懈廢是名阿惟越致與此相違名

惟越致是惟越致菩薩有二種或敗壞者或  
 漸漸轉進得阿惟越致問曰所說敗壞者其  
 相云何答曰  
 若無有志幹 好樂下劣法 深著名利養  
 其心不端直 怯護於他家 不信樂空法  
 但貴諸言說 是名敗壞相  
 無有志幹者顏貌無色威德淺薄問曰非以  
 身相威德是阿惟越致相而作是說是何謂  
 耶答曰斯言有謂不應致疑我說內有功德  
 故身有威德不但說身色顏貌端正而已志

幹者所謂威德勢力若有人能修集善法除滅惡法於此事中有力名爲志幹雖復身若天王光如日月若不能修集善法除滅惡法者名爲無志幹也雖復身色醜陋形如餓鬼能修善除惡乃名有志幹耳是故汝難非也好樂下劣法者除佛乘已餘乘比於佛乘小劣不如故名爲下非以惡也其餘惡事亦名爲下二乘所得於佛爲下耳但出世間人無餘涅槃故不名爲惡是故若人遠離佛乘信樂二乘是爲樂下法是人雖樂上事以信樂

二乘遠離大乘故亦名樂下法復次下名惡事所謂五欲又斷常等六十二見一切外道論議一切增長生死是爲下法行此法故名爲樂下法深著名利者於布施財利供養稱讚事中深心繫念善爲方便不得清淨法味故貪樂此事心不端直者其性諂曲喜行欺誑悻護他家者是人隨所入家見有餘人得利養恭敬讚歎即生嫉妬憂愁不悅心不清淨計我深故貪著利養生嫉妬心嫌恨檀越不信樂空法者諸佛三種說空法所謂三解

脫門於此空法不信不樂不以為貴心不通  
 達故但貴言說者但樂言辭不能如說修行  
 但有口說不能信解諸法得其趣味是名敗  
 壞相若人發菩提心有如是相者當知是敗  
 壞菩薩敗壞名不調順譬如最弊惡馬名為  
 敗壞但有馬名無有馬用敗壞菩薩亦如是  
 但有空名無有實行若人不欲作敗壞菩薩  
 者當除惡法隨法受名問曰汝說在惟越致  
 地中有二種菩薩一者敗壞菩薩二者漸漸  
 精進後得阿惟越致敗壞菩薩已解說漸漸

精進後得阿惟越致者今可解說答曰  
 菩薩不得我 亦不得衆生 不分別說法  
 亦不得菩提 不以相見佛 以此五功德  
 得名大菩薩 成阿惟越致  
 菩薩行此五功德直至阿惟越致不得我者  
 雖我著故是菩薩於內外五陰十二入十八  
 界中求我不可得作是念  
 若陰是我者 我即生滅相 云何當以受  
 而即作受者 若離陰有我 陰外應可得  
 云何當以受 而異於受者 若我有五陰

我即離五陰

如世間常言

牛異於牛主

不得佛法味

異物共合故

此事名為有

是故我有陰

菩薩如是思惟即離我見遠離我見故則不

我即異於陰

若陰中有我

如房中有人

得我不得衆生者衆生名異於菩薩者離貪

如牀上聽者

我應異於陰

若我中有陰

我見故作是念若他人實有我者彼可爲他

如器中有果

如乳中有蠅

陰則異於我

因有我故以彼爲他而實求我不可得彼亦

視

四

如可然非然

不離可然然

然無有可然

不可得故無彼亦無我是故菩薩亦不得彼

然可然中無

我非陰離陰

我亦無有陰

不分別說法者是菩薩信解一切法不二故

五陰中無我

我中無五陰

如是涖涖者

無差別故一相故作是念一切法皆從邪憶

煩惱煩惱者

一切瓶衣等

皆當如是知

想分別生虛妄欺誑是菩薩滅諸分別無諸

若說我有定

及諸法異相

當知如是人

衰惱即入無上第一義因緣法不隨他慧

實性則非有	亦復非是無	非亦有亦無
非非有非無	亦非有文字	亦不離文字
如是實義者	終不可得說	言者可言言
是皆寂滅相	若性寂滅者	非有亦非無
為欲說何事	為以何言說	云何有智者
而與言者言	若諸法性空	諸法即無性
隨以何法空	是法不可說	不得不有言
假言以說空	實義亦非空	亦復非不空
亦非空不空	非非空不空	非虛亦不實
非說非不說	而實無所有	亦非無所有

是為悉捨離	諸所有分別	因及從因生
如是一切法	皆是寂滅相	無取亦無捨
無灰衣不淨	灰亦還汙衣	非言不宣實
言說則有過		
菩薩如是觀信解通達於說法中無所分別		
不得菩提者是菩薩信解空法故如凡夫所得菩提不如是得作是念		
佛不得菩提	非佛亦不得	諸果及餘法
皆亦復如是	有佛有菩提	佛得即為常
無佛無菩提	不得即斷滅	離佛無菩提

離菩提無佛	若二異不成	云何有和合
凡諸一切法	以異故有合	菩提不異佛
是故二無合	佛及與菩提	異共俱不成
離二更無三	云何而得成	是故佛寂滅
菩提亦寂滅	是二寂滅故	一切皆寂滅

不以相見佛者是菩薩信解通達無相法作是念

一切若無相	一切即有相	寂滅是無相
即為是有相	若觀無相法	無相即為相
若言修無相	即非修無相	若捨諸貪著

名之為無相	取是捨貪相	則為無解脫
凡以有取故	因取而有捨	誰取取何事
名之以為捨	取者所用取	及以可取法
共離俱不有	是皆名寂滅	若法相因成
是即為無性	若無有性者	此即無有相
若法無有性	此即無相者	云何言無性
即為是無相	若用有與無	亦遮亦應聽
雖言心不著	是則無有過	何處先有法
而後不滅者	何處先有然	而後有滅者
是有相寂滅	同無相寂滅	是故寂滅語

及寂滅語者 先亦非寂滅 亦非不寂滅  
亦非寂不寂 非非寂不寂  
是菩薩如是通達無相慧故無有疑悔不以  
色相見佛不以受想行識相見佛問曰云何  
不以色相見佛不以受想行識相見佛答曰  
非色是佛非受想行識是佛非離色有佛非  
離受想行識有佛非佛有色非佛有受想行  
識非色中有佛非受想行識中有佛非佛中  
有色非佛中有受想行識菩薩於此五種中  
不取相得至阿惟越致地問曰已知得此法

是阿惟越致阿惟越致有何相貌答曰  
般若已廣說 阿惟越致相  
若菩薩觀凡夫地聲聞地辟支佛地佛地不  
二不分別無有疑悔當知是阿惟越致阿惟  
越致有所言說皆有益不觀他人長短好  
醜不希望外道沙門有所言說應知即知應  
見便見不禮事餘天不以華香幡蓋供養不  
宗事餘師不墮惡道不受女身常自修十善  
道亦教他令行常以善法示教利喜乃至夢  
中不捨十善道不行十不善道身口意業所

種善根皆爲安樂度脫衆生所得果報與衆生共若聞深法不生疑悔少於語言利安語和悅語柔軟語少於眠睡行來進止心不散亂威儀詳雅憶念堅固身無諸蟲衣服卧具淨潔無垢身心清淨閑靜少事心不諂曲不懷慳嫉不貴利養衣服飲食卧具醫藥資生之物於深法中無所諍競一心聽法常欲在前以此福德具足諸波羅蜜於世技術與衆殊絕觀一切法皆順法性乃至惡魔變現八大地獄化作菩薩而語之言汝若不捨菩提

心者當生此中見是怖畏而心不捨惡魔復言摩訶衍經非佛所說聞是語時心無有異常依法相不隨於他於生死苦惱而無驚畏聞有菩薩於阿僧祇劫修集善根而退轉者其心不沒又聞菩薩退爲阿羅漢得諸禪定說法度人心亦不退常能覺知一切魔事若聞薩婆若空大乘十地亦空可度衆生亦空諸法無所有亦如虛空若聞如是惑亂其心欲令退轉疲歇懈廢而是菩薩倍加精進深行慈悲意若欲入初禪第二第三第四禪而

不隨禪生還起欲界法除破憍慢不貴稱讚  
心無瞋癡若在居家不染著五欲以厭離心  
受如病服藥不以邪命自活不以自活因緣  
惱亂於他但為衆生得安樂故處在居家密  
迹金剛常隨侍衛人及非人不能壞亂諸根  
具足無所缺少第四不為呪術惡藥伏人害物不  
好鬪諍不自高身卑下他人不占相吉凶不  
樂說衆事所謂帝王臣民國土疆界戰鬪器  
仗衣物酒食女人事古昔事大海中事如是  
等事悉不樂說不往觀聽歌舞妓樂但樂說

應諸波羅蜜義樂說應諸波羅蜜法令得增  
益離諸鬪訟常願見佛聞他方現在有佛願  
欲往生常生中國終不自疑我是阿惟越致  
非阿惟越致決定自知是阿惟越致種種魔  
事覺而不隨乃至轉身不生聲聞辟支佛心  
乃至惡魔現作佛身語言汝應證阿羅漢我  
今為汝說法即於此中成阿羅漢亦不信受  
為護法故不惜身命常行精進若說法時無  
有疑難無有闕失如是等事名阿惟越致相  
能成就此相者當知是阿惟越致或有未具

足者何者是未入阿惟越致地者隨後諸地修集善根隨善根轉深故得是阿惟越致相

易行品第九

問曰是阿惟越致菩薩初事如先說至阿惟越致地者行諸難行久乃可得或墮聲聞辟支佛地若爾者是大衰患如助道法中說若墮聲聞地 及辟支佛地 是名菩薩死則失一切利 若墮於地獄 不生如是畏若墮二乘地 則為大怖畏 墮於地獄中

畢竟得至佛 若墮二乘地 畢竟遮佛道 佛自於經中 解說如是事 如人貪壽者 斬首則大畏 菩薩亦如是 若於聲聞地 及辟支佛地 應生大怖畏 是故若諸佛所說有易行道疾得至阿惟越致地方便者願為說之答曰如汝所說是傳弱怯劣無有大心非是丈夫志幹之言也何以故若人發願欲求阿耨多羅三藐三菩提未得阿惟越致於其中間應不惜身命晝夜精進如救頭然如助道中說

菩薩未得至 阿惟越致地 應常勤精進

猶如救頭然 荷負於重擔 為求菩提故

常應勤精進 不生懈怠心 若求聲聞乘

辟支佛乘者 但為成己利 常應勤精進

何況於菩薩 自度亦度彼 於此二乘人

億倍應精進

行大乘者佛如是說發願求佛道重於舉三千大千世界汝言阿惟越致地是法甚難久乃可得若有易行道疾得至阿惟越致地者是乃怯弱下劣之言非是大人志幹之說汝

若必欲聞此方便今當說之佛法有無量門

如世間道有難有易陸道步行則苦水道乘

船則樂菩薩道亦如是或有勤行精進或有

以信方便易行疾至阿惟越致者如偈說

東方善德佛 南栴檀德佛 西無量明佛

北方相德佛 東南無憂德 西南寶施佛

西北華德佛 東北三乘行 下方明德佛

上方廣眾德 如是諸世尊 今現在十方

若人疾欲至 不退轉地者 應以恭敬心

執持稱名號

若菩薩欲於此身得至阿惟越致地成阿耨  
多羅三藐三菩提者應當念是十方諸佛稱  
其名號如寶月童子所問經阿惟越致品中  
說佛告寶月東方去此過無量無邊不可思  
議恒河沙等佛土有世界名無憂其地平坦  
七寶合成紫磨金縷交絡道界寶樹羅列以  
為莊嚴無有地獄畜生餓鬼阿脩羅道及諸  
難處清淨無穢無有沙磧瓦石山陵埳阜深  
坑幽壑天常雨華以布其地時世有佛號曰  
善德如來應正徧知明行足善逝世間解無

上士調御丈夫天人師佛世尊大菩薩眾恭  
敬圍遶身相光色如然大金山如大珍寶聚  
為諸大眾演說正法初中後善有辭有義所  
說不雜具足清淨如實不失何謂不失不失  
地水火風不失欲界色界無色界不失色受  
想行識寶月是佛成道已來過六十億劫又  
其佛國晝夜無異但以此間閻浮提日月歲  
數說彼劫壽其佛光明常照世界於一說法  
令無量無邊千萬億阿僧祇眾生生住無生法  
忍倍此人數得住初忍第二第三忍寶月其

佛本願力故若有他方衆生於先佛所種諸善根是佛但以光明觸身即得無生法忍寶月若善男子善女人聞是佛名能信受者即不退阿耨多羅三藐三菩提餘九佛事皆亦如是今當解說諸佛名號及國土名號善德者其德淳善但有安樂非如諸天龍神福德或惱衆生栴檀德者南方去此無量無邊恒河沙等佛土有世界名歡喜佛號栴檀德今現在說法譬如栴檀香而清涼彼佛名稱遠聞如香流布滅除衆生三毒火熱令得清涼

無量明佛者西方去此無量無邊恒河沙等佛土有世界名善解佛號無量明今現在說法其佛身光及智慧明照無量無邊相德佛者北方去此無量無邊恒河沙等佛土有世界名不可動佛名相德今現在說法其佛福德高顯猶如幢相無憂德者東南方去此無量無邊恒河沙等佛土有世界名月明佛號無憂德今現在說法其佛神德令諸天人無有憂愁寶施佛者西南方去此無量無邊恒河沙等佛土有世界名衆相佛號寶施今現

在說法其佛以諸無漏根力覺道等寶常施  
衆生華德佛者西北方去此無量無邊恒河  
沙等佛土有世界名衆音佛號華德今現在  
說法其佛色身猶如妙華其德無量三乘行  
佛者東北方去此無量無邊恒河沙等佛土  
有世界名安隱佛號三乘行今現在說法其  
佛常說聲聞行辟支佛行諸菩薩行有人言  
說上中下精進故號為三乘行明德佛者下  
方去此無量無邊恒河沙等佛土有世界名  
廣大佛號明德今現在說法明名身明智慧

明寶樹光明是三種明常照世間廣衆德者  
上方去此無量無邊恒河沙等佛土有世界  
名衆月佛號廣衆德今現在說法其佛弟子  
福德廣大故號廣衆德是十方佛善德為初  
廣衆德為後若人一心稱其名號即得不退  
於阿耨多羅三藐三菩提如此偈說  
若有人得聞 說是諸佛名 即得無量德  
如為寶月說 我禮是諸佛 今現在十方  
其有稱名者 即得不退轉 東方無憂界  
其佛號善德 色相如金山 名聞無邊際

若人聞名者	即得不退轉	我今合掌禮
願悉除憂惱	南方歡喜界	佛號栴檀德
面淨如滿月	光明無有量	能滅諸衆生
三毒之熱惱	聞名得不退	是故稽首禮
西方善世界	佛號無量明	身光智慧明
所照無邊際	其有聞名者	即得不退轉
我今稽首禮	願盡生死際	北方無動界
佛號為相德	身具衆相好	而以自莊嚴
摧破魔怨衆	善化諸天人	聞名得不退
是故稽首禮	東南月明界	有佛號無憂

光明踰日月	遇者滅憂惱	常為衆說法
除諸内外苦	十方佛稱讚	是故稽首禮
西南衆相界	佛號為寶施	常以諸法寶
廣施於一切	諸天頭面禮	寶冠在足下
我今以五體	歸命寶施尊	西北衆音界
佛號為華德	世界衆寶樹	演出妙法音
常以七覺華	莊嚴於衆生	白毫相如月
我今頭面禮	東北安隱界	諸寶所合成
佛號三乘行	無量相嚴身	智慧光無量
能破無明闇	衆生無憂惱	是故稽首禮

上方衆月界	衆寶所莊嚴	大德聲聞衆
菩薩無有量	諸聖中師子	號曰廣衆德
諸魔所怖畏	是故稽首禮	下方廣世界
佛號爲明德	身相妙超絕	閻浮檀金山
常以智慧日	開諸善根華	寶土甚廣大
我遙稽首禮	過去無數劫	有佛號海德
是諸現在佛	皆從彼發願	壽命無有量
光明照無極	國土甚清淨	聞名定作佛
今現在十方	具足成十力	是故稽首禮
人天中最尊		

問曰但聞是十佛名號執持在心便得不退  
 阿耨多羅三藐三菩提爲更有餘佛餘菩薩  
 名得至阿惟越致耶答曰阿彌陀等佛及諸  
 大菩薩

稱名一心念 亦得不退轉

更有阿彌陀等諸佛亦應恭敬禮拜稱其名  
規 號今當具說無量壽佛世自在王佛師子意  
 佛法意佛梵相佛世相佛世妙佛慈悲佛世  
 王佛人王佛月德佛寶德佛相德佛大相佛  
 殊蓋佛師子鬘佛破無明佛智華佛多摩羅

跋耨檀香佛持大功德佛兩七寶佛起勇佛  
 離瞋恨佛大莊嚴佛無相佛寶藏佛德頂佛  
 多伽羅香佛拏檀香佛蓮華香佛莊嚴道路  
 佛龍蓋佛兩華佛散華佛華光明佛日音聲  
 佛蔽日月佛瑠璃藏佛梵音佛淨明佛金藏  
 佛須彌頂佛山王佛音聲自在佛淨眼佛月  
 明佛如須彌山佛日月佛得衆佛華王佛梵  
 音說佛世主佛師子行佛妙法意師子吼佛  
 珠寶蓋珊瑚色佛破癡愛闇佛水月佛衆華  
 佛開智慧佛持雜寶佛菩提佛華超出佛真

瑠璃明佛蔽日明佛持大功德佛得正慧佛  
 勇健佛離諂曲佛除惡根栽佛大香佛道歎  
 佛水光佛海雲慧遊佛德頂華佛華莊嚴佛  
 日音聲佛月勝佛瑠璃佛梵聲佛光明佛金  
 藏佛山頂佛山王佛音王佛龍勝佛無染佛  
 淨面佛月面佛快而如須彌佛拏檀香佛威勢佛  
 然燈佛難勝佛寶德佛喜音佛光明佛龍勝  
 佛離垢明佛師子佛王王佛力勝佛華園佛  
 無畏明佛香頂佛普賢佛普華佛寶相佛是  
 諸佛世尊現在十方清淨世界皆稱名憶念

阿彌陀佛本願如是若人念我稱名自歸即  
入必定得阿耨多羅三藐三菩提是故常應  
憶念以偈稱讚

無量光明慧 身如真金山 我今身口意

合掌稽首禮 金色妙光明 普流諸世界

隨物示其色 是故稽首禮 若人命終時

得生彼國者 即具無量德 是故我歸命

人能念是佛 無量力功德 即時入必定

是故我常念 彼國人命終 設應受諸苦

不墮惡地獄 是故歸命禮 若人生彼國

終不墮三趣 及與阿脩羅 我今歸命禮

人天身相同 猶如金山頂 諸勝所歸處

是故頭面禮 其有生彼國 具天眼耳通

十方普無礙 稽首聖中尊 其國諸衆生

神變及心通 亦具宿命智 是故歸命禮

生彼國土者 無我無我所 不生彼此心

是故稽首禮 超出三界獄 目如蓮華葉

聲聞衆無量 是故稽首禮 彼國諸衆生

其性皆柔和 自然行十善 稽首衆聖主

從善生淨明 無量無邊數 二足中第一

是故我歸命	若人願作佛	心念阿彌陀
應時為現身	是故我歸命	彼佛本願力
十方諸菩薩	來供養聽法	是故我稽首
彼土諸菩薩	具足諸相好	以自莊嚴身
我今歸命禮	彼諸大菩薩	日日於三時
供養十方佛	是故稽首禮	若人種善根
疑則華不開	信心清淨者	華開則見佛
十方現在佛	以種種因緣	歎彼佛功德
我今歸命禮	其土具嚴飾	殊彼諸天宮
功德甚深厚	是故禮佛足	佛足千輻輪

柔輭蓮華色	見者皆歡喜	頭面禮佛足
肩間白毫光	猶如清淨月	增益面光色
頭面禮佛足	本求佛道時	行諸奇妙事
如諸經所說	頭面稽首禮	彼佛所言說
破除諸罪根	美言多所益	我今稽首禮
以此美言說	救諸著樂病	已度今猶度
是故稽首禮	人天中最尊	諸天頭面禮
七寶冠摩尼	是故我歸命	一切賢聖眾
及諸人天眾	咸皆共歸命	是故我亦禮
乘彼八道船	能度難度海	自度亦度彼

我禮自在者 諸佛無量劫 讚揚其功德  
 猶尚不能盡 歸命清淨人 我今亦如是  
 稱讚無量德 以是福因緣 願佛常念我  
 我於今先世 福德若大小 願我於佛所  
 心常得清淨 以此福因緣 所獲上妙德  
 願諸衆生類 皆亦悉當得  
 又亦應念毗婆尸佛尸棄佛毗首婆佛拘樓  
 珊提佛迦那迦牟尼佛迦葉佛釋迦牟尼佛  
 及未來世彌勒佛皆應憶念禮拜以偈稱讚  
 毗婆尸世尊 無憂道樹下 成就一切智

微妙諸功德 正觀於世間 其心得解脫  
 我今以五體 歸命無上尊 尸棄佛世尊  
 在於邠陀利 道場樹下坐 成就於菩提  
 身色無有比 如然紫金山 我今自歸命  
 三界無上尊 毗首婆世尊 坐娑羅樹下  
 自然得通達 一切妙智慧 於諸人天中  
 第一無有上 是故我歸命 一切最勝尊  
 迦求村大佛 得阿耨多羅 三藐三菩提  
 尸利沙樹下 成就大智慧 永脫於生死  
 我今歸命禮 第一無比尊 迦那舍牟尼

大聖無上尊 優曇鉢樹下 成就得佛道

通達一切法 無量無有邊 是故我歸命

第一無上尊 迦葉佛世尊 眼如雙蓮華

尼拘樓陀樹 於下成佛道 三界無所畏

行步如象王 我今自歸命 稽首無極尊

釋迦牟尼佛 阿輸陀樹下 降伏魔怨敵

成就無上道 面貌如滿月 清淨無瑕塵

我今稽首禮 勇猛第一尊 當來彌勒佛

那伽樹下坐 成就曠大心 自然得佛道

功德甚堅牢 莫能有勝者 是故我自歸

無比妙法王

復有德勝佛普明佛勝敵佛王相佛相王佛

無量功德明自在王佛藥王無礙佛寶遊行

佛寶華佛安住佛山王佛亦應憶念恭敬禮

拜以偈稱讚

無勝世界中 有佛號德勝 我今稽首禮

及法寶僧寶 隨意喜世界 有佛號普明

我今自歸命 及法寶僧寶 普賢世界中

有佛號勝敵 我今歸命禮 及法寶僧寶

善淨集世界 佛號王幢相 我今稽首禮

復次過去未來現在諸佛盡應總念恭敬禮	皆令自得見	唯願諸如來	住在東方界	我今頭面禮	及法寶僧寶	及法寶僧寶	無礙藥王佛	自在於十方	及法寶僧寶
		深加以慈愍	我以恭敬心	及法寶僧寶	美音界寶華	安立山王佛	佛號寶遊行	是故稽首禮	及法寶僧寶
		現身在我前	稱揚歸命禮	今是諸如來			我今頭面禮	不誑世界中	無量功德明

復應憶念諸大菩薩善意菩薩善眼菩薩聞	當入於涅槃	光明無有量	歸命稽首禮	慈愍諸衆生	不可計諸佛	恭敬而稱揚	廣利於衆生	過去世諸佛	拜以偈稱讚
	如是諸世尊	衆相自莊嚴	未來世諸佛	常轉妙法輪	其數過恒沙	是故頭面禮	彼時諸衆生	降伏衆魔怨	
	我今頭面禮	出世度衆生	身色如金山	是故我恭敬	無量無有邊	現在十方界	盡心皆供養	以大智慧力	

月菩薩尸毗王菩薩一切勝菩薩知大地菩薩  
大藥菩薩鳩舍菩薩阿離念彌菩薩頂生  
王菩薩喜見菩薩鬱多羅菩薩和和檀菩薩  
長壽王菩薩羸提菩薩韋藍菩薩睽菩薩月  
蓋菩薩明首菩薩法首菩薩法利菩薩彌勒  
菩薩復有金剛藏菩薩金剛首菩薩無垢藏  
菩薩無垢稱菩薩除疑菩薩無垢德菩薩網  
明菩薩無量明菩薩大明菩薩無盡意菩薩  
意王菩薩無邊意菩薩日音菩薩月音菩薩  
美音菩薩美音聲菩薩大音聲菩薩堅精進

菩薩常堅菩薩堅發菩薩堅莊菩薩常悲菩  
薩常不輕菩薩法上菩薩法意菩薩法喜菩  
薩法首菩薩法積菩薩發精進菩薩智慧菩  
薩淨威德菩薩那羅延菩薩喜思惟菩薩法  
思惟菩薩跋陀婆羅菩薩法益菩薩高德菩  
薩師子遊行菩薩喜根菩薩上寶月菩薩不  
虛德菩薩龍德菩薩文殊師利菩薩妙音菩  
薩雲音菩薩勝意菩薩照明菩薩勇眾菩薩  
勝眾菩薩威儀菩薩師子意菩薩上意菩薩  
益意菩薩增益菩薩寶明菩薩慧頂菩薩樂

說頂菩薩有德菩薩觀世自在王菩薩陀羅  
尼自在王菩薩大自在王菩薩無憂德菩薩  
不虛見菩薩離惡道菩薩一切勇健菩薩破  
闇菩薩功德寶菩薩華威德菩薩金瓔珞明  
德菩薩離諸陰蓋菩薩心無礙菩薩一切行  
淨菩薩等見菩薩視四不等見菩薩三昧遊戲菩  
薩法自在菩薩法相菩薩明莊嚴菩薩大莊  
嚴菩薩寶頂菩薩寶印手菩薩常舉手菩薩  
常下手菩薩常慘菩薩常喜菩薩喜王菩薩  
得辯才音聲菩薩虛空雷音菩薩持寶炬菩

薩勇施菩薩帝網菩薩馬光菩薩空無礙菩  
薩寶勝菩薩天王菩薩破魔菩薩電德菩薩  
自在菩薩頂相菩薩出過菩薩師子吼菩薩  
雲陰菩薩能勝菩薩山相幢王菩薩香象菩  
薩大香象菩薩白香象菩薩常精進菩薩不  
休息菩薩妙生菩薩華莊嚴菩薩觀世音菩  
薩得大勢菩薩水王菩薩山王菩薩帝網菩  
薩寶施菩薩破魔菩薩莊嚴國土菩薩金髻  
菩薩珠髻菩薩如是等諸大菩薩皆應憶念  
恭敬禮拜求阿惟越致也

永樂北藏

十住毗婆沙論

第一〇〇册

十住毗婆沙論卷第四

陸田

十一

音釋

邠卑民切 睽失非切

十住毗婆沙論卷第五

龍 樹 菩 薩 造 規五

姚秦三藏法師鳩摩羅什譯

除業品第十

問曰但憶念阿彌陀等諸佛及念餘菩薩得

規五

阿惟越致更有餘方便耶答曰求阿惟越致地者非但憶念稱名禮敬而已復應於諸佛所懺悔勸請隨喜迴向問曰是事何謂答曰十方無量佛所知無不盡我今悉於前發露諸黑惡三三合九種從三煩惱起

今身若先身是罪盡懺悔於三惡道中

若應受業報願於今身償不入惡道受

十方諸佛者現在一切諸佛命根成就未入

涅槃十方名四方四維上下佛名所應知事

悉知無餘發露者於諸佛所發露一切罪無

所覆藏後不復作如堤防水黑惡者無智慧

明故多犯眾惡若不善法若隱沒無記三三

種者身口意生惡現報生報後報自作教他

作隨喜作從三種煩惱起三種煩惱謂欲界

繫色界繫無色界繫若助貪欲煩惱若助瞋

恚煩惱若助愚癡煩惱若上煩惱若中煩惱  
若下煩惱今身先身盡懺悔者今世先世所  
作衆惡盡悔無餘地獄者八種熱地獄十種  
寒冰地獄畜生者若地生若水生若無足若  
二足若多足餓鬼者食唾食吐蕩滌汁食膿  
血屎尿等若我業應於此三惡道受者願令  
是罪此身現受若後身受莫於地獄餓鬼畜  
生中受復次佛自說懺悔法若菩薩欲懺悔  
罪應作是言我於今現在十方世界中諸佛  
得阿耨多羅三藐三菩提轉法輪兩法兩擊

法鼓吹法螺建法幢以法布施滿足衆生多  
所利益多所安隱憐愍世間饒益天人我今  
以身口意頭面禮現在諸佛足諸佛知者見  
者世間眼世間燈我於無始生死已來所起  
罪業爲貪欲瞋恚愚癡所逼故或不識佛不  
識法不識僧或不識罪福或身口意多作衆  
惡或以惡心出佛身血或毀滅正法故壞衆  
僧殺真人阿羅漢或自行十不善道或教他  
令行或復隨喜若於衆生有不愛語若以斗  
稱欺誑侵人以諸邪行惱亂衆生或不孝父

母或盜塔物及四方僧物佛所說經戒或有  
毀破違逆和尚阿闍梨若人發聲聞乘辟支  
佛乘發大乘者惡言毀辱輕賤嫌恨慳嫉覆  
心故於諸尊所或起惡口或說是法非法說  
非法是法今以是罪於現在諸佛知者見者  
證者所盡皆發露不敢覆藏從今已後不敢  
復作若我有罪應墮地獄畜生餓鬼阿脩羅  
中不值三尊生在諸難願以此罪今世現受  
如過去諸菩薩求佛道者懺悔惡業罪我亦  
如是發露懺悔不敢覆藏後不復作若今諸

菩薩求佛道者懺悔惡業罪我亦如是發露  
懺悔不敢覆藏後不復作如未來諸菩薩求  
佛道者懺悔惡業罪我亦如是發露懺悔不  
敢覆藏後不復作如過去未來現在諸菩薩  
求佛道者懺悔惡業罪已懺悔今懺悔當懺  
悔我亦如是懺悔惡業罪不敢覆藏後不復  
作問曰汝已說懺悔法云何為勸請答曰  
十方一切佛 現在成道者 我請轉法輪  
安樂諸衆生 十方一切佛 若欲捨壽命  
我今頭面禮 勸請令久住

轉法輪者說四聖諦義三轉十二相是苦諦是苦集是苦滅是至苦滅道是名一轉四相是苦諦應知是苦集應斷是苦滅應證是至苦滅道應修是名第二轉四相是苦諦知已是苦集斷已是苦滅證已是至苦滅道修已是名第三轉四相四相者四諦中生眼智明覺有入聲聞乘辟支佛乘大乘是名法輪解脫是三乘義名為轉法輪安樂諸衆生者五欲樂不名為安樂為今世後世得清淨安隱入於三乘是名安樂是人勸請諸佛轉法輪

令諸衆生受涅槃樂若未得涅槃今受世間樂是故說安樂壽者受業報因緣故命根相續得住如變化所作隨心業而住心業止則滅勸請名至誠求願諸佛觀諸衆生巨細無異是故求請望得從願莫捨壽命住無量阿僧祇劫度脫衆生復次佛自說勸請法菩薩應作是言我禮現在十方諸佛始得阿耨多羅三藐三菩提未轉法輪我今求請願轉法輪擊法鼓吹法螺建法幢設大法祠然大法炬以是法施滿足衆生多所利益多所安樂

憐愍世間饒益天人是故我今勸請是名勸  
請諸佛轉法輪久住者亦應言現在十方諸  
佛欲捨壽命我請久住多所利益多所安樂  
憐愍世間饒益天人問曰汝已說懺悔勸請  
云何名為隨喜答曰

况五

所有布施福 持戒修禪行 從身口意生  
去來今所有 習行三乘人 具足三乘者  
一切凡夫福 皆隨而歡喜  
布施福者從捨慳法生持戒福者能伏身口  
業生禪行者諸禪定是從身口生者因身口

布施持戒迎來送去等因意生者禪定慈悲  
等去來今所有者一切眾生三世福德行三  
乘者求聲聞乘辟支佛乘大兼具足三乘者  
成就阿羅漢乘辟支佛乘佛乘一切者皆盡  
無餘凡夫者未得四諦者是福德者有二種  
業善及不隱沒無記業是隨喜者他人作福  
心生歡喜稱以為善問曰汝以說懺悔勸請  
隨喜云何為迴向答曰  
我所有福德 一切皆和合 為諸眾生故  
正迴向佛道

我者己身所有福德者若從身生若從口生若從意生若因布施生若因持戒生若因修禪生若因隨喜生若因勸請生如是等及餘所有善皆名所有福德一切和合者心念諸福德合集稱量知其廣大諸衆生者三界衆生正者如諸佛迴向如五如真實迴向五菩提迴向菩提者迴諸福德向阿耨多羅三藐三菩提又隨喜迴向此二事佛亦自說有菩薩摩訶薩欲隨喜迴向應念諸佛斷三界相續道滅諸戲論乾煩惱淤泥滅諸刺棘除諸重擔逮

得己利正智解脫心得自在盡諸有結無量無邊不可思議阿僧祇十方世界一一世界中亦無量無邊不可思議阿僧祇諸佛出已滅度從初發心乃至得佛入無餘涅槃至遺法未盡於其中間是諸佛所有善根福德應六波羅蜜及所授辟支佛記所有善根又聲聞人善根若布施持戒修禪及學無學無漏善根及諸戒品定品慧品解脫品解脫知見品大慈大悲等無量功德及諸佛有所說法於此法中有人信解受學得此法利是諸人

等所有善根於此法中及凡夫所種善根及諸天龍夜叉乾闥婆阿脩羅迦樓羅緊那羅摩睺羅伽得聞法已生諸善心乃至畜生聞法生諸善心及諸佛欲入涅槃時衆生所種善根是諸善根福德一切和合稱量使無遺餘以最上最妙最勝無上無等等隨喜隨喜已以是隨喜所生福德迴向阿耨多羅三藐三菩提未來現在諸佛亦如是三世諸佛福德及因諸佛所生福德心皆隨喜迴向阿耨多羅三藐三菩提是故偈說

罪應如是懺 勸請隨喜福 迴向無上道  
皆亦應如是 如諸佛所知 我悔罪勸請  
隨喜及迴向 皆亦復如是  
無始世界來有無量遮佛道罪應於十方諸佛前懺悔勸請諸佛隨喜迴向如佛所知所見所許懺悔我亦如是懺悔勸請諸佛隨喜迴向若如是懺悔勸請隨喜迴向是名正迴向問曰云何名為諸佛所知所見所許懺悔勸請隨喜迴向答曰懺悔勸請如先說隨喜迴向如大品經中須菩提白佛言世尊所說

菩薩於過去未來現在一切諸佛及諸弟子  
一切衆生所有福德善根盡和合稱量以最  
上隨喜世尊云何名爲最上隨喜佛告須菩  
提若菩薩於過去未來現在諸法不取不念  
不見不得不分別而能如是思惟是諸法皆  
從憶想分別衆緣和合有一切法實不生無  
所從來是中乃至無有一法已生今生當生  
亦無已滅今滅當滅諸法相如是我順諸法  
相隨喜隨喜已亦隨諸法實相迴向阿耨多  
羅三藐三菩提是名最上隨喜迴向復次須

菩提求佛道善男子善女人不欲謗佛者應  
以善根如是迴向應作是念如諸佛心佛智  
佛眼知見是善根福德本末體相從何而有  
我亦如是隨諸佛知見隨喜如諸佛所許我  
亦如是以善根迴向若菩薩如是迴向則不  
謗諸佛亦無過咎說五深心信解如實迴向是名  
大迴向具足迴向復次須菩提善男子善女  
人以諸善根福德應如是迴向如諸賢聖戒  
品定品慧品解脫品解脫知見品不繫欲界  
不繫色界不繫無色界不在過去不在未來

不在現在以不繫三界故是迴向亦如是不繫所迴向處亦不繫若菩薩能如是得心信解如實是名不失迴向無毒迴向法性迴向若菩薩於此迴向取相貪著是名邪迴向是故諸菩薩摩訶薩應如諸佛所知法相以是法相迴向能至阿耨多羅三藐三菩提是名正迴向

分別功德品第十一

問曰懺悔勸請隨喜迴向應云何作晝夜中

幾時行答曰

以右膝著地 偏袒於右肩 合掌恭敬心 晝夜各三時

以恭敬相故右膝著地偏袒右肩合掌是事應初夜一時禮一切佛懺悔勸請隨喜迴向中夜後夜皆亦是於日初分日中分日後分亦如是一日一夜合為六時一心念諸佛如現在前問曰作是行已得何果報答曰若於一時行 福德有形者 恒河沙世界乃自不容受若於一時中行此事者所得福德若有形恒

河沙等無量無邊不可思議三千大千世界  
所不容受如三支經除罪業品中說佛告舍  
利弗若善男子善女人以滿恒河沙等三千  
大千世界七寶布施諸佛若復有人勸請諸  
佛轉法輪此福為勝又於般若波羅蜜隨喜  
迴向品中說善哉善哉須菩提汝能為佛事  
與諸菩薩說迴向法若菩薩作是念如諸佛  
知見是善根福德本末體相何因緣故有我  
亦如是隨佛所知所見迴向是人得福多譬  
如恒河沙等三千大千世界中衆生皆成就

十善道菩薩迴向福德最上最妙最勝無比  
無等無等等須菩提置是恒河沙等三千大  
千世界衆生成就十善道若恒河沙等三千  
大千世界衆生皆得四禪其福比此亦復最  
上最妙最勝四無量心四無色定五神通得  
須陀洹果斯陀含果阿那含果阿羅漢果辟  
支佛道亦如是如法迴向福德最上最妙最  
勝須菩提置此恒河沙等三千大千世界衆  
生皆作辟支佛若有恒河沙等三千大千世  
界衆生皆發阿耨多羅三藐三菩提心復有

恒河沙等三千大千世界衆生其一菩薩以取相心供養是諸衆生衣服飲食卧具醫藥於恒河沙等劫以一切樂具供養恭敬尊重讚歎一一菩薩皆亦如是須菩提於意云何是諸菩薩以此因緣得福多不甚多世尊如是福德算數譬喻所不能及若是福德有形恒河沙等世界所不能受佛告須菩提善哉善哉須菩提是菩薩爲般若波羅蜜守護以善根隨法性迴向所得福德先諸菩薩取相布施福德百分不及一百分萬分百千萬億

分乃至算數譬喻所不能及何以故先諸菩薩取相分別布施皆是有量有數又般若波羅蜜迴向品中說佛告淨居天子置此恒河沙等三千大千世界衆生皆發阿耨多羅三藐三菩提心餘恒河沙等三千大千世界衆生一一菩薩以取相心供養是諸衆生衣服飲食卧具醫藥資生之物隨意供養於恒河沙等劫諸天子若是恒河沙等三千大千世界衆生發阿耨多羅三藐三菩提心餘恒河沙等三千大千世界中衆生皆亦發阿耨多

羅三藐三菩提心其一菩薩供養是諸菩薩衣服飲食卧具醫藥資生之物於恒河沙等劫是布施取相分別如是諸菩薩各於恒河沙等劫供養是諸菩薩衣服飲食卧具醫藥資生之物隨意供養恭敬尊重讚歎皆是取相布施若菩薩為般若波羅蜜所護過去未來現在諸佛戒品定品慧品解脫品解脫知見品及聲聞五品及諸凡人於中種善根已種今種當種盡和合稱量使無遺餘最上最妙最勝無等無等等不可思議隨喜福德迴

向阿耨多羅三藐三菩提作是念我是福德能至佛道是福德於先取相福德百分不及一千萬分萬億分乃至算數譬喻所不能及何以故是諸菩薩取相分別布施故復有恒河沙等三千大千世界衆生皆發阿耨多羅三藐三菩提心第五身行善業口行善業意行善業復有恒河沙等三千大千世界衆生皆發阿耨多羅三藐三菩提心若人於恒河沙等劫惡口罵詈皆能忍受於恒河沙等劫身心精進除諸懈怠攝心禪定無諸亂想而皆取

相不如菩薩如法性迴向其福為勝是故如  
汝先說作如是事得何等利者得如是大福  
德聚是故若人欲得如是無量無邊不可思  
議福德聚者應行是懺悔勸請隨喜迴向不  
惜身命利養名聞於晝夜中常應勤行問曰  
汝但說勸請隨喜迴向中福德何故不說懺  
悔中福德耶答曰於諸福德中懺悔福德最  
大除業障罪故得善行菩薩道行勸請隨喜  
迴向與空無相無願和合無異復次懺悔如  
如意珠隨願皆得如佛說若人欲於婆羅門

大性中生刹利大姓中生居士大家中生應  
如是懺悔罪業無所覆藏後不更作若有人  
欲生四天王天上忉利天上夜摩天上兜率  
陀天上化樂天上他化自在天上亦應如是  
懺悔罪業無所覆藏後不更作若人欲生梵  
世乃至非想非非想處是人亦應如是懺悔  
罪業無所覆藏後不更作若人欲得須陀洹  
果斯陀含果阿那含果阿羅漢果亦應如是  
懺悔罪業若人欲得三明六神通聲聞道中  
自在力盡聲聞功德彼岸亦應如是懺悔罪

業若人欲得辟支佛道亦應如是懺悔罪業  
 若人欲得一切智慧不可思議智慧無礙智  
 慧無上智慧亦應如是懺悔罪業無所覆藏  
 後不更作是故當知懺悔有大果報問曰汝  
 言懺悔除業障罪餘經中說佛告阿難故作  
 業必當受報又阿毗曇中說諸業因緣不空  
 果報不失不滅又經說衆生皆屬業皆從業  
 有依止於業衆生隨業各自受報若現報若  
 生報若後報又業報經中間羅王為衆生說  
 言吐衆生汝此罪非父母作天作沙門婆羅

門作汝自作自應受報又賢聖偈中說  
 實法如金剛 業力將無勝 今我已得道  
 而受惡業報  
 又佛自說  
 大海諸石山 丘陵樹林木 地水火風等  
 日月諸星宿 若至劫燒時 皆盡無有餘  
 業於無量劫 常在而不失 汝遇具相者  
 一切智人師 先所造罪業 已償其果報  
 今雖得值佛 垢盡證聖果 以餘因緣故  
 木刺猶在身

是故不應言懺悔除業罪答曰我不言懺悔則罪業滅盡無有果報我言懺悔罪則輕薄於少時受是故懺悔偈中說若應墮三惡道願人身中受又如來智印經中說佛告彌勒諸菩薩深心愛樂阿耨多羅三藐三菩提者五有罪應在惡道受報是罪輕微後世受惡形十二或多疾病無有威德生下賤家貧窮家邪見家邪業自活家生違意處多憂愁處國土破壞聚落破壞居家破壞所愛破壞不遇善知識常不聞法不得利養若得麤弊常不自供

能令下賤之所信敬於諸大人不得信敬修集諸福時多有障礙不得成就諸根闇鈍習禪意亂不得無漏覺意功德不知經法隨宜所趣乃至惡夢償惡道報又佛說人有小罪今世可受報是罪轉多便墮地獄云何是人今世小罪轉多而墮地獄有人不修身不修戒不修心不修慧無有大意是人小罪便墮地獄云何是人有罪今世應受報罪不增長不入地獄有人修身修戒修心修慧有大志意心無拘礙如是人有罪不復增長今世現

受譬如人以小器盛水著一升鹽則不可飲  
若復有人以一升鹽投於大海尚不覺鹽味  
何況巨飲何以故水多鹽少故罪亦如是偈  
說

升鹽投大海 其味無有異 若投小器水

鹹苦不可飲 如人大積福 而有少罪惡

不墮於惡道 餘緣而輕受 又人薄福德

而有少罪惡 心志狹小故 罪令墮惡道

若人火勢弱 食少難消食 此人雖不死

其身受大苦 若人身勢強 食少難消食

此人終不死 但受輕微苦 善福慧大弱  
而有少惡罪 是罪無救者 能令墮地獄  
大慧福德者 雖有罪惡事 不令墮地獄  
現身而輕受 譬如鴛岨魔 多殺於人眾  
又欲害母佛 得阿羅漢道

今世輕受又如阿闍世害得道父王以佛及  
文殊師利因緣故重罪輕受又如人毒蛇生  
時兩血後漸長大意欲殺人眼看即死若以  
氣噓亦死是故時人號為氣噓是人命終時  
舍利弗徃至其所心中瞋恚眼看不死噓亦

不死舍利弗身色方更光顯心即清淨上下  
七觀以是因緣命終之後七返生天上七返  
生人中於後人壽四萬歲時當得辟支佛道  
身黃金色時人謂是金聚來欲所取即命終  
涅槃又如阿輸伽王以兵伏閻浮提殺萬八  
千宮人先世施佛土故造八萬塔常於大阿  
羅漢所聽受經法後得須陀洹道即人身輕  
儻如是等罪多行福德志意曠大集諸功德  
故不墮惡道是故汝先難若懺悔罪業則滅  
盡無有果報者是語不然復次若言罪不可

滅者毗尼中佛說懺悔除罪則不可信是事  
不然是故業障罪應懺悔

分別布施品第十二

菩薩能行如是懺悔勸請隨喜迴向

福德力轉增 規五 心亦益柔軟 十四 即信佛功德

及菩薩大行

是菩薩以懺悔勸請隨喜迴向故福力轉增  
心調柔軟於諸佛無量功德清淨第一凡夫  
所不信而能信受及諸大菩薩清淨大行希  
有難事亦能信受復次

苦惱諸衆生 無是深淨法 於此生愍傷  
而發深悲心

若菩薩信諸佛菩薩無量甚深清淨第一功  
德已愍傷諸衆生無此功德但以諸邪見受  
種種苦惱故深生悲心

念是諸衆生 沒在苦惱泥 我當救拔之  
今在安隱處

是菩薩得悲心已作是念是諸衆生常為貪  
恚癡所病以身心受諸苦惱我當拔濟使離  
身心苦惱深泥畢竟無生老病死患得住安

隱涅槃樂處是故於此苦惱衆生生深悲心  
以悲心故為求隨意使得安樂則名慈心

若菩薩如是 深隨慈悲心 斷所有貪惜  
為施勤精進

菩薩是求佛道度苦惱衆生念者隨名隨順

慈悲不隨餘心觀五深慈名徧諸衆生念徹骨髓

所有名一切内外所有金銀珍寶國城妻子  
等貪名欲得無厭惜名愛著不欲與他斷名  
離此二惡如是則開檀波羅蜜門是故常應  
一心勤行無令放逸何以故菩薩作是念我

今隨所能作利益衆生發堅固施心

所有一切物 有命若無命 轉輪天王位

無求而不與 乃至於男女 族姓好妻妾

年少甚端嚴 巧便能事人 恭順心柔和

愛念情甚至 惜之過壽命 求者皆能與

乃至身血肉 骨髓及手足 頭目耳鼻等

及身皆能與

是菩薩定心布施凡所求物若有命若無命  
無有乞而不與無命物者金銀珍寶乃至轉  
輪聖王位天王位有命物者男女貴姓好家

年少妻妾端嚴柔和恭敬善順愛惜之至過

於身命而能施人如一切施菩薩所有外物

及妻子等皆能施與是菩薩乃至自身肉血

頭目手足耳鼻割肉出骨破骨出髓如薩陀

波喻或舉身施與一切所愛無過身者亦能

施與如薩和檀如菩薩為兔以身施與仙人

如尸毗王以身代鴿問曰是菩薩為分別知

布施及布施果報故以難事施為但以慈悲

心所發故施答曰

如是布施者 則得如是報 內以支節等

并及諸外物

內物名頭目手足等外物名妻子金銀寶物  
等是菩薩如實知施是得是報各各分別又  
信諸經所說或以天眼得知問曰汝先說知  
以身支節布施及外物布施所得果報今可  
說所得果報答曰寶頂經中無盡十六意菩薩第  
三十品檀波羅蜜義中說菩薩立願須食者  
施食令我得五事報一者得壽命二者得瞻  
三者得樂四者得力五者得色須漿與漿者  
先於人中得香美飲後得除諸煩惱渴愛須

乘與乘則得隨意樂報成就四如意足後得  
三乘道須衣與衣則得慙愧衣報須燈明與  
燈明則得佛眼光明須妓樂與妓樂則得具  
足天耳須末香塗香與末香塗香則得身無  
臭穢須汁與汁則得味味相報須房舍與房  
舍則得與一切衆生作歸依救護施資生之  
具者則得助菩提功德施醫藥者則得無老  
病死常樂安隱施奴婢者則得自在隨意具  
足智慧施金銀珊瑚磔碼碼者則得具足  
三十二相施種種雜物莊嚴其身得八十隨

形好施象馬車者則得具足大乘施園林者則得具足禪定樂施男女者得所受阿耨多羅三藐三菩提施倉穀寶藏者則得具足法藏施以一國土一閻浮提四天下三位者則得道場自在法王施諸戲樂具者則得法樂以足施者則得法足規五能到道場以手施者則得寶手能施一切以耳鼻施者則得具足身體以眼施者則得具足無礙法眼以頭施者則得三界特尊一切智慧以血肉施者令諸衆生得堅固行以髓施者得金剛身無能壞

者如是開施門果報餘施果報亦應知以卧具施者得三乘安隱解脫以牀坐處施者則得菩提樹下道場不可壞處以妻施者為得法喜娛樂故以道施者為生死失道衆生得入正道故以筏施者為得度欲流有流見流無明流故以骨施者為得戒堅定堅慧堅解脫堅解脫知見堅衆生堅故以眷屬施者為得成就無量無邊阿僧祇福德天人眷屬同心清淨不可沮壞故以善哉施者為得說法時天龍夜叉乾闥婆沙門婆羅門歡喜稱讚

故以經卷施者為得九部經文住無量時故  
以法施者為得通達一切法故集一切功德  
故是菩薩如是樂行布施知布施清淨知布  
施果報所得多少是故

非法財施等 乃至智訶施 無有如是施

但合空等施

非法者惡行所得財財名資生之物取要言  
之以惡業得財物施菩薩如此布施不清淨  
故如是等諸餘非法施乃至智所訶施不為  
此事菩薩行布施唯與空智慧等種種功德

和合問曰所說非法得財施等及空智慧等  
和合施此二施應廣分別答曰是二施無盡  
意菩薩會品中檀波羅蜜中說初分別布施  
功德所謂諸菩薩無非法求財施無熱惱眾  
生施無恐懼施無著故施無請而不施無不  
如所許施無恡好以不好施無不深心施無  
諂曲施無假偽施無損果施無邪心施無癡  
心施無雜心施無不信解施無疲厭施無親  
附施無以承望已施無求福田者施無輕一  
切眾生非福田者施無持戒毀戒高下心施

規五

十八

無求名聞施無自高心施無卑他施無懊惜  
施無悔心施無急喚故施無惡賤施無自然  
法施無求果報施無瞋恚施無令人渴乏施  
無惱求者施無輕弄彼施無欺誑施無顛面  
施無擲與施無不一心施無不自手施無不  
常施無休息施無斷絕施無競勝施無輕少  
物施無隨自恣而以輕物施無不稱力施無  
非福田施無於少物劣弱心施無恃多物憍  
心施無邪行施無樂受生施無恃色族富貴  
施無求生四王釋梵天上施無求聲聞辟支

佛乘施無求國王王子施無限一世施無馱  
足施無不迴向薩婆若施無不淨施無非時  
施無刀毒施無惱弄衆生施無智者所訶施  
如是開示施門餘不淨施亦應當知所謂諸  
菩薩無應棄物施無憎惡涅槃施無豐饒易  
得物施無置恩施無報恩施無求反報施無  
求守護施無求吉施無慢心施無家法施無  
因得即施無不終身施無垢心施無遊戲施  
無以善知識故施無輕施無遊逸施無因失  
施無以讚已故施無以訶罵故施無以咒願

故施無以稱希有事故施無以明已信故施  
無以畏故施無誑施無求眷屬施無不唱導  
施無引衆施無不信施無無因緣施無隨意  
施無現奇特施無自稱讚施無不隨所求施  
無爲伏彼施無不愛施無不任用物施無不  
恭敬施無下施無以恠相故施無抑挫施無  
挾勢得物施無不清淨心施無疑心施無破  
求者心施無禁忌物施無分別施無以酒施  
無以兵仗施無奪彼物施無令人生疑心施  
無以親近故施無說彼過咎施無隨所愛施

無瞋施無癡施無戲論施無不爲菩提施問  
曰非法求財施乃至不爲菩提施菩薩爲有  
爲無若盡無者則有過咎不求福田於衆生  
無差別心亦無知恩報恩亦無家法國法施  
若有者何以皆言無答曰是非法得財施乃  
至不爲菩提施菩薩不必盡無或時有是布  
施檀波羅蜜所不攝不能具足檀波羅蜜故  
言無空等功德和合施者如無盡意菩薩經  
檀波羅蜜品中說菩薩布施與空心合故不  
盡是施無相修故不盡是施無願守護故不

盡是施善根所攝故不盡是施隨解脫相故  
不盡是施能破一切魔故不盡是施不離煩  
惱故不盡是施得轉勝利故不盡是施決定  
心故不盡是施集助菩提法故不盡是施正  
迴向故不盡是施得道場解脫果故不盡是  
施無邊故不盡是施不可盡故不盡是施不  
斷故不盡是施廣大故不盡是施不可壞故  
不盡是施不可勝故不盡是施至一切智慧  
故不盡是施斷非法求財施等垢成就空等  
諸功德故不盡非法求財施等是施垢施與

垢合是不淨施與空等功德合是淨復次是  
施淨不淨今當更說經說施有四種有施於  
施者是淨不於受者淨有施於受者是淨不  
於施者淨有施於施者淨亦於受者淨有施  
不於施者淨亦不於受者淨若施者成就善  
身口意業受者成就惡身口意業是名於施  
者淨不於受者淨若施者成就惡身口意業  
受者成就善身口意業是名於受者淨不於  
施者淨若施者成就善身口意業受者亦成  
就善身口意業是名於施者淨於受者亦淨

若施者成就不善身口意業受者亦成就不善身口意業是名不於施者淨亦不於受者淨貪欲瞋恚愚癡若斷若不斷亦應如是分別復次四種布施中有淨不淨一從施者淨二從受者淨三共淨是名淨規五一不從施者淨二不從受者淨廿一三不共淨是名不淨是中施者有功德故從施者施得淨以受者有功德故從受者施者施得淨以施者受者有功德故從施者受者施得淨施者有罪故從施者施不淨受者有罪故從受者施不淨施者有

罪受者有罪故從施者受者施不淨施者功德受者功德施者罪受者罪先已說問曰汝說此四種施中菩薩行何施答曰四種布施中行二種淨施不求於名利及以求果報是布施有四種三淨三不淨不淨盡不行淨中應行二淨一者施者淨不於受者淨二者共淨於此二淨施中應常精進何以故是菩薩不期果報故若期果報者則求受者清淨淨名受者功德莊嚴其心清淨不淨名施者

不慳惜心如佛說慳為施垢餘煩惱雖為不淨慳最為重問曰若菩薩於施者淨及共淨淨應勤行此二施慳為施者垢亦是施大垢若菩薩未離欲未能斷慳云何能行此二種淨施答曰

若物能起慳 則不畜此物

菩薩若於有命無命物知生慳心者則不畜此物是故有所施皆無慳惜問曰外物可不畜身當云何答曰

常為利衆生 解身如藥樹

為利益衆生故信解身如藥樹如藥樹衆生有用根莖枝葉華實等各得差病隨意而取無有遮護菩薩亦如是為利衆生故能自捨身作是念若衆生取我頭目手足支節脊腹髀髀耳鼻齒舌血肉骨髓等隨其所須皆能與之規五或舉身盡施如是降伏其心廿二修集善根為方便所護行檀波羅蜜

十住毗婆沙論卷第五

音釋

顛 疋米切 傾頭也  
 差 差楚懈切 與瘥同  
 脊 背音切 背脊也  
 髀 伯各切 有髀也

十住毗婆沙論卷第六

規六

龍 樹 善 薩 造

姚秦三藏法師鳩摩羅什譯

分別布施品第十二之餘

總相別相施 皆悉能迴向

是菩薩能以二種施能知二種迴向一為總相二為別相總相迴向者有所施皆迴向阿耨多羅三藐三菩提別相施者如布施果報中說復次總相迴向者為安樂利益一切眾生別相迴向者無信眾生令得信故破戒者

得持戒故少聞者得多聞故懈怠者得精進故散亂心者得禪定故愚癡眾生得智慧故慳者得捨心故如是等種種別相復次總相迴向者以六波羅蜜迴向阿耨多羅三藐三菩提別相迴向者施外物時願諸眾生得大最樂支節布施時願諸眾生具足佛身問曰布施有幾種迴向幾種不迴向答曰一為淨四事迴向一三種不迴向一菩薩布施為清淨四事故迴向三種不迴向不為得王故迴向不為得欲樂故迴向不為得聲聞辟支佛

地故迴向不為得王故迴向者遮王則并遮一切貴人力勢自在者不為得欲樂迴向者除上貴人餘受富樂五欲自娛者不為得聲聞辟支佛迴向者遮因小乘入無餘涅槃令得安住大乘久後乃得無餘涅槃為四淨迴向者菩薩所施為清淨佛土故迴向為清淨菩提故迴向為清淨教化衆生故迴向為淨薩婆若故迴向菩薩應如是方便迴向無令布施損減使得勢力問曰以何法令布施損減以何法令布施增益答曰

若施不迴向 亦無有方便 求生於下處  
 親近惡知識 如是布施者 是則為損減  
 若布施不迴向阿耨多羅三藐三菩提隨逐  
 世間樂故求生下處無有方便能出布施禪  
 定果報自在所生親近障礙大乘知識以是  
 四法則布施損減規六  
 離四施得增 又應三心施 菩提順佛語  
 亦不求果報  
 離此四法布施則得增益一迴向阿耨多羅  
 三藐三菩提二有方便迴向三求法王處四

親近善知識又應以三法心而行布施一者  
憐愍一切衆生故以菩提心行施二者不遠  
佛法而行布施三者不求果報而行布施復  
次菩薩爲得三法故行布施一者佛法二者  
說法三者令諸衆生住無上樂又欲求二法  
行布施者一者大富二者具足檀波羅蜜何  
以故若菩薩大富則離貧苦不取他財不求  
息利無有債主不憂債債多財富足能自衣  
食有能惠施利益親族及善知識眷屬安樂  
其家豐饒常如節會心常歡悅能大施與眷

屬不輕人所敬仰言皆信受衆所依附人來  
師仰入衆無畏常好洗浴名香塗身著好新  
衣具足莊嚴見諸好色聽好音聲聞諸妙香  
常食最上美味細觸怨賊難壞善知識歡喜  
是於人身得善果報人所欽慕常稱吉善忘  
其醜惡雖生規六下賤有大人相雖無巧言成巧  
言者雖不多聞成多聞者雖少智慧成智慧  
者若先端正倍復殊勝若先大家倍復尊貴  
若先巧言倍復巧言若先多聞倍復多聞若  
先智慧倍復有智所可坐卧貴價寶牀寤寐

安隱侍衛具足衆寶爲舍極意遊戲其身貴  
重須諸經書應意即得勢位隨意親近王易  
諸貴貴人所念諸醫自往常有親信消息所  
宜有疾輕微若病易差遠離今世後世怖畏  
畢竟永離不活怖畏常有救護多有人衆諸  
親近者自謂多福爲同意者深自欣慶有少  
施恩得大酬報若加小惡得大殃禍族姓女  
人少年端正具足莊嚴自求給侍諸有諧利  
悉來歸已若作惡事事轉輕微少有施作即  
獲大利多善知識怨憎轉少蛇虺毒藥放逸

惡人如是等事不得妄近諸愛敬事皆悉歸  
趣若獲利時衆人代喜若有衰惱人皆憂感  
衆共示導競以善告令遠非法安住善法所  
施業大見莫不歡若與同心則以爲足不期  
世間富貴榮利假使居位人思匡助除其衰  
惱見他富貴無所希尚人詠其德不揚其過  
離小人名得大人號無不足色視他顏貌不  
作矯異若作婆羅門於天寺中大獲果報讚  
諸經書得其實利得而能施若是刹利所習  
成就善射音聲善能貫練治世典籍能得果

報若是田舍播植如意若是實賈能獲其利  
若是首陀羅所作事業多得如意問曰汝先  
說菩薩不以求果報心施又復不為豪貴故  
施而今說求大富故布施是語得無自相違  
答曰不相違也若自為身求富受樂是故說  
不應求富今說求富第六但為利益衆生是故說  
為欲大施故求富不為身已求富受樂是則  
果中說因若菩薩不得富雖信樂布施無財  
可與是故汝不應作難復次斷二法故應行  
布施何等為二一者慳二者貪此二法最為

施垢又得二法故行布施所謂盡智無生智  
又增益三種慧一者自利慧二者本慧二者  
多聞慧有人言增長二法故應行施一善二  
慧略說菩薩應行四種施攝一切善法一者  
等心施二者無對施三者迴向善提施四者  
具足善寂滅心施菩薩如是具檀波羅蜜故  
勤行財施  
分別法施品第十三  
菩薩於財施應如是修學又應修學法施如  
說

衆施法施最 智者應修行一

一切布施中第一最上最妙所謂法施是施  
智者所應行問曰何故但言智者應行法施  
答曰不智者若行法施即說黑論說黑論故  
自失利亦失他利問曰何謂黑論答曰佛欲  
滅度時告阿難從今日後依修多羅莫依人  
阿難云何名依修多羅不依人有比丘來作  
是言我現從佛聞現從佛受是法是善是佛  
所教是比丘語莫受莫捨審諦聽已應以經  
律檢其所說若不入修多羅不入毗尼又復

違逆諸法相義應報是比丘言是法或非佛  
所說或長老謬受何以故是法不入修多羅  
不入毗尼又復違逆諸法相義是則非法非  
善非佛所教如是知已即應除却復有比丘  
來作是言彼住處有大衆有明經上座善說  
戒律我現從彼聞現從彼受是法是善是佛  
所教是比丘語莫受莫捨審諦聽已應以經  
律檢其所說若不入修多羅不入毗尼又復  
違逆諸法相義應報是比丘言長老彼比丘  
僧法相善相或作非法非善說或長老謬受

何以故是法不入修多羅不入毗尼又復違  
逆諸法相義是則非法非善非佛所教如是  
知已即應除却復有比丘來作是言彼住處  
中多諸比丘持修多羅持毗尼持摩多羅迦  
我現從彼聞現從彼受是法是善是佛所教  
是比丘語莫受莫捨審諦聽已應以經律檢  
其所說若不入修多羅不入毗尼又復違逆  
諸法相義應報是比丘言長老彼比丘僧法  
相義相或作非法非善說或長老謬受何以  
故是法不入修多羅不入毗尼又復違逆諸

法相義是則非法非善非佛所教如是知已  
即應除却復有比丘來作是言彼住處中有  
長老比丘多知多識人所尊重我現從彼聞  
現從彼受是法是善是佛所教是比丘語莫  
受莫捨審諦聽已應以經律檢其所說若不  
入修多羅不入毗尼又復違逆諸法相義應  
報是比丘言長老彼諸比丘法相善相或作  
非法非善說或長老謬受何以故是法不入  
修多羅不入毗尼又復違逆諸法相義是則  
非法非善非佛所教如是知已即應除却是

四名黑論是故言智者不依黑論而行清白  
法施問曰云何知諸施中法施第一答曰經  
說有二施法施財施二施之中法施為上復  
次

決定王經中 讚說法功德 及說法儀式

應當修習行

若菩薩欲以法施衆生者應如決定王大乘  
經中稱讚法師功德及說法儀式隨順修學  
謂說法者應行四法何等為四一者廣博多  
學能持一切言辭章句二者決定善知世間

出世間諸法生滅相三者得禪定智慧於諸  
經法隨順無諍四者不增不損如所說行說  
法者處師子座復有四法何等為四一者欲  
昇高座先應恭敬禮拜大眾然後昇座二者  
衆有女人應觀不淨三者威儀視瞻有大人  
相敷演法音顏色和悅人皆信受不說外道  
經書心無怯畏四者於惡言問難當行忍辱  
處師子座復有四法何等為四一者於諸衆  
生生饒益想二者於諸衆生不生我想三者  
於諸文字不生法想四者願諸衆生從我聞

法者於阿耨多羅三藐三菩提而不退轉處  
師子座復有四法何等爲四一者善能安住  
陀羅尼門深信樂法二者善得般舟三昧勤  
行精進持戒清淨三者不樂一切生處不貪  
利養不求果報四者於三解脫心無有疑又  
能善起諸深三昧具足威儀憶念堅固有念  
安慧不調戲不輕躁不無羞不癡亂言無錯  
謬守護諸根不貪美味善攝手足所念不忘  
樂行頭陀分別世間出世間法心無疑悔言  
辭章句不可窮盡爲諸聽者求安隱利不求

他過有如是法應處師子座復有四法一不  
自輕身二不輕聽者三不輕所說四不爲利  
養佛告阿難說法者應說何法阿難所可說  
法不可示不可說無相無爲世尊法若爾者  
云何可說阿難是法甚深如來以四相方便  
而爲演說一以音聲二以名字三以語言四  
以義理又以四因緣而爲說法一者爲度應  
度衆生二者但說色受想行識名字三者以  
種種文辭章句利益衆生四者雖說名字而  
亦不得譬如鉢油清淨無垢於中觀者自見

面相阿難汝若見若聞智慧男子若持戒女人若聖弟子能作是說我於鉢油見實人不世尊我不聞不見智慧男子持戒女人若聖弟子能作是言我於鉢油見真實人何以故智者先知鉢油非有何况有人但以假名說言油鉢而見人相阿難如來亦復如是但以名字假有所說阿難如來以四因緣而為說法眾生聞者心得安樂種涅槃因如來說法音聲徧滿十方世界眾生聞者心得歡喜離諸惡趣生兜術天如來聲中無男無女男不

取女相女不取男相如來音者不惱眾生不壞諸法但為示現音聲之性說法者應習行是事應隨所行而為法施施者受者所得果報後當廣說

歸命相品第十四

上已解說財施法施今更分別

白衣在家者 應多行財施 餘諸善行法今當復解說

是二施中在家之人當行財施出家之人當行法施何以故在家法施不及出家以聽受

法者於在家人信心淺薄故又在家之人多有財物出家之人於諸經法讀誦通利為人解說在眾無畏非在家者之所能及又使聽者起恭敬心不及出家又若欲說法降伏人心不及出家如說

先自修行法况六然後教餘人九乃可作是言汝隨我所行

是事出家者所宜非在家者所行又說

身自行不善 安能令彼善 自不得寂滅  
何能令人寂 是故身自善 能令彼行善

自身得寂滅 能令人得寂

善法寂滅是出家者之所應行又出家之人於聽法者恭敬心勝又出家之人若行財施則妨餘善又妨行遠離阿練若處空閑林澤出家之人若樂財施悉妨修行如是等事若行財施必至聚落與白衣從事多有言說若不從事無由得財若出入聚落見聞聲色諸根難攝發起三毒又於持戒忍辱精進禪定智慧心薄又與白衣從事利養垢染發起愛恚慳嫉煩惱唯以思惟力而自抑制心志弱

者或不自制或乃致死或得死等諸惱苦患  
 貪著五欲捨戒還俗故名為死或能反戒多  
 起重罪是名死等諸惱苦患以是因緣故於  
 出家者稱歎法施於在家者稱歎財施如是  
 廣說在家菩薩所行財施餘諸善行今當說  
 之發心菩薩先應歸依佛歸依法歸依僧從  
 三歸依得功德皆應迴向阿耨多羅三藐三  
 菩提復次  
 歸依佛法僧 菩薩所應知  
 菩薩應當如實善解歸依佛歸依法歸依僧

問曰云何名為歸依佛答曰  
 不捨菩提心 不壞所受法 不離大悲心  
 不貪樂餘乘 如是則名為 如實歸依佛  
 菩提心者發心求佛不休不息不捨是心不  
 壞所受法者諸菩薩各愛所樂善法戒行是  
 行應行是不應作如六若應諸波羅蜜十若應四功  
 德處如是等種種善法為利益眾生故受持  
 修行不令毀缺大悲心者欲度苦惱眾生為  
 求佛道乃至夢中亦不離大悲不貪餘乘者  
 深信樂佛道故不貪聲聞辟支佛乘有是法

故當知如實歸依佛問曰云何名為歸依法  
答曰

親近說法者 一心聽受法 念持而演說  
名為歸依法

說法者於佛深法解說敷演開示善惡斷諸  
疑惑常數親近往至其所供養恭敬一心聽  
受以憶念力執持不忘思惟籌量隨順義趣  
然後為人如知演說以是法施功德迴向佛  
道是名歸依法問曰云何名為歸依僧答曰  
若諸聲聞人 未入法位者 令發無上心

使得佛十力 先以財施攝 後乃以法施  
深信依果僧 不分別貴衆 求聲聞功德  
而不證解脫 是名歸依僧 又應念三事  
聲聞人者成聲聞乘未入法位者於聲聞道  
未得必定能令此人發佛道心而得十力若  
入法位者終不可令發無上心規六設或發心亦  
不成就如般若波羅蜜中尊者須菩提所說  
已入正法位不能發無上心何以故是人於  
生死已作障隔不復往來生死發無上心先  
以財施攝者以衣服飲食卧具醫藥所須之

物攝出家者以衣服飲食卧具醫藥雜香塗  
香攝在家者以攝因緣生親愛心所言信受  
然後法施令發無上道心果僧者四向四果  
眾者於佛法中受出家相具持諸戒未有果  
向不分別如是僧以離恩愛奴故名爲貴僧  
信樂空無相無願而不分別戲論依止是僧  
名爲歸依僧求聲聞功德而不證解脫者知  
是僧持戒具足禪定具足智慧具足解脫具  
足解脫知見具足三明六通心得自在有大  
威德捨世間樂出魔境界利譽稱樂不以爲

喜衰毀譏苦不以爲憂常行六捨得八解脫  
隨佛所教有行道者有解脫者行一道者破  
二種煩惱善知三界善通四諦善除五蓋安  
住六和敬法具足七不退法八大人覺捨離  
九結得聲聞十種力成就如是諸功德僧者  
名爲佛弟子眾求如是功德不求其解脫何  
以故深心信樂佛無礙解脫故名歸依僧  
復次若聞章句文字法即得念實相法名爲  
歸命法若見聲聞僧即念發菩提心諸菩薩  
眾是名歸依僧見佛形像即念真佛是名歸

依佛問曰云何名爲念真佛答曰如無盡意  
 菩薩經中說念佛三昧義念真佛者不以色  
 不以相不以生不以姓不以家不以過去未  
 來現在不以五陰十二入十八界不以見聞  
 覺知不以心意識不以戲論行不以生滅住  
 不以取捨不以憶念分別不以法相不以自  
 相不以一相不以異相不以心緣數不以內  
 外不以取相覺觀不以入出不以形色相貌  
 不以所行威儀不以持戒禪定智慧解脫解  
 脫知見不以十力四無所畏諸法如實念佛

規六

十二

者無量不可思議無行無知無我我所無憶  
 無念不分別五陰十二入十八界無形無礙  
 無發無住無非住不住色不住受想行識不  
 住眼色不住眼識不住耳聲不住耳識不住  
 鼻香不住鼻識不住舌味不住舌識不住身  
 觸不住身識不住意法不住意識不住一切  
 諸緣不起一切諸相不生一切動念憶想分  
 別等不生見聞覺知隨行一切正解脫相心  
 不相續滅諸分別破諸愛恚壞諸因相除斷  
 先際後際中際究暢明了無有彼此無動故

無喜不受味故無樂本相寂滅故無熱心無  
所營故解脫相無色故無身不受故無受無  
想故無結無行故無為無知故無識無取故  
不行不捨故非不行無處故無住空故無來  
不生故無去一切憶念心心數法及餘諸法  
不貪不著不取不受不然不滅規六先來不生無  
有生相攝在法性過眼色虛空道如是相名  
為真念佛又念法者佛法是善說得今世報  
無有定時可得觀察善將至道智者內知初  
中後善言善義善厚善無雜具足清淨能斷

貪欲能斷瞋恚能斷愚癡能除慢心能除諸  
見能除疑悔能除憍貴能除諸渴破所歸趣  
斷相續道盡愛離欲寂滅涅槃如是相名為  
念法以空無相無願不生不滅畢竟寂滅無  
比無示如念佛義中說又念法有三種從佛  
法是善說至具足清淨名為道能斷貪欲至  
寂滅涅槃名為涅槃空等至無比無示名為  
法體又念僧者如先說僧功德念是三寶得  
決定心以如是念求於佛道而行布施是名  
歸依佛為守護法而行布施是名歸依法以

是布施起迴向心成佛道時攝菩薩聲聞僧  
是名歸依僧

五戒品第十五

如是在家菩薩能修善人業遠離惡人業如  
說

修起善人業 如法集財用 堪則為重任  
不堪則不受

善人業者略說善人業自住善利亦能利人  
惡人業者自陷衰惱令人衰惱如法集財用  
者不殺不盜不誑欺人以力集財如法用之

供養三寶濟恤老病等堪受能行者則為重

任不堪行者則不受若菩薩於今世事及後

世事若自利若利他如先所說必能成立若

知不堪行者此則不受復次

世法無憂喜 能捨於自利 常勤行他利

深知恩倍報

世間法者利衰毀譽稱譏苦樂於此法中心

無憂喜捨自利勤行他利者菩薩乃至未曾

知識無因無緣者所作善行捨置自利助成

彼善問曰捨自利勤行他利此事不然如佛

說雖大利人不應自捨己利如說捨一人以成一家捨一家以成一聚落捨一聚落成一國土捨一國土以成己身捨己身以為正法先自成己利 然後乃利人 捨己利利人後則生憂悔 捨自利利人 自謂為智慧此於世間中 最為第一癡

答曰於世間中為他求利猶稱為善以為堅心況菩薩所行出過世間若利他者即是自利如說

菩薩於他事 心意不劣弱 發菩提心者

他利即自利

此義初品中已廣說是故汝語不然深知恩倍報者若人於菩薩所作好事應當厚報又深知其恩此是善人相復次

貧者施以財 畏者施無畏 如是等功德

乃至於堅牢

施貧以財者有人先世不種福德今無方便資生儉少如是之人隨力給恤施無畏者於種種諸怖畏若怨賊怖畏飢餓怖畏水火寒熱等菩薩於此眾怖畏中教喻諸人安隱歡

悅令無怖畏如是功德最堅牢最在後者於諸憂者為除其憂於無力者而行忍辱離慢大慢等於諸所尊深加恭敬於多聞者常行親近於智慧者諮問善惡自於所行常行正見於諸眾生不諂不曲不作假愛求善無厭多聞無量諸所施作堅心成就常與善人而共從事於惡人中生大悲心於善知識非善知識皆作堅固善知識相等心眾生不悞要法如所聞者為人演說諸所聞法得其趣味於諸五欲戲樂事中生無常想於妻子所生

地獄想於資生物所生疲苦想於產業事生憂惱想於諸所求破善根想於居家中生牢獄想親族知識生獄卒想日夜思量得何利想於不牢身得牢身想於不堅財生堅財想復次

在家法五戒 心應堅牢住

在家菩薩以三自歸行上諸功德應堅住五戒五戒是總在家之法應離殺心慈愍眾生知自止足不貪他物乃至一草非與不取離於邪淫獸惡房內防遠外色目不邪視常觀

惡露生厭離想了知五欲究竟皆苦若念妻  
欲亦應除捨常觀不淨心懷怖畏結使所逼  
離欲不著常知世間為苦無我應發是願我  
於何時心中當得不生欲想況復身行遠離  
妄語樂行實語不欺於人心口相應有念安  
慧如見聞覺知而為人說以法自處乃至失  
命言不詭異酒是放逸眾惡之本常應遠離  
不過於口不狂亂不迷醉不輕躁不驚怖不  
無羞不戲調常能一心籌量好醜是菩薩或  
時樂捨一切而作是念須食與食須飲與飲

若以酒施應生是念今是行檀波羅蜜時隨  
所須與後當方便教使離酒得念智慧令不  
放逸何以故檀波羅蜜法悉滿人願在家菩  
薩以酒施者是則無罪以是五戒福德迴向  
阿耨多羅三藐三菩提護持五戒如護重寶  
如自護命問曰是菩薩但應護持五戒不護  
持諸餘善業耶答曰  
菩薩應堅住 總相五戒中 餘身口意業  
悉亦復應行  
在家五戒已說其義受此五戒應堅牢住及

餘三種善業亦應修行復次在家菩薩所應  
行法

隨應利衆生 說法而教化

是菩薩於諸衆生隨有所乏皆能施與若在  
國土城郭聚落林間樹下是中衆生隨所利  
益說法教化所謂不信者為說信法不恭敬  
者為說禮節為少聞者說多聞法為慳貪者  
說布施法為瞋恚者說和忍法為懈怠者說  
精進法為亂意者說正念處為愚癡者解說  
智慧復次

隨諸所乏者 皆亦應給足

諸衆生有所乏少皆應給足有人雖富猶有  
不足乃至國王亦應有所乏是故先雖說貧  
窮者施財今更說隨所乏少而給足之復次  
諸有惡衆生 種種加惱事 諂曲懷憍逸  
惡罵輕欺誑 背恩無反復 癡弊難開化  
菩薩心愍傷 勇猛加精進  
諸惡衆生以種種惡事侵撓菩薩菩薩於此  
心無懈厭不應作是念如是惡人誰能調伏  
誰能教化誰能勸勉令度生死究竟涅槃誰

能與此往來生死誰能與此和合同事諸惡  
 無理誰能忍之我意止息不復共事我悉捨  
 遠不復共事亦復不能與之和合是惡中之  
 惡無有反復何用此等而共從事菩薩知見  
 衆生惡罪難除應還作是念是等惡人非少  
 精進能得令住如所樂法為是等故我當加  
 心勉力勤行億倍精進後得大力乃能化此  
 惡中之惡難悟衆生如大醫王以小因緣便  
 能療治衆生重病菩薩如是除煩惱病令住  
 道意所樂功德我於重罪大惡衆生倍應憐

愍起深大悲如彼良醫多有慈心療治衆病  
 其病重者深生憐愍動作方便為求良藥菩  
 薩如是於諸衆生煩惱病者悉應憐愍於惡  
 中之惡煩惱重者深生慈愍勤於方便加心  
 療治何以故

菩薩隨所住規六 不開化衆生 令墮三惡道十

深致諸佛責

菩薩隨所住國土城邑聚落山間樹下力能  
 饒益教化衆生而懈厭嫌恨貪著世樂不能  
 開化令墮惡道是菩薩即為十方現在諸佛

深所訶責甚可慙恥云何以小因緣而捨大事是故菩薩不欲諸佛所訶責於種種詭曲重惡衆生心不應沒隨力饒益應以諸方便勤心開化譬如猛將將兵多所傷損王則深責以諸兵衆無所知故是以王不責之

十住毗婆沙論卷第六

永樂北藏

十住毗婆沙論

第一〇〇册

十住毗婆沙論卷第七

龍樹菩薩造

姚秦三藏法師鳩摩羅什譯

知家過患品第十六

菩薩如是學應知家過惡何以故若知過惡

或捨家入道又化餘人令知家過出家入道  
問曰家過云何答曰如經中說佛告郁伽羅  
家是破諸善根家是深棘刺林難得自出家  
是壞清白法家是諸惡覺觀住處家是弊惡  
不調凡夫住處家是一切不善所行住處家

是惡人所聚會處家是貪欲瞋恚愚癡住處  
家是一切苦惱住處家是消盡先世諸善根  
處凡夫住此家中不應作而不應說而說  
不應行而行在此中住輕慢父母及諸師長  
不敬諸尊福田沙門婆羅門家是貪愛憂悲  
苦惱眾患因緣家是惡口罵詈苦切刀仗繫  
縛拷掠割截之所住處未種善根不種已種  
能壞能令凡夫在此貪欲因緣而墮惡道瞋  
恚因緣愚癡因緣而墮惡道怖畏因緣而墮  
惡道家是不持戒品捨離定品不觀慧品不

得解脫品不生解脫知見品於此家中生父母愛兄弟妻子眷屬車馬增長貪求無有馱足家是難滿如海吞流家是無足如火焚薪家是無息覺觀相續如空中風家是後有惡如美食有毒家是苦性如怨詐親家是障礙能妨聖道家是鬪亂種種因緣共相違諍家是多瞋訶責好醜家是無常雖久失壞家是衆苦求衣食等方便守護家是多疑處猶如怨賊家是無我顛倒貪著假名為有家是技人雖以種種文飾莊嚴現為貴人須臾不久

莊嚴還作貧賤家是變異會必離散家如幻假借和合無有實事家如夢一切富貴久則還失家如朝露須臾滅失家如蜜滯其味甚少家如棘叢受五欲味惡刺傷人家是鐵業蟲不善覺觀常喫食人家汗淨命多行欺誑家是憂愁心多濁亂家是衆共王賊水火怨親所壞家是多病多諸錯謬如是長者在家菩薩應當如是善知家過復次  
菩薩應當知 在家之過惡 親近於布施持戒善好喜 若見諸乞人 應生五三想

在家菩薩應如是知家過患當行布施持戒  
善好布施名捨貪心持戒名身口業清淨善  
名善攝諸根好喜名同止歡喜五三想名見  
乞兒應生五三想初三者善知識想轉身大  
富想埤助菩提想又有三想折伏慳貪想捨  
一切想貪求一切智慧想又有三想隨如來  
教想不求果報想降伏魔想又有三想見來  
求者生眷屬想不捨攝法想捨邪受想又有  
三想離欲想修慈想無癡想今當解第五三  
想菩薩因來求者令三毒折薄捨所施物生

離欲想於求者與樂因緣故瞋恨心薄名修  
慈想是布施迴向無上道則癡心薄是名不  
癡想餘想義應如是知復次

菩薩因求者 具六波羅蜜 以是因緣故  
見求應大喜

六波羅蜜者布施持戒忍辱精進三禪定智慧  
以因求者能得具足以是利故菩薩遙見求  
者心大歡喜作是念行福田自然而至我因  
此人得具足六波羅蜜所以者何若於所施  
物心不貪惜是名檀波羅蜜為阿耨多羅三

藐三菩提施與是名尸羅波羅蜜若不瞋乞  
者是名羸提波羅蜜當行施時不慮空匱心  
不退沒是名毗梨耶波羅蜜若與乞者若自  
與時心定不悔是名禪波羅蜜以不得一切  
法而行布施不求果報如賢聖無所著以是  
布施迴向阿耨多羅三藐三菩提是名般若  
波羅蜜復次  
所施物果報 種種皆能知 慳惜在家者  
亦知種種過  
物施所獲功德利物慳惜在家所有過惡苦

薩於此皆悉了知問曰若施得何功德若惜  
在家有何過咎答曰菩薩以真智慧如是知  
施與已是我物在家者非我物物施已則堅  
牢在家者不堅牢物施已後世樂在家少時  
樂物施已不憂守護在家者有守護若物施  
已愛心薄在家者增長愛物施已無我所在  
家者是我所物施已無所屬在家者有所屬  
物施已無所畏在家者多所畏物施已助善  
提道在家者助魔道物施已無有盡在家則  
有盡物施已從得樂在家從得苦捨已捨煩

惱在家增煩惱施已得大富樂在家不得大富樂施已大人業在家小人業施已諸佛所歡在家愚癡所讚復次

於妻子眷屬 及與善知識 財施及畜生

應生幻化想 一切諸行業 是則為幻師

在家菩薩於妻子等應生幻化想如幻化事規七但誑人自行業是幻王妻子等事不久則滅如經說佛告諸比丘諸行如幻化誑惑愚人無有實事當知因業故有業盡則滅是故如幻作是念

我非彼所有 彼非我所有 彼我皆屬業  
隨業因緣有 如是正思惟 不應起惡業  
父母妻子親里知識奴婢僮僕等不能為我  
作救作歸作趣非我非我所五陰十二入十  
八界尚非我非我所何況父母妻子等我亦  
不能為彼作救作歸作趣我亦屬業隨業所  
受彼亦屬業隨業所受好惡果報如是三種  
籌量一有義趣二見經說三見現事不應為  
父母妻子等起身口意毫釐惡業復次  
菩薩於妻所 應生三三想 亦復有三三

又復有三三

在家菩薩應生諸三想所謂三者妻是無常  
想失想壞想又有三想是戲笑伴非後世伴  
是共食伴非受業果報伴是樂時伴非苦時  
伴又有三想是不淨想臭穢想可厭想又有  
三想是怨家想惱害想相違想又有三想羅  
刹想毗舍闍鬼想醜陋想又有三想入地獄  
想入畜生想入餓鬼想又有三想重擔想減  
想屬畏想又有三想非我想無定屬想假借  
想又有三想因起身惡業想起口惡業想起

意惡業想又有三想欲覺處想瞋覺處想惱  
覺處想又有三想枷杻想鎖械想縛繫想復  
有三想遮持戒想遮禪定想遮智慧想復有  
三想坑想羅網想圍合想復有三想灾害想  
疾病想衰惱想復有三想罪想黑身想閃電  
想復有三想病想老想死想復有三想魔想  
魔處想相畏想復有三想憂愁想懊惱想啼  
哭想復有三想大豺狼想大摩竭魚想大猫  
狸想復有三想黑毒蛇想鱸魚想奪勢力想  
復有三想無救想無歸想無捨想復有三想

失想退想疲極想復有三想賊想獄卒想地  
獄卒想復有三想留想縛想結想復有三想  
泥想流想漂想復有三想械想鎖想羈黏想  
復有三想猛火聚想刀輪想草炬想復有三  
想無利想刺棘想惡毒想復有三想凌上想  
覆映想貪著想復有三想恨想鞭杖想刀稍  
想復有三想忿恚想諍訟想持棒想復有三  
想怨憎會想離愛想鬧想取要言之是一切  
臭惡不淨想一切衰濁想是一切不善根想  
是故在家菩薩於妻子見如是想應生厭離

心出家修善為善若不能出家不應於妻起  
諸惡業復次  
若於子偏愛 即以智力捨 因子行平等  
晉慈諸衆生  
在家菩薩若自知於子愛心偏多即以智力  
思惟捨離智力者應如是念菩薩平等心乃  
有阿耨多羅三藐三菩提提高下心者則無菩  
提是阿耨多羅三藐三菩提從一相無相得  
不從別異相得我今求阿耨多羅三藐三菩  
提若於子所愛心偏多即有高下不名平等

即是別相非是一相若如是者去阿耨多羅  
 三藐三菩提則為甚遠是故我不應於子偏  
 生愛心爾時於子應生三想一於我為賊佛  
 說等慈破令不等愛心偏多故二為賊害因  
 是子故破諸善根遮正智命三我因是子逆  
 道中行不行順道即時因子於諸眾生等行  
 慈心應作是念子從餘處來我亦從餘處來  
 子至異處我去異處我不知彼去處彼不知  
 我去處彼不知我來處我不知彼來處是子  
 非我所有何為無故橫生愛縛如說

彼我不相知 所來所去處 彼我云何親  
 而生我所心  
 復次無始生死中一切眾生曾為我子我亦  
 曾為彼子有為法中無有決定此是我子彼  
 是他子何以故眾生於六道中轉輪互為父  
 子如說 見七  
 無明蔽慧眼 數數生死中 往來多所作  
 更互為父子 貪著世間樂 不知有勝事  
 怨數為知識 知識數為怨  
 是故我方便莫生憎愛心何以故若有善知

識常種種求利益若有怨賊常種種生無益  
想有此憎愛心則不得通達諸法平等想心  
高下者死後生邪處正行者生正行處是故  
我不應行邪行於衆生行平等當得平等薩  
婆若

入寺品第十七

如是在家菩薩不應於諸事中以貪著心我  
我所心何以故隨所貪著難捨之物法應施  
與若能施與則除此過菩薩如是無有貪著  
慳惜之心可以處家問曰在家菩薩或有貪

惜愛著之物有來求者此應云何答曰  
於所貪著物 有來求索者 當自勸喻心  
即施勿慳惜

菩薩所貪惜物若有乞人急從求索汝以此  
物施與我者速得成佛菩薩即時應自勸喻  
而施與之如是思惟若我今者不捨此物此  
物必當遠離於我設至死時不隨我去此物  
則是遠離之相今爲阿耨多羅三藐三菩提  
具足檀波羅蜜故施與後至死時心無有悔  
經說不悔心死必生善處是得大利云何不

捨如自勸猶貪惜者應辭謝乞者言

我今是新學 善根未成就 心未得自在

願後當相與

應辭謝乞者言勿生瞋恨我新發意善根未

具於菩薩行法未得勢力是以未能捨於此

物後得勢力善根成就心得堅固當以相與

復次

若眾不和合 斷於經法事 菩薩應隨力

方便令不絕

眾僧或以事緣諍競乖散法事有廢在家善

薩應勤心方便彼此之間心無所偏若以財

物若以言說禮敬求請令還和合或以乏少

衣食因緣或邪見者橫作障礙或說法者欲

求利養或聽法者心不恭敬在家菩薩於此

事中隨宜方便若以財物若以言說下意求

請使法事不廢法事不廢者是為然佛法燈

供養十方三世諸佛復次

齋日受八戒 親近淨戒者 以戒善因緣

深心行愛敬

齋日者月八日十四日十五日二十三日二

十九日三十日及遮三忌三忌者十五日為一忌從冬至後四十五日此諸惡日多有鬼神侵剋縱暴世人為守護日故過中不食佛因教令受一日戒既得福德諸天來下觀察世間見之歡喜則便護念在家菩薩於諸小事猶尚增益如七何況先有此齋而不隨順是故應行一日齋法既得自利亦能利人問曰齋法云何答曰應作是言如諸聖人常離殺生棄捨刀仗常無瞋恚有慙愧心慈悲眾生我某甲今一日一夜遠離殺生棄捨刀仗無有

瞋恚有慙愧心慈悲眾生以如是法隨學聖人如諸聖人常離不與取身行清淨受而知足我今一日一夜遠離劫盜不與取求受清淨自活以如是法隨學聖人如諸聖人常斷婬佚遠離世樂我今一日一夜除斷婬佚遠離世樂淨修梵行以如是法隨學聖人如諸聖人常離妄語真實語正直語我今一日一夜遠離妄語真實語正直語以如是法隨學聖人如諸聖人常遠離酒酒是放逸處我今一日一夜遠離於酒以如是法隨學聖人如

諸聖人常遠離歌舞作樂華香瓔珞嚴身之具我今一日一夜遠離歌舞作樂華香瓔珞嚴身之具以如是法隨學聖人如諸聖人常遠離高廣大牀處在小榻草蓐為座我今一日一夜遠離高廣大牀處在小榻草蓐為座以如是法隨學聖人如諸聖人常過中不食遠離非時行非時食我今一日一夜過中不食遠離非時行非時食以如是法隨學聖人如說

殺盜姪妄語 飲酒及華香 瓔珞歌舞等

高牀過中食 聖人所捨離 我今亦如是以此福因緣 一切共成佛

親近持淨戒比丘者在家菩薩應親近諸比丘盡能護持清淨禁戒成就功德防遠眾惡者以戒善因緣者又應親近持戒比丘身口業淨心行直善規七無眾惡者深心愛敬者於上直心善行持戒比丘成就諸功德者應生最上恭敬深心愛樂問曰在家菩薩若於持戒比丘成就功德生愛敬心者應於破戒比丘生輕恚心耶答曰

若見破戒者 不應起輕恚

在家菩薩若見破戒雜行比丘威儀不具所  
行穢濁覆藏瑕疵無有梵行自稱梵行於此  
比丘不應輕慢有瞋恚心問曰若不瞋恨應  
生何心答曰

應生憐愍心 訶責諸煩惱

在家菩薩若見破戒比丘不應生瞋恨輕慢  
應生憐愍利益之心作是念咄哉此人遇佛  
妙法得離地獄畜生餓鬼色無色界邊地生  
處諸根具足不聾瘂不頑鈍值佛妙法別識

好醜心存正見解知義理人身難得如大海  
中有一眼龜頭入板孔生在人中倍難於此  
既聞佛法能滅諸惡度諸苦惱得至正智捨  
諸資生所有多少永割親族無所顧戀若生  
凡庶或在種姓信佛語故能捨出家常聞破  
戒之罪所謂自賤其身智所訶責惡名流布  
常懷疑悔死墮惡道得聞此事而猶破戒行  
十善道乃得人身而不能如法善用以自利  
益咄哉三毒其力甚惡常凌衆生難得捨離  
諸佛種種訶罵煩惱惡賊惡行如實有理如

是思惟不應輕賤破戒之人又作是念若我不能都離瞋恚輕慢心者應自思惟佛法無量猶如大海或有開通而我不知如大乘決定王經中佛告阿難或有比丘根鈍闇塞心不明了不達諸法相常念有想無想法中而取有想生男女想生罪礙想生垢想淨想生如是想者名為鈍根心不明了則為有罪阿難若人一切法中不能善解名為不了一切諸法從初以來本體性相常不可得是人不知如是之事生是諸想則與外道無有差別

阿難我所說法皆有開通明了清淨此中無罪亦無罪者阿難罪名疑悔愚癡闇冥罪者名生衆生想我想命想人想皆因身見名為罪者於我法中無如此人若我法中定實有我衆生命人身見等者不言我法有開非是不開我法從本已來常清淨明了復次阿難若決定有罪有罪者則身即是神即墮常見則無佛道若身異於神即墮斷見亦無佛道如是六十二見皆可是菩提但是事不然是故阿難我於大衆中師子吼說而無所畏言

我法有開非不有開從本以來常清淨明了  
 阿難若罪定有則畢竟無涅槃我則不言我  
 法有開阿難我法實從本以來清淨明了是  
 故我弟子降心安隱無有疑悔無諸罪惡清  
 淨行道菩薩應如是思惟不應瞋恚破戒者  
 又作是念是戒必定得住阿耨多羅三藐三  
 吾提何以故曾聞必定菩薩有起罪者如過  
 去十萬劫有菩薩誹謗漏盡阿羅漢名為阿  
 羅漢又聞必定菩薩於此劫前三十一劫以  
 牟刺須陀洹又此賢劫中聞有菩薩誹謗拘

規七

十二

樓孫佛言何有禿人而當得道如是等眾生  
 難得知是故我於此事何用知為得失好  
 惡彼自作自受何預於我我今若欲實知彼  
 事或自傷害等量眾生佛所不許如經中說  
 佛告阿難若人等量於他即自傷身唯我可  
 得等量眾生與我等者亦應等量如說  
 有瓶蓋亦空 無蓋亦復空 有瓶蓋亦滿  
 無蓋亦復滿 當知諸世間 有此四種人  
 威儀及功德 有無亦如是 若非一切智  
 何能等量人 寧以見威儀 而便知其德

正智有善心	名為賢人相	但見外威儀
何由知其內	內有功德慧	外現無威德
遊行無知者	如以灰覆火	若以外量內
而生輕賤心	敗身及善根	命終墮惡道
外詐現威儀	遊行似賢聖	但有口言說
如雷而無雨	諸心所行處	錯謬難得知
是故諸衆生	不可妄度量	唯有一切智
悉知諸心心	微密所行處	是故量衆生
佛言與我等	乃能量衆生	若佛如是說
誰能籌量人	若見外威儀	稱量其內德

自敗其善根 如水自崩岸 若於此錯謬  
 則起大業障 是故於此人 不應起輕賤  
 是故在家菩薩不應於破戒人起輕慢瞋恚  
 又持戒破戒白衣之人不與同住何由得知  
 我若欲於此事分別明了者則起罪障罪障  
 因緣故於千萬劫受諸苦分如無行經中說  
 又大乘經中佛告郁伽羅長者如是在家善  
 薩應於破戒比丘生憐愍心是人垢行惡行  
 不善何以故是人被如來善寂滅聖主法衣  
 自不善輒不能調伏諸根行敗壞行又佛經

中說不輕未學此非人罪是煩惱罪此人以是煩惱起不善事又佛法有開是或能自除過罪正念因緣得入法位若入必定在於阿耨多羅三藐三菩提又如佛言唯有智慧可破煩惱又復說言不應妄稱量人若稱量者則為自傷唯佛智慧乃能明了如此事者非我所知即於破戒人中不生瞋恚輕慢之心復次

菩薩若入寺 應行諸威儀 恭敬而禮拜 供養諸比丘

是在家菩薩若入佛寺初欲入時於寺門外五體投地應作是念此是善人住處是空行者住處無相行者住處無願行者住處此是行慈悲喜捨者住處此是正行正念者住處若見諸比丘威儀具足視瞻安詳攝持衣鉢坐卧行止寤寐規七飲食言說寂默容儀進止皆可觀察若見比丘修行四念聖所行處持戒清淨誦讀經法精思坐禪見已恭肅敬心禮拜親近問訊應作是念

若我恒沙劫 常於天祀中 大施不休廢

不如一出家

是菩薩爾時應作是念我如法求財於恒河沙等劫常行大施是諸施福猶尚不如發心出家何況有實何以故在家則有無量過惡出家能成無量功德在家則憤鬧出家則閑靜在家則屬垢出家則無屬在家是惡行處出家是善行處在家則染諸塵垢出家則離諸塵垢在家則沒五欲泥出家則出五欲泥在家難得淨命出家易得淨命在家則多怨賊出家則無怨賊在家則多惱礙出家則無

惱礙在家是喜處出家是喜處在家是惡道門出家是利益門在家是繫縛出家是解脫在家則雜畏出家則無畏在家有鞭杖出家無鞭杖在家有刀稍出家無刀稍在家有悔熱出家無悔熱在家多求故苦出家無求故樂在家則戲調出家則寂滅現七在家是可愍出家無可愍在家則愁悴出家無愁悴在家則早下出家則高顯在家則熾然出家則寂滅在家則為他出家則自為在家少勢力出家多勢力在家隨順垢門出家隨順淨門在家

增刺棘出家破刺棘在家成就小法出家成就大法在家作不善出家則修善在家則有悔出家則無悔在家增淚乳血海出家竭淚乳血海在家則為諸佛辟支佛聲聞所訶賤出家則為諸佛辟支佛聲聞所稱歎在家則不知足出家則知足在家則魔喜出家則魔憂在家後有衰出家後無衰在家則易破出家則難破在家是奴僕出家則為主在家永在生死出家究竟涅槃在家則墮坑出家則出坑在家則黑闇出家則明顯在家不能降

伏諸根出家則能降伏諸根在家則傲誕出家則謙遜在家則鄙陋出家則尊貴在家有所由出家無所由在家則多務出家則少務在家則果小出家則果大在家則諂曲出家則質直在家則多憂出家則多喜在家如箭在身出家如身離箭在家則有病出家則病愈在家行惡法故速老出家行善法故少壯在家放逸為死出家有智慧命在家則欺詐出家則真實在家則多求出家則少求在家則飲雜毒漿出家則飲甘露漿在家多侵害

出家無侵害在家則衰耗出家無衰耗在家  
如毒樹果出家如甘露果在家則怨憎和合  
出家則離怨憎會苦在家則愛別離苦出家  
則親愛和合在家則癡重出家則癡輕在家  
則失淨行出家則得淨行在家則破深心出  
家則成深心第七在家則無救出家則有救第六在家  
則孤窮出家不孤窮在家則無舍出家則有  
舍在家則無歸出家則有歸在家則多瞋出  
家則多慈在家則重擔出家則捨擔在家則  
事務無盡出家則無有事務在家則罪會出

家則福會在家則苦惱出家則無苦惱在家  
則有熱出家則無熱在家則有諍出家則無  
諍在家則涖著出家無涖著在家有我慢出  
家無我慢在家貴財物出家貴功德在家有  
災害出家滅災害在家則滅失出家則增益  
在家則易得出家則難遇千萬劫中時乃一  
得在家則易行出家則難行在家則順流出  
家則逆流在家則漂流出家則乘筏在家則  
為煩惱所漂出家則有橋梁自度在家是此  
岸出家是彼岸在家則纏縛出家離纏縛在

家懷結恨出家離結恨在家隨官法出家隨  
 佛法在家有事故出家無事故在家有苦果  
 出家有樂果在家則輕躁出家則威重在家  
 伴易得出家伴難得在家以婦為伴出家堅  
 心為伴在家則入圍出家則解圍在家則以  
 侵惱規七他為貴出家則以利益十七他為貴在家則  
 貴財施出家則貴法施在家則持魔幢出家  
 則持佛幢在家則有歸處出家壞諸歸處在  
 家增長身出家則離身在家入深榛出家出  
 深榛復次

又於出家者 心應深貪慕

是在家菩薩如是思惟出家功德於出家者  
 心應貪慕我何時當得出家得有如是功德  
 我何時當得出家次第具行沙門法則說戒  
 布薩安居自恣次第而坐我何時當得聖人  
 所著戒定慧解脫解脫知見熏修法衣何時  
 當得持聖人相何時當得閑林靜住何時當  
 得持鉢乞食得與不得若多若少若美若惡  
 若冷若熱次第而受趣以支身如塗瘡膏車  
 何時當得於世八法心無憂喜何時當得關

閉六情如繫狗鹿魚蛇猴鳥狗樂聚落鹿樂  
 止澤魚樂池沼蛇好穴處猴樂深林鳥依虛  
 空眼耳鼻舌身意常樂色聲香味觸法非是  
 凡夫淺智弱志所能降伏唯有智慧堅心正  
 念乃能摧伏六情寇賊不令為患自在無畏  
 何時當得樂欲坐禪誦讀經法樂斷煩惱樂  
 修善法樂著弊衣趣足障體念昔在俗多行  
 放逸今得自利又利他故當勤精進何時當  
 得隨順菩薩所行道法何時當得亦為世間  
 作無上福田何時當得離恩愛奴何時當得

脫是家獄如說  
 禮敬諸塔寺 因佛生三心  
 是在家菩薩既已慕尚出家若入塔寺敬禮  
 佛時應生三心何等為三我當何時得於天  
 龍夜叉乾闥婆阿修羅迦樓羅緊那羅摩睺  
 羅伽人非人中受諸供養十九何時當得神力舍  
 利流布世間利益衆生我今深心行大精進  
 當得阿耨多羅三藐三菩提我作佛已入無  
 餘涅槃復次  
 詣諸比丘時 隨所行奉事 默然順所誨

濟之無所惜

是在家菩薩敬禮塔已求造諸比丘說法者  
所持律者讀修多羅者讀摩多羅迦者讀菩  
薩藏者作阿練若者著納衣者乞食者一食  
者常坐者過中不飲漿者但三衣者著褐衣  
者隨敷坐者在樹下者在塚間者在空地者  
少欲者知足者遠離者坐禪者勸化者應各  
隨諸比丘所行奉事若至讀阿毗曇者所隨  
其所說諸法性相相應不相應等請問所疑  
問已習學若遇持律者應當請問起罪因緣

罪之輕重滅罪之法及阿婆陀那事問已修  
學已習學若遇讀修多羅者應當請問諸阿  
含諸部中義習學多聞若遇讀摩多羅迦應  
利衆經憂陀那波羅蜜延法句者應當學習  
如是等經若遇讀菩薩藏者應當請問六波  
羅蜜及方便事問已修學若遇阿練若應學  
其遠離法若遇坐禪者應學其坐禪法餘諸  
比丘亦應如是隨其所行請問其學無所違  
逆攝護口者詣諸比丘應善攝口安詳默然  
觀時觀土隨事思惟心不錯亂少於語言又

於說法者所諸比丘等隨所乏少若衣若鉢若尼師壇資生之物隨力而施無所遺惜所以者何菩薩尚應施諸惡人何況比丘有功德者乃至身肉猶當不惜況復外物助道因緣復次

若行布施時 莫生他煩惱  
行布施時若與一人一人不得便生恚惱應善籌量而行布施勿使他人生於恚惱何以故  
將護凡夫心 應勝阿羅漢

是在家菩薩施諸比丘衣服飲食醫藥卧具供養迎送敬禮親近將護凡夫心應勝將護阿羅漢何以故諸阿羅漢於利衰毀譽稱譏苦樂心無有異凡夫有愛恚慳嫉故能起罪業以是罪業墮在地獄畜生餓鬼是故應深將護凡夫菩薩事者皆為利益一切衆生布施非為自樂不為自得後世果報非如市易復次  
因以財施故 可以法施攝 隨所欲利益 教發無上心

是在家菩薩為自利故隨所利益比丘若以  
衣施若以鉢施如是等種種餘財物施如是  
比丘未入法位未得道果應勸令發阿耨多  
羅三藐三菩提願何以故因財施攝故得以  
法施攝或於所施檀越有愛敬心信受其語  
復次

為欲護持法 捨命而不惜 療治病比丘  
乃至以身施

是在家菩薩為欲護持法故乃至自捨身命  
勤行精進摧破九十六種外道及諸魔民憎

嫉佛法者佛弟子中或有邪行詭異佛法如  
是之人如法摧破名為護持法又應於諸多  
聞說法者加信敬心四事供養亦名護持法  
若自讀誦解說書寫修多羅毗尼阿毗曇摩  
多羅迦菩薩藏者亦教他人讀誦解說書寫  
以是因緣法得久住利益一切在家出家稱  
揚歎說法久住利若法疾滅說有過惡又念  
如來久遠已來行菩薩道行諸難行乃得是  
法以是因緣於諸在家出家勤心精進示教  
利喜若令得道若令入阿惟越致略說護法

因緣令得一切安樂之具亦復自能如說修行皆名護持法復次是在家菩薩法若有病比丘應須療治是菩薩乃至捨身為治其病而不愛惜是最為要出家之人應於在家求此要事所謂身自瞻視疾病供給醫藥復次決定心布施規七施已而無悔是菩薩若為護持正法若為瞻視病人應時供施心無有悔是名清淨施若不求果報不分別是應受是不應受但以憐愍利益心與是名清淨施如說

若人悲心施 是名清淨施 不言是福田  
 不言非福田 若人行布施 無所為故與  
 若人為果報 是名為出息 是故說施已  
 心無有悔恨 乃至微小福 皆向無上道  
 以是布施因緣所得福德皆應迴向阿耨多  
 羅三藐三菩提不求今世後世利樂及小乘  
 果但為眾生求阿耨多羅三藐三菩提如我  
 先說在家菩薩餘行當說者今已說竟皆於  
 大乘經中處處抄集隨順經法菩薩住是行  
 中疾得阿耨多羅三藐三菩提第二地中多

說出家菩薩所行在家出家菩薩共行今當復說

十住毗婆沙論卷第七

卷七

七

音釋

埤頻彌切 增也 鱣張連切 魚名 黏知切 黏女  
固合絜 絜陟立切 鮮也 黏知切 黏女

永樂北藏

十住毗婆沙論

第一〇〇册

永樂北藏

十住毗婆沙論

第一〇〇冊

十住毗婆沙論卷第八

龍 樹 菩 薩 造 規 八

姚 秦 三 藏 法 師 鳩 摩 羅 什 譯

共行品第十八

問曰汝言當說在家出家菩薩共行法今可

說之答曰忍辱法施法忍思惟不曲法尊重  
法不障法供養法信解修空不貪嫉隨所說  
行燈明施妓樂施乘施正願攝法思量利安  
衆生等心於一切此是在家出家共行要法  
是故偈說

行忍身端嚴 法施知宿命 法忍得總持

思惟獲智慧 於諸法不曲 常得正憶念

行忍得端嚴者能忍惡言罵詈呪誓繫縛刀

杖拷掠撈笞心不動異悉能堪受如是忍辱

所獲果報生於人天常得端正後成佛時相

好無比法施知宿命者行法施者能知過去

無量劫事法施名爲種種分別聲聞乘辟支

佛乘佛乘解說義理法施果報雖有三十五

要者知宿命說法因緣斷人所疑是故得知

宿命法忍得總持者法名應空無相無願應

六波羅蜜菩薩諸地一切菩薩所行之法曉  
 了明解心能忍持名為法忍行是忍者則得  
 總持總持名為如所聞經如所讀誦其中義  
 趣乃至百千萬劫終不忘失思惟得智慧者  
 思惟名為籌量善法分別義趣是故能得今  
 世後世利益不曲心得正念者不曲名為質  
 直無諂修行此法則於一切法中得堅固念  
 復次  
 重法法則堅 不障得守護 供養法值佛  
 信解捨諸難

重法則堅者若人尊重恭敬於法法則堅固  
 堅法名為所受持習學之法自然牢堅不可  
 動轉後成佛時多有菩薩聲聞弟子住是堅  
 固法無能障其所受法者又堅名為法得久  
 住不障得守護者若人說法及人聽法不橫  
 與作障礙之事規八後成佛時諸天世人共守護  
 法未得佛道常能護持諸佛正法諸佛滅後  
 守護遺法乃能至於後佛出世以是因緣善  
 薩聲聞皆應盡心善守護法供養法值佛者  
 供養名為恭敬諸法法施法會敬心供養說

法之人施法座起立禪坊莊校嚴飾講法之處如是深心愛樂供養法因緣故得值諸佛以信解捨諸難者信名於諸善法深生欲樂以是法故得離八難解者能滅諸罪能於諸善法中以心力故隨意而解如十一切入隨意所解若人多有信解力者能滅無始生死已來無量罪惡如先悔過品中說復次  
修空不放逸 不貪得成利 隨說滅煩惱  
燈施得天眼  
修空不放逸者修有二種得修行修空力

故信有為法皆是虛誑亦不住空諸法無定是故常自攝斂心不放逸不貪得成利者貪名於他物中生貪取心若除是事所求皆成所願皆滿隨說滅煩惱者隨有所說身即行之則斷煩惱於諸事中皆如說行世世已來諸煩惱氣常熏其心則皆除滅轉諸煩惱惡氣習性燈施得天眼者若人然燈供養佛聲聞辟支佛及塔像舍利以是因緣得天眼報復次  
樂施天耳報 乘施獲神足 以正願淨土

攝法得具僧

樂施得天耳報者於大法會作諸音樂供養於佛得天耳報乘施得神足者乘名輦象馬等乘復有人言以履屣等施亦得神足以正願淨土者隨以所願取清淨土若金銀玻瓈珊瑚琥珀磔磔碼碯無量衆寶清淨國土攝法得具僧者若菩薩具足行四攝法得具足僧以布施愛語利益同事攝取衆生故後成佛時得清淨具足無量菩薩僧及聲聞僧如阿彌陀佛有二種僧清淨具足願具足者

如先十願中說復次

利益衆生故 一切所愛敬 平等心無二得爲最勝者

若菩薩以身口意業有所作皆爲利益安樂衆生是故衆生皆悉敬愛若菩薩於諸衆生怨親中人行平等心不捨一切衆生以是業報得爲最勝勝名能勝貪欲瞋恚愚癡一切煩惱惡法故名爲佛問曰人皆俱有眼耳鼻口等無有異云何得知是佛答曰佛有二十二人相有是相者當知是佛在家出家應

當分別了知三十二相是相以何法得是相以何業得是相是業亦應當知何以故欲得功德當知是相欲得是相當知是業問曰如此事者於何得解答曰

於法相品中 一相三分別

阿毗曇三十二相品中一一相有三種分別規八悉應當知問曰云何為一一相有三種分別答曰一說相體二說相果三說得相業手足輪相等先已說轉輪聖王亦有是相諸菩薩亦有是相餘人亦有但不如耳手足輪者手

足掌中有千輻輪具足明了如印文現足安住不動名足安立相縵網軟薄猶如搗王畫文明了如真金縷故名手足網相柔軟猶如兜羅樹綿如嬰兒體其色紅赤勝餘身分名為手足柔軟相手掌足下頭上兩腋七處俱滿故名七處滿相脩指纖臍故名長指相足跟長廣故名足跟廣相身長七肘不曲故名身直大相足上隆起故名足趺高相毛上向右旋故名毛上旋相臍蹲漸麤如伊泥鹿蹲故名鹿蹲相平立兩手摩膝故名長臂相如

寶馬寶象陰不現故名陰藏相第一金色光明故名金色相皮軟如成鍊金不受塵垢故名皮薄細密相一一孔一毛生故名一一毛相眉間白毫光如珂雪故為白毛相如師子前身廣厚得所故名師子上身相肩圓大故名肩圓大相腋規八下平滿故名腋五下滿相舌根不為風寒熱所壞故善分別諸味餘人不爾故名知味味相身縱廣等如尼俱樓樹故名圓身相肉髻團圓髮右旋故名肉髻相舌如赤蓮華廣長而薄故名廣長舌相聲如梵

王迦陵頻伽鳥故名梵音相頰圓廣如鏡故名師子頰相齒白如珂雪如君城華故名齒白相平齊不參差故名齒齊相齒密緻不踈故名具足齒相齒上下相當故名四十齒相眼白黑分明淨無赤脉故名紺青眼相睫不交亂上下俱眇不長不短故名為牛王睫相於諸所尊迎送恭敬於塔寺中大法會處說法處供給人使故得手足輪相有是相故在家作轉輪聖王多得人民出家學道多得徒眾所受諸法堅持不捨故得安立足相有是

相故無能傾動常修四攝法布施愛語利益  
同事故得手足網縵相有是相故速攝人眾  
以諸香甘美軟飲食供施於人及諸所尊供  
給所須故得手足柔軟相及七處隆滿相有  
是相故多得香甘美軟飲食救免應死及增

壽命又受不殺戒故得纖長指相足跟滿相  
身大直相有是相故壽命長遠所受善法增  
益不失故得足趺高毛上向右旋相有是相  
故得諸功德不退失能以技藝及諸經書教  
授不惜及履屣等施故得伊泥鹿躡相有是

相故諸所修學疾得如意有來求索無所遺  
惜故得臍長臂相有是相故能得勢力能大  
布施能善調力不令眾親里遠離若有乖  
離還令合故得陰藏相有是相故多得弟  
子以好淨潔衣服卧具樓閣房舍施故得金  
色相及皮膚薄相有是相故得好淨潔衣服  
卧具樓閣房舍隨所應供養和尚阿闍梨父  
母兄弟及所尊重善能衛護故得一一孔一  
毛生毛右旋相白毫莊嚴面相有是相故無  
與等者慙愧語隨順語愛語故得上身如師

規六

六

子相肩圓大相有是相故見者樂視無有厭  
 足供給疾病醫藥飲食身自看視故得腋下  
 滿相得味味相有是相故身少疾病布施園  
 林甘果橋梁茂樹池井飲食華香瓔珞房舍  
 起塔福舍等及共眾施時能出多物故得身  
 如尼俱樓樹相及肉髻相有是相故得尊貴  
 自在長夜修習實語軟語故得廣長舌相梵  
 音聲相有是相故得五功德音聲五功德音  
 聲者易解聲聽者無厭聲深遠聲悅耳聲不  
 散聲長夜實語不綺語故得師子頰相有是

相故言必信受初既供養後不輕慢隨意供  
 給故得齒白相齒齊相有是相故得清淨和  
 順同心眷屬長夜實語不譏謗故得四十齒  
 相齒密緻相有是相故眷屬和同不可沮壞  
 深心愛念和顏視眾規八生無愛恚癡故得紺青  
 眼相睦如牛玉相有是相故一切見者無不  
 愛敬

四法品第十九

如所說得三十二相諸業菩薩應一心修習  
 修如此三十二相業以慧為本是故

退失慧四法 菩薩應遠離 得慧四種法  
應常修習行

有四法能退失慧菩薩所應遠離復有四得  
慧法應常修習何等四法失慧一不敬法及  
說法者二於要法秘匿恡惜三樂法者為作  
障礙壞其聽心四懷憍慢自高卑人何等四  
法得慧一恭敬法及說法者二如所聞法及  
所讀誦為他人說其心清淨不求利養三知  
從多聞得智慧故勤求不息如救頭然四如  
所聞法受持不忘貴如說行不貴言說是為

四若人不壞諸善根者是人能捨失慧四法  
能行得慧四法是故求增益智慧者如偈說  
食善根四法 菩薩應遠離 增善根四法  
菩薩應修習

何等是侵食善根四法一懷憍慢貪求世事  
二著利養出入諸家三起憎嫉謗諸菩薩四  
未聞經聞不信受何等是增長善根四法一  
所未聞經求之無厭所謂六波羅蜜菩薩藏  
二於衆生除憍慢心謙遜下下三如法得財  
趣足而已離諸邪命樂行四聖種行四於他

罪若實不實無有刺譏不求人短若於法中有所不達心不違逆以佛為證佛是一切智其法無量隨宜而說非我所知如是增益善根四法非諂曲者所能成就是故

菩薩應遠離

規八

諂曲相四法

應常修習行

直心相四法

在家出家菩薩應遠離四諂曲法如曲木在稠林難可得出如世間有佛弟子雖入佛法不能得出生死深林何等為四一於佛法懷疑不信無有定心二於衆生憍慢瞋恨三於

他利心生貪嫉四毀謗菩薩惡聲流布是為四何等是四直心相一者有罪即時發露無所隱藏悔過除滅行無悔道二者若以實語失於王位及諸財寶猶不妄語口未曾說輕人之言三者若人惡口罵詈輕賤譏謗繫閉鞭杖拷掠等罪但怨前身不咎於他信業果報心無恚恨四者安住信功德中諸佛妙法甚難信解心清淨故皆能信受敗壞菩薩行四諂曲調和菩薩有四直行是故菩薩欲不行諂曲相欲行直心如說

應捨離四種 敗壞菩薩法 應修習四種  
調和菩薩法

云何名為四敗壞菩薩法一多聞而戲調不  
隨法行二於教化而生戲論不敬順和尚阿  
闍梨三者不能消人信施毀壞防制而受供  
養四者不敬柔善菩薩心懷憍慢是為四云  
何名為四調和菩薩法一常樂聞所未聞法  
聞已能如所說行依法依義依如說行二隨  
順義趣不惑言辭調和易化於師事中用意  
施作三不失戒定清淨活命四於諸調和善

薩生恭敬心隨順情重破憍慢心求其功德  
復次菩薩有四種錯謬常於此中求菩薩短  
是名敗壞菩薩若能親近四種善道是名調  
和菩薩如偈說

菩薩應遠離 四種菩薩謬 菩薩應修習

四種菩薩道

何謂菩薩四種錯謬一於非器衆生說甚深  
法是名錯謬二樂深大法者為說小乘是名  
錯謬三於正行道者持戒善心輕慢不敬是  
名錯謬四於未成就者未可信而信攝破戒

惡人以爲親善是名錯謬何等爲四種菩薩  
 道一於一切衆生行平等心二以善法教化  
 一切三等爲一切衆生說法四以正行行於  
 一切衆生若常行菩薩四種錯謬不樂思惟  
 諸法不勤修習善法則是像菩薩是故

諸菩薩法中 四種像菩薩 佛說如是法

一一應遠離

何等爲四一貪重利養不貴於法二但爲名  
 譽不求功德三求欲自樂不念衆生四貪樂  
 眷屬不樂遠離是爲四問曰像菩薩法云何

可捨答曰若菩薩應修菩薩初行功德是則  
 能離像菩薩法是故菩薩若欲離像菩薩法  
 如偈說

初行四功德 精勤令得生 生已令增長  
 增長已當護

何等爲四一者信解空法亦信業果報二者  
 樂無我法而於一切衆生生大悲心三者心  
 在涅槃而行在生死四者布施爲欲成就衆  
 生而不求果報若人欲生菩薩初行四功德  
 增長守護者當親近善知識如偈說

菩薩當親近

四種善知識

亦應當遠離

四種惡知識

菩薩愛樂阿耨多羅三藐三菩提者應當親近恭敬供養四種善知識當深遠離四種惡知識何等為四種善知識一於來求者生賢友想以能助成無上道故二於說法者生善知識想以能助成多聞智慧故三稱讚出家者生善知識想以能助成一切善根故四於諸佛世尊生善知識想以能助成一切佛法故何等為四種惡知識一求辟支佛乘心樂

少欲少事二求聲聞乘比丘樂坐禪者三好讀外道路伽耶經莊嚴文頌巧問答者四所親近者得世間利不得法利是故菩薩應親近四善知識遠離四惡知識若菩薩能遠離四惡知識親近四善知識者則得四廣大藏十一過一切魔事現八法能生無量福德盡能攝取一切善法問曰何等是菩薩廣大藏法何等是能過一切魔事法何等是能生無量福德法何等是能攝取一切善法答曰諸菩薩有四 廣大藏妙法 四攝諸善法

菩提心為先

何等為四一得值佛二得聞六波羅蜜三於  
 說法者心無瞋礙四以不放逸心樂住阿練  
 若處是為四大藏能過一切魔者有四法何  
 等四一不捨菩提心二於一切眾生心無瞋  
 礙三覺知一切諸見四於諸菩薩心無僞慢  
 是為四得無量福德法復有四法何等為四  
 一於法施無所希求二於破戒惡人生大悲  
 心三於教眾生中發無上菩提四於下劣眾  
 生而行忍辱是為四攝一切善法者有四法

何等為四一於空閑不現矯異常行二行四  
 攝不求恩報三不惜身命護持正法四種諸  
 善根時以菩提心為先是為四是一一四法  
 皆應廣解於文煩多故不廣說今如佛所說  
 以偈略解若菩薩欲得諸菩薩藏欲過一切  
 魔事欲攝一切善法者皆當遠離  
 二空繫二縛 二障二垢法 二瘡及二坑  
 二燒二病法  
 若菩薩欲得諸菩薩藏等功德者應當遠離  
 是諸二法何等為二虛空繫法一貪著應路

伽耶等經二嚴飾衣鉢二縛者一著諸見縛  
二貪利縛二障法者一親近白衣二踈遠善  
人二垢法者一忍受諸煩惱二樂諸擅越知  
識二瘡法者一見他人過二自藏其過二坑  
法者一毀壞正法二破戒受供十二二燒法者一  
以穢濁心而著袈裟規八二受淨戒者供給出家  
之人有二病難治一增上慢人自謂能降伏  
心二求大乘者沮壞其意若菩薩遠離如是  
等法更有疾得阿耨多羅三藐三菩提法則  
能疾得又得諸佛辟支佛阿羅漢之所稱歎

問曰何等法是疾得阿耨多羅三藐三菩提  
法何等是諸佛辟支佛阿羅漢之所稱歎答  
曰  
能行四諦相 疾得佛菩提 及行四法者  
三聖所稱歎  
何等為四諦相一求一切善法故勤行精進  
二若聽受讀誦經法如所說行三厭離三界  
如殺人處常求勉出四為利益安樂一切衆  
生故自利其心諦名真實不誑得阿耨多羅  
三藐三菩提故名為不虛復有四法為三聖

稱歎何等為四一乃至失命不為惡事二常  
 行法施三受法常一其心四若生染心即能  
 正觀染心起染因緣是染根者何名為染何  
 者是染於何事起誰生是染如是正憶念知  
 虛妄無實無有決定信解諸法空故無有法  
 無所有法故如是正觀染因緣故不起諸惡  
 業餘一切煩惱亦如是觀菩薩得是大人所  
 稱歎法離諸惡煩惱業故心則具足捨心者  
 如說  
 具足捨於心 求世出世利 求此諸利時

心無有厭倦  
 是菩薩具足捨法欲行法施行財施利益眾  
 生故若求世間出世間諸利未得時心無疲  
 懈世間利者善解世間經書技藝方術巧便  
 等出世間利者說諸無漏根力覺道法如說  
 如是求二利 心無有疲倦 以無疲倦故  
 能得諸深法 因從求經書 而能得智慧  
 具足知世間 最上第一法  
 無疲倦者疲倦名厭惡所學若無厭惡則心  
 無疲倦若無疲倦則求諸經藝醫方技術禮

儀法則皆無疲倦無疲倦故則得智慧具足  
深知世間宜法世間法者方俗所宜隨世間  
心世間治法皆悉能知是故能知上中下衆  
生隨宜而引導善解世間事深有慙愧心隨  
宜引導者於上中下者各有所宜慙愧者自  
恥所行名爲慙因他生恥名爲愧有人以自  
作而羞見他而愧世間法中愧爲先用如經  
說二清白法護持世間所謂慙愧如偈說  
隨人有愧時 知法知罪福 無愧善人遠  
無惡而不作

問曰何故慙慙教菩薩善知世間宜法答曰  
菩薩善知世間法者則於衆生易相悅入化  
導其心令住大乘若不知世法乃至不能教  
化一人是故世間法者則是教化衆生方便  
之道菩薩如是知世間法具足慙愧心如說  
加惡而敬養規八 何況利己者十 有愧有恭敬  
不輕笑善者  
是菩薩愧心多故於諸惡人常能恭敬供養  
迎送問訊何況善人能利於我有功德者有  
愧恭敬二心故於諸賢善少知識者而不輕

慢作是念有功德者自隱於世如反覆火鄙  
薄世法不應輕賤若我以小因緣而輕賤者  
即便得罪復次

凡諸有所作 雖難能究竟 則於世間中  
亦是不退相

是菩薩凡有所作若起塔寺若設大會若救  
罪人如是等一切世間諸難事中心無廢退  
所造未成要以種種諸方便力身口心力令  
得成就不但佛法有不退轉世間事中亦有  
不退轉相問曰以何因緣能成此事答曰有

堪忍力者則能究竟如說  
得大堪忍力 深供養諸佛 隨佛所教化  
皆悉能受持

菩薩得堪忍力故以是力於諸佛供養敬禮  
隨宜供奉衣服飲食等又佛教化若持戒禪

定若降伏心意第八若實觀諸法十五於是事中用堪

任力如人得利刀宜應有益中用不於無益  
中用如說

以信悲慈捨 堪受無疲倦 又能知義趣  
引道眾生心 愧堪受第一 深供養諸佛

住佛所說中 正行此十法

能淨治初地是則菩薩道若菩薩以信為始  
後住佛教則能淨治初地是十法中以信為  
初信名於諸佛法因緣中心得決定又加好  
樂何以故是菩薩心性清淨故得深根信力  
有信力故於眾生中而生悲心作是念一切  
諸佛法以大悲為本我今一心好樂佛法是  
故於眾生中應生悲心此悲漸增則成大悲  
得大悲故於眾生中則生慈心作是念我應  
隨力利益眾生則成實悲行慈利眾生時即

能行捨內外所有皆能施與作是念如我是  
物為欲利益安樂眾生則成實慈又諸眾生  
信受我語為欲行捨求利財物故堪受種種  
諸苦惱事作是念若有疲厭則於世間技藝  
經書佃作工巧諸求財利因緣則無所獲是  
故應於世間技藝經書等無有疲厭以堪受  
故能知義趣作是念世間經書以義為味若  
人善知經書義味則於世法悉能通了能通  
了故則能引導上中下眾生作是念若人無  
有慙愧則不能令眾生歡喜為令喜故當行

慙愧作是念若無堪受則不成世間出世間  
 利有堪受故則能引導一切衆生皆令歡喜  
 心歡喜故信受我語以信受故勤行方便而  
 作唱導作是念若衆生供養佛者則多所利  
 益欲令衆生供養佛故即自一心供養於佛  
 及形像舍利衆人衆生信受則便隨效十六供養於佛  
 種人天因緣住於三乘菩薩如是次行十法  
 則能淨治初地  
 念佛品第二十  
 菩薩於初地究盡所行處自以善根力能見

數百佛菩薩如是調伏其心深愛佛道如所  
 聞初地行具足究竟自以善根福德力故能  
 見十方現在諸佛皆在目前問曰但以善根  
 福德力故得見諸佛為更有餘法耶答曰  
 佛為跋陀婆 所說深三昧 得是三昧寶  
 能得見諸佛  
 跋陀婆羅是在家菩薩能行頭陀佛為是菩  
 薩說般舟經般舟三昧名見諸佛現前菩薩  
 得是大寶三昧雖未得天眼天耳而能得見  
 十方諸佛亦聞諸佛所說經法問曰是三昧

者當以何道可得答曰

當念於諸佛 處在大眾中 三十二相具

八十好嚴身

行者以是三昧念諸佛三十二相八十種好

莊嚴其身比丘親近諸天供養為諸大眾恭

規八

十七

敬圍遶專心憶念取諸佛相又念諸佛是大

願者成就大悲而不斷絕具足大慈深安眾

生行於大喜滿一切願行於捨心捨離憎愛

不捨眾生行於諦處常不欺誑行於捨處淨

除慳垢行於善處其心善寂行於慧處得大

智慧具行檀波羅蜜為法施主具行尸羅波

羅蜜戒行清淨具行羼提波羅蜜能忍如地

具行毗梨耶波羅蜜精進超絕具行禪波羅

蜜滅諸定障具行般若波羅蜜破智慧障礙

手足輪相能轉法輪足安立相安住諸法手

足網縵相滅諸煩惱七處滿相諸功德滿手

足柔軟相說柔和法纖長指相長夜修集諸

善妙法足跟廣相眼廣學廣大直身相說大

直道足趺高相一切中毫毛上旋相能令眾

生住上妙法伊尼鹿躡相躡臚漸麤臂長過

膝相譬如金鋌陰馬藏相有法寶藏身金色  
相有無量色皮細薄相說細妙法一一毛相  
示一相法白毫莊嚴面相樂觀佛面無獸師  
子上身相如師子無畏肩圓大相善分別五  
陰腋下滿相滿大善根得味味相具足寂滅  
味方身相破生死界肉髻相頭未嘗低敬舌  
大相色如真珊瑚能自覆面梵音相身相至  
梵天師子頰車相肩廣相能破外道齒齊相  
行清白緻齒平等相平等心於一切衆生齒  
密緻相離諸貪著四十齒相具足四十不共

法紺青眼相慈心視衆生牛王睫相睫長不  
亂得希有色樂見無獸以此三十二相莊嚴  
其身八十種好間錯映發福德具足威力殊  
絕名聞流布戒香塗身世法所不動諸煩惱  
所不染惡言所不汙遊戲諸神通諸佛如是  
威力猛盛無敢當者以慧說法如師子吼如  
意自在以精進力破諸癡闇以大光明普照  
天地諸問答中最無有上一切仰瞻無下觀  
者常以慈心觀察衆生念如大海定如須彌  
忍辱如地增長衆生所種福德如水滋潤能

生衆生諸善根力如風開發成就衆生如火  
熟物智慧無邊猶如虛空普雨大法如大密  
雲不染世法猶如蓮華能破外道如師子搏  
鹿能舉重擔如大象王能導大衆如大牛王  
眷屬清淨如轉輪王世間最上如大梵王可  
愛可樂如清天明月普照能然猶如朗日與  
諸衆生安樂因緣猶如仁父憐愍衆生隨宜  
將護猶如慈母所行清淨如天真金有大勢  
力如天帝釋勤利世間如護世主治煩惱病  
猶如醫王救諸衰患猶如親族積諸功德如

大庫藏其戒無量其定無邊其慧無稱解脫  
無等解脫知見無等等於一切事最無有比  
一切世間最無上故名第一人成大法故名  
為大法人如是菩薩以大人相念觀諸佛是  
諸佛者於無量無邊百千萬億不可思議不  
可計劫修習功德善能守護身口意業於過  
去未來現在無為不可說五藏法中悉斷諸  
疑定答分別答反問答置答於四問答無有  
錯謬善說根力覺道念處正勤如意三十七  
助道法善能分別無明諸行識名色六入觸

受愛取有生老死因果於眼色耳聲鼻舌  
味身觸意法無所繫著善說九部經法修多  
羅祇夜授記伽陀優陀那尼陀那毗佛略未  
曾有論議如是諸經不為貪欲瞋恚所使不  
慢身見邊見邪見見取戒取疑諸使愚癡憍  
為無信無慙愧諂曲戲調放逸懈怠睡眠  
恨慳嫉諸惱所侵知見苦斷集證滅修道可  
去已去可見已見所作已辦盡破怨賊具足  
諸願是世間尊是世間父是世間主是善來  
善去善意善寂善滅善解脫者在無量無邊

十方恒河沙等世間中住如現在前菩薩又  
應以八十種好念觀諸佛甲色鮮赤行清白  
法甲隆而大生在大家甲色潤澤深愛眾生  
指圓纖長其行深遠指肉充滿善根充滿指  
漸次而長次第集諸佛法脉覆不見不覆身  
口意命脉無羸結破煩惱結罽平不現不隱  
藏法足不邪曲度脫邪眾行如師子是人中  
師子行如象王是人象王行如鵝王高飛如  
鴻行如牛王人中最尊行時右旋善說正道  
身行不佞曲心常不曲身堅而直讚堅牢戒

身漸次大次第說法普身諸分大而端嚴善能解說大妙功德身相具足具足法者足步間等等心眾生其身淨潔三業清淨身膚細軟心性自軟身離塵垢善見離垢身不縮沒心常不沒身無邊量善根無量肌肉緊密永斷後身支節分明善說十二因緣分別明了身色無闇知見無闇腹圓周滿弟子行具腹淨鮮潔善能了知生死過惡腹不高出破憍慢心腹平不現說平等法齋圓而深通甚深法齋晝右旋弟子順教身徧端嚴弟子徧淨

規八

二十

威儀鮮潔心淨無比身無點子無黑印法手軟勝兜羅綿受化者身輕如毛手畫文深威儀深重手畫文長觀受法者長遠後事手畫潤澤捨親愛潤得大道果面貌不長結戒有開脣亦如頻婆果見一切世間如鏡中像舌柔而軟先以軟語廣度眾生舌薄而廣功德純厚舌赤如染染凡夫心難解佛法令解聲如雷震不畏雷聲其聲和柔說柔軟法四牙圓直說直道法四牙俱利度利根者四牙鮮白清白第一四牙齊等住戒平地牙漸次細

漸次說四諦法鼻高隆直住智高山鼻中清  
淨弟子清白眼廣而長智慧廣遠不希疏  
善擇衆生眼白黑淨鮮如青蓮華葉天人姝  
女以好眼敬禮眉高而長名聞遠流眉毛潤  
澤善知輒法耳等相似聞法者等耳根不壞  
度不壞心衆生額平而好善離諸見額廣無  
妨廣破外道頭分具足善具大願髮色如黑  
蜂轉五欲樂髮厚而緻結使以盡美髮柔懦  
輒利智智者能知法味髮不散亂言常不亂  
髮潤而澤常無麤言髮有美香以七覺意香

華隨宜化導髮中有德字安字喜字手足甲  
亦有德字安字喜字菩薩如是應念諸佛處  
在大衆講說正法坐師子座其座以瑠璃雜  
寶爲脚以真珊瑚妙赤真珠以爲几金薄帷  
帳柔軟滑澤種種天衣以爲敷具有寶師子  
赤金爲身琥珀爲眼碑磔爲尾珊瑚爲舌白  
金剛爲四牙真白銀爲髮毛髮長廣具足其  
牀在此四師子上大象王牙以爲凭几其承  
足几衆寶所成爲諸天龍夜叉乾闥婆阿脩  
羅迦樓羅緊那羅摩睺羅伽之所敬禮諸佛

如是在此牀上著竭支泥洹僧不高不下覆  
身三分周巾齊整著淺色袈裟條數分明不  
高不下亦不參差處八部大聖莊嚴衆中人  
天大會龍金翅鳥俱共聽法心無瞋恚一切  
大衆深心慙愧敬愛於佛皆共一心聽佛所  
說受持思惟如所說行專心聽受心清淨故  
能障諸蓋一切大衆瞻仰如來無有猒足衣  
毛皆豎泣淚心熱或有大喜有如是者則知  
其人心得清淨寂默湛然如入禪定無愛無  
恚心無餘緣有大悲相慈愍衆生欲救一切

心不諂曲寂滅清淨分別好醜有大志量不  
沒不縮不高不下佛悉瞻見處在如是大衆  
說法易解易了樂聞無猒音深不散柔軟悅  
耳從齋而出咽喉舌根鼻顙上齧齒脣氣激  
變成音句柔軟悅耳如大密雲雷聲隱震如  
大海中猛風激浪如大梵天音聲引導可度  
衆生離眉眼脣可訶語法言不闕少又不煩  
重所說無疑言必利益無有誑語可破語等  
離如是過遠近等聞四種問難隨意能答開  
示四諦令得四果建立義端因緣結句語言

法則皆悉具足種種所說事義易了所宣分明事不隱曲言不卒疾又不遲緩始終相稱無能難者以如是語敷演說法初中後善有義有利唯法具足能令衆生得今世報無有時節可得嘗試能滿所願深妙智者以內可知能滅衆生三毒猛火能除一切身口意罪善能開示戒定慧品初以名字後令知義而生歡喜從喜生樂從樂生定從定生如實知從實知生厭離從厭離滅結使滅結使故得解脫如是能令此法次第善能開示諦捨滅

慧四處能示衆生令滿布施持戒忍辱精進禪定智慧波羅蜜能令衆生次第得至喜地淨地明地跋地難勝現前深遠不動善慧法雲能分別聲聞乘辟支佛乘大乘能令證須陀洹斯陀舍阿那舍阿羅漢果能令成就人規八天之中所有富樂是為一切第一利益諸功德藏如是正心憶念諸佛在閑靜處除却貪欲瞋恚睡眠疑悔調戲一心專念不生障礙失定之心以如是心專念諸佛若心沒當起若散當攝并見大眾常如現前未入定時常

應稱讚相好二事以偈歎佛令心調習如此  
偈說

世尊諸相好 何業因緣得 我以相及業

稱讚於大聖 足相千輻輪 清淨眷屬施

以是因緣故 賢聖眾圍遶 足下安立相

受善持不失 是故魔軍眾 不能得毀壞

手足指網縵 身相紫金色 善行攝法故

大眾自然伏 手足極柔輒 身相七處滿

隨意食施故 多得自然供 長指廣脚跟

身臚大直相 離殺因緣故 乃至於劫壽

毛上向右旋 足趺隆高相 常進諸善事

故得不退法 伊尼鹿躡相 常樂讀誦經

為人說法故 疾得無上道 脩臂下過膝

一切所有物 求者無恡惜 隨意化導人

陰藏功德藏 善和離散故 多得人天眾

淨慧眼為子 薄皮耀金光 妙衣堂閣施

故多得妙衣 清淨房樓觀 一孔一毛生

眉間白毫時 常為最上護 故於三界尊

身上如師子 兩肩圓而端 常行仁愛語

無有違反者 腋滿知味相 病施醫藥故

人天皆敬愛	身無有疾患	身圓肉髻相
和悅心施福	勸化剛強者	法王中自在
迦陵頻伽音	廣舌聲如梵	所言常軟實
得大聖八音	先加以思慮	後言必有實
故得師子相	見者皆信伏	齒白齊密相
所曾供養者	後常不輕故	眷屬心和同
上下四十齒	密緻不疏漏	無讒不妄語
徒眾不可破	眼黑青白明	皎相如牛王
慈心和視故	觀者無厭足	雖轉輪聖王
典主四天下	有是諸相好	光明不如佛

我所稱歎說	諸相好功德	願令一切人
心淨常安樂	菩薩又應以八十種好念諸佛如此偈說	
諸佛有妙好	八十莊嚴身	汝等應歡喜
一心聽我說	世尊圓纖指	其甲紫紅色
隆高有潤澤	所有無有量	膝平踝不現
雙足無邪曲	行如師子王	威望無等比
行時身右旋	安庠有儀雅	方身分次第
端嚴可愛樂	身堅柔懦軟	支節甚分明
行時不透迤	諸根悉充滿	肌體極密緻

鮮明甚清淨	身形甚端雅	無有可訶處
腹圓不高現	齋深而無孔	其文右向旋
威儀甚清淨	身無有疵點	手足極柔輒
其文深且長	修直有潤色	舌薄面不長
牙白圓纖利	脣色頻婆果	音深若鴻王
鼻隆眼明淨	睫綴而不亂	眉高毛柔輒
端直不邪曲	眉毛齊而整	善知諸法過
眉毛色潤澤	善度潤衆生	耳滿長而等
不壞甚可愛	額廣而齊整	頭相皆具足
髮綴而不亂	如黑蜂王色	清淨而香潔

卷八

廿五

中有三種相

是名八十種好以此八十種好間雜莊嚴三十二相若人不念三十二相八十種好讚歎佛身者是則永失今世後世利樂因緣

十住毗婆沙論卷第八

音釋

撈蒲庚切 抵陳尼切 鋌待昆切 懦奴臥切

輒乳充切 齒盧五各切 踝戶瓦切

擊也 與齧同 足骨也 金 弱也

永樂北藏

十住毗婆沙論

第一〇〇冊

十住毗婆沙論卷第九

龍 樹 菩 薩 造 規九

姚秦三藏法師鳩摩羅什譯

四十不共法品第二十一

菩薩如是以三十二相八十種好念佛生身

已今應念佛諸功德法所謂

又應以四十 不共法念佛 諸佛是法身

非但肉身故

諸佛雖有無量諸法不與餘人共者有四十法若人念者則得歡喜何以故諸佛非是色

身是法身故如經說汝不應但以色身觀佛當以法觀四十不共法者一者飛行自在二者變化無量三者聖如意無邊四聞聲自在五無量智力知他心六心得自在七常在安慧處八常不妄誤九得金剛三昧力十善知不定事十一善知無色定事十二具足通達諸永滅事十三善知心不相應無色法十四大勢波羅蜜十五無礙波羅蜜十六一切問答及受記具足答波羅蜜十七具足三輪說法十八所說不空十九所說無謬失二十無

能害者二十一諸賢聖中大將二十五四不  
守護二十九四無所畏三十九佛十種力四  
十無礙解脫是爲四十不共之法今當廣說  
飛行自在者諸佛飛行如意自在如意滿足  
速疾無礙所以者何佛若欲於虛空先舉一  
足次舉一足即能如意若欲舉足躡虛空去  
若欲住立不動而去即能得去若結跏趺安  
坐而去亦能得去若欲安卧而去亦復能去  
若欲於青瑠璃莖真珊瑚葉黃金爲鬚如意  
珠臺無量圍遠如日初出是寶蓮華徧於空

中蹈上而去若欲如日月宮殿帝釋勝殿夜  
摩天兜率陀天化樂天他化自在天諸梵王  
等宮殿隨意化作如彼宮殿坐中而去即能  
成辦若更以餘種種因緣隨意能去是故說  
言隨諸所願皆能滿足是故諸佛能以一步  
過恒河沙等三千大千世界有人言佛能一  
念頃過若干國土有人言若知佛一步一念  
能如是去即可得量經中說諸佛力無量是  
故當知諸佛虛空飛行自在無量無邊何以  
故若大聲聞弟子神通自在以一念頃能過

百億閻浮提瞿陀尼弗婆提鬱多羅越四大  
天王忉利天夜摩天兜率陀天化樂天他化  
自在天梵天一瞬中過若干念積此諸念以  
成一日七日一月一歲乃至百歲一日過五  
十三億二百九十六萬六千三千大千世界  
如是聲聞人百歲所過佛一念能過復次假  
令恒河中沙一沙為一河有大聲聞神通第  
一壽命如是諸恒河沙大劫於一念中過若  
干世界積如是念以為日月歲數以自在力  
盡是諸大劫數所過國土佛能一念中過諸

佛飛行自在如是速疾於一切鐵圍山十寶  
山四天處忉利天處夜摩天兜率陀化樂他化  
自在梵世梵眾大梵少光無量光光音少淨  
無量淨徧淨廣果無想不廣不惱喜見妙見  
阿迦尼吒天如是諸處大風大水劫盡火等  
及諸天龍夜叉乾闥婆阿脩羅迦樓羅緊那  
羅摩睺羅伽諸天魔及梵沙門婆羅門及得  
諸神通者不能為礙是故說飛行無礙又飛  
行自在如意所作出沒於地能過石壁諸山  
障礙等佛於此事勝諸聖人又佛能以常身

現九

三

立至梵天聲聞人所不能及有如是等差別  
變化自在者變化事中有無量力餘聖變化  
有量有邊諸佛變化無量無邊餘聖於一念  
中變化一身佛以一念隨意變化有無量事  
如大神通經中說佛從齋中出蓮華上有化  
佛次第徧滿上至阿迦尼吒天諸佛變化所  
作衆事種種色種種形皆以一念又聲聞人  
能於千國土內變化諸佛能於無量無邊國  
土變化自在又能倍是諸佛得堅固變化三  
昧又諸佛變化能過恒沙世界皆從一身出

復次佛能普於十方無量無邊世界現生受  
身墮地行七步出家學道破魔軍衆得道轉  
法輪如是等事皆以一念作之是諸化佛皆  
亦復能施作佛事如是等諸佛所變化事無  
量無邊又於聖如意中有無量力聖如意者  
所謂從身放光猶猛火又出諸雨變化壽  
命隨意長短於一念頃能至梵天能變諸物  
隨意自在能動大地光明能照無量世界而  
不斷絕聖如意者不與凡夫等故無有量故  
過諸量故諸凡夫等雖變化諸物少不足言

聲聞人能裂千國土還使令合能令壽命若至一劫若減一劫還能令短短已復能令長於一念中能至千國土梵世界能於千國土隨意變化能動千國土能身出光明相續不絕照千國土現九設使身滅能留神力變化如本於千國土小辟支佛能於萬國土萬種變化中辟支佛能於百萬國土百萬種變化大辟支佛能於三千大千國土變化如上諸佛世尊能過諸恒河沙世界算數變化身出水火能抹恒河沙等世界令如微塵又能還合能

住壽命無量劫數還能令少少已還能令長能於無量時住變化隨意能以一念至無量無邊恒河沙等世界能以常身立至梵世又能變化無量無邊阿僧祇世界皆令作金或令作銀琉璃珊瑚磔磔碼碯取要言之能令作無量寶物隨意所作又復能變恒河沙等世界大海水皆使為乳酥油酪蜜隨意而成又能以一念變諸山皆是真金過諸算數不可稱計又能震動無量無邊世界一切欲界色界諸天宮殿又以一念能令若干金色光

明徧照如是無量世界日月光明及欲色界諸天宮殿光明皆令不現雖滅度後能於如是諸世界中隨意久近流布神力常不斷絕聞聲自在者諸佛所聞聲中隨意自在若無量百千萬億妓樂同時俱作若無量百千萬億衆生一時發言若遠若近隨意能聞假令恒河沙等三千大千世界所有衆生同時俱作若干百千萬種妓樂徧滿世界復有恒河沙等世界衆生同時以梵音徧滿一切世界諸佛若欲於中聞一音聲隨意得聞餘者不

聞聲聞所應聞者若有大神力障者不能得聞諸佛所聞音聲雖有大神力障亦能得聞聲聞能聞千國土內音聲諸佛世尊所聞音聲過無量無邊世界最細音聲皆亦得聞大神力聲聞住梵世界發大音聲能滿千國土內諸佛世尊若住於此若住梵世若住餘處音聲能滿無量無邊世界若欲令衆生聞過無量無邊世界最細音聲能令得聞欲令不聞即便不聞是故但有諸佛於音聲中得自在力知他心無量自在力者諸佛世尊於無

量無邊世界現在衆生悉知其心餘人但隨名相故知諸佛以名相義故知又餘人不能知無色界衆生諸心諸佛能知餘人雖有知他心智大力勢者障則不能知假使一切衆生成就心通皆如舍利弗目犍連辟支佛等

以其神力障一人心不令他知而佛能壞彼神力得知其心復次佛以神力悉知衆生上中下心垢心淨心又知諸心各有所緣從是緣至是緣次第徧知一切諸緣又以實相知衆生心是故諸佛以無上力悉知他心第一

調伏心波羅蜜者善知諸禪定三昧解脫住入起時諸佛若入定若不入定欲繫心一緣中隨意久近如意能住從此緣中更住餘緣隨意能住若佛住常心欲令人不知則不能知假使一切衆生知他心智如大梵王如大聲聞辟支佛成就智慧知他人六心以此心智令一人得是人欲知佛常心若佛不聽則不能知如七方便經中說行者善知定相善知住定相善知起定相善知安隱定相善知行處相善知定生相善知宜諸定法不宜諸

定法名諸佛第一調伏心波羅蜜諸佛常安慧者諸佛安慧常不動念常在心何以故先知而後行生隨意所緣中住無疑行故斷一切煩惱故出過動性故如佛告阿難佛於此夜得阿耨多羅三藐三菩提一切世間若天魔梵沙門婆羅門以盡苦道教化周畢入無餘涅槃於其中間佛於諸受知起知住知生知滅諸相諸觸諸覺諸念亦知起知住知生知滅惡魔七年晝夜不息常隨逐佛不得佛短不見佛念不在念安慧名諸佛常住

安慧行中不忘失法者諸佛得不退法故通達五藏法故得無上法故諸佛常不忘失諸佛菩提樹下所得乃至入無餘涅槃若天魔梵沙門婆羅門及餘聖人無能令佛有所忘失如法印經中說道場所得是名實得更無勝法如衣毛規九豎經說舍利弗若人實語有能於法不忘失者應說我是何以故唯我一人無所忘失是名諸佛於法無忘失金剛三昧者諸佛世尊金剛三昧是不共法無能壞故於一切處無有障礙故得正徧知故壞一切

法障礙故等貫穿故得諸功德利益力故諸  
禪定中最上故無能壞者是故名爲金剛三  
昧如金剛寶無物能破者是三昧亦如是無  
法可以壞者是故名金剛三昧問曰何故不  
可壞答曰一切處無有礙故如帝釋金剛無  
有礙處是三昧亦如是問曰是三昧何故名  
一切處不礙答曰正通達一切法故諸佛住  
是三昧悉能通達過去現在未來過去三世  
不可說五藏所攝法是故名一切處不礙若  
諸佛住是三昧諸所有法若不通達名爲有

礙而實不爾是故名無礙問曰何以故是三  
昧通達一切法答曰是三昧能開一切障礙  
法故所謂煩惱障礙定障礙智障礙能開故  
是名能通達一切法問曰是三昧何故能開  
一切障餘三昧不能答曰是三昧善等貫穿  
三法能壞諸煩惱山令無餘故正徧通達一  
切法故善得不壞心解脫故是故此三昧能  
開一切障礙問曰是三昧何故等貫穿三法  
答曰住是三昧得力故能得一切諸功德餘  
三昧無如是力是故是三昧能等貫穿問曰

何故住是三昧得力故能得一切諸功德答曰是三昧於諸定中最為第一是故住是三昧能得諸功德問曰何故是三昧於諸定中最為第一答曰是三昧無量無邊善根所成故於諸定中最為第一問曰是三昧何故無量無邊善根所成規九答曰是三昧唯一切智人有餘人所無是故名為金剛三昧四十不共法中難一切智人品第二十二問曰汝說金剛三昧唯一切智人有餘人所無若是三昧但一切智人有餘人無者即無

是三昧何以故無一切智人故何以故所知法無量無邊而智慧有量有邊以此有量有邊智慧不應知無量事如今現閻浮提水陸眾生過諸算數是眾生三品若男若女非男非女在胎孩童少壯衰老苦樂等法過去未來現在諸心心數法及諸善惡業已集今集當集已受報今受報未受報萬物生滅及閻浮提中山河泉池草木叢林根莖枝葉花果所可知者無有邊際餘三天下亦如是四天下三千大千世界物亦如是三千大千世界

物一切世界所可知物亦如是但世間數尚無量無邊難得知何況諸閻浮提諸世間中衆生非衆生諸物分分以是因緣當知所可知物無量無邊故無一切智者若謂智慧有大力於所知法中無障礙故徧知一切可知法如虛空徧在一切法中是故應有<sup>九</sup>一切智人者是事不然智大力可爾但智不能自知如指端不自觸是故無一切智若謂更有智能知是智是亦不然何以故有無窮過故知若自知若以他知二俱不然若是知有無

量力以不自知故不得言有無量力是故無有能知一切法智知不無知一切法智故則無一切智者何以故一切智者以智知一切法復次所知法無量無邊若和合百千萬億智人尚不能盡知何況一人是故無有一人能知一切法無有一切智若謂不以徧知一切山河衆生非衆生故名一切智人但以盡知一切經書故名一切智人者是亦不然何以故佛法中不說韋陀等經書義若佛是一切智者應用韋陀等經書而實不用是故佛

非一切智人又四韋陀羅經有量有限今世尚無盡能知者況有盡知一切經書是故無有一切智人復次有經書能增長貪欲歌舞音樂等若一切智人知是事者即有貪欲是經書是貪欲因緣若有因必有果若一切智人不知此事則不名一切智人復次有諸經書能助瞋恚喜誑於人所謂治世經書等若知是事則有瞋恚何以故有因必有果故若不知則不名一切智人是故知無一切智人復次佛不必盡知未來世事譬如我今難一

切智人佛無經書預記是人如是姓如是家在某處以如是事難一切智人若謂佛盡知何以故不說是事若說經者經中應有不說是事是故知非一切智人復次佛若盡知未來世事應當預知調達出家已破僧若知者不應聽出家復次佛不知木機激石佛若預知者則不應於中經行復次佛不知旃遮婆羅門女以姪欲謗若佛先知應告諸比丘未來當有是事復次有梵志嫉佛故於餘處殺梵志女孫陀羅於祇洹塹中埋佛不知是事

若知是者應於諸梵志所救此女命至調達所推石下不說婆羅門女梵志女事以不知故當知佛不盡知未來世是故非一切智人復次佛入婆羅門聚落乞食空鉢而出不能預知魔時轉諸人心乃至不得一食佛若知者則不應入婆羅門聚落是故知佛不盡知未來事復次阿闍世王欲害佛故放守財醉象佛不知故入王舍城乞食若預知者則不應入是故佛不知未來事不知未來事故則非一切智人復次佛不知惡涅達多請佛因

緣即受其請將諸比丘詣韋羅闍國是婆羅門忘先請故使佛食馬麥若佛預知婆羅門忘請佛及僧者則不應受請三月食馬麥是故知佛不知未來事不知未來事故則非一切智人復次佛受須涅又多羅為弟子故則不知未來事是人惡心堅牢難化不信佛語佛若知者云何受為弟子受為弟子故則不知未來事不知未來事故則非一切智人復次若佛是一切智人則應防護未有犯罪者當為結戒以先不知結戒因緣有作罪已方

乃結戒則不知未來事不知未來事故則非一切智人復次佛法但以出家受戒數歲處在上座恭敬禮拜不以耆年貴族諸家功德智慧多聞禪定果斷神通為大若是一切智者應以耆年貴族諸家功德智慧多聞禪定果斷神通為大供養恭敬若如是者名為善制歲數者受戒年數如五歲道人禮六歲者貴族者世間有四品眾生婆羅門刹利毗舍首陀羅首陀羅應恭敬韋舍刹利婆羅門韋舍應恭敬刹利婆羅門刹利應恭敬婆羅門

諸家者工巧家商賈家居士家長者家大臣家王家等於諸家中其小家應恭敬大家如是於貧賤中出家者應恭敬富貴中出家者功德者毀戒人應恭敬禮拜持戒持戒者不應禮毀戒者不行十二頭陀者應禮行十二頭陀者不具足行頭陀者應禮具足行頭陀者智慧者無智慧人應禮敬有智慧者多聞者少聞人應禮多聞者不多誦者應禮敬多誦者果者須陀洹應禮敬斯陀舍如是展轉應禮阿羅漢一切凡夫應禮得果者斷者少

斷結使及未斷者應禮多斷者神通者若未  
具神通者應禮具足神通者佛若如是次第  
善說供養恭敬法者是爲上說而實不爾是  
故知非一切智人復次佛尚不能知現在事  
汝若謂我云何知佛不知現在事者今當說  
之有衆生結使薄者無業障者十一離八難者堪  
行深法者能成正法者而佛不知佛成道已  
初欲說法生如是疑我所得法甚深玄遠微  
妙寂滅難知難解唯有智者可以內知世間  
衆生貪著世事此中除斷一切煩惱滅愛獸

離第一難見若我說法衆生不解徒自疲苦  
生如是疑而實衆生有薄結使無業障者有  
離八難者堪行深法者能成正法者佛不能  
知如是衆生是故當知不知現在事又作是  
念昔我苦行五比丘供養執侍應先利益今  
在何處作是念已時有天告今在波羅柰鹿  
野苑中是故當知佛不知現在事不知現在  
事故則非一切智人復次佛得道已受請說  
法而作是念我今說法誰應先聞即復念言  
鬱頭藍弗此人利根易可開悟爾時此人先

以命終而佛方求時天告言昨夜命終佛又  
思惟迴心欲度阿羅羅天復白言是人亡來  
七日若佛是一切智者先應知此諸人命終  
而實不知不知過去事故則不名一切智人  
一切智人法應度可度者不可則置復次佛  
處處有疑語如巴連弗城是事當以三因緣  
壞若水若火若內人與外人謀若佛是一切  
智人者則不應有疑惑語是故知非一切智  
人復次佛問比丘汝等聚會為說何事如是  
等問若一切智人者則不應問如是等事以

問他故非一切智人復次佛自稱讚身毀皆  
他人如經中說佛告阿難唯我一人第一無  
比無與等者告諸比丘尼犍子等是弊惡人  
成就五邪法諸尼犍子等無信無慙無愧寡  
聞懈怠少念薄智又說梵志尼犍諸外道弟  
子等諸不可事若自稱讚毀皆他人世人尚  
愧何況一切智人有此事故非一切智人復  
次佛經始終相違如經中說諸比丘我新得  
道又言我得往古諸佛所得道世間有智尚  
離終始相違何況出家一切智人而有相違

以終始相違故當知非一切智人是故汝說  
金剛三昧唯一切智人得是事不然無一切  
智人故一切智三昧亦不成答曰汝莫說此  
佛實是一切智人何以故凡一切法有五法  
藏所謂過去法未來法現在法出三世法不  
可說法唯佛如實徧知是法如汝先難所知  
法無量無邊故無一切智人者我今當答若  
所知法無量無邊智亦無量無邊以無量無  
邊智知無量無邊法無咎若謂是知亦應以  
智知是則無窮者今當答汝應以智知如世

間人言我是智者我是無智者我是麤智者  
我是細智者以是因緣以智知故則無無  
窮過如以現在知知過去智則盡知一切法  
無有遺餘復次如人數他通身為十知亦如  
是自知亦他知則無有咎如燈規九自照亦照他  
如汝所說和合百千萬億智人尚不能盡知  
一切法何況一人知者是事不然何以故一  
智慧人能知衆事雖復衆多無有智慧不能  
有所知如百千盲人不任作導一人有眼任  
為導師是故汝以一人為難雖復多智於佛

則無智是事不然汝謂佛不說韋大等外經故非一切智人者今當答韋大中無善寂滅法但有種種諸戲論事諸佛所說皆為善寂滅故佛雖知韋大等經不能令人得善寂滅是故不說問韋大中亦有善寂滅解脫說世間先皆幽闇都無所有初有大人出現如日若有見者得度死難更有餘道又說人身小則神小人大則神大身為神宅常處其中若以智慧開解神縛則得解脫是故當知韋大中有寂滅解脫答曰無是事也何以故韋大

中有四顛倒世間無常而別有常世間如說一作天祠墮落再亦墮落三作則不墮是為無常中常顛倒世間苦而說有常樂處是為苦中樂顛倒又說我神轉為子願使壽百歲子是他身云何為我是為無我中我顛倒說身清淨第一無比規九金銀珍寶無及身者是名不淨中淨顛倒顛倒則無實無實云何有寂滅是故韋大中無善寂滅法問曰韋大中說能知韋大者清淨安隱云何言無善寂滅法答曰知韋大者雖說安隱非畢竟解脫於異

身中生解脫想是說因長壽天說爲解脫是故韋大中實無解脫復次韋大中略說有三義一者呪願二者稱讚三者法則呪願名爲令我得妻子牛馬金銀珍寶稱讚名爲汝大神頭黑頸赤體黃常在衆生五大中法則名爲是事應作是不應作如從昴星初受大法而實呪願稱讚法則無有寂滅解脫何以故貪著世樂然蘇呪願無真智慧不斷煩惱何有解脫問曰韋大法自古有之第一可信汝言無善寂滅故不可信者是事不然何以故

佛法近乃出世韋大自古久遠常在世間是故古法可信近法不可信汝言韋大中無善寂滅法是事不然答曰時不可信無明邪見自古亦然有無明先出正智後出邪見先出正見後出不可以無明邪見先出故可信正智正見後出不可信如先有汙泥後有蓮華先有疾後有藥如是不可以在先出者爲貴是故韋大先出佛法後出謂不可信者是事不然復次過去定光等諸佛皆先出世其法則古出韋大是後出若汝以先久爲貴者此

諸佛及法則應是實問曰韋大不能作善寂滅是故佛法中不說若佛知不能作寂滅何用知為若不知則非一切智人二俱有過答曰汝語非也佛先知韋大不能善寂滅故不說亦不修行問曰若佛知韋大無有利益故而說不修習者何用知為答曰大智之人應規九悉分別是正道是邪道欲令無量人眾度險惡道故行於正道譬如導師善分別邪道正道佛亦如是既自得出生死險道亦復欲令眾生出故善知八直聖道亦知韋大等邪險

惡道為離邪惡道故行於正道但知而不說猶如農夫為穀種植至秋收穫亦得草麩佛亦如是為無上道故勤行精進得菩提亦知韋大等諸邪道是故無咎如汝先說無人能有具知四韋大者此難不然世間人各有念力有人一日能誦五偈有誦百偈有誦二百偈若人一日不誦十偈則謂無能誦百偈出百偈者此非實語汝等不能盡知故便言都無智者若人見一人不能度河便言無能度者是不名正說何以故自有餘大力者能

度此亦如是設使餘人不能盡知一切智者  
知之何咎復次脾娑仙人皆讀韋大亦應成  
一切智若有盡讀韋大何以言無一切智若  
汝言有經書能生貪欲瞋恚者我今當答若  
人欲長壽應離死因緣佛亦如是欲斷一切  
衆生貪欲瞋恚應知貪欲因緣復次如汝所  
說能知生貪欲瞋恚經書則有貪欲瞋恚者  
無有是也佛雖知是不用不行故無過咎如  
人知死因緣則不死若行死因緣則死是事  
亦爾若汝說不知未來事故不名一切智者

我今當答此則非難我等亦知有難一切智  
者如經中說佛告諸比丘凡夫無能有三相  
不應思而思不應說而說不應作而作是故  
皆已總說汝等未來世凡夫皆在其中無利  
益故何用分別說其名字等若謂佛知有難  
不預答者亦不須此今現四衆中亦有善斷  
疑難者今亦有能破諸難問者何用先答如  
汝今日現見比丘之中能破婆羅門者是故  
不須先答又先時亦有答散在衆經人不能  
具知佛法故不知處所若言受調達出家事

我今當答謂受調達出家則非一切智人者  
是謂不然調達出家非佛所度問曰若餘人  
度者佛何以聽答曰善惡各有時不必出家  
便惡調達出家之後有持戒諸功德是故出  
家無過復次調達於十二年清淨持戒誦六  
萬法藏此果報者當來不空必有利益汝說  
調達機關激石者我今當說諸佛成就無殺  
法故一切世間無能奪命者問曰若成就不  
殺法者何故逆石而來答曰佛於先世種壞  
身業定報應受示衆生業報不可捨故現受

是故自來汝言旃遮女佛不先說者我今當  
答以旃遮女故譏佛者不能壞一切智人因  
緣若佛先說旃遮女當來謗我者旃遮女則  
不來復次佛先世謗人罪業因緣今必應受  
汝說佛何以不遮孫陀利入祇洹事我今當  
答此事不能壞一切智人因緣佛無有方今  
一切衆生盡作樂人又諸佛離一切諍訟不  
自高身不著持戒是故不遮復次佛先世業  
熟故必應受七日謗又衆生見佛聞謗不憂  
宣明不喜故發無上道心作是願言我等亦

當得如是清淨心是故無咎汝先說佛入婆  
羅門聚落空鉢而出非一切智人者今當答  
佛不以飯食先觀人心入聚落已魔轉其意  
問曰是事佛應先知我入聚落魔當轉人心  
答曰佛亦先知此事為大利益衆生諸佛非  
但以受人食故以為利益度脫衆生有以清  
淨心迎逆敬禮和顏瞻視此皆大利何必飲  
食以種種門利益衆生非空入聚落汝說佛  
逆趣醉象者今當答佛雖知此事以因緣故  
往以此醉象必應得度又能障其害佛罪業

復次此象身如黑山衆人見此低頭禮佛皆  
起恭敬以是因緣故往趣復次佛趣此象無  
有過失若有惡事可作此難汝難至隨蘭若  
者為受先世業果報故汝說畜須涅又多羅  
為弟子者今當說佛身口意命不須守護無  
所畏故聽為弟子復次是人常近佛故得見  
規九種種大神力見諸天龍夜叉乾闥婆阿脩羅  
等諸王來供養佛請問種種甚深要法心得  
清淨心清淨故得利益因緣是故雖惡聽為  
弟子問曰此人於佛多生惡心是故不應聽

為弟子答曰若不聽為弟子亦有惡心是故聽為弟子無咎汝說先未作罪時何以不制戒今當答佛先結戒說八聖道正見正思惟正語正業正命正精進正念正定說是至涅槃道故已說一切諸戒復次佛說三學善學戒善學心善學慧當知已說一切諸戒復次佛告諸比丘一切惡決定不應作是不名先結戒耶復次佛說十善道離殺盜婬兩舌惡罵妄言綺語貪嫉瞋恚邪見不名先結戒耶佛先十二年中說一偈為布薩法所謂一切

惡莫作一切善當行自淨其志意是則諸佛教是故當知先已結戒復次佛說諸小惡因緣皆應當離如說

離身諸惡行 亦離口諸惡 離意諸惡行  
餘惡悉遠離

如是說者當知先以結戒復次佛先已說諸守護法如說

護身為善哉 能護口亦善 護意為善哉  
護一切亦善 比丘護一切 得遠離諸惡  
如是說者當知先以結戒復次佛先說善相

如說

手足勿妄犯

節言慎所行

當樂守定意

是名真比丘

如是說者當知先以結戒復次說沙門法故當知先以結戒沙門有四法一於瞋不報二

規九

二十

於罵默然三杖捶能受四害者忍之復次佛說四念處觀身觀受觀心觀法是涅槃道住處故當知先結戒若微小惡尚不聽何況身口惡業如是等因緣當知先已結戒如王者立制不應作惡後有犯者隨事輕重作如是

罪如是治之佛亦如是先總說戒後有犯者說其罪相如有作惡者教令懺悔作如是罪應如是懺不見擯滅擯不共住等成如是事故後乃結戒汝說者年貴族家等應為上座今當答道法中者年貴族家等於道無益何以故生佛法中名為貴族好家中生從受大戒數其年數名為者年汝謂者年應供養者先出家受戒非是大耶從受戒以後無有諸姓等差別諸比丘受大戒名為生在佛家是則失先大小家名皆為一家汝說持戒者出

家在先持戒日久長夜護持年歲多故應爲上座如結戒中說汝說持戒之人不應禮破戒者今當答破戒人尚不應共住何況禮拜供養以其自言是比丘故隨其大小而爲作禮如禮泥木天像以念真天故佛勅年少應禮上座順佛教故則便得福汝說以頭陀故應敬禮者今當答若頭陀人人有五種故難得分別一者愚癡無所知故貪受難法二者鈍根希望得利三者惡意欺誑於人四者狂亂五者作念頭陀法者諸佛賢聖所共稱讚

以其隨順涅槃道故是五種人行頭陀法眞僞難別多聞者多聞之人亦如頭陀難可分別何以故或以樂道故多聞或以利養故多聞如是等亦難分別又佛法貴如說行不貴多讀多誦又如佛說行一法句能自利益名爲多聞智慧亦如是若不能如所說行何用智慧爲是故不以智慧故說爲上座譬如世間現事弟雖多聞多智而兄不爲作禮是故不以智慧故先受供養禮拜如是雖多聞智慧應禮先受戒者若先供養多聞智慧者則

爲闔亂餘沙門果斷結得神通最難知是人  
得果是不得果是多聞斷結是少聞斷結是  
得神通是不得神通不可以此爲上座若同  
得道果斷結神通誰爲上座是故隨佛教行  
最爲第一汝說佛於說法生疑今當答佛於  
深法尚不有疑何況應說不應說中而有疑  
乎佛不言我都不說法但云心樂閑靜不務  
多事而後於說法中無咎復次諸外道言佛  
爲大聖寂默無戲論何用畜衆而教化爲設  
使教化亦不可盡似如分別何用說法畜養

弟子是貪著相是故佛自思惟我法甚深智  
慧方便無量無邊而可度者少是故自言不  
如默然又防外道所譏訶故令梵天王求請  
說法即時梵天王等白佛言衆生可愍中有  
利根結使薄者易可化度是故受諸梵王等  
請如人得大寶藏應示餘人如是諸聖自得  
法利亦應利人如汝所說佛不知阿蘭伽蘭  
等先已命終欲爲說法者今當答佛不念其  
死與不死但念此人結使微薄堪任化度隨  
所念處則有智生是故佛先自說而後天告

理故宜然又佛先出家就此二人曾經宿止  
諸天人民儻能疑佛受其妙法餘處得道佛  
欲斷彼疑故即時唱言彼人長衰如此妙法  
如何不聞推如是義五比丘事亦復可知但  
念其可度因緣不念其住止所在後念住處  
即便得知是故不應破一切智人汝言疑說  
巴連弗城壞者今當答是城破因緣不定不  
定因緣而定說者是則爲過又我先說四十  
不共法中諸佛善知不定答者則不受此難  
汝說佛問諸比丘汝等聚會爲何所說今當

答佛將欲說法門故作如是問或欲結戒故  
令其自說如是種種說法故問而無答世間  
亦有知而復問如見人食問言食耶如天寒  
時問言寒耶佛亦如是知而復問隨俗無答  
汝言自讚毀他非一切智人者今當答佛不  
貪身不貪供養見九不恚他人不增上慢所以自  
說我於世間最第一者有信衆生諸根猛利  
捨惡知識以我爲師是人長夜當得安隱是  
故佛自讚身復次有人求第一樂道而有懈  
怠不能精進是故佛言無上利中不應懈怠

我於世間第一導師善說正法宜勤精進可得道果如是等因緣自讚其身非為自貴輕賤他人訶惡人者欲令除滅惡法非為憎害衆生有人求如法利其心清淨質直而與惡知識和合欲令遠離此故而訶罵之未得佛時尚以髓腦施人何況成佛而當訶罵汝說佛法初後相違今當答佛法中無有始終相違事汝等不知佛法義故以為相違是涅槃道者從迦葉佛滅已來無復人說亦無人得是故言我新得道餘處復說我得故道是道

錠光等諸佛所得所謂八聖道能至涅槃一道一因緣故名為故道是故當知佛成一切智問曰所言一切智者云何名為一切智為知一切故名為一切智耶答曰一切智者知可知可知者五法藏過去未來現在出三世不可說所用知此五藏者名為知是故知及所知名為一切問曰知可知名為一切者是事不然何以故是法但是一可知知亦是可知故如世間言是人知利是人知鈍答曰若一切是一者則寒熱相違皆應是一明闇苦

樂諸相違事亦應是一但是事不然是故不待言一切皆是一問曰汝所執亦同此過若可知是一者苦樂等亦應是一而實不一答曰我不言一切可知是一汝所執一切皆是一是故不與汝同過復次汝說同有過故汝自執中有過若人自受所執中過規九即墮負處汝知所執有過不應復說他過是故汝說同有過者是事不然復次若謂知可知二法爲一者應用可知法知瓶衣等物而實用知知一切物若謂瓶衣等於知無異者今瓶衣等

不能知物即應有異而實用知知一切物如是處處有過故不得言一切智是一復次知所知是二名爲一切知是一切法故名如來名一切智者是一切智人因金剛三昧是故金剛三昧成汝先言金剛三昧不成一切智不成者是事不然

十住毗婆沙論卷第九

音釋

獲胡郭切  
 刈禾也  
 儻他曩切  
 然之辭  
 或  
 錠北諍走切  
 定音  
 也  
 捶主藥切  
 擊也  
 擯

永樂北藏

十住毗婆沙論

第一〇〇册

永樂北藏

十住毗婆沙論

第一〇〇冊

十住毗婆沙論卷第十

規十

龍 樹 菩 薩 造

姚秦三藏法師鳩摩羅什譯

四十不共法中善知不定品第二十三

善知不定法者諸法未生未出未成未定未

分別是中如來智慧得力如佛分別業經中

說佛告阿難有人身行善業口行善業意行

善業是人命終而墮地獄有人身行惡業口

行惡業意行惡業是人命終而生天上阿難

白佛言何故如是佛言是人或先世罪福因

緣已熟今世罪福因緣未熟或臨命終生正見邪見善惡心垂終之心其力大故又百迦經中說叔迦婆羅門子白佛言瞿曇諸婆羅門在家白衣能修福德善根勝出家者事云何佛言我於此中不定答出家或有不修善則不如在家在家能修善則勝出家又大涅槃經中說巴連弗城當以三事壞或火或水或內人與外人謀又因波梨末梵志說是裸形波梨末梵志若不捨是語若是心若是邪見到我目前無有是處若皮繩斷若身斷

終不來到佛前又筏喻經中說我此法甚深  
以方便說今淺易解若有直心如教行者得  
二種利若今世盡漏若不盡漏當得不還道  
又增一阿舍舍迦梨經中佛告阿難若人故  
起業無有不受報而得道者若現受報若生  
受若後受又增一阿浮羅經中說佛告諸比  
丘諸惡人死若作畜生若墮地獄善人生處  
若天若人又無畏王子經中說無畏白佛言  
佛有所說能令他瞋不佛言王子是事不定  
弗或憐愍心故令人瞋得種善因緣如乳

母以曲指鉤出小兒口中惡物雖傷無患又  
阿毗曇中說衆生三品從不定聚或墮邪定  
或墮正定如是等四法藏中無定事數千萬  
種問曰若人智慧不定無決定心於事中或  
爾或不爾則不名一切智人一切智人者不  
二語者決定語者視十明了語者是故善知不定  
不得為名佛不共法答曰不定事若爾若不  
爾隨屬衆因緣故是中不應定說若人不定  
事而作定答曰不名一切智人是故於不定  
事中必應用不定智是故有不定智不共法

復次若人於一切法中決定知是人即墮必定邪論中若一切法必定則諸所為則不須人功方便而得如說

若好醜已定 人功則應定 不須諸因緣方便而修習

復次現見不自守護身則有衆苦若自防護身則安利又如種種作業事中受諸疲苦後得種種富樂果報或復有人今世靜默都無所作而得果報是故有是不定事為知是不定事故知有不定智問曰汝守護不守護施

功不施功而亦有不定事成者有人好自防護而得苦惱不自防護不得苦惱又勤自疲苦不得功果不勤施功而得功果是事不定答曰汝所說則成我不定義若有不定事應有不定智我不言若人不自防護悉皆受苦視十又不言離功業有果報有人雖作功夫先世三罪障故不得受樂不言一切皆爾是故汝難非也是名諸佛於不定事中獨有不定智具足知無色處者聲聞辟支佛知生無色處衆生及法少分諸佛世尊於無色處衆生及法

具足悉知是無色處有若干衆生生此處若干衆生生彼處若干衆生生初無色定處若干衆生生第二處若干衆生生第三處若干衆生生第四處若干衆生生來爾所時若干衆生經爾所時當退沒若干衆生極壽爾所時若干衆生畢定壽命若干衆生不畢定壽命若干衆生從欲界命終來生比中若干衆生從色界命終來生此中若干衆生從無色界命終還生此中若干衆生人中命終即來生此若干衆生天中命終即來生此是諸衆

生於此命終若生欲界若生色界若生無色界是諸衆生此中命終若生天道若生人道若生阿脩羅道若生地獄餓鬼畜生道中是諸衆生於彼處入涅槃若干衆生皆是凡夫若干衆生是佛賢聖弟子若干衆生凡夫弟子若干衆生成聲聞乘若干衆生成辟支佛乘若干衆生皆成大乘若干衆生不成聲聞乘若干衆生不成辟支佛乘不成大乘若干衆生行滅者若干衆生不行滅者若干衆生上行若干衆生其佛弟子諸佛又知是定受

味是定不受味是善是無記是定中斷若干  
結是定上中下略說無色諸定唯有諸佛以  
一切種智悉能分別大小深淺心相應心不  
相應果報非果報等是名諸佛具足悉知無  
色定處通達滅法者諸辟支佛諸阿羅漢過  
去現在滅度者諸佛通達如經中說諸比丘  
是賢劫前九十一劫毗婆尸佛出至三十一  
劫有二佛出一名尸棄二名毗式婆此賢劫  
中鳩樓孫迦那含牟尼迦葉佛出如是過去  
諸佛大知見此經中應說及諸聲聞弟子滅

度入無餘涅槃及辟支佛號曰成號曰華相  
號曰見法號曰法蔭號曰喜見號曰無垢號  
曰無得如是等諸辟支佛入無餘涅槃佛悉  
通達復次未滅度在有餘涅槃生緣都盡通  
達是事亦名通達知滅如經說佛告阿難我  
於此人悉知無有微闇是人畢定盡是內法  
是人命終當入涅槃亦名知滅又於餘人通  
達四諦能知其事亦名知滅如經說我何不  
方便令此人即於此處漏盡解脫如佛告阿  
難汝樂禪定樂斷結使亦名通達知滅如佛

告舍利弗我知涅槃知至涅槃道知至涅槃  
衆生如是等諸經此中應說是名諸佛通達  
知滅善知心不相應非色法者戒善根使善  
律儀不善律儀等諸心不相應非色法聲聞  
辟支佛不能通達諸佛善能通達如現目前  
於心不相應諸法中成就第一智慧力故問  
曰戒善律儀不善律儀是色法何以言非色  
法答曰戒善律儀不善律儀有二種有作有  
無作作是色無作非色無作非色故佛以不  
共力故現前能知餘人以比智知問曰諸佛

但善知心不相應非色法不善知相應法耶  
答曰若通達不相应法相應法無所復論如  
人能射毫毛麤物則不論復次七百不相应  
法中聲聞辟支佛以第六識能知十法一名  
二相三義四無常五生六不生七度佛以第  
六識皆悉能知佛知四諦相及知世俗法是  
故言諸佛善知心不相应無色法勢力波羅  
蜜者於一切所知法無餘中得一切種智勢  
力十力四無所畏四功德處助成故又善得  
十力故是故佛能成就勢力波羅蜜是勢力

在第十六心中得增益一切智常在佛身乃至無餘涅槃因是事故於一切法中得無礙智無礙智波羅蜜者法義辭樂說於此四法勢力無量通達無礙如經中說佛告諸比丘如來四弟子成就第一念力智慧力堪受力量如善射射樹葉即過無難是諸弟子以四念處來問難我常不休息除飲食便利睡眠於百年中如來常答樂說智慧無有窮盡佛於此中以少欲相自論智慧若三千大千世界所有四天下滿中微塵隨爾所塵數作爾所

三千大千世界滿中衆生皆如舍利弗如辟支佛皆悉成就智慧樂說壽命如上塵數大劫是諸人等因四念處盡其形壽問難如來如來還以四念處義答其所問言義不重樂說無盡法無礙智者善能分別諸法名字通達無礙義無礙者於諸法義通達無礙辭無礙者隨衆生類以諸言辭令其解義通達無礙樂說無礙者問答時善巧說法無有窮盡餘諸賢聖不能究盡唯有諸佛能盡其邊是故名無礙智波羅蜜具足答波羅蜜者一切

問難中佛善能具足答何以故於四種問答中無有錯亂善知義故具足不壞義波羅蜜故樂欲深知一切衆生性所行所樂故如舍利弗白佛言世尊佛爲人說善法而是中多有衆生得證證已心無渴愛心無渴愛故於世間無所受無所受已心則內滅佛於善法中無上事盡知無餘更無勝者問曰汝言四種問答可謂爲四答曰一定答二分別答三反問答四置答定答者如一比丘問佛世尊頗有色常不變異不世尊受想行識常不變

異不佛答言比丘無有色常不變異無有受想行識常而不變異如是等名爲定答分別答者如布多梨子梵志問娑摩提有人故作身口意業受何等果報娑摩提定答有人以身口意故作業受苦惱報是問應分別答是梵志後來問佛是事佛答言布多梨子有人若身口意故作業是業或受苦報或受樂報或受不苦不樂報若作苦業受苦報樂業受樂報不苦不樂業受不苦不樂報如是等諸經皆分別答反問答者如先尼梵志問佛我

還問汝隨汝意答先尼於汝意云何色是如來不受想行識是如來不答言非也世尊離色離受想行識是如來不答言非也世尊如是等經應廣說是名反問答置答者十四種邪見是所謂世間常世間無常世間常無常世間非常非無常世間有邊世間無邊世間亦有邊世間亦無邊世間非有邊非無邊如來滅後有如來滅後無如來滅後亦有亦無如來滅後非有非無如來身即是神身異神異如上一切衆生如大辟支佛智慧樂說以

如是四種問佛佛皆隨順答其所問不多不少是故說佛具足答波羅蜜無有能害佛者得不可殺法故無能斷佛身分支節存亡自在如經說若人欲方便害佛者無有是處問曰佛壽命爲定爲不定答曰有人言不定若佛壽命有定者於餘定壽命者有何差別而實佛壽命不定無能害者乃爲希有有人言佛壽命有定餘人壽命雖定而手足耳鼻可斷佛無是事問曰云何佛不可害是不共法答曰諸佛不可思議假喻可知假使一切十

方世界衆生皆有勢力設有一魔有爾所勢力復令十方一一衆生力如惡魔欲共害佛尚不能動佛一毛況有害者問曰若爾者調達云何得傷佛答曰此事先已答佛欲示衆生三毒相調達雖持戒修善貪著利養而作大惡又令知佛於諸人天心無有異加以慈怒視調達羅睺羅如左右眼佛常說等心是時現其平等天人見此起希有心益更信樂又長壽諸天見佛先世有惡業行若今不受謂惡行無報佛欲斷其邪見故現受此報復

次佛於苦樂心無有異無吾我心畢竟空故諸根調柔不可變故不須作方便離苦受樂如菩薩藏中說佛以方便故現受此事應當廣知是名佛不可殺害不共法說法不空者諸佛所有言說皆有果報是故諸佛說法不空何以故諸佛未說法時先觀衆生本末心在何處結使厚薄知其先世所從功德見其根性勢力多少知其障礙方處時節應以輒法可度苦事可度或復應以輒苦事度或復小發度或廣分別度有以陰入界十二因緣

而得度者或以信門或以慧門而得入者是  
人應從佛度是人應從聲聞度是人應以餘  
緣得度是人應成聲聞乘是人應成辟支佛  
乘是人應成大乘是人久習貪欲習瞋恚習  
愚癡是人習貪欲瞋恚是人習貪欲愚癡如  
是各各分別是人墮斷見是人墮常見是人  
多習身見是人多習邊見是人多習戒取見  
取是人多習憍慢是人多習自卑諂曲是人  
心多疑悔是人好樂言辭有貴義理有樂深  
義有樂淺事是人先世集助道法是人今世

集助道法是人但集福報善根是人但集貫  
穿善根是人應疾得道是人久乃得道佛先  
觀察等量隨應得度而為說法而度脫之是  
故一切說法皆悉不空如經說世尊先知見  
而說法非不知見說法無謬無失者諸佛說  
法無謬無失無謬者語義不乖違故無失者  
不失義故不失道因緣故名不失不謬道果  
因緣故名不謬不少故名不失不過故名不  
謬以通達四無礙智故念安慧常調和故遠  
離斷常無因邪因等諸見故所說法中不使

人有迷悶所言初後無相違過隨此義經應  
此中廣說如經說諸比丘為汝說法初善中  
善後善語善義善淳一無雜具說梵行以希  
有事說法者隨所教化即得道果是名希有  
若有所答若所受記皆實不異是亦希有佛  
有所說道此道不雜煩惱能斷煩惱是亦希  
有佛有所說皆有益終不空言是亦希有  
若人於佛法中勤心精進能斷不善法增益  
善法是亦希有復次有三希有現神通希有  
逆說彼心希有教化希有以是三希有說法

名為以希有說法諸眾聖中最上導師者諸  
佛知一切眾生心所行所樂結使深淺諸根  
利鈍上中下智慧善知通達故於眾聖中最  
上導師又能善知四諦相善知諸法總相別  
相又以說法不空因緣不謬不失法故於眾  
聖中最上導師視十問曰四眾亦能說法破外道  
令入佛法何以但稱佛為最上導師答曰當  
以假喻說若一切眾生智慧勢力皆如辟支  
佛是諸眾生若不承佛意欲度一人無有是  
處若是諸人說法時乃至不能全斷無色界

結使毫釐之分若佛欲度衆生有所言說乃至外道邪見諸龍夜叉等及餘不解佛語者皆悉令解是等亦能轉化無量衆生乃至今日聲聞衆令衆生住四果中皆是如來最上導師相是故佛名最上導師於衆聖中不共之法四不守護法者諸佛不守護身業不守護口業不守護意業不守護資生何以故是四事於他不護不作是念我身口意命恐他人知何以故長夜修習種種清淨業故皆善見知斷一切煩惱法故成就一切無比善根

故善行可行法無可訶故具足行捨波羅蜜故捨者眼見色捨憂喜心乃至意法亦如是婆阿提鬱多羅等諸經應此中說四無所畏者問曰一法名為無畏何以故有四答曰於四事中無有疑畏是故有四一者如佛告諸比丘我自發誠言視十是一切智人此中若有沙門婆羅門諸天魔梵及餘世間智人如法難言如來不知此法我於此中乃至不見有疑畏相不見是相故得安隱無畏是初無畏如實盡知一切法故二者自發誠言我一切諸

漏盡若沙門婆羅門諸天魔梵言是漏不盡  
我於此中乃至不見有微畏相不見是相故  
安隱無畏是二無畏善斷諸煩惱及斷煩惱  
習氣故三者我說障道法此中若有沙門婆  
羅門諸天魔梵及餘世間智人如法難言是  
法雖用不能障道我於此中不見有微畏相  
不見是相故得安隱無有疑畏是三無畏善  
知障解脫法故四者我所說道如法說行者  
得至苦盡若有沙門婆羅門諸天魔梵及餘  
世間智人如法難言是法雖如說行不能至

盡苦道我於此中無有微畏相不見是相故  
得安隱無有疑畏是四無畏善知至苦盡道  
故是四無畏皆過怖畏心驚毛豎等相故名  
為無畏又在大眾威德殊勝故名為無畏又  
善知一切問答故名為無畏諸天會經此中  
應廣說問曰若佛是一切智人應於一切法  
盡無畏何以說四答曰略舉大要以開事端  
餘亦如是佛十力者力名扶助氣勢不可窮  
盡無能沮壞雖有十名而實一智緣十事故  
名為十力佛智緣一切事故應有無量力以

此十力足度衆生故但說十力但開此十力  
餘皆可初力者一切法因非因決定通達  
智名為初力如佛說若是狂人不捨是語不  
捨邪見不捨是心來在佛前無有是處如佛  
告阿難世間二佛一時出世無有是處一佛  
出世則有是處是事為一佛世界故說而實  
十方無量無邊諸世界中百千萬億無數諸  
佛一時出世又經說身口意善業有妙愛果  
報無有是處若身口意善業有妙愛果報則  
有是處如是等五藏諸經應此中廣說第二

第十

十二

力者於過去未來現在諸業諸受法佛如實  
分別知處所知事知果報佛若欲知一切衆  
生過去諸業過去業報即時能知或業過去  
報在現在或業過去報在未來或業過去報  
在過去或業過去報在過去未來或業過去  
報在過去現在或業過去報在未來現在或  
業過去報在過去未來現在或業現在報在  
現在或業現在報在未來或業現在報在現  
在未來或業未來報在未來有如是等分別  
受法者四受法現受樂後世受苦現受苦後

世受樂現受樂後受樂現受苦後受苦處者  
隨業時方所在又知是業受報處事者或隨  
因緣或隨三不善根或多自作或多因他如  
是等善惡業因緣佛盡知報者知諸業各各  
有報善業或善處生或得涅槃惡業諸惡處  
生佛悉知是諸業本末因緣自身及他是中  
智力不退故名爲力三力者佛於禪定解脫  
三昧垢淨相如實知禪者四禪定者四無色  
定四無量心等皆名爲定解脫者八解脫三  
昧者除諸禪解脫餘定盡名三昧有人言三

解脫門及有覺有觀定無覺有觀定無覺無  
觀定名爲三昧有人言定小三昧大是故一  
切諸佛菩薩所得定皆名三昧是四處皆攝  
在一切禪波羅蜜垢名愛味淨名不愛味復  
次垢名有漏定淨名無漏禪定三昧解脫等  
分別者知是禪分別知他衆生他人上下諸  
根如實知名第四力他衆生者凡夫是他人  
者須陀洹等諸賢聖是或有人言衆生名爲  
凡夫及諸學人煩惱未盡故他人者阿羅漢  
等煩惱盡故或有人言衆生與一人一種名有

差別諸根者信精進念定慧非眼等根上名  
猛利堪任得道下名闇鈍不堪受道佛於此  
二根上下如實知不錯謬他衆生他人心各  
有所樂如實知是第五力所樂名為貴所向  
事如有人貴財物世樂或有貴重福德善法  
是事佛如實知世間種種性無量性佛如實  
知是第六力種種性者雜性萬端無量性者  
於一一性有無量種分別性者從先世來心  
常習用常所樂行修習故成性是二善惡性  
佛如實知至一切處道如實知是第七力主

一切處道者能得一切功德是道名為至一  
切處道所謂五分三昧若五智三昧若八聖  
道分是或聖道所攝諸法或四如意足如經  
說比丘善修習四如意足無利不得有人言  
四禪是如經說比丘得四禪心安住一處清  
淨除諸煩惱滅諸障礙調和堪用不復動轉  
若迴向知宿命事即能知宿命事是第八力  
佛若欲念自身及一切衆生無量無邊宿命  
一切事皆悉知無有不知過恒河沙等劫事  
是人何處生姓名貴賤飲食資生苦樂所作

事業所受果報心何所行本從何來如是等  
 事以天眼清淨過於人眼見六道衆生隨業  
 受身是第九力大力聲聞以天眼見小千國  
 土亦見中衆生生時死時小力辟支佛見千  
 小千國土見中衆生生時死時中力辟支佛  
 見百萬小千國土見中衆生生時死時大力  
 辟支佛見三千大千國土見中衆生生死所  
 趣諸佛世尊見無量無邊不可思議世間亦  
 見是中衆生生時死時第十力者欲漏有漏  
 無明漏一切漏盡諸煩惱及氣都盡是名第

十力無礙解脫者解脫有三種一者於煩惱  
 障礙解脫二者於定障礙解脫三者於一切  
 法障礙解脫是中得慧解脫阿羅漢得離煩  
 惱障礙解脫共解脫阿羅漢及辟支佛得離  
 煩惱障礙解脫得離諸禪定障礙解脫唯有  
 諸佛具三解脫第十所謂煩惱障礙解脫十五諸禪定  
 障礙解脫一切法障礙解脫總是三種解脫  
 故佛名無礙解脫常隨心共生乃至無餘涅  
 槃則止是四十不共法略開佛法門令衆生  
 解故說所不說者無量無邊所謂一常不離

慧二知時不失三滅一切習氣四得定波羅  
蜜五一切功德殊勝六隨所宜行波羅蜜七  
無能見頂者八無與等者九無能勝者十世  
間中上十一不從他聞得道十二不轉法者  
十三自言是佛終不能到佛前十四不退法  
者十五得大慧者十六得大慈者十七第一  
可信受者十八第一名聞利養十九與佛同  
止諸師無與佛等者二十諸師無有得弟子  
衆如佛者二十一端正第一見者歡悅二十  
二佛所使人無能害者二十三佛欲度者無

有傷害二十四心初生時能斷思惟結二十  
五可度衆生終不失時二十六第十六知得  
阿耨多羅三藐三菩提二十七世間第一福  
田二十八放無量光明二十九所行不同餘  
人三十百福田相三十一無量無邊善根三  
十二入胎時三十三生時三十四得佛道時  
三十五轉法輪時三十六捨長壽命時三十  
七人涅槃時能動三千大千世界三十八擾  
動無量無邊諸魔宮殿令無威德皆使驚畏  
三十九諸護世天王釋提桓因夜摩天王兜

率陀天王化樂天王自在天王梵天王淨居諸天等一時來集請轉法輪四十佛身堅固如那羅延四十一未有結戒而初結戒四十二有所施作勢力勝人四十三菩薩處胎母於一切男子無染著心四十四力能救度一切眾生佛不共法有如是等無量無數妨餘十六事故不須廣說聲聞法雖以佛法優劣不同則有差別復次總說諸佛一切諸法無量無邊不可思議第一希有一切眾生所不能共假使十方諸三千大千世界過諸算數是中

所有眾生智慧皆如大梵天王皆如大辟支佛皆如舍利弗合集是諸智慧令一人得欲及於佛四十不共法中微少分者無有是處若於一法百千萬億分中不及其一諸佛有如是無量無邊功德之力何以故無數大劫安住四功德處深行六波羅蜜善能具足菩薩一切所行諸法不共一切眾生故果報亦不共

讚偈品第二十四

已如是解四十不共法竟應取是四十不共

法相念佛又應以諸偈讚佛如現在前對面  
共語如是則成念佛三昧如偈說

聖主大精進 四十獨有法 我今於佛前

敬心以稱讚 如意及飛行 其力無邊限

於聖如意中 無有與等者 聲聞中自在

規十

他心智無量 善能調伏心 隨意而應適

其念如大海 湛然在安隱 世間無有法

而能擾亂者 諸佛所稱歎 金剛三昧寶

得之在胷中 如賢懷直心 善知不定法

四無色定事 微細難分別 盡知無有餘

衆生若已滅 今滅及當滅 惟獨有世尊

智慧能通達 善知不相應 非色法中事

一切諸世間 悉皆不能知 世尊大威力

功德不可量 智慧無邊際 皆無與等者

於四問答中 超絕無倫匹 衆生諸問難

十七

一切皆易答 若諸世間中 欲有害佛者

是事皆不成 以成不殺法 若於三時中

諸有所說者 言必不虛妄 常有大果報

凡有所說法 無非是希有 義趣尚不謬

何況於言辭 於三聖弟子 上中下差別

四雙八輩等

第一大導師

身口意業命

諸禪三昧中

麤細深淺事

皆悉能了知

畢竟常清淨

是故於此中

不復須防護

禪中無等者

先知衆生根

上中下差別

自說一切智

心無有疑畏

若人來難我

種種樂及性

隨宜而說法

行道得諸利

恐有所不知

自說漏盡相

盡到無漏邊

兼以化導人

是以弟子衆

如實得善利

心無有疑畏

餘漏有不盡

自說障礙法

宿命知無量

天眼見無邊

一切人中天

於中無疑難

雖有用此法

不能為障礙

無能知其限

住金剛三昧

滅煩惱及氣

所說八聖道

心無有疑畏

有言是八道

又知人漏盡

故名漏盡力

煩惱諸禪障

不能至解脫

如實知是因

是果及與非

一切法障礙

三礙得解脫

號無礙解脫

故號一切智

名聞流無量

三世所有業

四十不共法

功德不可量

無能廣說者

是諸業定報

及非定果報

種種皆悉知

我已略說竟

世尊若一劫

稱說此佛法

猶尚不能盡	況我無此智	世尊大慈音
無量業善集	四功德處故	得佛無量法
世尊所稱說	四功德勝處	我今還以此
稱讚於如來	三十二相具	相有百福德
八十種妙好	三界誰能有	三千大千界
衆生所有福	累報為百倍	相有如是德
如此諸福德	并及其果報	復以為百倍
成一白毫相	三十相一一	福德及果報
復以為千倍	成一肉髻相	世尊諸功德
不可得度量	如人以尺寸	量空不可盡

從初發大心	為度衆生故	堅心無量劫
是故成佛道	精勤欲成滿	如此之大願
無量劫數中	行諸難苦行	如諸往古佛
說四功德處	無量劫乃成	今得安住中
本為護實諦	捨身及親愛	財寶諸富樂
是故得具足	無量劫數中	見聞覺知法
每先善思惟	而後為人說	若於不見等
及於中有疑	而能如實說	所益無有量
不說他匿事	譏刺而巨逆	念常在安慧
順化令安隱	第一真妙諦	涅槃實為最

餘者皆虛妄	世尊得具足	飲食卧具等
堂閣妙樓觀	名好象馬車	端嚴諸姝女
金銀珍寶等	聚落諸城邑	國土及榮位
并以四天下	愛子并親婦	支節及頭目
割肉出血髓	及以舉身施	憐愍諸眾生
悉施無所惜	為求出生死	不以求自樂
虛空諸星宿	地上所有沙	世尊菩薩時
布施數過是	終不以非法	求財而布施
無有不知施	無侵惱人施	不貪惜好物
而以惡者施	無諂曲心施	無惜而強施

無恚無疑心	無邪無輕笑	無厭無不信
頓面等布施	無有分別心	此應彼不應
但以悲心故	平等而行施	不輕於眾生
以為非福田	見聖心恭敬	破戒者憐愍
不自高其身	卑下於他人	亦不為稱讚
不求報等施	無悔無憂愁	無惡賤心施
無待急恨心	無法應當施	無不敬心施
無棄著地施	無惱求者施	無妬競勝施
無戲弄求者	無不自手施	不輕於少物
以多自高施	不以聲聞乘	辟支佛乘施

不限一世施	無有非時施	世尊無數劫
行諸希有施	皆為無上道	不為求自樂
於諸佛法中	出家行遠離	修習諸佛法
為諸人天說	說如是施法	於諸施中上
猶如日光明	星月中殊勝	如是勝捨處
超越諸天人	猶亦如世尊	一切世間上
是故能具足	如是勝捨處	名聞無量劫
流布無窮已	世尊無量劫	護持清淨戒
開諸禪定門	為得深寂處	先離於五相
後行八解脫	入淨三三昧	亦性三解脫

世尊善分別	六十五種禪	無有一禪定
先來不生者	於此諸定中	亦不受其味
世尊因諸禪	得三種神通	以此度眾生
是故一切勝	世尊無量劫	等心弘慈化
阿僧祇眾生	令住於梵世	能以巧方便
善說禪定故	世尊菩薩時	常於無量世
無貪煩惱纏	而往來世間	過去得值者
無量生天上	過去諸菩薩	所可行寂滅
世尊菩薩時	亦等無有異	是故於寂滅
勝處悉充滿	世尊菩薩時	所有諸智慧

以慧求菩提	今成是慧報	一切所資食
如人依地生	世尊於世世	捨十閻惡道
常行十善道	斯由慧氣力	捨五欲五蓋
得種種禪定	無量劫數世	不從他人受
善哉大聖尊	悉是慧施力	眾生因世尊
無量生六天	亦令至梵世	斯皆由慧力
世尊於生死	苦樂所迷悶	不失菩提心
斯皆是慧力	世尊於生死	不樂而常在
樂涅槃不取	斯皆是慧力	安坐道場時
降魔及軍衆	度脫諸群生	斯皆是慧力

本求菩提時	集無量助法	聞者常迷悶
何況能受行	世尊能堪忍	斯皆是慧力
經書諸技術	世世生自知	亦能兼教人
斯皆是慧力	親近無量佛	悉飲甘露教
種種諮請問	亦隨而分別	經法智慧中
未曾有悋惜	乃至僕僮奴	亦諮受善語
世尊以是故	慧勝處流布	世尊於前世
求是菩提時	於諸衆生中	行大慈悲心
以第一智慧	常出大勢力	悉作無量種
希有諸難事	一切諸世間	盡共無量劫

說之不可盡 亦非算數及 如是等諸事  
超越於人天 一切世間中 奇特無有比  
大業所獲果 具足一切智 能破生死王  
安住法王處

十住毗婆沙論卷第十

永樂北藏

十住毗婆沙論

第一〇〇冊

十住毗婆沙論卷第十一

仁一

龍樹菩薩

造

姚秦三藏法師鳩摩羅什譯

助念佛三昧品第二十五

菩薩應以此四十不共法念諸佛法身

佛非色身故

是偈次第略解四十不共法六品中義是故行者先念色身佛次念法身佛何以故新發意菩薩應以三十二相八十種好念佛如先說轉深入得中勢力應以法身念佛心轉深

入得上勢力應以實相念佛而不貪著

不深著色身法身亦不著善知一切法

永寂如虛空

是菩薩得上勢力不以色身法身深貪著佛

何以故信樂空法故知諸法如虛空虛空者

無障礙故障上因緣者諸須彌山由軋陀等

十寶山鐵圍山黑山石山等如是無量障礙

因緣何以故是人未得天眼故念他方世界

佛則有諸山障礙是故新發意菩薩應以十

號妙相念佛如說

新發意菩薩 以十號妙相 念佛無毀失

猶如鏡中像

十號妙相者所謂如來應正遍知明行足善  
逝世間解無上士調御丈夫天人師佛世尊  
無毀失者所觀事空如虛空於法無所失何  
以故諸法本來無生寂滅故如是一切諸法  
皆亦如是是以緣名號增長禪法則能緣  
相是人爾時於禪法得相所謂身得殊異快  
樂當知得成般舟三昧三昧成故得見諸佛  
如鏡中像者若菩薩成此三昧已如淨明鏡

自見面像如清澄水中見其身相初時隨先  
所念佛見其色像見是像已後若欲見他方  
諸佛隨所念方得見諸佛無所障礙是故此  
人

雖未有神通 飛行到於彼 而能見諸佛

聞法無障礙

是新發意菩薩於諸須彌山等諸山無能為  
作障礙亦未得神通天眼天耳未能飛行從  
此國至彼國以是三昧力故住此國土得見  
他方諸佛世尊聞所說法常修習是三昧故

得見十方真實諸佛問曰如是大定以何法能生云何可得答曰

親近善知識 精進無懈怠 智慧甚堅牢

信力不妄動

以是四法能生是三昧親近善知識者能以是三昧教誨人者名為善知識應加恭敬勤心親近莫有懈怠廢退捨離則得聞是深三昧義利智通達智不失智名為堅牢信根深固若沙門婆羅門若天魔梵及餘世人無能傾動名為信力不可動如是四法能生三昧

復次

慚愧愛恭敬 供養說法者 猶如諸世尊

能生是三昧

慚愧愛恭敬者於說法者深生慚愧恭敬愛樂供養如佛如是四法能生是三昧復次初四法者一於三月未常睡眠唯除便利飲食坐起二於三月乃至彈指不生我心三於三月經行不息四於三月兼以法施不求利養是為四復有四法一能見佛二安慰勸人聽是三昧三常不貪嫉行菩提心者四能集善

薩所行道法是爲四復有四法一造作佛像  
乃至畫像二當善書寫是三昧經令信樂者  
得以誦讀三教增上慢人令離增上慢法使  
得阿耨多羅三藐三菩提四當護持諸佛正  
法是爲四復有四法一少語言二在家出家  
不與共住三常繫心取所緣相四樂遠離空  
閑靜處是爲四初五法者一無生法忍厭離  
一切諸有爲法不樂一切諸所生處不受一  
切諸外道法惡獸一切世間諸欲乃至不念  
何況身近二心常修習無量諸法定在一處

於諸衆生無有瞋礙心常隨順行四攝法三  
能成就慈悲喜捨不出他過四能多集佛所  
說法如所說行五清淨身口意業及見是爲  
五復有五法一樂如經所讚布施無有慳心  
樂說深法無所吝惜亦能自住二忍辱柔和  
同住歡喜惡口罵詈鞭捶縛等但推業緣不  
恚他人三常樂聽是三昧讀誦通利爲人解  
說令流布增廣勤行修習四心無妬嫉不自  
高身不下他人除眠睡蓋五於佛法僧寶信  
心清淨於上中下座深心供奉他有小恩常

憶不忘常住真實語中是爲五復次

出家諸菩薩 所學三昧法 在家菩薩者 是法應當知

若在家菩薩欲修習是三昧一當深以信心  
二不求業果報三當捨一切內外物四歸命  
三寶五淨持五戒無有毀缺六具足行十善  
道亦令餘人住此法中七斷除婬欲八毀訾  
五欲九不嫉妬十於妻子中不生愛著十一  
心常願出家十二常受齋戒十三心樂住寺  
廟十四具足慚愧十五於淨戒比丘起恭敬

心十六不慳悋法十七於說法者深愛敬心  
十八於說法者生父母大師想十九於說法  
者以諸樂具敬心供養二十知恩報恩如是  
在家菩薩住如是等功德者則能學是三昧  
出家菩薩修習是三昧法者所謂一於戒無  
瑕疵二持戒不雜汙三持戒不濁四清淨戒  
五無損戒六不取戒七不依戒八不得戒九  
不退戒十持聖所讚戒十一持智所稱戒十  
二隨波羅提木叉戒十三具足威儀行處十  
四乃至微小罪心大怖畏十五淨身口意業

十六淨命十七所有戒盡受持十八信樂甚  
深法十九於無所得法心能忍空無相無願  
法中心不驚二十勤發精進二十一念常在  
前二十二信心堅固二十三具足慚愧二十  
四不貪利養二十五無嫉妬二十六住頭陀  
功德二十七住細行法中二十八不樂說世  
間俗語二十九遠離聚語三十知報恩三十  
一知作恩報恩三十二於和尚阿闍梨所恭  
敬忌難心三十三破除憍慢三十四降伏我  
心三十五善知識難遇故勤心供給三十六

所從聞是法處若得經卷若口誦處於此人  
所生父母想善知識想大師想大慚愧愛敬  
想三十七常樂阿練若三十八不樂住城邑  
聚落三十九不貪著檀越善知識家四十不  
惜身命四十一心常念死四十二不存利養  
四十三於諸物中心不染著四十四無所渴  
愛四十五守護正法四十六不著衣鉢四十  
七不畜遺餘四十八但欲乞食四十九次第  
乞食五十常知慚愧心常有悔五十一不畜  
金銀珍寶錢財離諸不善悔五十二心無纏

垢五十三常行慈心五十四除斷瞋恚五十  
五常行悲心五十六除斷愛著五十七常求  
利安一切世間五十八常憐愍一切衆生五  
十九常樂經行六十除却睡眠出家菩薩住  
如是等法中應修習是三昧復次

餘修三昧法 亦應如是學

能生是般舟三昧餘助法亦應修習何等是  
一緣佛恩常念在前二不令心散亂三繫心  
在前四守護根門五飲食知止足六初夜後  
夜常修三昧七離諸煩惱障八生諸禪定九

禪中不受味十散壞色相十一得不淨相十  
二不貪五陰十三不著十八界十四不染十  
二入十五不恃族姓十六破憍慢十七於一  
切法心常空寂十八於諸衆生生親族想十  
九不取戒二十不分別定二十一應勤多學  
二十二以是多學而不憍慢二十三於諸法  
無疑二十四不違諸佛二十五不逆法二十  
六不壞僧二十七常詣諸賢聖二十八遠離  
凡夫二十九樂出世間論三十修六和敬法  
三十一常修習五解脫處三十二除九瞋惱

事三十三斷八懈怠法三十四修八精進三十五常觀九想三十六得大人八覺三十七具足諸禪定三昧三十八於此禪定無所貪無所得三十九聽法專心四十壞五陰想四十一不住事想四十二深怖畏生死四十三於五陰生怨賊想四十四於諸入中生空聚想四十五於四大中生毒蛇想四十六於涅槃中生寂滅想安隱樂想四十七於五欲中生涎唾想心樂出離四十八不違佛教四十九於一切衆生無所諍訟五十教化衆生令

安住一切功德復次  
如是三昧報 菩薩應當知  
菩薩行是般舟三昧果報亦應知問曰修習是三昧得何果報答曰於無上道得不退轉報復次如經所說果報佛語跋陀婆羅菩薩譬如有人能摧破三千世界地土皆如微塵又三千大千世界中所有草木華葉一切諸物皆為微塵跋陀婆羅以一微塵為一佛世界有爾所世界皆滿中上妙珍寶以用布施跋陀婆羅於意云何是以是布施因緣得福

多不甚多世尊佛言跋陀婆羅我今實語汝若有善男子得聞諸佛現前三昧不驚不畏其福無量何況信受持讀誦諷為人解說何況定心修習如一犍牛乳頃跋陀婆羅我說此人福德尚無有量何況能得成是三昧者佛又告跋陀婆羅若有善男子善女人受持讀誦爲他人說若劫盡時設墮此火火即尋滅跋陀婆羅持是三昧者若有官事若遇怨賊師子虎狼惡獸惡龍諸毒蟲等若夜叉羅刹鳩槃荼毗舍闍等若人非人等若害身若

害命若毀戒無有是處若讀誦爲人說時亦無衰惱唯除業報必應受者復次跋陀婆羅菩薩受持讀誦是三昧時若得眼耳鼻舌口齒病風寒冷病如是等種種餘病以是病故而失壽命無有是處唯除業報必應受者復次跋陀婆羅若人受持讀誦是三昧者諸天守護諸龍夜叉摩睺羅伽人非人四天王帝釋梵天王諸佛世尊皆共護念復次是人皆爲諸天所共愛念乃至諸佛皆共愛念復次是人皆爲諸天所共稱讚乃至諸佛皆共稱

讚復次諸天皆欲見是菩薩來至其所乃至諸佛皆欲見是菩薩來至其所復次是菩薩受持是三昧者所未聞經自然得聞復次是菩薩得是三昧者乃至夢中皆得如是諸利益事跋陀婆羅菩薩若我一劫若減一劫說受持讚誦是三昧者功德不可得盡何況得成就者跋陀婆羅如人於百歲中身力輕健其疾如風是人百歲行不休息常至東方南西北方四維上下於汝意云何是人所詣十方有人能數知里數不跋陀婆羅言不可數

唯除如來舍利弗阿惟越致餘不能知跋陀婆羅若有善男子善女人以是人所行處滿中真金布施若有人但聞是三昧以四種隨喜迴向阿耨多羅三藐三菩提常求多聞如過去諸佛行菩提道時隨喜是三昧我亦如是如今現在菩薩隨喜是三昧我亦如是如未來諸佛行菩薩道時隨喜是三昧我亦如是如過去未來現在菩薩所行三昧我亦隨喜皆為得多聞我亦如是求多聞故隨喜是三昧跋陀婆羅是隨喜福德於上福德百分

不及一百千萬億分不及一乃至筭數譬喻所不能及是三昧得如是無量無邊果報復次

是三昧住處 少中多差別 如是種種相皆當須論議

是三昧所住處二少相中相多相九如是等應分別知是事應當解釋住處者是三昧或於初禪可得或第二禪或第三禪或第四禪可得或初禪中間得勢力能生是三昧或少者人勢力少故名爲少又少時住故名爲少又見

少佛世界故名爲少中多亦如是說是三昧或說有覺有觀或無覺有觀或無覺無觀或喜相應或樂相應或不苦不樂相應或有入出息或無入出息或定是善性或有漏或無漏或欲界繫或色界繫或無色界繫或非欲界或非色界或非無色界繫是三昧是心數法心相應隨心行法共心生法非色非現能緣非業業相應隨業行非先世業果報除因報可修可知可證亦以身證亦以慧證或可斷或不可斷有漏應斷無漏不可斷知見亦

如是不與七覺合如是一切諸分別三昧義  
皆應此中說復次修習是三昧得見諸佛如  
說

得見諸佛已 動心而供養 善根得增長  
能疾化衆生

供養名心意清淨恭敬歡喜念佛有無量功  
德以種種讚歎名曰供養敬禮華香等名身  
供養是故福德轉更增長如穀子在地雨潤  
生長疾教化者令衆生住三乘中如是菩薩  
增長善根

以初二攝法 攝取諸衆生 後餘二攝法  
未盡能信受

初二者布施愛語利益同事名為後二是菩  
薩在初地不能具解故但能信受

爾時諸善根 迴向於佛道 如彼成練金  
調熟則堪用

智慧火所練故於菩薩所行事中善根成熟  
則堪任用

譬喻品第二十六

是菩薩應聞 地相得修果 為得諸地分

故勤行精進

相者是相貌因以得知得者成就以是法故名成就是法修名得修行修常念果者從因有事成名為果是菩薩欲得十地行應善聞相得修果聞者從諸佛菩薩所聞及勝已者為得諸地分者為得是地分故勤行精進此中初地相者如先說  
菩薩在初地 多所能堪受 不好於諍訟  
其心多喜悅 常樂於清淨 悲心愍眾生  
無有瞋恚心 多行是七事

是故堪受不諍喜悅清淨悲心無瞋等七法  
是初地相成就此堪受等七法名為得復次  
堪受等七法相即是初地得如偈說

若厚種善根 善行於諸行 善集諸資生  
善供養諸佛 善知識所護 具足於深心  
悲心念眾生 信解無上法 具此八法已  
當自發願言 我已得自度 當復度眾生  
為得十力故 入於必定聚 則生如來家  
無有諸過咎 即轉世間道 入出世上道  
以是得初地 此地名歡喜

是故當知為菩提故所得決定心名為初地  
 得修名從初發心乃至成諸佛現前三昧於  
 其中間且說諸地功德能生是諸功德生已  
 修集增長名為初地修果者先已處處說得  
 若干福德不迴向聲聞辟支佛地今當更說  
 菩薩得初地果能得菩薩數百定等初地分  
 者所有諸法合成初地名為諸分如麴米等  
 合能成酒故名酒因緣所有諸法能成初地  
 名為初地分所謂  
 信力轉增上 成就大悲力 慈愍衆生類

修善心無倦	喜樂於妙法	常近善知識
慚愧及恭敬	柔軟和其心	樂觀法無著
一心求多聞	不貪於利養	離奸欺諂誑
不汙諸佛家	不毀戒欺佛	深樂薩婆若
不動如大山	常樂修習行	轉上之妙法
樂出世間法	不樂世間法	即治歡喜地
難治而能治	是故常一心	勤行此諸法
菩薩能成就	如是上妙法	是則為安住
菩薩初地中		

問曰菩薩何用聞是初地相等為答曰是菩

薩初地相等法中應善知方便是故應聞問  
 曰菩薩但應於此法中善知方便更於餘法  
 中善知方便答曰是諸法中應善知方便亦  
 於餘法善知方便問曰若爾者可略說答曰  
 有法能助地 有法違於地 有法能生地  
 有法能壞法 有諸地相果 有諸地中得  
 諸地清淨分 從地至一地 住地轉增益  
 無能令退者 從菩薩淨地 至無量佛地  
 於此諸事中 應善知方便 請問諸善智  
 除破於憍慢

助初地法者所謂信戒聞捨精進念慧等如  
 是等及餘諸法隨順初地者是名助法相違  
 法者不信破戒少聞慳貪懈怠亂念無慧等  
 及餘不隨順不能助初地者是滅地法者能  
 令此地退失障礙不現如劫盡時萬物都滅  
 何者是所謂能偷奪菩提心法是先已說生  
 地法者能生能成初地所謂不偷奪菩提心  
 法是先已說地相得果地分上已說清淨法  
 者用是法能淨初地所謂如先說初地中七  
 法

菩薩在初地 多所能堪受 不好於諍訟  
 其心多喜悅 常樂於清淨 悲心愍眾生  
 無有瞋恚心 多得是七事  
 如是七法能淨治初地從初至一地者如從  
 初地至二地從二地至三地餘亦如是從初  
 地至二地得<sup>十一</sup>不諂曲等十心故從二地至三  
 地得信樂等十心故得如是等種種心種種  
 法故能從一地至一地住地轉增益如初地  
 中檀波羅蜜多第二地中尸波羅蜜多又信  
 等諸法轉得勢力第三地中多聞多又布施

持戒信等轉得勢力餘地中亦如是無能令  
 退者住是地中若沙門婆羅門若天魔梵及  
 餘世間無能轉者何以故得大功德力故深  
 入法性底故大信解故從菩薩淨地至無量  
 佛地者若菩薩具足清淨一切地已則得佛  
 地於此諸事中皆應善知方便請問諸善人  
 者成就正法故名為善人正法者略說一信  
 二精進三念四定五慧六身口意律儀七無  
 貪無恚無癡除捨於憍慢者自謂我於勝人  
 中勝名為大慢於與已等中勝而心自高名

為憍慢大不如他言小不如名為小慢問曰  
汝說於是諸法中應善知方便得是方便何  
用為答曰

菩薩若善知 諸地中相得 不得成佛道  
終不轉初地

相名助諸地等十法得名相違法有八種滅  
等八法不應行若菩薩善知是法不得佛道  
終不退轉問曰菩薩善知是諸法未得佛道  
終不退者其喻云何答曰  
如大力導師 善知好道相 此處與彼處

轉道之所宜 資糧及行具 皆悉令備足  
於彼險道中 令眾得安隱 得至大城邑  
能令眾無患 由是大導師 善能知道故  
善知諸地轉 具足助道法 菩薩善知道  
好惡此彼處 自度生死險 兼導多眾生  
令至安隱處十一 無為涅槃城 悉令於惡道十四  
不遇眾苦患 菩薩方便力 善能知道故  
知道相者多有薪草水無有寇賊師子虎狼  
及諸惡獸毒蟲之屬不寒不熱無有惡山溝  
坑絕澗險隘深榛叢林隈障亦無高下平直

夷通少於歧道寬博多容多人行處行無歇  
倦多有華果可食之物如是等事名為好道  
相與此相違名為惡道相此處名人眾止宿  
食息之處彼處名從是處至異處若二宿中  
間亦名異處轉道名見有歧道至大城者是  
道應行餘者應捨資糧名麩蜜揣等道路所  
食大力名大勢力多有財物善解治法備足  
名多有飲食無所乏少安名無有賊寇恐怖  
之事隱名無有疾病苦痛衰患城名多容人  
眾能令多人眾得至大城導師善解道相自

無患難亦令人眾無有患難善諳道故無有  
寒熱飢渴怨賊惡獸毒蟲惡山惡水深坑坎  
等如是過患何以故善知道路好惡相故以  
此喻歡喜等十地如人行路去不休息能至  
大城菩薩如是行是十地得至佛法入涅槃  
大城如彼好道多有薪草水等行者無乏草  
名如人乘馬路多好草馬力強盛十地道功  
德亦如是諦捨滅慧四勝處助諸功德故名  
為草何以故若人貴於實事樂隨諦語常親  
近實語者見實有利樂隨實事深惡妄語遠

離妄語見妄語過不樂欲聞如是等因緣得  
諦勝處捨等三處亦應如是如彼好道須諸  
象馬牛驢等得至大城草助成其力如是諦  
捨滅慧處能令至佛法入涅槃大城薪名多  
聞思修慧能至大智慧業如薪能令火然亦  
令猛盛如是聞思修慧能生大慧能令增長  
如火能燒能煮能照智慧火亦如是燒諸煩  
惱成熟諸善根照四聖諦如火是智慧新是  
能生智慧等是能生智慧等諸法多水名多  
有諸流河渠隨意取用充足大衆泉井及池

所不能爾

復次多水者如人乘船隨水至大城井泉陂  
池水則不能得爾如經說信爲大河福德爲  
岸如河除熱除渴除垢能生勢力善法中信  
亦如是能滅三毒熱除三惡行垢除三有渴  
爲涅槃故於善法中得勢力如彼好道多有  
諸根藥草則行者無乏十地道亦如是根名  
深心所愛如有根故則生芽莖葉等及諸果  
實深心愛道生正憶念大願等諸功德藥草  
名諸波羅蜜如藥草能滅諸毒諸波羅蜜藥

草滅貪恚癡毒諸煩惱病亦復如是如彼好  
 道不失韋婆陀則行道安隱韋陀泰言無對義是符  
 撒如行者不失符撒則在所欲至無有障礙  
 十地道亦如是不失韋婆陀則所過諸地所  
 集善根則能隨意助成增長十六現在善根彼又  
 能教化聲聞道辟支佛道欲色界諸天道衆  
 生令住佛道若魔若外道不能干亂是名不  
 失韋婆陀如彼好道無有蚊蚋毒蟲之屬十  
 地道亦如是無有憂愁啼哭之聲如彼好道  
 無有賊難十地道亦如是無有五蓋諸惡賊

衆如佛告比丘聚落賊者所謂五蓋如賊先  
 奪人物後乃害命五蓋賊亦如是先奪善根  
 後斷慧命則墮放逸而死如道中無師子虎  
 狼諸惡獸等十地道亦如是無有瞋恚鬪諍  
 如師子等惡獸好惱害他瞋恚等為惱他故  
 生亦復如是如惡獸等噉肉飲血瞋恨等食  
 多聞慧肉飲修慧等血亦復如是如彼好道  
 無有寒熱過惡十地道亦如是不墮寒冰地  
 獄故無有寒過惡不墮熱地獄故無有熱過  
 惡如彼好道無深坑等諸難十地道亦如是

無有外道苦行等諸難所謂炙身入水拔髮  
日三洗翹一足日一食二日一食乃至一月  
一食默然至死常舉一臂常行忍辱五熱炙  
身卧荆棘上入火入水自投高巖深爐中立  
牛屎燒身直趣一方不避諸難常著濕衣常  
水中卧身苦心苦不至正智無如是等故名  
為無難如道無邪徑十地道亦如是無身口  
意惡業故名無邪徑如道無荆棘者十地道  
亦如是無諸業障荆棘故名為無荆棘如刺  
刺脚則廢行路業障荆棘障行佛法入於涅

槃如道正直十地道亦如是無一切諂曲欺  
誑故名為正直如道少岐道十地道亦如是  
少於異道何以故發大乘者少行聲聞辟支  
佛道是故少於異道或有菩薩行二乘道者  
當知未到菩薩地未入正位行於邊行故如  
彼好道無諸叢林妨礙十住道亦如是無有  
五欲諸惡叢林問曰何故不言都無五欲叢  
林但言無惡林耶答曰發大乘者福德因緣  
有第一五欲是故不得言無但無惡耳復次  
如深叢林難入難過多諸艱礙菩薩五欲則

不然不如凡夫於五欲生諸過惡如是故但說無叢林道寬博多容不相妨礙十住道亦如是多所容受無量百千萬億衆生共發無上道心而不相妨置是百千萬億衆生若一切衆生若俱發阿耨多羅三藐三菩提心同行此道不相妨礙如道多人所行十住道亦如是恒河沙等過去現在諸佛行菩薩道時皆行此道如彼好道行不疲厭十住道亦如是多有因果諸樂所謂多生人天中受果報樂離欲故受歡喜樂禪定樂無喜樂現在樂

得是諸樂故無有疲厭如彼好道多有華果根十住道亦如是多根華果根者三善根華者七覺華是如經說七華者七覺意是果者四沙門果無如是等違好道功德過故名爲離惡如導師知道中是中應食是應宿彼處亦應宿菩薩行十地亦如是知何處可宿何處可食可住宿名有諸現在佛處可食名可得修習善法處如食能利益諸根亦助壽命諸善法亦如是能益信等諸根助成慧命異處宿名從彼佛所至餘佛所復次此佛國土

彼佛國土中間亦名異處善知道轉者如彼  
導師知道不安隱則便轉還菩薩亦如是善  
知是道至聲聞是道至辟支佛是道至佛如  
是知己捨聲聞道辟支佛道但行至佛道如  
彼好道多有飲食十住道亦如是多行布施  
持戒修禪如彼導師以多財物善能治法有  
大勢力菩薩亦如有財物治法故有大勢  
力財者七財所謂信戒慚愧捨聞慧治法者  
一切諸魔種種沙門婆羅門外道論師悉能  
摧伏是為威勢如彼大城無有怨賊疫病暴

死種種衰惱故名為安隱涅槃大城亦如是  
無有諸魔外道諸流貪欲瞋恚放逸死憂悲  
苦惱啼哭故名為安隱如彼大城多有飲食  
故名為豐饒涅槃城亦如是多有諸深禪定  
解脫三昧故名為豐饒如彼大城多所容受  
故名為大城十一涅槃城亦如是多受十九衆生故名  
為大假令一切衆生不受諸法故皆入無餘  
涅槃而涅槃性無增無減如彼導師能將多  
衆普令安隱示好道故名為導師菩薩亦如  
是善將衆生示佛正法示涅槃道從生死險

道得至涅槃故名為大導師如彼導師善知  
 道相故身及餘人皆無有惡菩薩亦如是自  
 不行貪瞋恚等諸蓋諸惡苦行老死深坑亦  
 不墮寒熱地獄餓鬼故名為自不得惡所隨  
 從者亦不得惡是故偈中說善知道相故自  
 不得惡餘不得惡

十住毗婆沙論卷第十一

音釋

般舟梵語也此云佛訾蔣氏切疵才支切  
 阿闍黎梵語也此云執麴丘六切輒乳充切  
 也薩婆若梵語也此云一榛叢生也木麩乾糧也揣徒官切諳烏舍切取徒澁切

十住毗婆沙論卷第十二

仁二

龍 樹 菩 薩 造

姚秦三藏法師鳩摩羅什譯

略行品第二十七

菩薩歡喜地 今已略說竟 菩薩住是中

多作閻浮王 常離慳貪垢 不失三寶念

心常願作佛 救護諸眾生

初地名歡喜已略說竟諸佛法無量無邊是

地為本若廣說亦無量無邊是故言略說菩

薩住是地中多作閻浮提勢力轉輪王先世

修習是地因緣故信樂布施無慳貪垢常施

三寶故不失三寶念常念作佛救諸眾生如

是等善念常在心中復次

若欲得出家 勤心行精進 能得數百定

得見數百佛 能動百世界 飛行亦如是

若欲放光明 能照百世界 化數百種人

能住壽百劫 能釋數百法 能變作百身

能化百菩薩 示現為眷屬 利根過是數

諸佛神力故 已說初地相 果力淨治法

今當復更說 第二無垢地

果名得數百定見數百佛等勢力名能化數  
 百衆生餘偈義先已說不復解餘偈今當復  
 說第二無垢地問曰汝欲廣說菩薩所行法  
 初地義尚多諸學者恐轉增廣則懈怠心生  
 不能讀誦是故汝今應為不能多讀誦者略  
 解菩薩所行諸法答曰  
 菩薩所有法 是法皆應行 一切惡應捨  
 是則名略說  
 如上來諸品中所說能生能增長諸地法如  
 上諸品中說若於餘處說者皆應令生菩薩

過惡事皆應遠離是名略說菩薩所應行如  
 法句中說諸惡莫作諸善奉行自淨其意是  
 諸佛教有一法攝佛道菩薩應行云何為一  
 所謂於善法中一心不放逸如佛告阿難我  
 不放逸故得阿耨多羅三藐三菩提如說  
 不放逸成佛<sup>仁二</sup> 世間無與等<sup>二</sup> 若能不放逸  
 何事而不成  
 復有二法能攝佛道一不放逸二智慧如說  
 不放逸智慧 佛說是利門 不見不放逸  
 而事不成者

復有三法能攝佛道一學勝戒二學勝心三學勝慧如說

戒生上三昧 三昧生智慧 智散諸煩惱

如風吹浮雲

復有四法能攝佛道一諦處二捨處三滅處

四慧處如說

諦捨定具足 得慧利清淨 精進求佛道

當集此四法

復有五法能攝佛道一信根二精進根三念

根四定根五慧根如說

信根精進根 念定慧堅牢 是法大悲合

終不退佛道 如人得五根 能通達五塵

如得信等根 能通諸法相

復有六法能攝佛道所謂布施持戒忍辱精

進禪定智慧波羅蜜如說

如所說六度 十二 降伏諸煩惱 三 常增長善根

不久當得佛

復有七法能攝佛道所謂七正法信慚愧聞

精進念慧如說

欲得七正法 當樂定精進 除去七邪法

能知諸功德 是人能疾得 無上佛菩提

拔沒生死者 令在安隱處

復有八法能攝佛道所謂八大人覺少欲知

足遠離精進念定慧樂不戲論如說

若人決定心 住八大人覺 為求佛道故

除諸惡覺觀 如是則不久 疾能亦度人

如人行善者 必當得妙果

復有九法能攝佛道所謂大忍大慈大悲慧

念堅心不貪不恚不癡如說

具足於大忍 大慈及大悲 又能住於慧

念及堅心中 深心入無貪 無恚癡善根

若能如是者 佛道則在手

復有十法能攝佛道所謂十善道自不殺生

不教他殺見殺心不稱讚見殺心不喜乃至

邪見亦如是以是福德迴向阿耨多羅三藐

三菩提如說

不惱害衆生 亦不行劫盜 不婬犯他婦

是三為身業 不妄語兩舌 不惡口綺語

不貪惱邪見 是七口意行 如是則能開

無上佛道門 若欲得佛者 當行是初門

如是等法菩薩應生生已應守護守護已應  
 增長於一惡事從一轉增亦應當知求佛道  
 者於一惡法應疾遠離所謂遠離放逸如說  
 若人不能度 生死險惡道 是為可訶責  
 最是罪惡事 雖樂於富樂 而生貧賤家  
 不能種善福 為人作奴僕 皆由於放逸  
 因緣之所致 是故有智者 疾速如惡毒  
 若未成大悲 無生忍不退 而行放逸者  
 是則名為死  
 復有二過應疾遠離一貪聲聞地二貪辟支

佛地如說  
 若墮聲聞地 及辟支佛地 是名菩薩死  
 亦名一切失 雖墮於地獄 不應生怖畏  
 若墮於二乘 菩薩應大畏 雖墮於地獄  
 不永遮佛道 若墮於二乘 畢竟遮佛道  
 佛說愛命者 斬首則大畏 如是欲作佛  
 二乘應大畏  
 復有三過應疾遠離一憎諸菩薩二憎菩薩  
 所行三憎甚深大乘經如說  
 小智以小緣 憎惠諸菩薩 亦憎菩薩道

亦憎大乘經 不解故不信 墮在大地獄

怖畏大驚喚 是事應遠離

復有四過應疾遠離一諂二曲三急性四無

慈愍如說

自言是菩薩 其心多諂曲 急性無所容

不行慈愍心 是近阿鼻獄 離佛道甚遠

復有五過應疾遠離一貪欲二瞋恚三睡眠

四調戲五疑是名五蓋覆心如說

若人放逸者 諸蓋則覆心 生天猶尚難

何況於得果 若勤行精進 則能裂諸蓋

若能裂諸蓋 隨願悉皆得

復有六過與六波羅蜜相違應疾遠離一慳

貪二破戒三瞋恚四懈怠五調戲六愚癡如

說

慳貪垢汙心 破戒而懈怠 無知如牛羊

好瞋如毒蛇 心亂如獼猴 遠離諸善法

不捨是諸惡 是名惡菩薩 生天為甚難

何況得佛道

復有七過應疾遠離一樂多事務二樂多讀

誦三樂睡眠四樂語說五貪利養六常欲令

人喜七迷悶於道心隨愛行如說

弊人樂事務 樂多誦外經 癡人樂睡眠

樂共聚眾語 雖願欲作佛 而深著利養

是恩愛奴僕 迷悶於佛道 如是諸惡人

自言是菩薩

復有八法應疾遠離一邪見二邪思惟三邪

語四邪業五邪命六邪方便七邪念八邪定

如說

若有愚癡人 行於八邪道 學邪諸經法

好隨逐邪師 遠離八聖道 深妙諸功德

堅染著煩惱 而或願菩提 如是愚癡人

欲度於大海 捨好堅牢船 抱石欲求度

復有九法應疾遠離一不聞阿耨多羅三藐

三菩提二聞已不信三若信不受四若受不

誦持五若誦持不知義趣六若知不說七若

說不如說行八若如說行不能常行九若能

常行不能善行如說

癡人不欲聞 無上正真道 聞已不能信

又不能誦持 不知義不說 不如所說行

不能常善行 無有念安慧 如是愚癡人

不堪得道果 猶如罪惡人 不得生天上  
 復有十過應疾遠離所謂十不善道如說  
 癡人於少時 貪愛弊五欲 捨離十善道  
 行十不善道 諸天樂在手 而復自捨棄  
 如貪小錢利 而捨大寶藏

問曰汝說無上道相時種種因緣訶罵空發  
 願菩薩自言菩薩但名字菩薩若是三不名  
 為菩薩者成就何法名為真菩薩答曰  
 非但發空願 自言是菩薩 名字為菩薩  
 略說能成就 三十二法者 乃名為菩薩

若人發心欲求佛道自言是菩薩空受名號  
 不行功德慈悲心諸波羅蜜等是不名為菩  
 薩如土城名寶城但自誑身亦誑諸佛亦誑  
 世間衆生若人有三十二妙法亦能發願是  
 名真實菩薩何等三十二一深心為一切衆  
 生求諸安樂二能入諸佛智中三自審知堪  
 任作佛不作佛四不憎惡他五道心堅固六  
 不假偽結託親愛七乃至未入涅槃常為衆  
 生作親友八親踈同心九已許善事心不退  
 轉十於一切衆生不斷大慈十一於一切衆

生不斷大悲十二常求正法心無疲懈十三  
勤發精進心無厭足十四多聞而解義十五  
常省己過十六不譏彼闕十七於一切見聞  
事中常修菩提心十八施不求報十九持戒  
不求一切生處二十於一切衆生忍辱無瞋  
礙二十一能勤精進修習一切善根二十二  
不隨無色定生二十三方便所攝智慧二十  
四四攝法所攝方便二十五持戒毀戒慈愍  
無二二十六一心聽法二十七一心阿練若  
處住二十八不樂世間種種雜事二十九不

貪著小乘三十見大乘利益爲大三十一遠  
離惡知識三十二親近善知識菩薩住是三  
十二法能成十法所謂四無量心能遊戲五  
神通常依於智常不捨善惡衆生所言決定  
事必皆實集一切善法心無厭足是爲三十  
二法爲七菩薩成就此者名爲真實菩薩  
分別二地業道品第二十八  
諸菩薩已得 具足於初地 欲得第二地  
當生十種心  
諸菩薩已得歡喜初地爲得二地故生十種

心因是十心能得第二地如人欲上樓觀要  
因梯而上問曰何等是十心得第二地方便  
答曰

直心堪用心 輒伏寂滅心 真妙不雜貪  
快大心為十

諸菩薩已具足於初地欲得第二地生是十  
方便心一直心二堪用心三柔軟心四降伏  
心五寂滅心六真妙心七不雜心八不貪心  
九廣快心十大心直心者離諂曲離諂曲故  
心轉柔軟柔軟者不剛強麤惡菩薩得是柔

輒心生種種禪定亦修集諸善法觀諸法實  
相心則堪用心堪用故生伏心伏心者善能  
降伏眼等諸根如經中說何等是善道所謂  
比丘降伏眼根乃至意根以降伏六根故名  
為伏心心已降伏則易生寂滅心寂滅心者  
能滅貪欲瞋恚愚癡等諸煩惱先伏心已遮  
令寂滅復有人言得諸禪定是名寂滅心如  
經說若人善知禪定相不貪其味是名寂滅  
心得寂滅心已必生真妙心真妙心者於諸  
禪定神通所願事中如意得用譬如真金隨

意所用行者既得直心乃至真妙心已爲守護是心故樂生不雜心不雜心者不與在家出家從事是人作是念我得如是等心皆由禪定力故以是諸心當得第二地等無量利益若與衆人雜者則失此利何以故若人與衆人雜行則眼等六根或時還發諸不善法何以故親近可染可瞋可癡法故諸根發動煩惱火然煩惱火然故則失此利見此等過故生不雜心不應與在家出家者雜行是人得是不雜心已次生不貪心不貪心者於在

家出家人中所謂父母兄弟和尚師長等不生貪著作是念若我於在家出家生貪著作必當來往問訊我則何有不雜心耶是故我欲令諸禪定等利住不雜心者當於在家出家捨貪著心問曰菩薩法不應捨衆生不應生捨心如助菩提中說  
菩薩初精進 所有方便力 應令諸衆生  
住於大乘中 若人教恒沙 衆生住羅漢  
不如教一人 住大乘爲勝 若人少勢力  
不堪發大乘 次當教令住 辟支聲聞乘

若人不堪住 辟支聲聞乘 應教此眾生  
令行福因緣 不任住三乘 不堪人天樂  
常以今世事 隨而利益之 若有諸眾生  
不受菩薩利 於此不應捨 應生大慈悲  
汝云何言菩薩得不雜心生不貪心若菩薩  
不貪眾生則為捨離何能度耶答曰應隨順  
菩薩道行捨心何以故是人因捨心生廣快  
心作是念我若捨是眾開當得禪定因禪定  
生妙廣快法得是法已其後則能利益眾生  
勝今千萬倍是故為多利益眾生少時捨心

權捨眾開當得禪定五神通等利益眾生菩  
薩何故作如是方便菩薩為得大心而作是  
念大人樂大利益故不存小利是故我今當  
求大人之法隨而修學應如是勤加精進為  
大利益所謂諸禪定神通滅苦解脫等是故  
汝說非也問曰初地中已有直心等法何故  
復說菩薩欲得二地生於十心答曰初地雖  
有此法未得深樂未有堅固在此地中心常  
喜樂轉深堅固堪任施用是故汝難非也問  
曰若深樂堅固此法者得何果事答曰

若其一時得 深樂堅固心 更不復用功

如使常隨逐

如使一時生常隨逐人菩薩如是一時得深

樂堅固心已即常隨逐更不須用功而生若

以少因緣便生何以故根深入故莖節相續

問曰若菩薩得是十種心得何等果答曰

若得是諸心 正住第二地 具三種離垢

惡業及煩惱

若菩薩得是直等十心即名住第二菩薩地

一離垢者地名也二離垢者於此地中離十

不善道罪業之垢三離垢者離貪欲瞋恚等

諸煩惱垢故名爲離垢復次離垢義者

菩薩住此地 自然不行惡 深樂善法故

自然行善道

問曰十善道自然不作自然行十善道此二

種道幾是身行幾是口行幾是意行答曰身

意各三種口四善亦爾略說則如是此應當

分別不善身行有三種所謂奪他命劫盜邪

淫不善口行四種妄語兩舌惡口散亂語不

善意行三種貪取瞋惱邪見善身行亦有三

種離奪命劫盜邪淫善口行亦四種離妄語  
兩舌惡口散亂語善意行有三種不貪取不  
瞋惱正見身口意業道是善不善應須論議  
令人得解初奪命不善道者所謂有他衆生  
知是生故行惱害因是惱害則失壽命起此  
身業是名初奪命不善道離此事故名為離  
奪命善行劫盜者所謂屬他之物知是物屬  
他生劫盜心手捉此物舉離本處若劫若盜  
計是我物生我所心是名劫盜行離此事者  
名為離劫盜善行邪淫者所有女人若為父

母所護親族所護為姓所護世法所護戒法  
所護若他婦知有鞭杖惱害等障礙於此事  
中生貪欲心起於身業或於自所有妻妾若  
受戒若懷妊若乳兒若非道是名邪淫遠離  
此事名為善身行妄語者覆相覆心覆見覆  
忍覆欲知如是相而更異說是名妄語遠離  
此事名為遠離妄語善行兩舌者欲離別他  
以此事向彼說以彼事向此說為離別他故  
和合者令別離別離者則隨順樂為別離喜  
別離好別離是名兩舌離如此事名為遠離

兩舌善行惡口者世間所有惡語害語苦語  
麤語弊語令他人瞋惱是名惡口遠離此事  
名為離惡口善行散亂語者非時語無利益  
語非法語無本末語無因緣語是名散亂語  
遠離此事名為離散亂善行貪取者屬他之  
物他所欲他田塢他財物心貪取願欲得於  
此事中不貪不如不願欲得是名不貪善行  
瞋惱者於他眾生瞋恨心礙心發瞋恚作是  
念何不打縛殺害是名瞋惱離如此事名為  
無瞋惱善行邪見者言無布施無有恩報善

惡業無果報無今世無後世無父母無沙門  
婆羅門能知此世彼世了了通達自身作證  
是名邪見正見者為有施有恩報有善惡業  
報有今世後世世間有沙門婆羅門知此世  
後世了了通達自身作證是名正見善行是  
菩薩如是入正見道  
善道不善道 各二十分別 知何處起等  
十二種分別  
菩薩於十不善道十善道等種種別相知二  
十種分別又於是二十種分別善知從何處

起等十二種分別於此十不善道中有二十種分別所謂不離奪他命罪一是不善二欲界繫三有漏四非心數法五心不相應六不隨心行七或共心生或不共心生何等共心生實有衆生知是衆生以身業故奪其命是名共心生云何名不共心生若人欲殺衆生捉持牽挽撲著地已然後能死是名不共心生又身不動口不言但生心我從今日當作殺衆生者如是奪他命罪是名不共心生又是不離奪他命者若睡若覺常積習增長亦

名不共心生八或色或非色初共心生殺罪是色第二殺罪第三第四非是色九或作或非作有色是作餘者無作十或有緣或無緣色是有緣餘者是無緣問曰是心為有緣為無緣答曰非有緣問曰若心非有緣身不動口不言時但心生念我從今日當作殺衆生者如是罪業云何名為非緣答曰若殺罪是心則應有緣今實殺罪非是心若心是殺罪即是身業而心實非身業是故殺生罪不名有緣但殺生罪共心在身中生以是無作故

言非緣十一是業十二非業相應十三不隨  
業行十四或共業生或不共業生如共心生  
無異但除心與思共生爲異十五非先世業  
報十六不可修十七應善知十八應以慧證  
不以身證十九可斷二十可知見不離劫盜  
罪不離邪婬罪不離妄語罪中但共一心生  
二不共心生一有色二無色一作二不作一  
有緣二無緣餘如殺中說不離兩舌不離惡  
口亦如是不離散亂語或不善或無記從不  
善心生是不善從無記心生是無記或欲界

繫或色界繫欲界繫者以欲界身心散亂語  
是欲界繫色界繫亦如是餘如妄語中說貪  
取欲界繫是有漏心數法非心相應非隨心  
行心共生無色無作有緣非業相應非隨業  
行非共業生非先世業報除因報非可修應  
善知應以慧證仁二身證可斷可見知十四瞋惱或心  
相應或心不相應纏所攝名心相應使所攝  
名心不相應隨心行不隨心行亦如是共心  
生不共心生有覺衆生與心共生無覺衆生  
不與心共生如心相應隨心行共心生業相

應隨業行共業生亦如是如心不相應不隨  
心行不共心生業不相應不隨業行不與業  
共生亦如是餘分別如貪取中說如瞋惱邪  
見亦如是十善道中離奪他命是善性或欲  
界繫或不繫三界欲界繫離奪他命是欲界  
繫非三界繫者學無學人八聖道所攝離殺  
生正業是或有漏或無漏欲界繫是有漏非  
三界繫是無漏非心數法非心相應非隨心  
行或共心生或不共心生何等是共心生如  
行人見蟲而作是念我當身業遠離不傷害

是名離奪命善行共心生何等是離殺生善  
不共心生有人身不動口不言但心念從今  
日不殺生是名不共心生又有人先遠離殺  
生若睡若覺心緣餘事於念念中不殺生福  
常得增長亦不共心生或是色或非色一是  
色二非色一是作二非作一有緣二無緣是  
業非業相應不隨業行或共業生或不共業  
生如共心生不共心生除生心與思為異非  
先業報除因報可修應善知以身證慧證有  
漏則可斷無漏不可斷可知見亦如是離劫

盜離邪婬離妄語離兩舌離惡口亦如是離散亂語或欲界繫或色界繫或不繫三界欲界繫者以欲界身心離散亂語色界繫亦如是不繫三界者如不殺中說或有漏或無漏有漏者繫無漏者不繫餘如離妄語中說不貪取者是善性或欲界繫或非繫三界欲界繫者欲界凡夫不貪取及賢聖不貪取善行是欲界繫非三界繫者諸賢聖不貪取無漏善行是或有漏或無漏欲界繫是有漏不繫三界是無漏是心數法心相應隨心行共心

生無色無作有緣非業業相應隨業行共業生非先業報除因報可修可善知可以身證慧證或可斷或不可斷有漏可斷無漏不可斷見知亦如是離瞋惱是善性或欲界繫或色界繫或無色界繫或不繫三界欲界繫者欲界不瞋惱善根餘二界亦如是不繫者餘不繫是或有漏或無漏繫三界者是有漏餘是無漏心數法或心相應或心不相應與纏相違不瞋善根與心相應與使相違不瞋善根與心不相應隨心行共心生亦如是無色

無作或有緣或無緣心相應是有緣心不相  
應是無緣非業或與業相應或不與業相應  
或隨業行或不隨業行或共業生或不共業  
生亦如心說非業報除因報可以身證慧證  
或可斷或不可斷有漏可斷無漏不可斷可  
見知亦如是正見是善性十六或欲界繫或色界  
繫或無色界繫或非三界繫欲界繫者若凡  
夫若賢聖欲界念相應正見是色無色界亦  
如是不繫三界者聖賢無漏正見或有漏或  
無漏三界繫是有漏不繫是無漏心數法心

相應隨心行共心生無色無作有緣非業業  
相應隨業行共業生非先業報除因報可以  
身證慧證或可斷或不可斷有漏可斷無漏  
不可斷可見可知亦如是是名善等二十種  
分別從何起等十二論者一從何起二起誰  
三從何因起四與誰作因五何緣六與誰作  
緣七何所緣八與誰作緣九何增上十與誰  
作增上十一何失十二何果殺罪從何起者  
從三不善根起又從邪念起又隨以何心奪  
衆生命從是心起起誰者從殺罪邊所有諸

法已生今生當生是因緣亦如是何所緣者  
緣衆生又因何心奪衆生命亦緣此心與誰  
作緣者因殺罪邊所有諸法若已生若今生  
若當生是法緣於殺生罪何失者今世惡名  
人所不信等何果者墮地獄畜生餓鬼阿脩  
羅等及餘惡處受苦惱報增上與誰增上者  
如從何處起中說劫盜邪姪妄語兩舌惡口  
散亂語貪取瞋惱邪見亦如是但所緣有異  
劫盜罪緣所用物邪姪緣衆生妄語兩舌惡  
口散亂語緣於名字貪取緣所用物瞋惱緣

衆生邪見緣名字餘殘亦如上不殺生從三  
善根起又從正念起又隨以何心離殺生從  
是心起起誰者從是法所有諸法若已生若  
今生若當生是因緣亦如是所緣者緣於衆  
生與誰作緣者因是不殺生邊所有諸法若  
已生若今生若當生緣於不殺生增上者諸  
善根增上正念亦增上隨以何心不殺生是  
心亦增上與誰作增上者於是不殺生邊所  
有諸法若已生若今生若當生何利益者與  
殺罪相違是名爲利何果者與殺生相違名

為果不劫盜邪淫妄語兩舌惡口散亂語不  
 貪不恚正見亦如是但所緣有異不劫盜緣  
 所用物不邪淫緣眾生不妄語不兩舌不惡  
 口不散亂語緣名字不貪取緣所用物不瞋  
 惱緣眾生正見或緣名字或緣義有漏緣於  
 名字無漏緣於義是菩薩於善等論及起等  
 十二論行十善道應如是分別知又知  
 七種不善處 以貪瞋癡生 及四問分別  
 業眾生各二  
 是菩薩知七不善業道以貪恚癡生而分別

於世又知七種不善業中四問分別是殺罪  
 或從貪生或從瞋生或從癡生從貪生者若  
 人見眾生貪著心從是因緣受用好色聲  
 香味觸或須齒角毛皮筋肉骨髓等是人生  
 如是貪心故奪他命是名從貪心生殺罪若  
 人瞋心不喜殺眾生是名從瞋生若人邪見  
 不知後世善惡業殺眾生是名從癡生殺罪  
 或以為福德故或欲使度苦故而殺如西方  
 安息國等復有取福德因緣故殺以是殺業  
 因緣故欲得生天如東天竺人於天寺中殺

生以此事故生天上是名從癡生復有人以貪心故取他物作是念以我當隨意得好色聲香味觸是名從貪生復有人以瞋心不喜彼人故劫盜財物欲令其惱是名從瞋生復有人邪見不知果報劫盜他物是名從癡生如諸婆羅門說世間財寶皆是我物我力弱故諸小人等以非法取用若我取者自取其物無有過罪以如是心劫奪他物者是亦從癡生若人貪著色因緣故而邪淫是名從貪生若人瞋不喜作是念是人犯我母姊妹

女等我亦還以姪事汙彼母姊妹女等是名從瞋生邪淫若人邪見不知果報而故犯者是名從癡生如有人言人中無有邪淫何以故女人皆為男子故生如餘所用物各有所須若與從事無邪淫罪以是心作姪欲者是名從癡生如劫盜罪妄語亦如是為貪財故妄語是名從貪生為欲誑彼令得苦惱是名從瞋生邪見不知業果報故妄語是名從癡生兩舌惡口散亂語亦如是三不善道則是根本從是分別生七種身口業果報問曰

不離殺生皆是殺生罪不若殺生罪皆是不  
離殺生耶答曰有不離殺生即是殺生罪有  
不離殺生非殺生罪何等是不離殺生即是  
殺生罪若有衆生知是衆生故殺奪命起身  
業是名不離殺生亦是殺生罪何等是不離  
殺生非殺生罪此人先雖作殺因緣而衆生  
不死又身不動口不說但心念我從今日當  
殺衆生是名不離殺生非殺生罪是二問分  
別爲四種分別所謂善不善各二種  
不但善不善 身心二種業 亦復應當知

更有餘分別

除身殺生劫盜邪淫餘殘打縛閉繫鞭杖牽  
挽等但不死而已如是不善身業非奪命等  
所攝善中迎送合掌禮拜恭敬問訊洗浴按  
摩布施等善身業非不殺生等所攝意業中  
除貪取瞋惱邪見餘所有不守攝心諸結使  
等不善法又意業中除不貪取不瞋惱正見  
餘善守攝心信戒聞定捨慧等善法  
七業亦業道 三業道非業  
殺生劫盜邪淫妄語兩舌惡口散亂語七是

業即業道貪取瞋惱邪見是業道非業此三  
事相應思是業問曰前七事何故亦是業亦  
是業道答曰習行是七事轉增故至地獄畜  
生餓鬼以是故名爲業道是七能作故名業  
三是業道非業者是不善業根本以是故名  
三業道非業善中亦如是所謂離殺生劫盜  
邪婬妄語兩舌惡口散亂語亦業亦業道餘  
三不貪不取不瞋惱正見是業道非業此三  
相應思是業問曰前七事何故是業亦業道  
答曰常修習此事故能至人天好處名爲道

是七能作故名爲業問曰餘三何故但業道  
非業耶答曰三是諸善業根本諸善業從中  
行故名爲業道非業復次

戒法即是業 業或戒非戒 業及於業道  
有四種分別

身口業是戒意業是業非戒業及於業道四  
種分別者有業非業道有業道非業有業亦  
是業道有非業非業道業非業道者三種不  
善身業業道所不攝所謂手拳鞭杖等及三  
種善身業業道所不攝所謂迎送敬禮等是

三善不善業非業道所攝或有人言亦是業道何以故是二業或時至善惡處故名爲業道以不定故不說業道業道非業者後三不善及三善是煩惱性故非業能起業故名爲業道三善是善根性故非業能起善業故名爲業道亦業亦業道者所謂殺生十一不殺生等七事是非業非業道者餘法是復次菩薩初地邊以三種清淨安住十善道則生決定心是菩薩於第二地中了了分別知如是十善

十不善道知已以三種清淨住十善道所謂自不殺生不教他殺於殺生罪心不喜悅乃至正見亦如是問曰菩薩初地中已住十善道此中何故重說答曰初地中非不住十善道但此中轉勝增長以三種清淨故先初住中雖作閻浮提王不能行此三種清淨是故此中說三種清淨菩薩住是二地知如是分別諸業生決定心世所有惡道皆十不善生世所有善道因於十善生

世間所有惡道者所謂三種地獄道熱地獄  
冷地獄黑地獄三種畜生道水行畜生陸行  
畜生空行畜生種種鬼道有飢餓鬼者食不  
淨鬼者火口者阿脩羅夜叉等皆由行十不  
善道有上中下因緣故出世間所有善道若  
天若人皆由行十善道生三界所攝天有二  
十八人者四天下人是如是決定知已作是  
念我欲自生善處亦令衆生生於善處  
是故我自應住於十善道亦令餘衆生  
即住此善道

若生善處若生惡處皆屬十善不善道我知  
是世間諸業因緣有無有定主是故我應先  
自行十善道然後令諸衆生亦住十善道問  
曰何以故要先自住十善道後乃令他住耶  
答曰  
行於惡業者十二令他善不易廿二自不行善故  
他則不信受  
若惡人自不行善欲令他行善者則爲甚難  
何以故是人自不行善他人不信受其語如  
偈說

若人自不善 不能令他善 若自不寂滅  
 不能令他寂 以是故汝當 先自行善寂  
 然後教他人 令行善寂滅  
 是菩薩當如是行善法  
 從阿鼻地獄 乃至於有頂 分別十業果  
 及其受報處  
 當如是正知下從阿鼻地獄上至非有想非  
 無想處皆是善不善種種業受果報處於中  
 習修上十不善道故生阿鼻地獄小滅生大  
 炙地獄小滅生小炙地獄小滅生大叫喚地

獄小滅生小叫喚地獄小滅生僧伽陀地獄  
 小滅生大陌地獄小滅生黑繩地獄小滅生  
 活地獄小滅生劔林等小眷屬地獄中亦應  
 如是轉小分別行中十不善道生畜生中畜  
 生中亦應轉少分別行下不善道生餓鬼中  
 如是總相說是中應廣分別差別有諸阿脩卅二  
 羅夜又生鬼道中有諸龍王生畜生中所受卅三  
 快樂或與諸天同是諸眾生以不善因緣故  
 生生已受善業果報行最下十善道生閻浮  
 提人中在貧窮下賤家所謂旃陀羅邊地工

巧小人等轉勝生居士家轉勝生婆羅門家  
轉勝生刹利家轉勝生大臣家轉勝生國王  
家於十善道轉復勝者生瞿陀尼轉勝生弗  
婆提轉勝生鬱單越轉勝生四天王處轉勝  
生忉利天焰摩天兜率陀天化樂天習行上  
十善道生他化自在天於是中亦應種種分  
別小大差別如人中小王大王閻浮提王轉  
輪聖王四天王處有四天王忉利天中有釋  
提桓因焰摩天上有須焰摩天王兜率陀天  
上有珊兜率陀天王化樂天上有善化天王

他化自在天上有他化自在天王過是以上  
要行禪定思得生上界問曰若以禪定思得  
生上界者何以故說乃至非有想非無想處  
皆以十善道故得生答曰雖修禪定生色界  
無色界要當先堅住十善道然後得修禪定  
以是故彼處以十善業道為大利益以是故  
說乃至非有想非無想處皆以十善道因緣  
故得生所以者何先行清淨十善道離欲修  
初禪下思得生梵衆天修初禪中思生梵輔  
天修初禪上思故得生大梵天修二禪下思

生少光天修二禪中思得生無量光天修二  
 禪上思得生妙光天修三禪下思得生小淨  
 天修三禪中思故得生無量淨天修三禪上  
 思得生遍淨天修四禪下思故生阿那婆伽  
 天修四禪中思故生福生天修四禪上思故  
 生廣果天修二無想定中思得生無想十四天以無  
 漏熏修四禪下思故生不廣天以無漏熏修  
 四禪勝思故生不熱天以無漏熏修四禪勝  
 思故生喜見天以無漏熏修四禪勝思故生  
 妙見天以無漏熏修四禪最上思故生阿迦

膩吒天修虛空處定相應思得生空處天修  
 識處定相應思得生識處天修無所有處定  
 相應思得生無所有處天修非有想非無想  
 處定相應思得生非有想非無想處天是名  
 生死世間衆生往來之處

十住毗婆沙論卷第十二

音釋

鬧奴教切 姓汝鴉切  
不靜也 孕也

十住毗婆沙論卷第一三

仁三

龍樹菩薩造

姚秦三藏法師鳩摩羅什譯

分別聲聞辟支佛品第二十九

問曰是十善業道但是生人天因緣更有餘

利益耶答曰有仁三

所有聲聞乘 辟支佛大乘 皆以十善道

而為大利益

凡出生死因緣唯有三乘聲聞辟支佛大乘

是三乘皆以十善道為大利益何以故即是

十善道能令行者至聲聞地亦能令至辟支

佛地亦能令人至於佛地問曰是十善道能

令何等衆生至聲聞地答曰

隨他無大悲 畏怖於三界 樂少功德分

其志甚劣弱 心樂於獸離 常觀世無常

及知一切法 皆亦無有我 乃至一念頃

不樂於受生 常不信世間 而有安隱法

觀大如毒蛇 陰如拔刀賊 六入如空聚

不樂世富樂 貴於堅持戒 而為禪定故

常樂於安禪 修習諸善法 唯觀於涅槃

第一救護者 常求盡苦慧 樂集行解脫  
 但貴於自利 二勝處來者 善道令是人  
 能到聲聞地

隨他音聲者聞他所說隨順而行不能自生  
 智慧問曰十善道能令一切從他聞者皆作  
 聲聞耶答曰不爾若無大悲心十善道能令  
 此人至聲聞地若有菩薩從諸佛聞法以有  
 大悲心故十善道不能令至聲聞地問曰一  
 切無大悲心者十善道皆能令至聲聞地耶  
 答曰不然怖畏三界者十善道能令此人至

聲聞道餘不怖畏者令生人天善處以樂三  
 界故問曰一切怖畏三界者十善道皆能令  
 至聲聞地耶若爾者菩薩亦怖畏三界為身  
 故復為衆生勤行精進求於涅槃如是十善  
 道亦應令至聲聞地答曰不必一切怖畏三  
 界者盡墮聲聞地何等為墮樂習行功德少  
 分者於佛所教化六波羅蜜中受行少分如  
 是之人墮聲聞地若人能取諸佛功德遍學  
 智慧十善道必令此人徑至佛道隨他聞聲  
 怖畏三界取佛功德少分是人有二種十善

道能令至聲聞地者至辟支佛地者問曰是人云何但從他聞怖畏三界取功德少分十善道能令至聲聞地至辟支佛地答曰志劣弱者作阿羅漢小堅固者作辟支佛問曰十善道令一切志劣弱者至聲聞耶答曰不然何以故所謂志弱樂厭離生死者非但志劣無厭離者問曰觀何事得知樂厭離心答曰觀有爲法無常一切法無我當知是必樂於厭離問曰已知樂厭離菩薩亦如是觀有爲無常一切法無我是十善道何得不令此人

墮聲聞地耶答曰是人深厭離離大悲故乃至一念中不樂受生不信世間有安隱相如經中說佛告諸比丘譬如少糞尚臭穢不淨何況多也如是一念中受生尚苦何況多也諸比丘當學斷生莫令更受聲聞人信受是語故乃至一念中不樂受生是人復作是念仁三世間無常於所作事及受命都無安隱相死常逐人誰能知死時節不知死時爲受何業果報爲生何心如事中心不安隱故不可信故當疾求盡苦菩薩則不爾於恒河沙無量

阿僧祇劫受生爲得阿耨多羅三藐三菩提  
度諸衆生是故偈中說乃至一念頃不樂受  
生十善道能令人至聲聞地問曰是人樂  
修習何事故不樂受生答曰是人觀地水火  
風四大喜生瞋恨故不淨臭穢不知恩故生  
毒蛇想色受想行識五陰能奪智慧命故生  
怨賊想眼耳鼻舌身意入離常離不動不變  
不壞無我無我所故生空聚想若人於世間  
一切受生及資生樂具以無常虛誑無須臾  
住故不生喜悅心如是之人於一切生處生

無安隱想但涅槃一法能爲救護如經中說  
諸比丘世間皆是熾然所謂眼然色然眼識  
然眼觸然及眼觸因緣生受皆亦是然以何  
事故然所謂貪欲火瞋恚火愚癡火生老病  
死憂悲惱火之所熾然耳鼻舌身意亦如是  
觀一切有爲法皆是熾然涅槃寂滅能爲救  
護貴涅槃一法故捨一切事勤習坐禪問曰  
若觀一切有爲法皆是熾然唯涅槃寂滅能  
爲救護者十善道皆令至聲聞地耶答曰不  
然佛所結戒爲禪定故貴重此戒有決定心

而不毀犯捨一切事但樂坐禪求盡苦智常勤修習解脫因緣於先世中或從一勝處來二勝處來者十善道能令此人至聲聞地何以故持戒清淨則心不悔心不悔故得歡喜得歡喜故身輕軟身輕軟故心快樂心快樂故攝心得定攝心得定故生如實智慧生如實智慧故即生獸從獸生離從離得解脫若一若二勝處來者如尊者羅睺羅從諦勝處來如尊者施曰羅從捨勝處來如尊者離跋多從寂滅勝處來如尊者舍利弗從慧勝處

來或從諦捨二勝處來或從諦寂滅二勝處來或從諦慧二勝處來或從捨寂滅二勝處來或從捨慧二勝處來或從寂滅慧二勝處來如是十善道能令至聲聞地問曰十善道令何等人至辟支佛地答曰

於聲聞所行 十善道轉勝 深禪不隨他  
 常喜於遠離 恒樂善修習 甚深因緣法  
 遠離方便力 及以大悲心 少欲及少事  
 惡賤慣閑語 常樂遠離處 威德深重人  
 喜為福田地 常觀於出性 成辦有理事

恭敬於諸主

已成就繫心

知心在所緣

常樂於禪定

中人之勢力

樂於出家法

善心不縮沒

得慧光明者

或從二勝處

或三勝處來

十善之業道

能令如是人

至於緣覺地

於聲聞所行

下三

十善道轉勝者過聲聞人所行

十善道而不及菩薩所行作是念聲聞人應

隨他聞而行道然後得自證智慧我則不然

不樂隨他人以是故我應令十善道轉勝以

是因緣故我樂不隨他十善道令我至辟支

佛地如是思惟已常樂於遠離作是念若我

常樂憤鬧則為集諸惡不善法以近可染可

瞋可癡事故於是遠離中應修習甚深因緣

法復作是念若我不修習甚深因緣法者則

不得不隨他智我今何故不常修習甚深因

緣然後可得不隨他智甚深者難得其底不

可通達一切凡夫從無始生死中所有經書

及其技藝皆可得其邊底唯甚深因緣不可

得底如兔等小蟲不能得大海邊底若人有

方便大悲心及修習甚深因緣即得阿耨多

羅三藐三菩提若離此二事修習甚深因緣  
智則成辟支佛方便名於成就教化眾生中  
種種思惟而不錯謬亦於甚深法不取相大  
悲名深憐愍眾生勝聲聞辟支佛何況凡夫  
少欲少事惡賤憤鬧語如是則得辟支佛地  
若大欲大事好聚眾人為方便大悲所護者  
呵耨多羅三藐三菩提則為易得何以故求  
辟支人少欲者作是念但自度身少事者但  
首成就善根不及餘人是人捨離教化眾生  
事故不親近眾鬧菩薩大欲大事作是念我

應度一切眾生以此大欲因緣故則為大事  
教化眾生教化眾生此非小事若憎惡憤鬧  
語則不成此事是故菩薩入憤鬧中亦用憤  
鬧之語但無所著復次覆真實功德故是為  
少欲少事務故名為少事惡賤憤鬧名少欲  
樂獨處故名為少事如是之人少欲少事不  
樂眾鬧語樂於親近遠離可畏深遠之處其  
心深大是人作是念若我住遠離可畏深遠  
之處人則不來以遠離處住故心亦深遠若  
人自不深遠喜戲調者外人往來則不為難

如是不與衆生和合雖捨衆生亦欲令衆生種諸善根爲大利益作是念我云何不與衆生和合亦能利益衆生如是思惟知已我當爲衆生作福田之利受其供養如是雖不與衆生和合而能作大利益是人復思惟我云何當得福田地即自見知若我深樂爲福田地常觀出性然後福田地法自然而來及至出性之法亦自然而來所謂持戒禪定智慧等復作是念我當云何疾至福田地及出性法我當爲正觀者於諸現有理趣事中皆

悉成辦供養恭敬諸主如是福田地及出性法不久疾得何以故我當成辦有理之事正觀諸法能得不隨他智又供養恭敬諸主故令善根增厚善根增厚故智慧深厚智慧深厚故能通達實事能通達實事故能生厭仁三從厭則生離從離得解脫得解脫七故前後所集善根得爲福曰然後得證出性之法諸主者諸佛世尊是種諸善根時是最大因緣是人復思惟我云何能疾成有理趣事是人即自知見若我集繫心一處知其所緣常樂禪定

是人能繫心一處則能得三昧得三昧故有  
理事皆能成辦如經中說得禪定能如實知  
如實見若人已行繫心則疾入三昧疾入三  
昧故名禪定者常定者若能如是修習諸法  
則為供養恭敬諸佛若人以香華四事供養  
佛不名供養佛若能一心不放逸親近修習  
聖道是名供養恭敬諸佛如經說般涅槃時  
佛告阿難天雨曼陀羅華及栴檀末香作天  
妓樂不名供養恭敬如來也阿難若比丘比  
丘尼優婆塞優婆夷一心不放逸親近修習

聖法是真供養佛是故阿難汝當修學真  
供養佛如是衆功德皆是中勢力人樂出家  
善心不縮沒者最上勢力能得成佛下勢力  
者作聲聞以是故中勢力人作辟支佛樂出  
家故能成衆功德何以故若在居家則不能  
少欲少事不能身心遠離亦不能禪定若心  
縮沒不清淨者不能成辦衆事不能知甚深  
因緣法不能證出性不能如法真供養恭敬  
諸佛如是衆生是中勢力作是念我中勢力  
人常樂出家心不縮沒諸所願功德事皆自

然來復作是思惟是中勢力樂為得何果即  
 知當得智慧果何以故智慧能為照明如經  
 中說諸比丘一切光明中智慧光為勝復作  
 是念我所樂慧光云何當得即知若從二勝  
 處來若三勝處來二勝處者先已說三勝處  
 者所謂諦捨寂滅仁三或諦捨慧或諦寂滅慧以  
 是故我當修習如是諸勝處我修習是已得  
 智慧光明所願智慧自然而至如是相如是  
 修習助道法者十善道能令至辟支佛地  
 大乘品第三十

問曰如仁已說十善道能令人至聲聞辟支  
 佛地十善業道復令何等衆生至佛地答曰  
 所行十善道 勝於二種人 無量希有修  
 勝一切世間 發堅善二願 成大悲無礙  
 善受行方便 忍受諸苦惱 不捨諸衆生  
 深愛諸佛慧 於佛力自在 樂盡遍行者  
 能破邪見意 愛護佛正法 健堪受精進  
 堅心化衆生 不貪著自樂 及無量身命  
 一切事上 所作無過咎 一切種清淨  
 一切勝處來 善道令此人 至十力世尊

所修十善道勝二種人者菩薩修十善道於  
求聲聞辟支佛者為轉勝轉勝者一心修行  
常修行為自利故修行為他利故修行清淨  
修行一心行者用意修行常修行者不中休  
息為自利故修行者生天人因緣泥洹因緣  
為他利修行者菩薩修行十善道迴向利安  
無量一切眾生故以是因緣故能度過算數  
眾生清淨修行者不壞行無雜行不濁行自  
在行具足行不貪著行智者所讚行壞者有  
行有不行與此相違名不壞行雜者自不作

令他作與此相違名不雜行濁者與煩惱罪  
業合行與此相違名為不濁行自在者破戒  
人為田業妻子財物所繫不得自在持戒者  
無如是事隨意自在無所繫屬具足者盡行  
一切大小戒遮止諸煩惱常憶念守護為禪  
定作因緣迴向佛道能令同真際法性是名  
具足不貪著者不向世間不取戒相自高卑  
他智者所讚者聲聞法中不隨生死但為涅  
槃故名智者所讚此大乘法中尚不迴向聲  
聞辟支佛乘何況生死但向阿耨多羅三藐

三菩提是名智者所讚十善道問曰修有何  
 相名為善修答曰若菩薩以無量希有修十  
 善道勝一切世間是名善修問曰云何菩薩  
 以此修勝一切世間答曰諸菩薩以五事修  
 故勝一切世間一願二堅心三深心四善清  
 淨五方便願者菩薩所行願一切凡夫人及  
 聲聞辟支佛人所無以是故菩薩所行願勝  
 一切世間如大智經毗摩羅達多女問中佛  
 因目捷連說菩薩從初發願乃至道場能為  
 一切世間天及人作福田又勝一切聲聞辟

支佛又如淨毗尼中摩訶迦葉於佛前說世  
 尊善說希有所謂菩薩初一發願勝一切聲  
 聞辟支佛又如偈中說  
 菩薩初發心 與大慈悲合 為於無上道  
 即是心為勝 是故以此願 住於世間上  
 堅心者菩薩於諸苦惱所謂活地獄黑繩地  
 獄合會地獄小叫喚地獄大叫喚地獄小炙  
 地獄大炙地獄阿鼻地獄沸屎劍林灰河阿  
 浮陀尼羅浮陀阿波斫阿羅邏休休鬱鉢羅  
 拘勿陀須曼陀分陀利鉢頭摩寒熱地獄中

種種拷掠如是苦惱畜生餓鬼阿脩羅人天  
 共相食噉互相恐怖饑餓穀貴從天退失慳  
 妬瞋惱恩愛別離怨憎合會生老病死憂悲  
 惱等此六道中所有諸苦若見若聞若受修  
 十善道為阿耨多羅三藐三菩提時心終不  
 壞以是故此菩薩以堅心修十善道勝一切  
 世間如說

地獄及畜生 餓鬼阿脩羅 天人六趣苦  
 不能動其心 是故諸菩薩 以此堅固心  
 所修十善道 勝一切世間

深心者大心用心愛心念心諸菩薩以如是  
 等心修十善道勝一切世間除諸佛世尊及  
 久行菩薩如說

深心及用心 利益世間心 菩薩以是心  
 勝一切世間

善清淨者菩薩修十善業道三種清淨餘人  
 所無以是故勝一切世間如說

菩薩人中寶 具深心淨心 以是善法力  
 世間所不及

方便者菩薩以方便力修於善法餘人所無

是故勝一切世間無量修者菩薩以五因緣故名無量修一時無量二善根無量三緣無量四究竟無量五迴向無量時無量者諸菩薩修行善業道過於時量時量過故所修善業道亦無量是故勝一切世間如說

諸菩薩師子 所修善業道 過諸算數時 故修善最勝

善根無量者諸菩薩有無量無邊善根從是善根所修善業道亦無量是故勝一切世間如大乘法中淨毗尼經佛告迦葉譬如生酥

滿四大海菩薩有為善根資糧亦如是是福德迴向無為智則大利益一切衆生是故菩薩雖處有為能勝一切世間如說  
為一切衆生 及求佛道故 善根則無量 以是勝世間

緣無量者菩薩不緣有量衆生故修習善根而所修善根不言為利益若干衆生不利益若干衆生菩薩但緣一切衆生故修習善根是故菩薩緣無量衆生所修善業道亦無量勝一切世間如淨毗尼經中佛告諸天子如

大菩薩薄有慈悲心求利益他是心能令無量衆生得利樂深發心菩薩勤行精進亦是能教化無量阿僧祇衆生令得涅槃樂如說

菩薩無量善 功德自莊嚴 皆為度衆生

無量之大苦

十三

究竟無量者初地中為發願故已說十究竟是究竟無量故菩薩所修善業道亦無量是故勝一切世間如說  
解大乘品第三十一

菩薩修善道 從十究竟生 是故勝一切

無有能壞者

迴向無量者如初地中說菩薩迴向果報無量以是迴向果報無量所修善業亦無量是故勝一切世間如說

以無量因緣 修於善業道 迴向佛乘故

是以為最上

希有者諸菩薩修善道以五因緣故名希有一堪受故二精進故三心堅故四慧故五果故堪受者我當作天人中尊一切智慧者能

如是堪受是為希有若人以指舉三千大千世界於虛空中令住百千萬劫是事可成不足為難若發願言我當作佛是為希有甚難如說

為無量佛法 立誓當作佛 是人無有比

何況有勝者

十三

十三

精進者多有人堪受發阿耨多羅三藐三菩提心不能精進行六波羅蜜若人以堪受發阿耨多羅三藐三菩提心能精進行六波羅蜜是名實堪受無量功德精進希有故所修

善業道亦希有如說

希有大精進 凡人念已怖 菩薩實行之何得不希有

心堅者有人發精進心修習佛道若有障礙心不堅固則不能成是故說發精進安住希有堅心中則成其事壞諸障礙是為菩薩修善業道第一希有如說

若人無堅心 尚不成小事 何況成佛道世間無上者

慧者是堪受精進堅心皆以慧為根本是故

菩薩慧為第一希有能生如是堪受精進堅  
心故以慧為希有以慧為希有故所修善業  
亦希有如說

如有人堪受 欲得於佛法 精進得堅心  
皆以慧為本

果者修善業故得無量無邊諸佛之法是故  
希有如說

行此善得道 無量功德力 為諸眾生師  
誰聞而不行

堅願者菩薩以五因緣故名為堅願一於聲

聞乘心不轉二於辟支佛乘不轉三於外道  
事不轉四於一切魔事不轉五無因緣不轉  
如說

聞二乘解脫 何不為此道 若未入於位  
則失菩薩道 又貪外道事 或為魔所壞

或復無因緣 自捨菩薩道

善願者菩薩以五因緣故名善願一先籌量  
得失者二知道者三知道果者四不貪惜自  
樂者五欲滅眾生大苦者如是作願名為善  
願如說

先見世過患	佛道大利益	知行無上道
及其無量果	捨自寂滅樂	欲除衆生苦
發是無比願	爲諸佛所讚	
大悲無礙者以五因緣故知菩薩有大悲一		
利安無量衆生故於資生之物不生貪惜二		
不惜身三不惜命四不觀時久遠五於怨親		
中等心利益如說		
內外所愛物	於中不貪著	爲利衆生故
及捨於身命	生死無量時	猶如一眴頃
怨親中平等	名菩薩大悲	

無礙者菩薩以五因緣故悲心有礙一以地獄苦故二以畜生苦故三以餓鬼苦故四以惡人無返復故五以生死過惡故若此五事不障其心是名無礙大悲如說

第一地獄苦 畜生餓鬼苦 惡人及生死不障名大悲 仁三 菩薩能如是 十五 佛說無礙悲善受行方便者菩薩以五因緣故名善受行方便一知方時二知他心所樂三知轉入道四知事次第五知引導衆生

知方時者知是方處應以如是說法知是時

中應以如是說法知是等中應以如是說法  
知是方處應以如是因緣度衆生知是時中  
應以如是因緣度衆生菩薩先知是事已隨  
順而行如說  
若以世尊意 爲他人解說 先應知二事  
後隨時方說 若不知時方 而欲說佛慧  
不得所爲利 而更有過咎  
知他心所樂者知他深心爲在何事爲何所  
樂菩薩先知已入衆生所知所樂隨順起發  
度脫方便如是則不虛也如說

菩薩知衆生 深心難測意 先知其意已  
漸令住佛慧 遍知世間事 自利亦利他  
若能如是者 說名善方便  
知轉入道者能轉外道凡夫意令入佛道亦  
轉衆生惡事令住善事中亦知轉聲聞辟支  
佛道令入大乘中已在佛法者不令入外道  
先知是事已隨順而修行如說  
若人令衆生 遠離外道法 及諸不善者  
入佛上寂滅 善知諸衆生 上中下之心  
知已能引導 是名善方便

知事次第者如聲聞乘中初說布施次持戒  
 次生天次五欲過患次在家苦惱次出家利  
 樂次說苦諦次集諦次滅諦次道諦次須陀  
 洹果次斯陀舍果次阿那含果次阿羅漢果  
 次不壞解脫次說諸無礙辟支佛乘中亦說  
 我我所物多有過患捨此過患之物得大利  
 益在家為過惡出家為利益次眾鬧亂語為  
 過惡獨行為善利聚落為過惡阿練若處為  
 善利厭離多欲多事樂少欲少事守護諸根  
 飲食知節初夜後夜隨時覺悟觀緣取相樂

住空舍貴於持戒禪定智慧不現奇異令他  
 歡喜但自利益樂於深法不隨他智知大乘  
 中次第者初說檀波羅蜜次尸羅波羅蜜  
 提波羅蜜毗梨耶波羅蜜禪波羅蜜般若波  
 羅蜜初說諦勝處次說捨勝處滅勝處慧勝  
 處復次初讚歎發菩提心次十種願次十究  
 竟次讚歎遠離退失菩提心法次修習不退  
 失菩提心法次堅心精進次堅固堪受次堅  
 誓復次初說能得諸地法次說能住諸地法  
 次說能得諸地底法次說遠離諸地垢法次

能作地淨法次說諸地久住法次能到諸地  
 邊法次說能作不退失諸地法次說諸地果  
 次說諸地果勢力復次或初說歡喜地次說  
 離垢地次說明地次說焰地次說難勝地次  
 說現前地次說深遠地次說不動地次說善  
 慧地次說法雲地如說  
 初施次持戒 果報得生天 無常在家過  
 出家為大利 次無上四諦 斷結證四果  
 是方便次第 令人住初乘 初說生死過  
 次說涅槃利 守護於諸根 持戒及禪定

不隨他智慧 功德樂獨處 自依不依他  
 樂求自利樂 亦不捨他人 深行頭陀法  
 其求中乘者 教法相如是 以四十不共  
 說佛無量德 亦說菩薩時 一切所行法  
 為利衆生故 次第說是法 自利及利他  
 說種種功德 亦說諸佛子 所樂十種地  
 求於大乘者 如是次第度  
 引導者隨衆生所樂門知是門已以是門引  
 導衆生隨其所樂任其勢力而令得度如說  
 或有諸衆生 可以深經書 難事及工巧

呪術以愛語 善說及資財 布施戒定慧

如是籌量已 引來入大乘 或現於女身

引導諸男子 復現男子身 引導於女人

示現五欲樂 然後說欲過 而令一切人

得離於五欲

善行是五事是名菩薩善受行方便能心苦

惱者若有人過算數劫於生死中能忍諸苦

惱十善業道能令此人住於阿耨多羅三藐

三菩提問曰一切人皆樂樂惡苦是人云何

能忍苦惱答曰以五因緣故一樂無我二信

樂空三籌量世法四觀業果報五念過算數

劫唐受苦惱如說

崇無我空法 又知業果報 利衰等八法

處世必應受 亦念過去世 空受無量苦

何況為佛道 而當不受耶

不捨於一切者或有衆生第一十八弊惡無有功

德不可利益菩薩於此終不生捨心問曰若

是惡人不可度者云何不捨答曰以五因緣

故一賤小人法故二貴大人法故三畏誑諸

佛故四知恩故五為是事故出世間如說

欲度眾生故	生心持重擔	於惡怨賊中
心常不應捨	惡小貴大人	是小大差別
不應眾生中	愍憐心還息	於諸急難中
無事而利益	擔於重擔時	而不中懈廢
若發無上心	或有捨眾生	若自心疲苦
及惡人所害	即為欺誑於	十方三世佛
諸佛世中尊	為利益眾生	行種種苦行
修習於佛道	佛於恒沙劫	捨樂作福業
若捨一惡人	則為背佛恩	是故惡眾生
不應於中捨		

若人於無量	阿僧祇劫中	所修習佛道
大悲為根本	若以貪欲心	瞋恚怖畏心
捨一可度者	是斷佛道根	是故善業道
能令不捨者	至阿耨多羅	三藐三菩提
深樂佛慧者	若人深樂佛慧	便疾得阿耨多
羅三藐三菩提	以五因緣故	深樂佛慧一佛
慧無與等	二佛智能令人	為世中尊三佛以
佛智自度其身	四佛智亦度他人	五佛智是
一切功德住處	如說	
諸佛之智慧	天上及世間	一切無與等

何況而得勝 諸佛以此智 為天阿脩羅  
 一切世間人 恭敬而作禮 佛以智自度  
 亦度於他人 若得是佛智 是功德藏者  
 於諸佛力及自在法中樂盡遍行者遍行名  
 久習一切行力名十種智力自在名隨意所  
 作若人深樂佛十力及自在法中盡遍行如  
 是人阿耨多羅三藐三菩提不久疾得以五  
 因緣故樂盡遍行一尊重諸佛教勅二諸佛  
 有大弟子故三身證一切法故四攝取墮落  
 者五已墮落者能拔濟之如說

尊佛教無比 佛子有四八 及以六三種  
 堪為諸天師 以佛智慧眼 見諸法現前  
 逆惡斷善根 及諸破戒等 如是墮落人  
 攝取而濟度 自在中遍行 涅槃及天福  
 若人於佛心 常在此人手  
 於是中諸佛以佛力能為五種事一令眾生  
 學聲聞乘二者令眾生學辟支佛乘三令眾  
 生學大乘法四力具足者令得解脫五力劣  
 者令住世樂如說

諸佛以佛力	令厭離衆生	或令學小乘
中乘及大乘	有力具足者	令其得解脫
力不具足者	生天今世樂	
自在者諸佛於五事中自在	一諸神通自在	
二自心中得自在	三滅盡中得自在	四聖如
意中得自在	五壽命 <sup>十三</sup> 中得自在	如說 <sup>二十</sup>
飛行等自在	自心得自在	於滅禪定中
如入出自舍	一切淨不淨	隨心而能轉
命不爲他害	自緣亦無盡	如是等自在
一切法亦爾	是故人師子	名爲自在者

能破惡意者所謂遠離正道凡夫九十六種  
外道等略說惡意者說五陰爲我或言我有  
五陰或言五陰中有我或言我中有五陰或  
言離五陰有我如說  
若五陰是我 即爲墮斷滅 則失業因緣  
無功而解脫 餘殘有四種 異陰無有相  
無相無有法 皆應如是破  
復次五邪見名爲惡意所謂邪見身見邊見  
見取戒取如說  
破因果邪見 二十種身見 有見及無見

下事以為最 但以戒力故 而得於解脫  
如先一異破 此見如是破 正意八道破  
說名得解脫

守護諸佛正法者若人能守護諸佛所教法  
所謂十二部經以其心能信能受十善業道  
能令此人至阿耨<sup>十</sup>多羅三藐三菩提<sup>十一</sup>以五因  
緣故應愛護正法一知報諸佛恩故二令法  
久住故三以最上供養供養諸佛故四利益  
無量衆生故五正法第一難得故如說  
若人欲施作 諸佛所愛事 亦令法久住

以上供養佛 為欲療治於 衆生之重病  
亦知諸世尊 從苦得是法 以是因緣故  
知法為難得 是故有智者 應當愛護法  
於是中以五因緣故名為愛護正法一如所  
說行二令他人如法行三除破佛法刺棘故  
四離四黑印五行四大印如說  
自於佛法中 如佛所教住 悲心不恡法  
亦令他得住 又破於魔衆 及外道論師  
若憎佛法者 以無瞋心破 遠離四黑印  
受行四大印 如是則名為 愛護於正法

勇健者菩薩以五因緣故名為勇健一破魔	賊故二破外道賊故三破煩惱賊故四破諸	根賊故五破五陰賊故如說	惡魔起兵眾	道樹欲害佛	常求於佛便	惱亂聽者心	佛日出世時	魔請令涅槃	常亂受學者	破於解脫道	乃至於今日	其心猶不息	是憎涅槃者	善人之大賊	應以戒定慧	摧破魔力怨	自謂有智慧	常輕慢於佛	以種種因緣	滅佛法故出	常憎佛弟子	自失教他失
-------------------	-------------------	-------------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------

是諸外道輩	世間之大賊	當以無瞋心	應以多聞慧	及以大心力	摧破外道怨	煩惱力起業	輪轉墮惡道	煩惱力障故	煩惱最大賊	以正念定慧	破此煩惱賊	若為根賊牽	令人墮惡道	又墮天人中	不得至涅槃	今此諸根賊	何不以此慚愧	正念及智慧	摧破諸根賊	譬如世間人	以輕語欺誑	財物及刀稍	以此四除賊
-------	-------	-------	-------	-------	-------	-------	-------	-------	-------	-------	-------	-------	-------	-------	-------	-------	--------	-------	-------	-------	-------	-------	-------

以此五陰故 受生老病死 亦墮大怖畏  
 得諸急苦惱 五陰因緣故 憂悲及啼哭  
 五陰因緣故 受種種諸苦 是故汝當知  
 應以知見法 摧破此五陰 猶如破怨賊  
 堪受者心志力强有大人相見事深遠以五  
 因緣故名為堪受者一所願事成其心不高  
 二所願不成心亦不下三苦惱切已其心不  
 動四樂事加身心亦不異五其心深遠若瞋  
 若喜難可得知如說  
 身心辛苦至 其意亦不動 隨意樂事至

大智心不異 若瞋喜怖畏 他人不能測  
 如是深心相 是說堪受者  
 勤精進者於五事中勤行精進一未生惡法  
 為不生故勤行精進二已生惡法為斷滅故  
 勤行精進三未生善法為令生故勤行精進  
 四已生善法為增長故勤行精進五於世間  
 事中有所作無能障礙故勤行精進如說  
 斷已生惡法 猶如除毒蛇 斷未生惡法  
 如預斷流水 增長於善法 如澆甘果栽  
 未生善為生 如鑽木出火 世間善事中

精進無障礙 諸佛說是人 名為勤精進  
 堅心化衆生者若菩薩於五乘中教衆生時  
 供養輕慢憎愛怖畏苦樂疲極等事中心  
 不轉是名堅心化衆生五乘者一者佛乘二  
 者辟支佛乘三者聲聞乘四者天乘五者人  
 乘如說  
 汝應以一心 一切諸力勢 依種種方便  
 離於憎愛心 教化諸衆生 離垢心清淨  
 令得無量世 難得無上乘 若人無勢力  
 不堪住大乘 次教辟支佛 聲聞天人乘

不貪自樂者所謂不著一切諸樂菩薩以五  
 因緣故不貪自樂一樂視無常如水泡二世  
 樂變苦三從衆緣生故四從渴愛起故五少  
 樂如蜜滴故如說  
 樂少住如泡 變苦如毒食 三合從觸有  
 貪欲癡故生 若離於貪愛 更無有別樂  
 如枯井蜜滴 樂少而苦多 利益衆生者  
 不應有貪著  
 及無量身命者菩薩以五因緣故不貪惜身  
 一身不從先世來二不去至後世三不堅牢

四是身無我五無我所如說  
 汝身衆穢聚 不淨遍充滿 不從先世來  
 不持至後世 雖久好供養 而破大恩分  
 是身不堅固 如沫不久壞 緣生無定性  
 無性不自在 是故應當知 非我非我所  
 是身無量過 不應有貪惜  
 菩薩以五因緣故不貪惜壽命一樂慧命故  
 二怖畏罪故三念無始生死中無量死故四  
 與一切衆生共受故五不可免故如說  
 從多聞正論 生貪慧命故 怖畏失命時

而起於罪惡 又見一切人 無脫死生者  
 不可以財智 方便力所免 修習善法者  
 何得惜是命  
 一切事中上者若人有所作事必能究竟是  
 名為上人菩薩應以五事發必得究竟一者  
 財物二者布施三持戒四修定五道德如說  
 勤求聚財利 慇懃行布施 次第淨持戒  
 精勤求禪定 行種種方便 生八道解脫  
 是名諸事中 名之為上人  
 所作無過咎者是菩薩所作智者不訶以五

因緣故所作無過智者不訶一作可作事二  
得大果利三不壞法四次後無過五大名聲  
如說

先種種籌量 自作易作事 從是事所得

無量大果利 不妨於善法 作已無惡隨

善人所讚歎F三 名聞廣流布 智者所起業升五

名為無過咎 自屬於己身 無量大功德

所作及易作 疾得果利益 智者如是知

應加勤精進 而作如是事 後無有過咎

一切種清淨一切勝處來者以五因緣故諸

勝處一切種清淨一深心清淨二迴向清淨

三自如說行勝處四令他人行五離諸勝處

相違法所謂妄語慳貪戲調愚癡如說

菩薩深淨心 遠離於諂曲 皆以四勝處

迴向於佛道 先自修善法 後令他人行

菩薩如是者 四勝處清淨

十善道能令至十力世尊者如是修習十善

業道能令人至十力十力者名為正遍知正

遍知者則是佛以五道因緣故名世尊一斷

過去世疑二斷未來世疑三斷現世疑四斷  
過三世法疑五斷不可說法疑如說

無始過去世 通達無有疑 無邊未來世

知通達無疑 十方無有邊 現在一切世

出過於三世 無為微妙法

十四不可說 亦通無有疑 是故功德藏

諸佛名世尊

如是功德成就者十善業道能令菩薩至阿

耨多羅三藐三菩提是故求佛道者應如是

修十善業道

十住毗婆沙論卷第十三

音釋

憤古對切邃離邃切目捷連梵語也此云

言敷補過切邏仰佐切拷掠拷苦切療治力切稍治力切

舒闕切羸提羸語也此云忍瘵治力切稍治力切

目動也 羸提羸語也此云忍瘵治力切稍治力切

所角切 漑居代切鑽祖官切稍治力切

身屬切 漑居代切鑽祖官切稍治力切

身屬切 漑居代切鑽祖官切稍治力切

身屬切 漑居代切鑽祖官切稍治力切

身屬切 漑居代切鑽祖官切稍治力切

十住毗婆沙論卷第十四

仁四

龍樹菩薩造

姚秦三藏法師鳩摩羅什譯

護戒品第三十二

是菩薩如是行諸善道

於善不善道

仁四

總相及別相

各各分別知

有二種果報

十善業道總相果報者若生天上若生人中  
別相果報者離殺生善行有二種果報一者  
長壽二者少病離劫盜善行有二種果報一

者大富二者獨有財物離邪淫善行有二種  
果報一者妻婦貞良二者不為外人所壞離  
妄語善行有二種果報一者不為人所謗毀  
二者不為人所欺誑離兩舌善行有二種果  
報一者得好眷屬二者不為人所壞離惡口  
善行有二種果報一者得聞隨意所樂音聲  
二者無有鬪諍離散亂語善行有二種果報  
一者人信受其語二者所言決定離貪取善  
行有二種果報一者知足二者少欲離瞋惱  
善行有二種果報一者在所生處常求他好

事二者不喜惱害衆生正見善行有二種果  
 報一者離諂曲二者所見清淨十不善道亦  
 如是總相果報者上行墮地獄中行墮畜生  
 下行墮餓鬼別相果報者殺生不善行有二  
 種果報一者短命二者多病劫盜不善行有  
 二種果報一者貧窮二者共財邪淫不善行  
 有二種果報一者得醜惡妻婦又不貞良二  
 者爲他所壞妄語不善行有二種果報一者  
 人所謗毀二者爲人欺誑兩舌不善行有二  
 種果報一者得惡眷屬二者眷屬可壞惡口

不善行有二種果報一者耳聞惡聲二者常  
 有鬪諍散亂語不善行有二種果報一者語  
 不信受二者言無本未貪取不善行有二種  
 果報一者心不知足二者多欲無狀瞋惱不  
 善行有二種果報一者惡性二者喜惱衆生  
 邪見不善行有二種果報一者其心諂曲二  
 者墮在邪見  
 知已愛樂法 於法心不動 於諸衆生中  
 慈悲心轉勝  
 愛法者但愛於法更無勝事此中法者先說

十善業道樂法者但愛於法更無餘事於法  
心不動者乃至失命終不捨法菩薩行如是  
法於衆生中慈悲轉勝初地中雖有慈悲不  
及此地以通達罪福業因緣故衆生可愍皆  
屬於業不得自在則無瞋恨憎恚之心如是  
行者慈悲轉勝作是念

咄哉諸衆生 深墮於邪見 我應說正見  
令得入正道

菩薩通達罪福業因緣於諸衆生深行慈悲  
作是念衆生可愍不如諸法實相故多行妄

想生諸邪見因邪見故起諸煩惱因煩惱故  
而起諸業起業因緣故輪轉生死我先發心  
求阿耨多羅三藐三菩提為度衆生故當說  
正見是諸衆生是我應度今當為說正見令  
入真道使得度脫如是念仁四已知諸衆生有種  
種煩惱所謂三  
觀所起煩惱 及諸煩惱治 種種黑惡業  
受種種苦惱 愍念諸衆生 多有所闕少  
種種觀察已 是皆如我有 即時以悲心  
方便發大願 云何令衆生 得滅是諸苦

煩惱煩惱垢者使所攝名為煩惱纏所攝名為垢使所攝煩惱者貪瞋慢無明身見邊見見取戒取邪見疑是十根本隨三界見諦思惟所斷分別故名九十八使非使所攝者不信無慚無愧諂曲戲侮堅執懈怠退沒睡眠恨慳嫉憍不忍食不知足亦以三界見諦思惟所斷分別故有一百九十六纏垢有人言煩惱在深心垢在淺心有人言諸障蓋名為纏垢餘皆名煩惱黑惡業者即是十不善業道及貪取瞋惱邪見相應思能生苦報種種

苦惱者身中種種惡事名為苦心中心種種惡事名為惱又今世苦名為苦後墮惡道名為惱多有所少者或諸根支體或資生所須或信戒等諸功德不具故名為少餘句易解如偈中所說不復須釋如是思惟已

衆生甚可愍 墮在於二乘 我當為發願  
令住於大乘

是事如十地經中金剛藏菩薩自說是菩薩離十不善業道亦令衆生住十善業道為衆生深求勝心好心樂心憐愍心慈悲心利益

心守護心我所有心大師心攝取心受取心  
作是念此諸衆生甚可憐愍墮種種邪意邪  
見行邪險道我今應令住在真實正見道中  
是諸衆生種類不同互相諍競常懷忿恚瞋  
惱熾盛然我當令住無上大慈是衆生無有  
厭足貪求他利邪命自活我當令住清淨身  
口意業是諸衆生在貪欲瞋恚愚癡因緣中  
常起種種煩惱結使而不方便求欲自出我  
當滅其諸苦惱事令住無苦惱處是諸衆生  
爲無明所翳入黑闇稠林不能自出離智慧

明入在諸見險惡道中我應救之使得無礙  
智慧之眼以是慧眼不隨他人於一切法知  
如實相是諸衆生墮在生死長流欲墮地獄  
畜生餓鬼阿脩羅坑入邪曲網中種種煩惱  
惡草所覆無有導師不生出心道言非道非  
道言道魔民怨賊常共隨逐無有善師隨順  
魔意遠離佛法如是衆生我應令度此諸生  
死險惡道得住無畏無衰一切智慧城是諸  
衆生爲欲流有流見流無明流所漂種種罪  
業濤波所覆沒在愛河隨生死波浪爲洄復

所轉不能自出爲欲覺瞋覺惱覺鹹水淹爛  
爲身見羅刹之所執持入五欲深林爲喜染  
所著次在我慢陸地甚可憐愍無洲無救於  
六入空聚落不能動發無善度者如是衆生  
我今應以大悲牢堅智慧之船載至諸安隱

仁四

五一

無怖畏一切智洲是諸衆生多苦可愍閉在  
生死憂悲苦惱牢獄多懷貪恚愛憎墮四顛  
倒爲四大毒蛇所害爲五陰怨家所殘喜染  
詐賊所陷在六入空聚受無量苦惱我應破  
其生死牢獄令得自在無礙涅槃安隱快樂

是諸衆生甚可憐愍狹劣小心樂於少利縮  
沒無有一切智心設求出者則樂聲聞辟支  
佛乘我應令得大心使樂佛廣大之法  
菩薩如是行 則得持戒力 善知起善業  
使令得增長 是則爲佛子 深入離垢地  
持戒力者一心清淨具足十善道戒則得修  
集福德力能起善業者善知自生增長善道  
亦令他衆生深入者所行轉遠盡其邊底佛  
子者能隨法行名爲佛子於初地始生至二  
地增長是菩薩應如是勤行精進

菩薩若得至 離垢地邊際 爾時則得見  
百種千種佛

初地中已說般舟三昧見現在佛助三昧法  
所謂以三十二相八十種好四十不共法念  
佛於一切法無所貪著亦說利益三昧能成  
就果報勢力問曰若菩薩於初地中已到其  
邊能見諸佛初入第二地即應見諸佛云何  
言乃至第二地邊乃見諸佛若爾者入第二  
地初中應失此三昧至後乃得答曰初入第  
二地中亦見諸佛亦不退失是三昧汝不能

善解偈義故作此難第二地初中但見百種  
佛乃至其邊得見百種千種佛見諸佛已心  
大歡喜欲得佛法故勤行精進  
即能以四事 供養於諸佛 能於諸佛所  
復受十善道

四事者衣服飲食卧具醫藥餘義則可知

作如是行已 從佛受善道 至百千萬劫  
不毀亦不失

不毀者不令戒羸弱或以清淨事名不毀都  
不復行名為不失是菩薩如是過初地住第

二地已如說

善離慳貪垢

樂行清淨捨

善離慳貪垢

深愛清淨戒

清淨名但以善心行捨不雜諸煩惱深愛名  
堅住其中究竟不捨此地中慳貪垢破戒垢

無有遺餘是故此地名爲離垢菩薩如是無

慳貪破戒心於四攝法中愛語偏利六波羅

蜜中戒度偏利利名多行勢力轉深問曰若

第二地中尸羅波羅蜜已得勢力今此地中

應解說尸羅波羅蜜分生力淨差別答曰

略說尸羅度 有六十五分 生力淨差別  
處處論中說

尸羅波羅蜜無量無邊但略說有六十五分  
餘戒生戒力戒淨戒差別論中先後處處說  
相如寶頂經中和合佛法品中無盡意菩薩

於佛前說六十五種尸羅波羅蜜分尸羅名

不惱一切衆生於他物中無劫盜想不著外

色不誑衆生眷屬具足故不兩舌多忍惡言

故無有惡口常思惟籌量利益語故無散亂

語喜人樂故心無貪取忍諸苦故無有瞋惱

不稱譽師故名爲正見信淨心故信佛知法  
真實故信法樂尊重恭敬賢聖衆故信僧念  
佛以五體投地供養禮敬乃至小戒深心怖  
畏故戒不羸弱不依餘乘故不毀戒離邪行  
故戒不缺損不起惡煩惱故名不雜戒畢竟  
常樂增長善法故名不濁戒隨意行故名自  
在戒不爲智者所訶故名爲聖所讚戒常在  
念安慧故名爲易行戒一切無過故名不可  
訶戒守護諸根故名爲善護戒諸佛所念故  
名爲名聞戒如法物中知量取故名爲少欲

戒斷慳貪故名知足戒身心遠離故名遠離  
戒離衆鬧語故名阿蘭若戒不視他面望有  
所得故名爲具足聖種戒屬善根故名細行  
頭陀戒生人天中故名隨說行戒救一切衆  
生故名爲慈戒忍一切苦故名爲悲戒心不  
退沒故名爲喜戒離憎愛故名爲捨戒降伏  
心故名爲自見過戒護彼心故名爲不錯戒  
善護戒故名爲善攝戒成熟衆生故名爲布  
施戒無所願故名忍辱戒不懈退故名精進  
戒集助禪法故名爲禪戒多聞善根無厭足

故名爲智慧戒從多聞得智慧故名爲求多  
聞戒集助七覺法故名親近善知識戒捨邪  
道故名離惡知識戒觀無常故名不貪身戒  
勤集善根故名不信命戒深心清淨故名不  
悔戒行清淨故名不假偽戒深心無垢故名  
無熱戒善起業故名無憂戒不自高故名無  
慢戒離染欲故名不戲調戒心質直故名不  
高戒心調和故名有羞戒惡心不發故名調  
善戒滅諸煩惱故名爲寂滅戒如說行故名  
爲隨所教戒行四攝法故名教化衆生戒不

失自法故名爲護法戒本來清淨故名一切  
願滿戒迴向無上道故名至佛法戒等心一  
切衆生故名得佛三昧戒大德舍利弗是六  
十五分諸菩薩清淨戒則爲無盡生戒者處  
處說略說有八種生戒四從身生四從口生  
從身生者離奪命離苦惱衆生離劫盜離邪  
淫從口生者離妄語兩舌惡口散亂語是名  
八是八種戒從受生是受法若以身若以口  
若以心受和合爲二十四教他受亦二十四  
隨喜受亦二十四修習行時亦二十四合九

十六皆是欲界繫從是晝夜生何以故初受  
心已滅是第二心晝夜常生用福德亦如是  
所以者何初布施心滅已從第二心後用時  
常生是名善身業有十善業道所攝有不攝  
欲界所繫如是色界繫有二種一從身生一  
從口生行身生者離十不善道所不攝罪從  
口生者離散亂語是戒以身受口受心受二  
三爲六教他亦六隨喜亦六習行時亦六四  
六二十四先說九十六合爲百二十如是從  
行生戒復有證道時生戒退道時生戒初生

時生戒以事廣故今但略說戒力者隨波羅  
蜜增長戒轉得力隨所得地戒亦堅固得力  
戒淨者不毀壞缺減等如先說復次戒淨不  
淨相七梵行法中說如經說以七種婬欲名  
戒不淨一者雖斷婬欲而已染心受女人洗  
浴按摩二以染心聞女人香共語戲笑三以  
染心目共相視四雖有障礙以染心聞女人  
音聲五先共女人語笑後雖相離憶念不捨  
六自限爾所時斷婬欲然後當作七期生天  
上受天女樂及後身富樂是故斷婬欲是名

不淨離此七事名戒清淨戒差別者有二種  
 一有漏二無漏三種欲界繫色界繫不繫四  
 種正命所攝二種正語正業正命所不攝亦  
 二種三語正業三種凡六戒善語戒聲聞戒  
 辟支佛戒無上佛戒六種欲界正命所攝身  
 口一正命所不攝二色界繫正命所攝身口  
 業三正命所不攝四無漏正命所攝身口五  
 正命所不攝六七種七善業道八種如先說  
 身四種口四種九種七欲界繫七善業道二  
 種如先說十種道戒三種對治戒三種但戒

三種是九種無漏戒有漏戒為十如是等種  
 種分別差別問曰聲聞乘中說身業口業名  
 為尸羅此二善業名好二不善業名惡是善  
 身口業名尸羅此論中即以此為尸羅為更  
 有尸羅答曰  
 不但身口業十四名之為尸羅 修十親近樂行  
 亦名為尸羅  
 此三事一義所謂修習親近樂行問曰若以  
 修習親近樂行名為尸羅者一切法皆應名  
 尸羅何以故常修習親近樂行故汝今應說

最勝修習尸羅答曰

若無我所 遠離諸戲論 一切無所得  
是名上尸羅

若不知內外法實相即因尸羅生憍慢貪著  
心生憍慢貪著故開諸罪門是故若於內法  
不見有我於外法中不得我所知內外法畢  
竟空無所得亦於畢竟空不取相戲論是名  
最勝尸羅何以故如是尸羅中尚無心錯何  
況身口是故諸佛菩薩第一能行尸羅者於  
一切法無所得名為上尸羅如迦葉經中佛

告迦葉尸羅名無我無非我無作無所作無  
作者無行無不行無名無色無相無無相非  
善非非善非寂滅非非寂滅非取非捨無衆  
生無衆生因緣無身無口無心無世間無世  
間法不依世間不以尸羅自高不以尸羅下  
人不以尸羅起增上慢不以尸羅分別此彼  
迦葉是名諸賢聖尸羅離於三界無漏無繫  
如無盡意菩薩尸羅品中語舍利弗尸羅名  
不分別是衆生不說是我不說是壽者命者  
不說是人不說是養育者不說是色陰受想

仁四

十一

行識陰不說是地種水火風種尸羅名不分別是眼相不分別是色相不分別是耳相聲相鼻相香相舌相味相身相觸相意相法相尸羅名不分別是身是口是心尸羅名攝心故是一心相選擇諸法故是慧相尸羅名到空至無相際不雜三界無作無起無生忍尸羅名不從先際來不至後際亦不住中際尸羅名不住心意識不與念和合尸羅名不依欲界不依色界不依無色界尸羅名離貪塵除瞋垢滅無明闇非常非斷不違衆緣生相

尸羅名離我心捨我所心不住身見尸羅名不貪著名相不與名色和合尸羅名不爲結使所使不爲諸纏所覆不住障礙疑悔中尸羅名貪不善根所不住過瞋不善根斷疑不善根尸羅名無急無熱倚心快樂尸羅名不斷諸佛種故不破法身不分別法性故不斷法種無爲相故不斷僧種舍利弗是名諸菩薩最勝無上尸羅如是尸羅則不可盡唯除諸佛尸羅皆有盡也所謂從凡夫尸羅 後至辟支佛 是皆有盡相

菩薩則無盡

從凡夫來所有尸羅雖久受果報終歸於盡  
諸阿羅漢辟支佛所有尸羅皆亦有盡菩薩  
尸羅無我無我所離一切所得滅諸戲論是  
故無盡如無盡意菩薩尸羅品中說諸凡夫

仁四

十二

尸羅隨生處盡故尸羅則盡外道五通退轉  
時盡故尸羅則盡人以十善業道盡故尸羅  
則盡欲界諸天福德盡故尸羅則盡色界諸  
天四禪四無量盡故尸羅則盡無色界諸天  
隨定生處盡故尸羅則盡諸學無學人入涅

槃盡故尸羅則盡諸辟支佛無大悲故尸羅  
則盡大德舍利弗但諸菩薩尸羅無有盡何  
以故從菩薩尸羅出諸尸羅差別因無盡故  
果亦無盡菩薩尸羅無盡故如來尸羅亦無  
盡是故諸大人尸羅名為無盡問曰汝解麤  
尸羅時說六十五種尸羅聲聞中有八種尸  
羅四種從身生四種從口生如是事者何得  
不相違答曰不相違也何以故  
雖非尸羅體 益故名爲分 八種身口業  
即是尸羅體

雖六十五種分非尸羅體而利益身口八種  
 麤尸羅故名尸羅分凡能有所利益皆名為  
 分如象馬扇蓋名為王分是故禪定智慧等  
 雖非尸羅體以利益尸羅故亦名尸羅分  
 解頭陀品第三十三之一

七四

十三

菩薩如是行尸羅法

見十利應著 二六種衣法 又以見十利  
 盡形應乞食  
 比丘欲具足行持戒品應著二六種衣以見  
 十利故何等十一以慚愧故二障寒熱蚊蚩

毒蟲故三以表示沙門儀法故四一切天人  
 見法衣恭敬尊貴如塔寺故五以厭離心著  
 染衣非為貪好故六以隨順寂滅非為熾然  
 煩惱故七著法衣有惡易見故八著法衣更  
 不須餘物莊嚴故九著法衣隨順修八聖道  
 故十我當精進行道不以染汙心於須臾間  
 著壞色衣以見是十利故應著二種衣一者  
 居士衣二者糞掃衣六種者一劫具二芻摩  
 三憍奢耶四毳衣五赤麻衣六白麻衣見有  
 十利盡形乞食者一所用活命自屬不屬他

二衆生施我食者令住三寶然後當食三若有施我食者當生悲心我當勤行精進令善住布施作已乃食四隨順佛教行故五易滿易養六行破憍慢法七無見頂善根八見我乞食餘有修善法者亦當勸我九不與男女大小有諸因緣事十次第乞食故於衆生中生平等心即種助一切種智  
佛雖聽請食 欲以自利已 亦利他人故 則不受請食  
自利者能具諸波羅蜜利他者教化衆生令

住三寶行者如自利利他  
見有十利故 常不捨空閑 問疾及聽法  
教化乃至寺

受阿練若處比丘雖增長種種功德略說見  
十利故盡形不應捨何等爲十一自在來去  
二無我無我所<sup>十四</sup>三隨意所住無有障礙四心  
轉樂習阿練若住處五住處少欲少事六不  
惜身命爲具足功德故七遠離衆鬧語故八  
雖行功德不求恩報九隨順禪定易得一心  
十於空處住易生無障礙想問訊病等來至

寺者

若有因緣事 來在塔寺住 於一切事中  
不捨空閑想

比丘雖受盡形阿練若法有因緣事至則入  
塔寺佛法有通有塞非如外道阿練若名常

樂空閑靜處於一切法不捨空想以一切法  
體究竟皆空故問曰有何因緣故來至塔寺  
答曰一供給病人二為病者求醫藥具三為  
病者求看病人四為病者說法五為餘比丘  
說法六聽法教化七為供養恭敬大德者八

為供給聖眾九為讀誦深經十教他令誦讀  
深經有如是等諸因來至塔寺

精進行諸覺 隨阿練若法 比丘已住於

阿練若處者 常應精勤生 種種諸善法

大膽心無我 滅除諸怖畏

阿練若精進者若比丘斷貪十四不惜身命利養

故晝夜常勤精進如救頭然及身依隨阿練

若覺者所謂出覺不瞋覺不惱覺等諸善覺

復次念佛是正遍知者眾生中尊佛法是善

說弟子眾隨順正行復次隨順空隨順無相

隨順無願諸覺名隨阿練若覺復次隨順四  
勝處隨順六波羅蜜諸覺是名隨順阿練若  
覺復次如佛爲郁伽長者說在家出家菩薩  
行若出家菩薩受阿練若法應如是思惟我  
何故住阿練若處我非但住阿練若處故名  
爲沙門而阿練若處多有衆生多惡不善不  
護諸根不精進不修習善法者如麀鹿猿猴  
衆鳥惡賊旃陀羅等不名爲比丘我今爲何  
事故住阿練若處應成辦其事長者何等爲  
事一謂念不散亂二得諸陀羅尼三行慈心

四行悲心五自在住五神通六具足六波羅  
蜜七不捨一切智心八修習方便智九攝取  
衆生十成就衆生十一不捨四攝法十二常  
念六思念十三爲多聞故不捨精進十四正  
觀擇諸法十五應正解脫十六知得果十七  
住於正位十八守護佛法十九信業果報故  
名正見二十離一切憶想分別思惟故名正  
思惟二十一隨衆生所信樂爲說法故名爲  
正語二十二滅諸業故起業名爲正業二十  
三破煩惱氣故名爲正命二十四得無上道

故名正精進二十五觀不虛妄法故名正念  
二十六得一切智慧故名正定二十七於空  
不怖二十八於無相不畏二十九於無願不  
沒三十故以智受身三十一依義不依語三  
十二依智不依識三十三依了義經不依不  
了義經三十四依法不依人長者如是等名  
為出家菩薩比丘利益事應生隨順阿練若  
法者所謂四禪四無量心天耳天眼他心智  
宿命智神通等滅諸怖畏者是人以三因緣  
能滅怖畏一見無我我所法相故能除怖畏

二以方便力故三以心膽力故能除怖畏見  
無我我所者如初地中所說除五種怖畏方  
便力者此論中念正思惟業果報故名方便  
力應作是念諸大國王在深宮殿象馬車步  
四兵防衛業因緣盡亦受種種諸衰惱事又  
業因緣守護者雖行險道中入大海水在大  
戰陣亦安隱無患我先世業因緣若在聚落  
若在阿練若處業因緣必受其報如是思惟  
已除滅怖畏復作是念若我為守護身故入  
城邑聚落捨阿練若處者無有能勝善身業

善口業善意業守護者如佛告波斯匿王若  
人行身善業行口善業行意善業是名為人  
善自守護是人若言我善自守護者是為實  
說大王是人雖無四兵衛護亦可名為善好  
守護何以故如是守護名內守護非外守護

仁四

十七

是故我以身業善行口業善行意業善行故  
名為善自守護復作是念是諸鳥獸腹行蟲  
等在阿練若處身不行善口不行善意不行  
善以遠聚落住故而無所畏我之心智豈不  
如此鳥獸等耶如是思惟除諸怖畏又以念

佛故在阿練若處能破一切諸怖畏事如經  
說汝諸比丘阿練若處若在樹下若在空中  
或生怖畏心沒毛豎者汝當念我是如來應  
正遍知明行足善逝世間解無上士調御丈  
夫天人師佛世尊如是念時怖畏即滅大膽  
名心不怯弱決定求道如說  
比丘住空閑 嘗以心膽力 除滅諸怖畏  
念佛無畏者 若人自起業 怖畏不得脫  
不怖亦不脫 怖則失正利 如是知不免  
而破餘利者 則行小事 比丘所不應

若有怖畏者 應畏於生死 一切諸怖畏  
 生死皆為因 是故行道者 欲脫於生死  
 亦救於他人 不應生怖畏  
 如佛離怖畏經中說怖畏法有沙門婆羅門  
 住阿練若處應如是念以不淨身業故不淨  
 口業故不淨意業故念不清淨故自高卑人  
 故懈怠心故妄憶念故心不定故愚癡故怖  
 畏與此相違身業清淨等則無怖畏又佛為  
 郁伽長者說出家菩薩在阿練若處應作是  
 念我何故在此即時自知欲離怖畏故來至

於此怖畏於誰畏眾憤鬧畏眾語言畏貪欲  
 瞋恚愚癡畏憍慢恚恨嫉他利養畏色聲香  
 味觸畏五陰魔畏諸愚癡障礙處畏非時語  
 畏不見言見畏不聞言聞畏不覺而覺畏不  
 知而知畏諸沙門垢畏共相憎惡畏欲界色  
 界無色界一切生處畏墮地獄畜生餓鬼及  
 諸難處略說畏一切惡不善法故來在此住  
 若人在家樂在眾鬧不修習道住在邪念不  
 能得離如是怖畏所有過去諸菩薩皆在阿  
 練若處離諸怖畏得無畏處得一切智慧所

仁四

十八

有當來諸菩薩亦在阿練若處離諸怖畏得一切智慧今現在諸菩薩住阿練若處離諸怖畏得無畏處成一切智慧以是故我怖畏一切諸惡度諸怖畏故應住阿練若處復次一切怖畏皆從著我生貪著我故愛受我故生我想故見我故貴我故分別我故守護我故若我住阿練若處不捨貪著我者則爲空在阿練若處復次長者見有所得者則不住阿練若處住我所心者則不住阿練若處住顛倒者則不住阿練若處長者乃至生涅

槃想者尚不住阿練若處何況起煩惱想者長者譬如草木在阿練若處無有驚畏菩薩如是在阿練若處應生草木想瓦石想水中影想鏡中像想於語言生響想於心生幻想此中誰驚誰畏菩薩爾時則正觀身無我無我所無衆生無壽者命者無養育者無男無女無知者見者怖畏名爲虛妄分別我則不應隨虛妄分別菩薩如是應如草木住阿練若處又知一切法皆亦如是斷鬪諍名阿練若處無我無我所無所屬名阿練若處不應

仁四

十九

樂在家出家衆鬧處住諸佛不聽阿練若處比丘與在家出家者和合問曰佛不聽與一切衆人和合耶答曰不然佛聽四和合餘者則不聽是故應親近餘者則遠離

菩薩在阿練若處聽與四衆和合所謂入聽法衆教化衆生供養於佛不離一切智心和合是故唯聽此四事和合餘者不應親近復次菩薩應作是念云何諸佛所聽阿練若住處我當親近我或非阿練若住處謂是住阿

練若處或有錯謬問曰何等是阿練若住處菩薩應當知答曰佛自經中說阿練若住處名不住一切法不緣諸塵不取一切法相不貪色聲香味觸一切法平等故無所依止住名阿練若處住息心善故不相違住處名阿練若住捨一切擔倚樂住故名阿練若住脫一切煩惱無怖畏住故名阿練若住度諸流住故名阿練若住聖種故名阿練若住知足趣得故名阿練若住易滿易養少欲住故名阿練若住智慧足住故名阿練若住正行

多聞住故名阿練若住空無相無願解脫門  
現前故名阿練若住斷諸縛得解脫住故名  
阿練若住順十二因緣隨順住故名阿練若  
住畢竟寂滅所作已作住故名阿練若住阿  
練若住處者隨順戒品住助定品利益慧品  
易得解脫品仁四易得解脫知見品二十易行諸助菩  
提法能攝諸頭陀功德阿練若住處通達諸  
諦阿練若處見知諸陰阿練若處諸性同爲  
法性阿練若處出離十二入阿練若處不忘  
失菩提心阿練若處觀空不畏阿練若處能

護佛法阿練若處求解脫者不失功德阿練  
若處能得一切智者則能增益阿練若處  
菩薩如是行 疾得具六度  
何以故若菩薩在阿練若處住不貪惜身命  
是名檀波羅蜜行三種善業清淨入細頭陀  
行法是名尸波羅蜜不瞋恨心於諸衆生慈  
心普遍但忍樂薩婆若乘不在餘乘是名羸  
提波羅蜜自立誓願於阿練若處不得正法  
忍終不捨此處是名毗梨耶波羅蜜得禪定  
故不觀生處修習善根是名禪波羅蜜如身

阿練若亦如是如身菩提亦如是如實中無差別是名般若波羅蜜

佛聽有四法 住阿練若處

何等四如佛告長者一者多聞二善知決定

義三樂修正憶念四隨順如所說行如是人

應住阿練若處七復有菩薩煩惱深厚是人若

在眾開則發煩惱應在阿練若處住降伏煩

惱復次菩薩得五神通是人欲教化成就天

龍夜叉乾闥婆故應住阿練若處復有菩薩

作是念諸佛所讚聽處是阿練若處復次住

阿練若處助滿一切善法增長善根然後入聚落為眾生說法成就如是功德乃可住阿練若處復次

決定王經中 佛為阿難說 阿練若比丘

應住四法

菩薩住阿練若處者一遠離在家出家二欲讀誦深經三引導眾生使得阿練若處功德四晝夜不離念佛復有四法一乃至彈指頃於眾中不生瞋恨心二不應一時頃使眠睡覆心三於一念頃不應生眾思想四於一

念頃不應忘捨菩提心復有四法一常應開  
 坐不應聚眾二常樂經行三常觀諸法無新  
 故想四不應離深空無相無願法復有四法  
 一行四禪不行世間禪行四無量緣眾生  
 悲心而不取眾生相二雖行慈心而不緣眾  
 生雖行喜心而不貪樂雖行捨心而不捨眾  
 生三自見身有四聖種行而不自高卑下他  
 人四自行多聞如所聞行是為四復次  
 無智無精進 而住空閑處 即得於四法  
 復得餘四法 又復得三事 如是佛所說

阿練若比丘於諸功德中應勤修習何以故  
 阿練若功德中此二事能生諸功德故若比  
 丘愚癡懈怠在阿練若處住者則得四非法  
 一多眠睡二多貪利養三以此因緣現矯異  
 相四現不樂阿練若處復有四法一增上慢  
 未得謂得二於深經七四心懷憎惡三壞空無相三三  
 無願法四於持深經者心生瞋恨復有三事  
 一若在阿練若處不精進無智慧或值女人  
 墮在非法若得僧殘若得重罪若反戒還俗  
 是為三

十住毗婆沙論卷第十四

音釋

翳

一計切障也

闇

烏紺切與暗同

洄復

洄音回復音流也

羸

倫為切瘦也

毳

充芮切細毛也

十住毗婆沙論卷第十五

龍樹菩薩造

姚秦三藏法師鳩摩羅什譯

解頭陀品第三十三之二

復次

廣說空閑法一十五 及與乞食法 餘十頭陀德

皆亦應廣說

十二頭陀法上來已廣解二事餘十頭陀功德亦應如是知何以故是二則為開十頭陀門餘則易解十頭陀者一著糞掃衣二一坐

三常坐四食後不受非時飲食五但有三衣六毳衣七隨敷坐八樹下住九空地住十死人間住糞掃衣者人所棄捨受而後著受者若心生若口言一坐者先受食處更不復食常坐者夜常不卧食後不飲漿者食後不受非時飲石蜜等可食之物但有三衣者唯受三衣更不畜餘衣毳衣者從毳所成麤毛毳衣毼旃欽婆羅等隨敷坐者隨所得坐處不令他起樹下住者樂住樹下不入覆處空地坐者露地止住住死人間者隨順厭離心故

常止宿死人間法是名十二頭陀令戒清淨  
 糞掃衣有十利一不以衣故與在家者和合  
 二不以衣故現乞衣相三亦不方便說得衣  
 相四不以衣故四方求索五若不得衣亦不  
 憂六得亦不喜七賤物易得無有過患八不  
 違順行初受四依法九入在麤衣數中十不  
 為人所貪著一坐食亦有十利一無有求第  
 二食疲苦二於所受輕少三無有所用疲苦  
 四食前無疲苦五入在細行食法六食消後  
 食七少妨患八少疾病九身體輕便十身快

樂常坐亦有十利一不貪身樂二不貪眠睡  
 樂三不貪卧具樂四無卧時脇著席苦五不  
 隨身欲六易得坐禪七易讀誦經八少睡眠  
 九身輕易起十求坐卧具衣服心薄食後不  
 受非時飲食亦有十利一不多食二不滿食  
 三不貪美味仁五四少所求欲五少妨患二六少疾  
 病七易滿八易養九知足十坐禪讀經身不  
 疲極但三衣亦有十利一於三衣外無求受  
 疲苦二無有守護疲苦三所畜物少四唯身  
 所著為足五細戒行六行來無累七身體輕

便八隨順阿練若處住九處處所住無所顧  
惜十隨順道行受毳衣亦有十利一在麤衣  
數二少所求索三隨意可坐四隨意可卧五  
浣濯則易六染時亦易七少有蟲壞八難壞  
九更不受餘衣十不失求道隨敷坐亦有十  
利一無求好精舍住疲苦二無求好坐卧具  
疲苦三不惱上座四不令下座愁惱五少欲  
六少事七趣得而用八少用則少務九不起  
諍訟因緣十不奪他所樹下坐亦有十利  
一無有求房舍疲苦二無有求坐卧具疲苦

三無有所受疲苦四無有受用疲苦五無處  
名字六無鬪諍事七隨順四依法八少而易  
得無過九隨順修道十無衆鬧行死人間住  
亦有十利一常得無常想二常得死想三常  
得不淨想四常得一切世間不可樂想五常  
得遠離一切所愛人六常得悲心七遠離戲  
調八心常厭離九勤行精進十能除怖畏空  
地坐者亦有十利一不求樹下二遠離我所  
有三無有諍訟四若餘去無所顧惜五少戲  
調六能忍風雨寒熱蚊蚋毒蟲等七不為音

聲刺棘所刺八不令衆生瞋恨九自亦無有  
愁恨十無衆鬧行處

如五空閑說 餘功德亦爾 自讀誦教他  
得捨空閑處

阿練若比丘有五種分別一以惡意欲求利  
養二愚癡鈍根故行阿練若三狂癡失意作  
阿練若四爲行頭陀行故作阿練若五以諸  
佛菩薩賢聖所稱讚故作阿練若於此五阿  
練若中爲行頭陀行故作阿練若以諸佛菩  
薩賢聖所稱讚故作阿練若是二爲善餘三

可訶如五種分別阿練若法餘十一頭陀行  
亦應如是分別知見問曰佛說已受阿練若  
法終不應捨若有因緣得捨去不答曰

讀誦經因緣 可捨阿練若

若比丘欲從他受誦經法若欲教他讀誦應  
從阿練若處來入塔寺以是因緣可得捨離  
教他讀誦時 不應望供給 即時應念佛  
佛尚有所作

阿練若從空閑處來教他讀誦不應求敬心  
供給應當念佛佛尚自有所作何況於我念

佛者佛是多陀阿伽度三藐三佛陀諸天龍  
神乾闥婆阿脩羅迦樓羅緊那羅摩睺羅伽  
釋提桓因四天人非人所供養一切衆生  
無上福田尚不求他供給身自執事我今未  
有所知始欲求學云何受他供給復應作是

仁五

四

念

我應善供給 一切諸衆生 不望彼供給  
自利利他故

云何爲自利若貴供給則失法施功德若不  
貴供給者則得法施功德云何爲利他若貴

彼供給而教令讀誦者彼則生念師直以世  
利故而教誨我不以法故是人若以是心供  
給師者則不得大利若但恭敬法故尊重師  
者則得大利是名利他  
從他求智慧 應不惜身命

若行者欲從他伏智慧應捨身命捨者爲智  
慧故勤心精進恭敬於師不惜身命問曰何  
以故爲智慧恭敬師而不惜身命答曰  
若一字一心 以此爲劫數 恭敬於師所  
能說是論者 離諸諂曲心 深愛而供給

晝夜不休息 盡於爾所劫

隨師所教論議字數及爾所心念若受法者  
心無諂曲不惜身命晝夜恭敬始終無異雖  
能如是猶不報師所益論議智慧之恩是故  
弟子應離諂曲心捨貪惜身命破於憍慢若  
師輕憍及以敬愛心無有異當生深愛心第  
一恭敬心應生父母心應生大師心應生善  
知識想應生能為難事想應生難報心若師  
聽則受常所行事不須師勅餘事則相望師  
意隨事而行師所愛重隨而愛重不應因師

求於世利莫求師讚歎莫求名聞但求智慧  
法寶師有謬失常應隱藏若師過豐若彰露  
者當方便覆之師有功德稱揚流布深心愛  
樂聽受持解思惟義趣如所說行求自利利  
他者莫為咎弟子莫為殃弟子莫為垢弟子  
莫為衰弟子莫為無益弟子無如是等過但  
住善弟子法中供給於師如般舟經說佛告  
跋陀婆羅若菩薩欲得是三昧者應勤精進  
於諸師所生尊重心難遭心若從口聞若得  
經卷處於是師所應深心恭敬生父母心善

知識心大師心以能說如是法助菩提故跋陀婆羅若求菩薩道者若求聲聞者所從師讀誦是法處不生深恭敬心父母心善知識心大師心能得通利是法令不忘失久住不滅者無有是處何以故跋陀婆羅以不恭敬因緣故佛法則滅跋陀婆羅若求菩薩道者若求聲聞者於所從聞讀誦書寫是法處生恭敬心父母心善知識心大師心者於所讀誦書寫未得者令得已得久住則有是處何以故以恭敬心故佛法不滅是故跋陀婆羅

我今告汝於是師所應生深恭敬心父母心善知識心大師心是則隨我所教

助尸羅果品第三十四

如是菩薩為求多聞知多聞義已隨說行故能令尸羅清淨清淨尸羅法應當修行問曰

何等法能令尸羅清淨答曰

七五

六

護身口意業 亦不得護法 終不令我見及以餘見雜 迴向薩婆若 此四淨尸羅行者修此四法尸羅自然清淨護身口意業者常應正念身口意業乃至小罪不令錯謬

譬如龜鼈常護頭足此人深樂空故於第一  
 義中而亦不得護三業法有人雖見法空謂  
 知空者在是故說不離我見衆生見人見壽  
 者見命見知者見迴向薩婆若者持戒果報  
 不求餘福但為度一切衆生以求佛道是為  
 四復有四法能令尸羅清淨所謂  
 無我所心 亦無斷常見 入於衆緣法  
 則能淨尸羅  
 無我所心者不貪著我所心但知此心  
 虛妄顛倒而無我法無斷常見者以斷常見

多過故入衆緣法者知諸法從衆緣生無有  
 定性行於中道如是四法能淨尸羅復有四  
 法能淨尸羅所謂  
 行四聖種法 及十二頭陀 亦不樂衆鬧  
 念何故出家  
 四聖種者所謂趣得衣服而足趣得飲食而  
 足趣得坐卧具而足樂斷樂修行十二頭陀  
 者所謂受阿練若法受乞食法糞掃衣一坐  
 常坐食後不受非時飲食但有三衣毛毳衣  
 隨敷坐樹下住空地住死人間住亦不樂衆

開者不與在家出家者和合有人雖行阿練  
若法多知多識故多人往來是故說不樂衆  
關若至餘處若心不與和合何故出家者行  
尸羅者作是念我何故而出家念已隨出家  
事欲成就故如所說行是爲四復有四法能

淨尸羅所謂

五陰無生滅 六性如法性 見六情亦空  
不著世俗語 如是之四法 亦能淨尸羅  
五陰無生滅者思惟五陰本末故見五陰無  
生滅見地等六性如法性如法性不可得六

性亦不可得知六情雖是苦樂等心心數法  
因緣以正智推求亦知是空了達三種皆知  
是空有行者貪著於空則還妨道是故說莫  
貪著空隨於世俗說空名字如是法者能淨  
尸羅問曰若爾者云何言五陰諸法答曰以  
空故五陰諸法空最後言莫著於空者空亦  
應捨如是無有邪疑法妨礙尸羅問曰五陰  
諸法以有相可相故決定有如說色是苦惱  
相覺苦樂是受相現有如是等諸相云何言  
非空非不空答曰

惱壞是色相	何等為是色
離相無可相	此相在何處
世界終無有	無相有可相
非合非不合	其來無所從
若有合非合	成於相可相
相及可相相	以相成可相
相自不能成	云何成可相
分別相可相	迷惑諸所經
相可相則是	無相無可相
如何不能知	隨計相可相

若惱是色相	無相無可相
相與及可相	去亦無所至
如是則為失	相亦不自成
世界甚可慙	邪師所欺誑
如是眼見事	有如是戲論

隨起戲論時	則墮煩惱處
復次行者以不來不去門觀諸陰性入空如	說
生老病死法	生時無從來
滅時無所去	諸陰界入性
滅時無所去	佛法義如是
亦不在鑽木	和合中亦無
薪盡則火滅	滅已無所去
緣散則皆無	眼識亦如是
不在於色中	亦不在中間
	不在和合中
	生老病死法
	生時無從來
	如火非人功
	而因和合有
	諸緣合故有
	不在於眼中

亦不離和合 亦不從餘來  
和合散則無 諸法亦如是  
滅時無所至 如彼龍心力  
不從龍身出 亦不餘處來  
雨流滿世界 然後乃消滅  
如雲無來去 仁五 諸法亦如是  
滅時無所去 如壁上畫人  
亦不在和合 壁中亦復無  
畫筆中亦無 不從餘處來  
和合散則無 諸法亦如是

而因和合有 生時無從來  
而有陰雲現 而此大陰雲  
亦無有去處 九 生時無從來  
不在一一綵 畫師所亦無  
而因和合有 有時無從來

無時無所去 燈焰不在油 亦不從炷出  
亦不餘處來 而因油炷有 因緣盡則滅  
滅時無去處 諸法來去相 皆亦復如是  
復有四法能淨尸羅所謂  
能自思量身 不自高下他 此二無所得  
心倚無有慢 觀諸法平等 是四淨尸羅  
能自思量者行者作是念我身不淨無常死  
相為何所直如是念已即不自高下於他人  
信解身及他無我我所故無所得倚者得如  
是法故心輕柔輒堪任受法以此倚樂心不

自高觀諸法平等者以空觀有為無為法一

切悉等無上中下差別如說

若當因於下 而有中上者 下不作中上

云何因下有 下自作下者 中上先定有

若當因於中 而有下上者 中不作下上

云何因中有 中自作中者 下上先定有

若當因於上 而有中下者 上不作中下

云何因上有 上自作上者 中下先定有

因下不得作 不因亦不得 若先定有者

不應因於下 若先定無者 云何成中上

因中不得作 不因亦不得 若先定有者

不應因於中 若先定無者 云何成下上

因上不得作 不因亦不得 若先定有者

不應因於上 若先定無者 云何成中下

復次以空一相故觀諸法皆平等衆生亦如

是如說

十五

十

智者於空中 不說分別相 空一而無異

能如是見空 是則為見佛 佛不異空故

說言諸佛一 一切衆生一 一切法一法

無上中下別 一切佛世尊 離自性他性

一切諸衆生	亦離自他性	一切法亦爾
離自性他性	以是因緣故	是故名一相
有諸佛則非	無諸佛亦非	有諸衆生非
無諸衆生非	有諸法則非	無諸法亦非
離於有無故	名之爲平等	一切佛世尊
衆生及諸法	一切不可取	名諸法平等
一切佛衆生	及法無差別	不可分別故
名之爲平等	諸佛與衆生	并及一切法
入生住滅中	寂滅無所有	亦無所從來
亦復無所去	以無來去故	名之爲平等

諸佛與衆生 并及一切法 悉皆無所有  
 過一切有道 此三非是等 亦復非非等  
 非等非非等 非非等不等 如是說諸法  
 皆等無差別  
 復有四法能淨尸羅如說  
 善能信解空 仁五 不驚無相法 十一 衆生中大悲  
 能忍於無我  
 如是之四法亦能淨尸羅  
 行者了達諸法無自性無他性故名爲信解  
 空如說

一切所有法	終不自性生	若從眾緣生
則應從他有	不從自性生	云何從他生
自性已不成	他性亦復無	若離自性相
則無有自性	若離於自性	則無有自相
自性自性相	不以合故有	不以散故有
二定有則無	他不能生法	自亦不能生
自他亦不能	離二亦不生	若無有自者
云何從他生	離於世俗法	則無有自他
若他從他生	他即無生體	無體則非有
以何物生他	以無自體故	他生亦復無

四種皆空故	無法定生滅
不驚無相者信樂遠離諸相故不驚如是說	
一切若無相	一切即有相
即為是有法	若觀無相法
若言修無相	即非修無相
名之為無相	取是捨著相
凡以有取故	因取而有捨
名之以為捨	取者所用取
共離俱無有	是皆名寂滅
此即為無性	若無有性者
	寂滅是無相
	無相即為相
	若捨諸計著
	則為無解脫
	離取取何事
	及以可取法
	若法相因成
	此即無有相

若法無有性 此即無相者 云何言無性  
 即名為無相 若用有與無 亦遮亦應聽  
 雖言心不著 是則無有過 何處先有法  
 而後不滅者 何處先有然 而後有滅者  
 此有相寂滅 同無相寂滅 是故寂滅語  
 及寂滅語者 仁五 先來非寂滅 亦非不寂滅 十二  
 亦非寂不寂 非非寂不寂  
 衆生中大悲者衆生無量無邊故悲心亦廣  
 大復次諸佛法無量無邊無盡如虛空悲心  
 是諸佛法根本能得大法故名為大悲一切

衆生中最大者名為佛佛所行故名為大悲  
 忍無我法者信樂實法故諸佛皆一涅槃道  
 故名為無我法若入此法中心則不忍如小  
 草入火則燒盡若真金入火能堪忍無失如  
 是若凡夫人不修習善根入無我中不能堪  
 忍即生邪疑是菩薩無量世來修習善根智  
 慧猛利諸佛護念雖未斷結使入無我法中  
 心能忍受無我法者陰界入十二因緣等諸  
 法是破我因緣如先說是故欲淨尸羅當行  
 此四法復次

有四破尸羅 而似持尸羅 行是當精進  
自制慎莫為

寶頂經迦葉品中佛告迦葉四種破戒比丘  
似如持戒比丘何等四迦葉有比丘於經戒  
中盡能具行而說有我迦葉是名破戒似如  
持戒復次迦葉有比丘誦持律經守護戒行  
於身見中不動不離是名破戒似如持戒復  
次迦葉有比丘具行十二頭陀而見諸法定  
有是名破戒似如持戒復次迦葉有比丘緣  
衆生行慈心聞諸行無生相心則驚畏是名

破戒似如持戒迦葉此四破戒人似如持戒

復次

世尊之所說 沙門有四品 應為第四者  
遠離前三種

迦葉品中說四種比丘行者應學第四沙門  
不應為三何等為四佛告迦葉有四種沙門  
一者形色相沙門二者威儀矯異沙門三者  
貪求名利沙門四者真實行沙門云何名為  
形色相沙門有沙門形色相所謂著僧  
伽梨剃除鬚髮執持黑鉢而行不淨身業不

淨口業不淨意業不淨寂滅不善慳貪懈怠  
行惡法破戒不樂修道是名形色相沙門云  
何威儀矯異沙門有沙門具四種威儀審諦  
安詳趣得衣食行聖種行不與在家出家和  
合少於語言以是所行欲取人意心不清淨  
如此威儀不為善不為寂滅而見諸法定有  
於空無所有法畏如墮坑見說空者生怨家  
想是名威儀矯異沙門云何為貪求名利沙  
門有沙門雖強能持戒作是念云何令人知  
我持戒強求多聞云何令人知我多聞強作

阿練若法云何令人知我是阿練若強行少  
欲知足遠離云何令人知我少欲知足行遠  
離法非為厭離心故非為滅煩惱故非以求  
八直聖道故非為涅槃故非度一切眾生故  
是名求名利沙門云何真實行沙門有沙門  
尚不貪惜身何況惜名利聞諸法空無所有  
心大歡喜隨說而行尚不貪惜涅槃而行梵  
行何況貪惜三界尚不著空見何況著我人  
眾生壽者命者知者見者見但於諸煩惱中  
而求解脫不於外求觀一切法本來清淨無

垢此人但依於身不依於餘以諸法實相尚  
 不貪法身何況色身見法離相不以言說尚  
 不分別無為聖眾何況眾會不為斷不為修  
 習故不惡生死不樂涅槃無縛無解知諸佛  
 法無有定相知已不往來生死亦復不滅迦  
 葉是隨真實行沙門迦葉汝等應勤行真實  
 行沙門莫為名字所害復次  
 不為王等法 而持於尸羅 亦不依生等  
 而持於尸羅  
 行者欲淨尸羅不應為王等法王等法者佛

為淨德力士說善男子菩薩尸羅者乃至失  
 命園緣猶不破戒不期為國王故持戒不期  
 生天故持戒不期為釋提桓因不為梵天王  
 不為富樂自在力故持戒不為名聞稱讚故  
 不為利養故持戒不為壽命故不為飲食衣  
 服卧具醫藥資生物故持戒不依生等法者  
 不為生天人持戒不自依持戒不依他持戒  
 不依今世持戒不依後世持戒不依色不依  
 受想行識不依眼不依入不依耳鼻舌身意  
 故持戒不依欲界色界無色界故持戒不為

得脫地獄畜生餓鬼阿脩羅惡道故持戒不為畏天中貧故持戒不為畏人中貧故持戒不為畏夜又貧故持戒問曰若不為如此等法者為何法故持戒答曰

為欲令三寶 久住故持戒 為欲得種種利益故持戒

三寶久住者為不斷佛種故持戒為轉法輪故持戒為攝聖眾故持戒為脫生老病死憂悲苦惱故持戒為度一切眾生故持戒為令一切眾生得安樂故持戒為令眾生到安隱

處故持戒為修禪定故持戒為智慧解脫解脫知見故持戒是事如淨德經中廣說

菩薩能如是 成就於尸羅 不失於十利

及餘種種利 亦復不墮於 四難處邪道

不得四失法 不值四壞法 又得不欺誑

諸佛等四法 能過墮地獄 十事諸怖畏

不失於十利者不失常為轉輪聖王常於彼

中不失不放逸心不失常作釋提桓因常於

彼中不失不放逸心常不失求諸佛道常不

失諸菩薩所教化事常不失樂說辯才常不

失種諸善根福德滿足所願常不失為諸佛  
菩薩賢聖所讚常不失疾能具足一切智慧  
是為十種種利者於種種功德不退失如經  
中說菩薩善守持戒常為諸天所讚諸龍王  
善護諸人供養常為諸佛所念常為世人大  
師愍念眾生不墮四難處等邪道者菩薩能  
如是成就尸羅者不墮四難處一不生無佛  
處二不生邪見家三不生長壽夭四不墮一  
切惡道得四不失法者一不失菩提心二不  
失念佛三不失常求多聞四不失念無量世

事不值四壞法者一不值法壞二不值刀兵  
三不值惡毒四不值飢餓得四不誑法者一  
不欺誑十方諸佛二不欺誑諸天神等三不  
欺誑眾生四不自欺誑身又過十怖畏者菩  
薩如是清淨持戒能過墮地獄等十怖畏何  
等十一能過地獄怖畏二能過畜生怖畏三  
能過餓鬼怖畏四能過貧窮怖畏五能過誹  
謗訶罵惡名怖畏六能過諸煩惱所覆怖畏  
七能過聲聞辟支佛正位怖畏八能過天人  
龍神夜叉乾闥婆阿脩羅迦樓羅緊那羅摩

睽羅伽等怖畏九能過刀兵惡毒水火師子  
虎狼他人所害怖畏十能過邪見怖畏菩薩  
如是淨持於戒則能住諸佛法所謂四十不  
共法堪任為法器

讚戒品第三十五

仁五

十七

菩薩如是淨持尸羅能攝種種功德諸利如  
無盡意菩薩說復次略讚尸羅少分尸羅者  
是出家人第一所喜樂處如年少富貴最可  
喜樂能增長善法如慈母養子能防護衰患  
如父護子尸羅能成就諸出家者一切大利

如白衣多財尸羅能救一切苦惱如正行順  
理尸羅善人所敬如報恩法尸羅人所愛重  
猶如壽命尸羅智者所貴如智慧求解脫者  
善護尸羅如王密事大臣守護樂道利者愛  
重尸羅如樂涅槃愛重佛法智慧之人善守  
尸羅如惜壽者護安身法救死時急尸羅為  
最如遇急難得善知識尸羅清淨莊嚴賢人  
如貴家女慚愧無穢尸羅即是功德門如不  
諂曲開諸善利尸羅最是梵行之本如直心  
則是正見之本諸大人法以尸羅為本如求

重位以直心爲本尸羅即是功德寶積如不放逸亦如正念能生諸利亦如賢友初中後善學正法者不得過越如海常限尸羅即是功德住處亦如大地萬物依止尸羅潤益諸善功德亦如天雨潤益種子能成五根如火熱物能生諸利如風成身尸羅能受一切道果亦如虛空含受萬物亦如吉瓶隨願皆得亦如美膳利益諸根尸羅善能通利諸道能令諸根清淨無礙智慧壽命以尸羅爲本猶如身命以氣息爲本尸羅即是最上依處如

民依王尸羅即是諸功德主如軍大將尸羅得衆快樂如隨意婦能稱夫心若求涅槃及生天上尸羅即是學道資用如彼遠行必持衣糧尸羅將人令至善處如經險路得善導師尸羅度人從生死過猶如牢船能渡大海尸羅能滅諸煩惱患十五猶如良藥能消衆病尸羅器仗能禦魔賊如善兵器能對敵陣如所愛親經難不捨尸羅將人諸衰惱中隨護不捨尸羅能照後世癡冥如大燈明能除黑暗尸羅度人出諸惡道如渡深水得好橋梁尸

羅能除煩惱熱急如清涼室能除毒熱欲墮  
惡趣尸羅能救如勇士持刀救人怖畏諸凡  
夫人應深愛尸羅如諸菩薩學諦勝處行者  
善行尸羅如諸菩薩行捨勝處得果之人善  
修尸羅亦如菩薩修滅勝處護持尸羅令人  
得果亦如菩薩修慧勝處不壞法者能淨尸  
羅如諸菩薩清淨無垢諸惡人等捨離尸羅  
如彼諂曲捨離直心放逸之人不行尸羅如  
慳貪者不行慧施放逸之人捨離尸羅如戲  
論者離寂滅法愚癡之人無有尸羅猶如盲

者不見五色無思惟者去尸羅遠如離八道  
去涅槃遠善愛身者深樂尸羅如阿羅漢深  
愛樂法尸羅能使無悔善法相續不斷如佛  
出世善事不絕尸羅能令諸道果住如佛神  
力令法久住尸羅如佛自利利人尸羅善護  
諸善功德如王知時能護國界尸羅安行者<sup>十七</sup>  
心如須陀洹果如時發事後則無悔尸羅究  
竟必得涅槃如菩薩願究竟得佛尸羅亦如  
良田好澤投之以種疾得增長尸羅是正行  
之因如知時方等是成諸事因如人端嚴福

德智慧人所尊貴尸羅如是自他所敬如福德熟時心則安隱尸羅能使心得安隱受諸利報尸羅能令行者歡喜猶如好兒令父心悅尸羅則是無有過失無畏之法如人無過心則無畏尸羅令人今世後世無有怖畏無諸罪惡供養稱讚持尸羅者餘者亦喜自知有分尸羅親愛衆生如修慈定尸羅滅苦如修悲定尸羅與喜如修喜定尸羅無憎無愛如修捨定尸羅爲人所信如四種善語能令人信尸羅樂行如世法中常歡喜心如多聞

是樂說因尸羅則是言行相應因尸羅是無畏因如辯才無畏尸羅是名聞因如通諸經有好名稱尸羅是能救法如易與語者爲人所救尸羅能成明解脫法如隨所說行尸羅是諸佛相如阿耨多羅三藐三菩提尸羅助修道法如定助慧尸羅令人無所畏難如大心膽無所畏懼尸羅是諸功德聚處猶如雪山寶物積聚信等功德諸希有事依止尸羅猶如大海有諸奇異亦如美果依止於樹尸羅與人隨所樂果如隨正智慧者如行即得

尸羅名為無水而淨尸羅則是最上妙香不  
從根莖枝葉華果中出尸羅莊嚴過諸寶飾  
常住其身無能却者尸羅大樂不從五欲生  
後世亦有諸妙樂報尸羅是一切世間天人  
魔梵沙門婆羅門所讚歎者尸羅快樂自在  
身中不從他得生天涅槃之善方便尸羅即  
是信河正濟無有泥陷瓦石荆棘隨意可入  
善渡無礙尸羅是寶財無諸衰惱尸羅是淨  
道無能壞者猶如平路行者無難尸羅是好  
田不種不獲自然獲寶尸羅是甘露果不從

樹草生香美無比尸羅是好華不從水陸生  
常不萎壞尸羅除煩惱熱如冷水洗浴尸羅  
善守護勝諸刀仗行尸羅者不以人畏故而  
得恭敬尸羅是自在處無有諍競尸羅是好  
寶不從山生不從大海出而寶價無量尸羅  
能過不活畏入眾畏考掠畏墮惡道畏尸羅  
常隨逐人今世後世如影隨形  
戒報品第三十六  
菩薩離垢地 清淨具說已 菩薩住此地  
常作轉輪王

第二地於十地中名為離垢慳貪十惡根本  
求盡故名為離垢菩薩於是地中深行尸羅  
波羅蜜是菩薩若未離欲此地果報因緣故  
作四天下轉輪聖王得千輻金輪種種珍寶  
莊嚴其輞真瑠璃為轂周圍十五里百種夜  
叉神所共守護能飛行虛空導四種兵輕捷  
迅疾如金翅鳥王如風如念所詣之處滅諸  
衰患降伏怨賊一切小王皆來歸伏親族人  
民莫不愛敬普能照明聖王姓族種種華鬘  
瓔珞間錯莊校五種妓樂常隨逐之以奇妙

寶蓋羅覆其上行時有種種華香碎末梅檀  
常雨供養燒真黑沉水牛頭梅檀黃梅檀以  
塗其身其輪兩邊天女執持白拂侍立種種  
珍寶以為其蓋其輪有種種希有之事而用  
莊嚴是名金輪寶具足一切象相身大而白  
如真銀山生出神嶽大象家中能飛行虛空  
伊羅婆那安闍那王摩那等諸大象王皆能  
摧却是名白象寶具足馬相色如孔雀頸其  
體輕疾如金翅鳥王飛行無礙是名馬寶貴  
家中生身無疾病有大勢力形體淨潔憶念

深遠直心柔輒持戒堅固深敬愛王能通達  
種種經書伎術是名主兵臣寶如財主天王  
富相具足千萬億種諸寶伏藏常隨逐行千  
萬億種諸夜叉神眷屬隨從皆是先世行業  
之報善知分別金銀帝青大青金剛摩羅竭  
砵磔碼碼珊瑚玻瓈摩尼真珠瑠璃等種種  
寶物悉能善知出入多少隨宜能用能滿王  
願是名居士寶光明如日月照十六由旬形  
如大鼓能滅種種毒蟲惡氣疾病苦痛人天  
見者莫不珍愛好華瓔珞以為莊嚴處在高

幢威光奇特能令衆生發希有心生大歡喜  
是名珠寶其手爪甲紅赤而薄其形脩直高  
隆潤澤不肥不瘦身肉次第肌膚厚實細密  
薄皮不堪苦事身安堅牢如多羅樹身上處  
處吉字明了吉樹文畫莊嚴其身象王牛王  
馬王畫文十五蓋文魚文園林等文十二現其身上  
蹠平不現足如龜背足邊俱赤足跟圓廣躡  
臍柔輒膝圓不現脰如金柱如芭蕉樹如象  
王鼻輒澤光潤臍圓而直橫文有三腹臍不  
現齋圓而深脊背平直乳如頻羅果如雙鴛

鵞圓起不垂柔軟鮮淨又其臂纖臍圓直長  
節隱不現其鼻端直不偏現出不大不小孔  
竅不現兩頰不深平滿不高兩邊俱滿額平  
而長有吉畫文耳軟而垂著無價環齒如真  
珠貫如月初生如雪如珂屑如丹霞如頻婆  
果上下相當不麤不細如赤真珠貫眼白黑  
青二色分明莊嚴長廣光明清淨其睨青緻  
長而不亂眉毛不厚不薄不高不下如月初  
生高曲而長兩邊相似髮軟而細潤澤不亂  
其身芬馨常有香氣如開種種上好香奩身

諸毛孔常出真妙梅檀名香能悅人心口中  
常有青蓮華香身體柔軟如迦陵伽天衣細  
滑之事一切具足心無諂曲直信慚愧深愛  
敬王知時知方善有方便攝取王心坐起言  
語能得王意隨王意行常出愛語如人間德  
女衆好具足色如提盧多摩天女清淨分明  
如月十五日畫文炳現如帝釋夫人舍脂著  
天衣天鬘天香多以天光明金摩尼珠莊校  
其身善知歌儷妓樂娛樂戲笑之事善有方  
便隨意能令王發歡喜一切女中是女爲最

是名玉女寶又轉輪聖王有四如意德一者色貌端嚴於四天下第一無比二無病痛三人民深愛四壽命長遠教誨衆生以十善業能令諸天宮殿充滿能滅阿脩羅衆能薄諸惡趣增益善處能爲衆生多求利事有所施作不用兵仗以法治化天下安樂外無敵國畏內無陰謀畏又其國內無疫病飢餓及諸災橫衰惱之事一切邊生皆所歸伏多有眷屬能疾攝人更無有能侵害國界其四種兵勢力具足諸婆羅門居士庶人皆共愛敬甘

香美食自然而有國界日增無有損減善能通達經書技藝算數呪術皆悉受持巧能論說分別義趣群臣具足悉有威德常行財施無能及者千子端嚴如諸天子威德勇健能破強敵所住宮殿堂閣樓觀如四天王帝釋勝殿王所教誨無有能壞於天下唯有此王威相具足故無能及者音聲深遠易聽易解不散不亂如迦羅頻伽烏美輒和雅聞者悅耳眷屬同心不可沮壞所住之處地水虛空無有障礙威力猛士能堪大事念問於耆

老不欺誑人心無妬嫉不忍非法無有瞋恨  
威儀安詳而不輕躁所言誠實未曾兩舌行  
施持戒常修善心進止知時不失方便神色  
和悅言常含笑未曾皺眉惡眼視人退失利  
者爲之作利仁五已有利者令深知報懷慚愧心  
有大智慧威德尊嚴而能忍辱大丈夫相其  
性猛厲諸所爲事疾能成辦先正思量然後  
乃行王有法眼所爲殊勝善思量者乃與從  
事若不任者更求賢明善集福德財物清淨  
能自防護不破禁戒多饒財寶如毗沙門王

有大勢力如天帝釋端嚴可愛猶如滿月能  
照如日能忍如地心深如海不爲苦樂之所  
傾動如須彌山王風不能搖諸寶妙事之所  
住處諸善福德之所依止是諸一切世間親  
族諸苦惱者之所歸趣無歸作歸無舍作舍  
有怖畏者與不怖畏轉輪聖王有如是等相  
能轉破戒者 令住於善法 其餘所行事  
如初地中說  
轉破戒者能令衆生捨惡行善得安樂事令  
住善法者能轉衆生惡身口意業令行善身

口意業此事如初地中說所謂見諸佛得諸  
三昧但彼數百此地數千以為差別

十住毗婆沙論卷第十五

仁五

什五

音釋

駝何葛切 脇虛業切 憊莫結切 躡子智切  
 駝駝也 脇腋也 憊輕易也 躡乘也  
 膳時戰切 獲胡郭切 萎於危切 輞文紡切  
 膳食物也 獲刈禾也 萎枯也 輞車  
 跟古痕切 躡市充切 臍丑容切 腔部禮切  
 跟足踵也 躡腓腸也 臍均直也 腔股也  
 也輞所漆也 也輞切 翅施智切 髮莫班切 踝戶瓦切  
 也輞切 也輞切 也輞切 也輞切

齋前西切 頰古協切 皎即涉切 緻直利切  
 齋與臍同 頰面旁也 皎旁毛也 緻目  
 屯盛力占切 僂與舞同 躁則到切 不不  
 屯盛力占切 僂與舞同 躁則到切 不不